

॥ श्री गुरुभ्यो नमः ॥



॥ हरिः ओम् ॥





COLLECTION OF VARIOUS
-> HINDUISM SCRIPTURES
-> HINDU COMICS
-> AYURVEDA
-> MAGZINES

FIND ALL AT [HTTPS://DSC.GG/DHARMA](https://dsc.gg/dharma)

Made with



By

Avinash/Shashi

**Icreator of
hinduism
server!**

KAPWING



COLLECTION OF VARIOUS
-> HINDUISM SCRIPTURES
-> HINDU COMICS
-> AYURVEDA
-> MAGZINES

FIND ALL AT [HTTPS://DSC.GG/DHARMA](https://dsc.gg/dharma)

Made with



By

Avinash/Shashi

**Icreator of
hinduism
server!**

KAPWING

VEDA MANTRA

Collection of Mantras
as taught by

Shri M K Sivan

[Disciple of Gururji Shri S S Iyer, Arunalaya, Dombivli (East)]

At

Lakshmi Sabha Gruha
GMES High School Stilt
Vile Parle (East)

Compiled By Shri N K Venkitaraman.

[For a free copy of printable PDF file write to nkv.nvr@gmail.com]

(All texts have been carefully proof-read. Every effort has been made to ensure that no errors exist in these texts. If you find an error, please report it so that it can be corrected.)

BOOK –1

UDAGASHANTI & SHANTI JAPAM



SR NO	DETAILS	PAGE
1	SUDARSHANA MANTRAM	5
2	GANAPATHI PRARTHANA	5
3	SARASWATHI PRARTHANA	5
4	GANPATYATHARVA SHERSHAM	6
5	VARUNA JAPAM	9
6	UDAKASHANTI	16
7	Vedadaya	17
8	Krunushva Paaja	17
9	Raashtrbrutham	22
10	Panchachoda	25
11	Aprathiratham	26
12	Vihavyam	28
13	Mrugaram	29
14	Sarpaahuti	31
15	Gandharvaahuti	32
16	Agyaani	33
17	Atharvashirasam	34
18	Pratyangirasam	34
19	Nakshatravaakyam	44
20	Swahakaram	53
21	Pavamanam	58
22	Prokshana Mantram	60
23	SHANTIJAPAM	62
24	Vedadaya	63
25	Rakshognam	63
26	Aapyaa	65
27	Pavamana Sooktam	66
28	Vaastoshpada Mantram	68
29	Varuna Sooktam	68
30	Brahma Sooktam	69
31	Vishnu Sooktam	69
32	Rudra Sooktam	70
33	Durga Sooktam	71
34	Shree Sooktam	72
35	Bhoo Sooktam	73
36	Bhagya Sooktam	74
37	Mrityu Sooktam	75
38	Aayushya Sooktam	79
39	Navagruha Sooktam	80
40	Dikhpaalaka	82



SR NO	DETAILS	PAGE
41	Nakshatra Vaakyam	83
42	Swahaagaram	89
43	Pancha Shanti	91
44	Namakam	92
45	Chamakam	99
46	Purusha Sooktam	102
47	Uttara Narayanam	103
48	Maha Narayanam	104
49	Nachiketam	105
50	Mruta Sanjeevani Sooktam	112
51	Hrichaam Praachi	113
52	Saptakanta 1 st Panchati	115
53	Ashtakatraya 1 st Panchati	118
54	Ghosha Shanti	121
55	SOOKTAS (not part of Shanti Japam)	126
56	Oshadi Sooktam	126
57	Medha Sooktam	128
58	Neela Sooktam	129
59	Eikamatya Sooktam	130
60	Saraswati Sooktam	131
61	Sarpa Sooktam	132
62	Swasthi Sooktam	133
63	Deevi Sooktam	134
64	MANTRAPUSHPAM	135
65	JAYAADI HOMAM	137
66	POORNAHUTI	143



॥ सुदर्शन मंत्रं ॥

ॐ क्लीम् कृष्णाय गोविन्दाय गोपीजन वल्लभाय पराय परम् पुरुषाय
परमात्मने । पर कर्म मन्त्र तन्त्र यन्त्रौषधास्त्र शस्त्राणि संहर संहरा
मृत्योर् मोचय मोचया । ॐ नमो भगवते महा सुदर्शनाय दीप्त्रे
ज्ज्वाला परीताय सर्व दिक्क्षोभण कराय हुम्फट् भ्रमणे परम् ज्योतिषे
स्वाहाः ॥

॥ श्री गुरुभ्यो नमः । हरिः ओम् । ॥

॥ गणपति ध्यानम् ॥

ॐ गणानां त्वा गणपतिं हवामहे कविं कवीनामुपमश्रवस्तमं ।
ज्येष्ठराजं ब्रम्हणां ब्रम्हणस्पत आ नः शृण्वन्नूतिभिस्सीद सादनं ॥

॥ ॐ श्री महागणपतये नमः ॥

॥ सरस्वति प्रार्थना ॥

प्र णो देवी सरस्वती वाजेभिर्वाजिनीवती । धीनाम्वित्र्यवतु ॥

॥ वाग्देव्यै नमः ॥



॥ गणपत्यथर्वशीर्षोपनिषत् ॥

ॐ भद्रं धदातु ॥

ॐ भद्रं कर्णेभिः शृणुयाम देवाः । भद्रं पश्येमा क्षभिर्यजत्राः ।

स्थिरैरङ्गैः स्तुष्टुवाꣳ सस्तनूभिः । व्यशेम देवहितं यदायुः । स्वस्ति न इन्द्रो वृद्धश्रवाः ।

स्वस्ति नः पूषा विश्ववेदाः । स्वस्ति नस्तार्क्ष्यो अरिष्टनेमिः ।

स्वस्ति नो बृहस्पतिर्दधातु ॥ ॐ शान्तिः शान्तिः शान्तिः ॥

ॐ नमस्ते गणपतये । त्वमेव प्रत्यक्षं तत्त्वमसि । त्वमेव केवलं कर्तासि ।

त्वमेव केवलं धर्तासि । त्वमेव केवलं हर्तासि । त्वमेव सर्वं खल्विदं ब्रह्मासि ।

त्वं साक्षादात्मासि नित्यम् ॥

ऋतं वच्मि । सत्यं वच्मि ॥

अव त्वं माम् । अव वक्तारम् । अव श्रोतारम् । अव दातारम् । अव धातारम् ।

अवानूचानमव शिष्यम् । अव पश्चात्तात् । अव पुरस्तात् । अवोत्तरात्तात् ।

अव दक्षिणात्तात् । अव चोर्ध्वात्तात् । अवाधरात्तात् ।

सर्वतो मां पाहि पाहि समन्तात् ॥

त्वं वाङ्मयस्त्वं चिन्मयः । त्वमानन्दमयस्त्वं ब्रह्ममयः ।

त्वं सच्चिदानन्दा द्वितीयोऽसि । त्वं प्रत्यक्षं ब्रह्मासि । त्वं ज्ञानमयो विज्ञानमयोऽसि ॥

सर्वं जगदिदं त्वत्तो जायते । सर्वं जगदिदं त्वत्तस्तिष्ठति ।

सर्वं जगदिदं त्वयि लयमेष्यति । सर्वं जगदिदं त्वयि प्रत्येति ।

त्वं भूमिरापोऽनलोऽनिलो नभः । त्वं चत्वारि वाक्पदानि ॥



त्वं गुणत्रयातीतः । त्वं अवस्थात्रयातीतः । त्वं देहत्रयातीतः । त्वं कालत्रयातीतः ।
त्वं मूलाधारस्थितोऽसि नित्यम् । त्वं शक्तित्रयात्मकः ।
त्वां योगिनो ध्यायन्ति नित्यम् । त्वं ब्रह्मा त्वं विष्णुस्त्वं रुद्रस्त्व-मिन्द्रस्त्व-मग्निस्त्वं
वायुस्त्वं सूर्यस्त्वं चन्द्रमास्त्वं ब्रह्मा भूर्भुवः स्वरोम् ॥

गणादिं॑ पूर्वमुच्चार्य॑ वर्णादिं॑-स्तदनन्तरम् । अनुस्वारः परतरः । अर्धेन्दुलसितम् ।
तारेण॑ ऋद्धम् । एतत्तव॑ मनुस्वरूपम् । गकारः॑ पूर्वरूपम् । अकारो मध्यमरूपम् ।
अनुस्वार॑ श्रान्तरूपम् । बिन्दुरुत्तररूपम् । नादः सन्धानम् । संहिता सन्धिः ।
सैषा गणेशविद्या । गणक॑ ऋषिः । निचृद्वायत्री छन्दः । गणपति-देवता ।

ॐ गं गणपतये नमः ॥

एकदन्ताय॑ विद्महे॑ वक्रतुण्डाय॑ धीमहि । तन्नो॑ दन्तिः प्रचोदयात् ॥
एकदन्तं॑ चतुर्हस्तं॑ पाशमङ्कुशधारिणम् । रदं॑ च वरदं॑ हस्तैर्विभ्राणं॑ मूषकध्वजम् ।
रक्तं॑ लम्बोदरं॑ शूर्पकर्णकं॑ रक्तवाससम् । रक्तगन्धानुलिप्ताङ्गं॑ रक्तपुष्पैः सुपूजितम् ।
भक्तानु॑ कम्पिनं॑ देवं जगत्कारणमच्युतम् । आविर्भूतं॑ च सृष्ट्यादौ॑ प्रकृतेः॑ पुरुषात्परम् ।
एवं॑ ध्यायति॑ यो नित्यं॑ स योगी॑ योगिनां॑ वरः ॥

नमो ब्रातपतये नमो गणपतये नमः प्रमथपतये नमस्तेऽस्तु लम्बोदराय एकदन्ताय
विघ्नविनाशिने शिवसुताय श्रीवरदमूर्तये नमः ॥

एतदथर्वशीर्षं॑ योऽधीते । स ब्रह्मभूयाय॑ कल्पते । स सर्वविघ्नैर्न बाध्यते ।
स सर्वतः॑ सुखमेधते । स पञ्चमहापापात् प्रमुच्यते ।
सायमधीयानो॑ दिवसकृतं पापं नाशयति । प्रातरधीयानो॑ रात्रिकृतं पापं नाशयति ।



सा॒यं प्रा॒तः प्र॒यु॒ञ्जानो॑ पा॒पोऽपा॒पो भ॒वति॑ । ध॒र्मार्थ॑का॒ममो॑क्षं च वि॒न्दति॑ ।

इ॒दम॑थर्वशी॒र्षम॑शि॒ष्याय॑ न दे॒यम् । यो यदि॑ मो॒हाद् दा॒स्यति॑ । स पा॒पीया॑न् भ॒वति॑ ।
सह॑स्राव॒र्तना॑द्यं यं का॒मम॑धी॒ते । तं त॑म॒नेन॑ सा॒धये॑त् ॥

अ॒नेन॑ ग॒णप॑तिम॒भिषि॑ञ्चति । स वा॒ग्मी भ॒वति॑ । च॒तु॒र्थ्याम॑न॒श्नन् ज॑पति ।
स वि॒द्यावा॑न् भ॒वति॑ । इ॒त्यथ॑र्व॒णवा॑क्यम् । ब्र॒ह्मा॒द्याव॑रणं वि॒द्यात् ।
न॒बिभे॑ति क॒दाच॑नेति ॥

यो दू॒र्वाङ्कुरै॑र्यजति । स वै॒श्रव॑णोप॒मो भ॒वति॑ । यो ला॒जैर्य॑जति । स य॒शोवा॑न् भ॒वति॑ ।
स मे॒धावा॑न् भ॒वति॑ । यो मो॒दक॑सह॒स्रेण॑ यजति । स वा॒ञ्छित॑ फ॒लम॑वाप्नोति ।
यः सा॒ज्य स॑मि॒द्ध्यैर्य॑जति । स स॒र्व ल॑भते स स॒र्व ल॑भते ॥

अ॒ष्टौ ब्रा॑ह्म॒णान् स॑म्यग् ग्रा॒हयित्वा॑ । सू॒र्यव॑र्चस्वी भ॒वति॑ ।
सू॒र्यग्र॑हे म॒हान॑द्यां प्र॒तिमा॑सन्निधौ वा ज॒प्त्वा । सि॒द्धम॑त्रो भ॒वति॑ ।
महा॑वि॒घ्नात् प्र॑मुच्यते । महा॑दो॒षात् प्र॑मुच्यते । महा॑प्र॒त्यवा॑यात् प्र॑मुच्यते ।
महा॑पा॒पात् प्र॑मुच्यते । स स॒र्ववि॑द्भवति स स॒र्ववि॑द्भवति । य ए॒वं वेद॑ । इ॒त्युप॑निषत् ॥

सह॑ ना॒वव॑तु । सह॑ नौ भु॒नक्तु॑ । सह॑ वी॒र्यं॑ क॒रवा॑वहै ।

ते॒जस्वि॑ ना॒वधी॑तमस्तु मा वि॒द्विषा॑वहै ॥

ॐ शान्तिः॑ शान्तिः॑ शान्तिः॑ ॥

ॐ भद्रं॑ ध॒दातु॑ ॥

ॐ शान्तिः॑ शान्तिः॑ शान्तिः॑ ॥



॥ वरुण जपम् ॥

इ॒मं मे॑ वरु॒ण श्रु॒धी ह॒व म॒ध्याच॑ मृ॒डय॑ त्वा॒मव॑ स्यु॒राच॑के

तत्त्वा॑यामि ब्र॒ह्मणा॑ व॒न्द॒मान॑ स्त॒दा शा॑स्ते यज॒मानो॑ ह॒विर्भिः॑ ।

अहे॑ड॒मानो॑ वरु॒णेह॑ बो॒ध्यु॒रुश॑ꣳ स॒मान॑ आ॒युः प्र॒मोषीः॑ ॥

अस्मिन् कुंभे वरुणं ध्यायामि वरुणं आवाहयामि । वरुणाय नमः ।

रत्न सिंहासनं समर्पयामि । पाद्यं समर्पयामि । अर्घ्यं समर्पयामि ।

आचमनियं समर्पयामि । मधु पक्कं समर्पयामि । स्नानं समर्पयामि ।

स्नानानन्तरं आचमनियं समर्पयामि । वस्तोतरियं समर्पयामि ।

उपवीतं समर्पयामि । गन्धान् धारयामि । गन्धस्योऽपरि अक्षतान् समर्पयामि ।

पुष्पाणि पूजयामि ।

ओं वरुणाय नमः । ओं प्रचेतसे नमः । ओं सुरूपिणे नमः ।

ओं अपां पत्ये नमः । ओं मकर वाहनाय नमः । ओं जलाधिपत्ये नमः ।

ओं पाशहस्ताय नमः । ओं अनर्कमणि भूषणाय नमः ।

ओं वरुणाय नमः । नानाविध परिमल पुष्पाणि समर्पयामि ।

धूपमाग्रापयामि । दीपं दर्शयामि ।

धूप दीपानन्तरं आचमनीयं समर्पयामि ।

नैवेद्यं -

ओं भूः भुवः स्सुवः । ओं तत्सवितुर्वरेण्यं भर्गो देवस्य धीमहि ।

धियो यो नः प्रचोदयात् ॥

देव सवितः प्रसुव । सत्यं त्वर्तेन परिषिंचामि ।



अमृतोपस्तरणमसि । ॐ प्राणाय स्वाहा ॥ ॐ अपानाय स्वाहा ॥
 ॐ व्यानाय स्वाहा ॥ ॐ उदानाय स्वाहा ॥ ॐ समानाय स्वाहा ॥ ॐ ब्रह्मणे स्वाहा ॥
 वरुणाय नमः । कदलीफलं महा नैवेद्यं निवेदयामि । अमृतापिधानमसि ।
 आचमनियं समर्पयामि । ताम्बूलं समर्पयामि । मन्त्र पुष्पम् समर्पयामि ।
 सुवर्णं पुष्पम् समर्पयामि । समस्तोपचारान् समर्पयामि ।
 सर्वेभ्यो ब्राह्मणेभ्यो नमः । पुण्याहजपकर्म कुरुध्वम् ॥
 कुंभं स्पृष्ट्वा ।

ब्राह्मणान् प्रतिप्रश्नः

ओं भवद्भिः अनुज्ञातः पुण्याहं वाचयिष्ये

ओं कर्मणः पुण्याहं भवन्तो ब्रुवन्तु

ओं कर्मणे स्वस्ति भवन्तो ब्रुवन्तु

ओं रुद्रैकादशिनारख्य महाप्रायश्चित्त)

कर्मणे स्वस्ति भवन्तो ब्रुवन्तु)

ओं सर्वोपकरण शुद्धि कर्मणे स्वस्ति)

भवन्तो ब्रुवन्तु)

ओं कर्मणः ऋद्धिं भवन्तो ब्रुवन्तु

ओं ऋद्धिः समृद्धिः पुण्याह समृद्धिः शिवं कर्म

ओं आदित्यात्मक श्रीरुद्रः प्रियताम्

(ततः कुंभस्य उत्तरतः अन्यस्मिन् पात्रे कूर्चेन कुंभात् उतकं आसिञ्चति)

शान्तिः अस्तु । पुष्टिः असतु । तुष्टिः असतु । ऋद्धिः असतु । अविघ्नमस्तु ।

ब्राह्मण प्रतिवचनम्:

ओं वाच्यताम्

ओं पुण्याहं कर्मणोऽस्तु

ओं स्वस्ति कर्मणोऽस्तु

(ओं रुद्रैकादशिनारख्य

(महाप्रायश्चित्त कर्मणे स्वस्ति

ओं सर्वोपकरण शुद्धि कर्मणे स्वस्ति

ओं कर्म ऋद्धयतां

अस्तु

प्रियताम् भगवान् आदित्यात्मक श्रीरुद्रः



आयुष्यमस्तु । आरोग्यमस्तु । धनधान्य समृद्धिरस्तु । गोब्राह्मणेभ्यः शुभं भवतु ।
बहिर् देशे अरिष्ट निरसनम् असतु । उत्तरे कर्मणि अविघ्नमस्तु ।
उत्तरोत्तराभि वृद्धिः असतु । सर्व शोभनम् असतु । सर्वाः संपदः असतु ।
(पात्रोत्सिक्तं उदकं कुंभे निनीय । कुंभं स्पृष्ट्वा । जपं कुर्यात् ।)

ॐ शान्तिः शान्तिः शान्तिः ॥

दधिक्रावृष्णो अकारिषम् । जिष्णोरश्वस्य वाजिनः । सुरभिनो मुखाकरत् ।
प्रणायूषितारिषत् । आपोहिष्ठा मयो भुवस्तान ऊर्जे दधातन । महेरणाय
चक्षसे ॥ योवः शिवतमो रसस्तस्य भाजयतेहनः । उशतीरिव मातरः ॥
तस्मा अरंगमाम वो यस्य क्षयाय जिन्वथ । आपो जनयथा च नः ॥
पवमान सूक्त जपं कुर्यात् :

हिरण्यवर्णाः इशुचयः पावका यासु जातः कश्यपो यास्विन्द्रः ।
अग्निं या गर्भम् दधिरे विरूपास्तान आपश्शस्योना भवन्तु ॥
यासां राजा वरुणो याति मध्ये सत्यानृते अवपश्यम् जनानाम् ।
मधुश्रुतश्शुचयो याः पावकास्ता न आपश्शस्योना भवन्तु ॥
यासाम् देवा दिवि कृण्वन्ति भक्षं या अन्तरिक्षे बहुधा भवन्ति ।
याः पृथिवीम् पयसोन्दन्ति शुक्रास्ता न आपश्शस्योना भवन्तु ॥
शिवेन मा चक्षुषा पश्यताप शिशवया तनुवोप स्पृशत त्वचम् मे ।
सर्वा अग्नी रप्सुषदो हुवो वो मयि वर्चो बलमोजो निधत्त ॥
पवमानस्सुवर्जनः । पवित्रेण विचर्षणिः । यः पोता स पुनातु मा ।
पुनन्तु मा देवजनाः । पुनन्तु मनवो धिया । पुनन्तु विश्व आयवः ।
जातवेदः पवित्रवत् । पवित्रेण पुनाहि मा । शुक्रेण देवदीद्यत् ।



अग्ने॑ क्र॒त्वा क्र॒तूँ र॒नु । य॒त्ते प॒वि॒त्रम॒र्चि॒षि । अ॒ग्ने वि॒त॒तम॒न्तरा॑ ।
 ब्र॒ह्म ते॒न पु॒नीम॒हे । उ॒भाभ्यां॑ दे॒वस॒वितः॑ । प॒वि॒त्रेण॑ स॒वेन॑ च ।
 इ॒दं ब्र॒ह्म पु॒नीम॒हे । वै॒श्वदे॒वी पु॒नती॑ दे॒व्यागा॑त् । य॒स्यै ब॒ह्वीस्त्त॒नुवो॑ वी॒तपृ॑ष्ठाः ।
 तया॑ म॒द॒न्तः स॒धमा॑द्येषु । व॒यँ स्या॑म प॒तयो॑ र॒यीणा॑म् ।
 वै॒श्वान॒रो र॒श्मिभि॑र्मा पु॒नातु॑ । वा॒तः प्रा॒णेने॑षि॒रो म॒यो भूः ।
 ध्या॒वापृ॒थि॒वी प॒यसा॑ प॒योभिः॑ । ऋ॒ताव॑री य॒ज्ञिये॑ मा पु॒नीता॑म् ।
 बृ॒ह॒द्भिः स॒वित॑स्तृ॒भिः । व॒रू॒षि॒ष्ठैर्दे॒वम॒न्मभिः॑ । अ॒ग्ने द॒क्षैः पु॒नाहि॑ मा ।
 ये॒न दे॒वा अ॒पुन॑त । ये॒नापो॑ दि॒व्यं क॑शः । ते॒न दि॒व्येन॑ ब्र॒ह्मणा॑ ।
 इ॒दं ब्र॒ह्म पु॒नीम॒हे । यः पा॒वमा॑नीर॒ध्येति॑ । ऋ॒षिभि॑स्स॒म्भृत॑ँ र॒सम् ।
 स॒र्वँ स पू॑तम॒श्नाति॑ । स्व॒दि॒तम् मा॒तर॑श्चि॒ना । पा॒वमा॑नीर्यो॒ अध्ये॑ति ।
 ऋ॒षिभि॑स्स॒म्भृत॑ँ र॒सम् । तस्मै॑ स॒रस्व॑ती दु॒हे । क्षी॒रँ सर्पि॑र्म॒धूद॑कम् ।
 पा॒वमा॑नीस्स्व॒स्त्य॒नीः । सु॒दु॒घाहि॑ प॒यस्व॑तीः । ऋ॒षिभि॑स्स॒म्भृतो॑ र॒सः ।
 ब्रा॒ह्म॒णेष्व॑मृ॒तँ हि॒तम् । पा॒वमा॑नीर्दि॒शन्तु॑ नः । इ॒मं लो॒कम॑थो॒ अमु॑म् ।
 का॒मा॒न्त्सम॑र्ध॒यन्तु॑ नः । दे॒वीदे॒वैः स॒माभृ॑ताः । पा॒वमा॑नीस्स्व॒स्त्य॒नीः ।
 सु॒दु॒घाहि॑ घृ॒तश्चु॑तः । ऋ॒षिभि॑स्सं॒भृतो॑ र॒सः । ब्रा॒ह्म॒णेष्व॑मृ॒तँ हि॒तम् ।
 ये॒न दे॒वाः प॒वि॒त्रेण॑ । आ॒त्मानं॑ पु॒नते॑ स॒दा । ते॒न स॒हस्र॑धा॒रेण॑ ।
 पा॒वमा॑न्यः पु॒नन्तु॑ मा । प्रा॒जाप॑त्यम् प॒वि॒त्रम् । श॒तो॒ध्या॑मँ हिर॒ण्म॒यम् ।
 ते॒न ब्र॒ह्म वि॒दो व॒यम् । पू॒तं ब्र॒ह्म पु॒नीम॒हे । इ॒न्द्रस्सु॑नी॒ती स॒हमा॑ पु॒नातु॑ ।
 सो॒मस्स्व॑स्त्या व॒रु॒ण स्स॑मी॒च्या । य॒मो र॒जा प्र॑मृ॒णाभिः॑ पु॒नातु॑ मा ।
 जा॒तवे॑दा मो॒र्जय॑न्त्या पु॒नातु॑ । भूर्भु॑वस्सु॒वः ।
 तच्छं॑ यो॒रावृ॑णीम॒हे । गा॒तुं य॒ज्ञाय॑ । गा॒तुं य॒ज्ञप॑तये ।



दै॒वीस्स्व॑स्ति॒रस्तु॑नः । स्व॒स्ति॒र्मा॒नु॒षे॒भ्यः । ऊ॒र्ध्वं जि॑गातु भे॒षज॑म् ।
शन्नो॑ अस्तु द्वि॒पदे॑ । शं चतु॑ष्पदे ।

ॐ शान्ति॑श्शान्ति॑श्शान्तिः ।

नमो॑ ब्रह्म॑णे नमो॑ अस्त्व॒ग्नये॑ नमः पृथि॒व्यै नम॑ ओष॒धीभ्यः॑ ।

नमो॑ वा॒चे नमो॑ वा॒चस्प॑तये नमो॑ वि॒ष्णवे॑ बृ॒हते॑ करोमि ॥

ॐ शान्ति॑श्शान्ति॑श्शान्तिः ।

वास्तो॑ष्पत मंत्रं जपं कुर्यात् :

वास्तो॑ष्पते प्रति॒जानी॑ ह्यस्मान् स्वा॒वेशो॑ अन॒मीवो॑ भवानः ।

यत्वे॑ महे॒ प्रति॑ तन्नो जुषस्व शन्न ए॒धि द्वि॒पदे॑ शं चतु॑ष्पदे ।

वास्तो॑ष्पते श॒ग्मया॑ स॒सदा॑ते सक्षी॒म-हि॒रण्य॑या गतु॒मत्या॑ ।

आवः॑ , क्षेम॑ उत॒ योगे॑ वरन्नो यूयं पात स्व॒स्तिभि॑ स्सदा॒नः ।

वास्तो॑ष्पते प्र॒तर॑णो न ए॒धि गो॑भिरश्चे भिरि॒न्दो ।

अज॑रासस्ते सख्ये॒ स्याम॑ पि॒तेव॑ पु॒त्रान् प्रति॑नो जुषस्व ।

अमी॑वहा वास्तो॑ष्पते वि॒श्वा रू॒पाण्या॑ वि॒शन्नू॑ । सखा॑ सु॒शेव॑ ए॒धिनः॑ ।

शिव॑श्च शिवं भूर्भुव॑स्सुवो भूर्भुव॑स्सुवो भूर्भुव॑स्सुवः ॥

वरु॑णाय नमः । सकल॑ाराधनै स्व॒र्चितं॑ ।

तत्त्वा॑यामि ब्रह्म॑णा वन्द॒मान॑ स्तदा शा॒स्ते यज॑मानो ह॒विर्भिः॑ ।

अहे॑डमानो वरु॒णेह॑ बो॒ध्युरु॑श्च॒ समान॑ आयुः प्रमो॑षीः ॥

अस्मात् कुं॑भात् वरु॒णं यथा॑स्थानम् प्रतिष्ठापयामि ।

शोभ॑नार्थे क्षेमाय पुनरागमनाय च ।



प्रोक्षण मंत्र जपं कुर्यात् :

आपोहिष्ठा मयो भुवस्तान ऊर्जे दधातन । महेरणाय चक्षसे ॥

योवः शिवतमो रसस्तस्य भाजयतेहनः । उशतीरिव मातरः ॥

तस्मा अरंगमाम वो यस्यक्षयाय जिन्वथ । आपो जनयथा च नः ॥

देवस्य त्वा सवितुः प्रसवे । अश्विनोर्बाहुभ्याम् । पूष्णो हस्ताभ्याम् ।

अश्विनो भैषज्येन । तेजसे ब्रह्मवर्चसाया भिषिञ्चामि ॥

देवस्य त्वा सवितुः प्रसवे । अश्विनोर्बाहुभ्याम् । पूष्णो हस्ताभ्याम् ।

सरस्वत्यै भैषज्येन । वीर्याया न्नाद्याया भिषिञ्चामि ॥

देवस्य त्वा सवितुः प्रसवे । अश्विनोर्बाहुभ्याम् । पूष्णो हस्ताभ्याम् ।

इन्द्रस्येन्द्रियेण । श्रियै यशसे बलाया भिषिञ्चामि ॥

सोमः राजानं वरुण मग्नि मन्वार भामहे ।

आदित्यान् विष्णुः सूर्यं ब्रह्माणं च बृहस्पतिम् ।

देवस्य त्वा सवितुः प्रसवेऽश्विनोर्बाहुभ्यां पूष्णो हस्ताभ्याम्

सरस्वत्यै वाचो यन्तु र्यन्त्रेणा ग्रेस्त्वा साम्राज्येना भिषिञ्चामी

न्द्रस्यत्वा साम्राज्येना भिषिञ्चामि बृहस्पतेस्त्वा साम्राज्येनाभिषिञ्चामि ॥

आयुराशास्ते । सुप्रजास्त्व माशास्ते । सजात वनस्या माशास्ते ।

उत्तरां देव यज्या माशास्ते । भूयो हविष्करण माशास्ते । दिव्यं धामाशास्ते ।

विश्वं प्रिय माशास्ते । यदनेन हविषाऽऽशास्ते । तदश्या तदृ ध्यात् ।

तदस्मै देवारा सन्ताम् । तदग्नि देवो देवेभ्यो वनते । वय मग्ने मानुषाः ।

इष्टं च वीतं च । उभे च नो द्यावा पृथिवी अहसः स्पाताम् ।



॥ उदकशान्ति मन्त्राः ॥

ब्रह्मजज्ञानं प्रथमं पुरस्ता द्विसीमतस्सुरुचो वेन आवः ।

सबुद्धिया उपमा अस्यविष्ठाः सतश्च योनिमसत्श्चविवः ॥

आपो वा इदं सर्वं विश्वा भूतान्यापः प्राणा वा आपः पशव

आपोऽन्नमापोऽमृतमापः सम्राडापो विराडापः स्वराडाप इच्छन्दाऽस्यापो

ज्योतीऽष्यापो यजूऽष्याप स्सत्यमाप स्सर्वा देवता आपो भूर्भुवस्सुवराप ओं ॥

अपः प्रणयति । श्रद्धावा आपः । श्रद्धां एवारभ्य प्रणीय प्रचरति ।

अपः प्रणयति । यज्ञो वा आपः । यज्ञं एवारभ्य प्रणीय प्रचरति ।

अपः प्रणयति । वज्रो वा आपः । वज्रमेव भ्रातृव्येभ्यः प्रहृत्य प्रणीय प्रचरति ।

अपः प्रणयति । आपो वै रक्षोघ्नीः । रक्षसां अपहत्यै ।

अपः प्रणयति । आपो वै देवानां प्रियंधाम । देवानामेव प्रियंधाम प्रणीय प्रचरति ।

अपः प्रणयति । आपो वै सर्वा देवताः । देवता एवारभ्य प्रणीय प्रचरति ।

आपोवैशान्ताः । शान्ताभिरेवास्य शुचं शमयति ॥

देवो वस्सवितोत्पुना त्वच्छिद्रेण पवित्रेण वसोसूर्यस्य रश्मिभिः ।

स हि रत्नानि दाशुषै सुवाति सविता भगः । तं भागं चित्रमीमहे ॥

ॐ अग्निमीळे पुरोहितं यज्ञस्य देवमृत्विजम् । होतारं रत्नधातमम् ॥

इषेत्वो जेत्वा वायवस्थोपायवस्थ देवो वः सविता प्रार्पयतु श्रेष्ठतमाय कर्मणे ॥

अग्न आयाहि वीतये गृणानो हव्यदातये । निहोता सत्सि बर्हिषि ॥

शन्नो देवीरभिष्टय आपो भवन्तु पीतये । शंयोरभिस्रवन्तु नः ॥



कृ॒णु॒ष्व पा॒जः प्र॒सि॒ति॒न्न पृ॒थ्वी या॒हि रा॒जे वा॒मवा॑ꣳ इ॒भेन॑ ।
 तृ॒ष्वीम॒नु प्र॒सि॒तिं द्रू॒णानो॑ ऽस्ता॒ऽसि वि॒ध्य-र॒क्ष स॒स्तपि॑ष्ठैः ॥
 तव॑ भ्र॒मास॑ आ॒शुया॑-प॒तं त्य॑नु-स्पृ॒श-धृ॒षता॑ शो॒शुचा॑नः ।
 तपू॑ꣳष्य॒ग्ने जु॒ह्वा-प॒त ज्ञा॑नस॒न्दि॒तो वि॒सृज॑ वि॒ष्वगु॑ल्काः ॥
 प्र॒ति-स्पृ॑शो वि॒सृज॑ तू॒र्णित॑मो भ॒वा पा॒युर्वि॑शो अ॒स्या अ॒द॒ब्धः ।
 यो नो॑ दू॒रे अ॒घश॑ꣳ सो॒यो अ॒न्त्य॒ग्ने मा॒कि॒ष्टे व्य॑थि॒राद॑ध॒र्षीत् ॥
 उ॒द॒ग्ने ति॑ष्ठ प्र॒त्याऽऽत॑नु॒ष्व न्य॑मि॒त्राꣳ ओ॒षता॑ त्ति॒ग्महे॑ते ।
 यो नो॑ अ॒राति॑ꣳ स॒मि॒धान॑-च॒क्रे नी॒चातं॑-ध॒क्ष्यत॑ सं॒न्न-शु॑ष्कम् ॥
 ऊ॒र्ध्वो भ॒व प्र॒ति वि॒ध्या-ध्य॑स्म॒दा वि॒ष्कृ॑णु॒ष्व दै॒व्या॒न्य॒ग्ने ।
 अ॒व-स्थि॑रा त॒नुहि॑-यातु॒ जूनां॑ जा॒मिम॑जा॒मिं प्र॑मृ॒णीहि॑ श॒त्रून् ॥
 स ते॑ जा॒नाति॑ सु॒मतिं॑ य॒विष्ठ॑ य ई॒वते॑ ब्र॒ह्म॒णे गा॒तुमै॑रत् ।
 वि॒श्वा॒न्य॒स्मै सु॒दिना॑ नि॒रायो॑ द्यु॒म्ना॒न्य॒र्यो वि॒दुरो॑ अ॒भि-द्यौ॑त् ॥
 से॒द॒ग्ने अ॒स्तु सु॒भग॑स्सु॒दानु॑-र्य॒स्त्वा नि॒त्येन॑ ह॒विषा॑ य उ॒क्थैः ।
 पि॒प्री॑षति स्व-आ॒युषि॑ दुरो॒णे वि॒श्वेद॑स्मै सु॒दिना॑ सा॒सदि॑ष्टिः ॥
 अ॒र्चामि॑ ते सु॒मतिं॑ घो॒ष्यर्वा॑क्-स॒न्तेवा॑ वा॒ता ज॒रता॑मि॒यंगीः ।
 स्व॒श्वा॒स्त्वा सु॒रथा॑ म॒र्जये॑ मा॒स्मे क्ष॒त्राणि॑ धा॒रये॑ र॒नुद्यू॑न् ॥
 इ॒हत्वा॑ भू॒र्या च॑रेदु॒ प॒त॒म॒न्तोषा॑ व॒स्तर्दी॑ दि॒वाꣳस॑म॒नु द्यू॑न् ।
 क्री॒डन्त॑स्त्वा सु॒मन॑स॒ स्सपे॑मा॒भि द्यु॒म्ना त॑स्थि॒वाꣳ सो ज॑ना॒नाम् ॥
 य॒स्त्वा स्व॑श्च॒ स्सु॒हि॒रण्यो॑ अ॒ग्न उप॑याति व॒सु॒मता॑ रथेन ।
 तस्य॑-त्रा॒ता भ॑व॒सि तस्य॑-स॒खा य॒स्त आ॑तिथ्य॒ मानु॑ष॒गू जु॑जोषत् ॥
 महो॑ रु॒जामि॑ ब॒न्धुता॑ व॒चो॒भि स्त॑न्मा पि॒तु-गो॑त॒मा द॑न्वि॒याय॑ ।



त्वन्नो अस्य वचसश्चिकिद्धि होतर्यविष्ठ सुक्रतो दमूनाः ॥
 अस्वप्न जस्तरणय स्सुशेवा अतन्द्रासोऽवृका अश्रमिष्ठाः ।
 ते पायव स्सध्रियञ्चो निषद्याऽग्ने तव नः पान्त्वमूर ॥
 ये पायवो मामतेयन्ते अग्ने पश्यन्तो अन्धन्दुरितादरक्षन् ।
 ररक्षतान् त्सुकृतो विश्ववेदा दिप्सन्त इद्रिपवो नाह देभुः ॥
 त्वया वयं सधन्यस्त्वोता स्तव-प्रणीत्य श्याम वाजान् ।
 उभा शंससूदय सत्यतातेऽनुष्ठुया कृणुह्य हयाण ॥
 अया ते अग्ने समिधा विधेम प्रति स्तोमं शस्यमानं गृभाय ।
 दहाशसो रक्षसः पाह्यस्मान् द्रुहो निदो मित्रमहो अवद्यात् ॥
 रक्षोहणं वाजिनमाऽऽजिघर्षि मित्रं प्रथिष्ठ मुपयामि शर्म ।
 शिशानो अग्निः क्रतुभिस्समिद्ध स्सनो दिवा सरिषः पातु नक्तम् ॥
 विज्योतिषा बृहता भात्याग्नि रावि विश्वानि कृणुते महित्वा ।
 प्रादेवीर्माया स्सहते दुरेवाः शिशीते शृङ्गे रक्षसे विनिक्षे ॥
 उत स्वानासो दिविष-न्त्वग्ने स्तिग्मा युधा रक्षसे हन्त वा उ ।
 (मदे चिदस्य प्ररुजन्ति भामा न वरन्ते परिबाधो अ-देवीः ॥)

इन्द्रं वो विश्वतस्परि हवामहे जनेभ्यः । अस्माकमस्तु केवलः ।
 इन्द्रन्नरो ने मधिता हवन्ते यत्पार्या युनजते धियस्ताः ।
 शूरो नृषाता शवसश्चकान आ गोमति ब्रजे भजा त्वन्नः ।
 इन्द्रियाणि शतक्रतो या ते जनेषु पञ्चसु । इन्द्र तानि त आवृणे ।
 अनु ते दायि मह इन्द्रियाय सत्रा ते विश्वमनु वृत्र-हृत्यै ।



अनु॑ क्ष॒त्र म॒नु स॒हो य॑ ज॒त्रेन्द्र॑ दे॒वे भि॑रनु ते नृष॒ह्ये ।
 आ यस्मि॑न् त्स॒प्त वा॑ स॒वा स्ति॑ष्ठन्ति स्वारु॒हो य॑था ।
 ऋषि॑र्ह दी॒र्घ श्रु॑त्तम इन्द्र॒स्य घ॑र्मो अति॒थिः ।
 आमा॑सु प॒क्वमै॑रय आसूर्य॑ꣳ रो॒हयो दि॑वि ।
 घ॒र्मन्न॑ साम॒न्त प॑ता सु वृ॒क्ति भि॑र्जुष्टं गि॒र्वण॑से गि॒रः ।
 इन्द्र॑मि॒द्राथि॑नो बृ॒हदिन्द्र॑ म॒र्केभि॑र॒र्किणः॑ । इन्द्रं॑ वाणी॒रनू॑षत ।
 गा॒यन्ति॑ त्वा गा॒यत्रि॑णोऽर्च॑न्त्य॒र्कम॑र्किणः ।
 ब्र॒ह्माण॑स्त्वा श॒तक्र॑त बु॒द्धꣳ श॑मिव येमि॒रे ।
 अꣳहो॑मु॒चे प्र॑भरे॒मा म॑नीषा मो॒षिष्ठ॑ दा॒वन्ने सु॑मतिं गृ॒णानाः॑ ।
 इ॒दमिन्द्र॑ प्र॒ति ह॒व्यं गृ॑भाय स॒त्याः स॑न्तु यज॒मान॑स्य का॒माः ।
 वि॒वेष॑ यन्मा धि॒षणा॑ ज॒जान॑ स्त॒वै पु॒रा पा॑र्या दिन्द्र॒महः॑ ।
 अꣳह॑सो यत्र॒पी पर॑द्यथानो ना॒वेव॑ या॒न्त मु॒भये॑ ह॒वन्ते॑ ।
 प्र॒सम्रा॑जं प्रथ॒म म॑ध्वरा॒णामꣳ हो॑मु॒चं वृ॑षभं यज्ञि॒याना॑म् ।
 अ॒पान्न॑पात म॒श्विना॑ ह॒यन्त॑ म॒स्मिन्न॑र इन्द्रि॒यं ध॑त्तमो॒जः ।
 वि॒ न इन्द्र॑ मृ॒धो ज॑हि नी॒चा य॑च्छ पृ॒तन्य॑तः ।
 अध॑स्पदं त॒र्मी कृ॑धि यो अ॒स्माꣳ अ॑भिदा॒सति॑ ।
 इन्द्र॑ क्ष॒त्र म॑भि वा॒ममो॑जोऽजा॒यथा॑ वृष॒भ च॑र्षणीनाम् ।
 अ॒पानु॑दो ज॒नम॑मि॒त्र य॑न्तमु॒रुं दे॒वेभ्यो॑ अ॒कृ॒णो॒रु लो॑कम् ।
 मृ॒गो न॑ भी॒मः कु॑च॒रो गि॑रि॒ष्ठाः प॑रा॒वतः॑ आ॒जगा॑मा पर॒स्याः ।
 सू॒कꣳ सꣳशाय॑ प॒विमिन्द्र॑ ति॒ग्मं वि॑शत्रून् ता॒ढि वि॑मृ॒धो नु॑दस्व ।
 वि॒ शत्रून्॑ विमृ॒धो नु॑द वि॒ वृ॒त्रस्य॑ ह॒नू रु॑ज ।



वि॒म॒न्यु॒ मि॒न्द्र॒ भा॒मि॒तोऽमि॒त्र॒स्या॒ भि॒दा॒सतः॑ ।
 त्रा॒ता॒रमि॒न्द्रम॒वि॒ता॒रमि॒न्द्र॑ ५ ह॒वे ह॒वे सु॒हव॑ ५ शू॒रमि॒न्द्रम्॑ ॥
 हु॒वे नु॒ शक्रं॑ पु॒रु॒हूतमि॒न्द्र॑ ५ स्व॒स्ति नो॑ म॒घवा॑ धा॒त्विन्द्रः॑ ।
 मा ते॑ अ॒स्या ५ स॒हसा॑वन् परि॒ष्टाव॑धाय भू॒म ह॒रि॒वः प॒रा॒दै ।
 त्रा॒यस्व॑ नोऽवृ॒केभि॑ र्व॒रूथै॑ स्तव॒ प्रि॒यास॑ स्सू॒रिषु॑ स्याम ।
 अ॒न॒व॒स्ते रथ॑म॒श्वाय॑ तक्षन् त्व॒ष्टा वज्रं॑ पु॒रु॒हूत॑ द्यु॒मन्त॑म् ।
 ब्र॒ह्मा॒ण इन्द्रं॑ म॒हय॑न्तो अ॒र्कैर॑ व॒र्धय॑न्न ह॒ये ह॒न्त वा॑ उ ।
 वृ॒ष्णे यत् ते॑ वृ॒ष्णो अ॒र्कम॑र्चा निन्द्र॒ ग्रा॒वा॒णो अ॒दि॒ति स्स॒जोषाः॑ ॥
 अ॒न॒श्वा॒सो ये प॒वयोऽर॑था इन्द्रे॒षिता॑ अ॒भ्यव॑र्त॒ तद॑स्यून् ।
 य॒त इन्द्र॑ भ॒याम॑हे ततो॒ नो अ॒भयं॑ कृ॒धि ।
 म॒घव॑न्छ॒ग्धि तव॑ तन्न ऊ॒तये॑ वि॒द्विषो॑ वि॒मृधो॑ ज॒हि ।
 स्व॒स्ति॒दा वि॒शस्प॑ति र्वृ॒त्रहा॑ वि॒मृधो॑ व॒शी ।
 वृ॒षेन्द्रः॑ पु॒र ए॒तु नः॑ स्व॒स्ति॒दा अ॒भयं॑करः ।
 म॒हा ५ इन्द्रो॑ वज्र॒बाहुः॑ षोड॒शी श॒र्म य॑च्छतु ।
 स्व॒स्ति नो॑ म॒घवा॑ करोतु ह॒न्तु पा॑प्मानं योऽस्मा॒न् द्वेष्टि॑ ।
 स॒जोषा॑ इन्द्र॒ सग॑णो मरु॒द्भि स्सो॑मं पिब वृ॒त्रह॑ञ्छू॒र वि॒द्वान् ।
 ज॒हि शत्रू॑ ५ र॒पमृ॑धो॒नुद॑ स्वा॒थाभ॑यं कृ॒णु हि॑ वि॒श्वतो॑ नः ।

ये दे॒वाः पु॒रस्स॑दोऽग्नि॒ ने॒त्रा र॒क्षो॒ह॒णस्ते॒नः पा॑न्तु ते नोऽव॒न्तु ते॒भ्यो न॑मस्ते॒भ्यः स्वा॒हा
 ये दे॒वा द॒क्षि॒णस॑दो य॒मने॒त्रा र॒क्षो॒ह॒णस्ते॒नः पा॑न्तु ते नोऽव॒न्तु ते॒भ्यो न॑मस्ते॒भ्यः स्वा॒हा
 ये दे॒वा प॒श्चात् सद॑स॒वितु॑ ने॒त्रा र॒क्षो॒ह॒णस्ते॒नः पा॑न्तु ते नोऽव॒न्तु ते॒भ्यो न॑मस्ते॒भ्यः स्वा॒हा
 ये दे॒वा उ॒त्तर॑सदो व॒रु॒णने॒त्रा र॒क्षो॒ह॒णस्ते॒नः पा॑न्तु ते नोऽव॒न्तु ते॒भ्यो न॑मस्ते॒भ्यः स्वा॒हा



ये दे॒वा उप॒रिष॒दो बृ॒हस्प॑ति॒नेत्रा र॒क्षोह॑णस्तेनः पान्तु ते नोऽवन्तु तेभ्यो नमस्तेभ्यः स्वाहा
ऽग्नये र॒क्षोघ्ने स्वाहा यमाय र॒क्षोघ्ने स्वाहा सवि॑त्रे र॒क्षोघ्ने स्वाहा
वरु॑णाय र॒क्षोघ्ने स्वाहा बृ॒हस्प॑तये दु॒वस्प॑ते र॒क्षोघ्ने स्वाहा ॥

ये दे॒वाः पु॒र स्स॑दोऽग्नि॒ नेत्रा द॑क्षिण स॒दो यम॑ नेत्रा पश्चात् सद सवितृ नेत्रा उत्तर
सदो वरु॑ण नेत्रा उप॒रिष॒दो बृ॒हस्प॑ति॒ नेत्रा र॒क्षोह॑ण स्तेनः पान्तु ते नोऽवन्तु तेभ्यो
नमस्तेभ्यः स्स्वाहा ऽग्नये र॒क्षोघ्ने स्वाहा यमाय सवि॑त्रे वरु॑णाय बृ॒हस्प॑तये दु॒वस्व॑ते
र॒क्षोघ्ने स्वाहा ॥

अ॒ग्निरायु॑ष्मान्त्स वनस्पति॑भिरायु॑ष्मान्तेन त्वाऽऽयु॑षाऽऽयु॑ष्मन्तं करोमि ।
सोम आयु॑ष्मान्त्स ओष॑धीभिरायु॑ष्मान्तेन त्वाऽऽयु॑षाऽऽयु॑ष्मन्तं करोमि ।
य॒ज्ञ आयु॑ष्मान्त्स दक्षि॑णाभिरायु॑ष्मान्तेन त्वाऽऽयु॑षाऽऽयु॑ष्मन्तं करोमि ।
ब्र॒ह्मायु॑ष्मत्तद् ब्रा॒ह्मणै॑रायु॑ष्मत्तेन त्वाऽऽयु॑षाऽऽयु॑ष्मन्तं करोमि ।
दे॒वा आयु॑ष्मन्तस्तेऽमृ॑तेनायु॑ष्मन्त स्तेन त्वाऽऽयु॑षाऽऽयु॑ष्मन्तं करोमि ।

अ॒ग्नि रायु॑ष्मान् त्स वनस्पति॑ भिरायु॑ष्मान् तेन त्वाऽऽयु॑षाऽऽयु॑ष्मन्तं करोमि सोम
आयु॑ष्मान् त्स ओष॑धीभि र्य॒ज्ञ आयु॑ष्मान् त्स दक्षि॑णाभि ब्र॒ह्मायु॑ष्म त्द
ब्रा॒ह्मणै॑-रायु॑ष्म दे॒वा आयु॑ष्मन्तस्तेऽ मृ॑ते नायु॑ष्मन्त स्तेन त्वाऽऽ यु॑षाऽऽ यु॑ष्मन्तं
करोमि ।

या वामिन्द्रा वरुणा यतव्या तनूस्तयेमम५ हसो मुंचतं ।
या वामिन्द्रा वरुणा सहस्या तनूस्तयेमम५ हसो मुंचतं ।
या वामिन्द्रा वरुणा रक्षस्या तनूस्तयेमम५ हसो मुंचतं ।
या वामिन्द्रा वरुणा तेजस्या तनूस्तयेमम५ हसो मुंचतं ।
यो वामिन्द्रा वरुणावग्नौ स्वामस्तं वामेतेनाव यजे



यो॒ वा॒मिन्द्रा॑ वरुणा॒ द्वि॒पात्सु॑ प॒शुषु॑ स्त्राम॒स्तं वा॒मेते॑नाव॒ यजे॑
यो॒ वा॒मिन्द्रा॑ वरुणा॒ चतु॑ष्पत्सु प॒शुषु॑ स्त्राम॒स्तं वा॒मेते॑नाव॒ यजे॑
यो॒ वा॒मिन्द्रा॑ वरुणा॒ गो॒ष्ठे स्त्राम॒स्तं वा॒मेते॑नाव॒ यजे॑
यो॒ वा॒मिन्द्रा॑ वरुणा॒ गृ॒हेषु॑ स्त्राम॒स्तं वा॒मेते॑नाव॒ यजे॑
यो॒ वा॒मिन्द्रा॑ वरुणाप्सु॒ स्त्राम॒स्तं वा॒मेते॑नाव॒ यजे॑
यो॒ वा॒मिन्द्रा॑ वरुणौषधीषु॒ स्त्राम॒स्तं वा॒मेते॑नाव॒ यजे॑
यो॒ वा॒मिन्द्रा॑ वरुणा॒ वन॑स्पतिषु॒ स्त्राम॒स्तं वा॒मेते॑नाव॒ यजे॑ ॥

या॒वा॒मिन्द्रा॑ वरुणा॒ य त॒व्या त॒नूस्त॑ये मम॑ ह॒सो मु॑ंचतं या॒वा॒मिन्द्रा॑ वरुणा॒ सह॑स्या
रक्ष॑स्या॒ तेज॑स्या॒ तनू॑स्तये मम॑ ह॒सो मु॑ंचतं यो॒ वा॒मिन्द्रा॑ वरुणा॒ व॒ग्नौ स्त्राम॒स्तं
वा॒मे ते॒ना व॒ यजे॑ यो॒ वा॒मिन्द्रा॑ वरुणा॒ द्वि॒पात्सु॑ प॒शुषु॑ चतु॑ष्पत्सु॒ गो॒ष्ठे गृ॒हेष्व॒
प्सो॒षधी॑षु वन॑स्पतिषु॒ स्त्राम॒स्तं वा॒मे ते॒ना व॒ यजे॑ ॥

अ॒ग्ने य॒शस्वि॑न् य॒शसे॑ मम॑र्षयेन्द्रा॒वती॑ म॒पचि॑ती मिहा॒वह॑ । अ॒यं मूर्धा॑ पर॒मेष्ठी॑
सुव॑र्चा॒ स्समा॑नाना॒ मु॒त्तम॑ श्लो॒को अ॒स्तु ॥ भ॒द्रं प॒श्यन्त॑ उप॒से दुर॑ग्रे तपो॒ दीक्षा॑
मृष॑यः सुव॒र्विदः॑ । ततः॑, क्ष॒त्रं ब॒लमो॑जश्च जा॒तं तद॑स्मै दे॒वा अ॒भि स॒न्नम॑न्तु ॥ धा॒ता
वि॒धाता॑ पर॒मोत॑ सं॒धृक् प्र॒जाप॑तिः पर॒मेष्ठी॑ वि॒राजा॑ । स्तो॒मा श्छं॑दा॒सि नि॒विदो॑म
आ॒हुरे त॒स्मै रा॒ष्ट्र म॒भि स॒न्नमा॑म ॥ अ॒भ्या वर्त॑ध्व मु॒पमे॑त सा॒कम॑यः शा॒स्ताऽधि॑
पति॑र्वो अ॒स्तु । अ॒स्य वि॒ज्ञान॑ मनु॒सः र॒भध्व॑ मि॒मं प॒श्चा द॒नु जी॒वाथ॑ सर्वे ॥

॥ रा॒ष्ट्रभृ॑तं ॥

ऋ॒ताषा॑डृत॒धामा॑ग्निर्गन्धर्व॒स्स इ॒दं ब्र॒ह्मक्ष॑त्रं पा॒तु त॒स्मै स्वा॒हा ।
त॒स्यौष॑धयोऽप्सर॒स ऊ॒र्जो ना॒म ता॑ इ॒दं ब्र॒ह्मक्ष॑त्रं पा॒न्तु ता॒भ्यः स्वा॒हा ।
स॒हितो॑ वि॒श्वसा॑मा॒ सूर्यो॑ गन्धर्वः स इ॒दं ब्र॒ह्मक्ष॑त्रं पा॒तु त॒स्मै स्वा॒हा ।



तस्य मरीचयोऽप्सरस आयुवो नाम ता इदं ब्रह्मक्षत्रं पान्तु ताभ्यः स्वाहा ।
 सुषुम्नः सूर्यरश्मिश्चन्द्रमा गन्धर्वः स इदं ब्रह्मक्षत्रं पातु तस्मै स्वाहा ।
 तस्य नक्षत्राण्यऽप्सरसो बेकुरयो नाम ता इदं ब्रह्मक्षत्रं पान्तु ताभ्यः स्वाहा ।
 भुज्युस्सुपर्णो यज्ञो गन्धर्वः स इदं ब्रह्मक्षत्रं पातु तस्मै स्वाहा ।
 तस्य दक्षिणा अप्सरसस्तवा नाम ता इदं ब्रह्मक्षत्रं पान्तु ताभ्यः स्वाहा ।
 प्रजापतिर्विश्वकर्मा मनो गन्धर्वः स इदं ब्रह्मक्षत्रं पातु तस्मै स्वाहा ।
 तस्य क्सामान्यप्सरसो वह्नयो नाम ता इदं ब्रह्मक्षत्रं पान्तु ताभ्यः स्वाहा ।
 षिरो विश्वव्यचा वातो गन्धर्वः स इदं ब्रह्मक्षत्रं पातु तस्मै स्वाहा ।
 तस्यापोऽप्सरसो मुदा नाम ता इदं ब्रह्मक्षत्रं पान्तु ताभ्यः स्वाहा ।
 भुवनस्य पते यस्य त उपरि गृहा इह च ।

ऋताषाड् ऋत धामाऽग्नि गन्धवस्त-स्यौषधयोऽप्सरस ऊर्जो नाम स इदं ब्रह्म क्षत्रं
 पातु ता इदं ब्रह्म क्षत्रं पान्तु तस्मै स्वाहा ताभ्यः स्वाहा संहितो विश्व सामा सूर्यो
 गन्धर्वः स्तस्य मरीचयो ऽप्सरस आयुव सुषुम्नः सूर्य रश्मिश्चन्द्रमा गन्धर्वः
 स्तस्य नक्षत्राण्यऽप्सरसो बेकुरयो भुज्यु स्सुपर्णो यज्ञो गन्धर्वः स्तस्य दक्षिणा
 अप्सरस स्तवाः प्रजापति विश्वकर्मा मनो गन्धर्वः स्तस्य ऋक्सामान्यप्सरसो
 वह्नय इषिरो विश्व व्यचा वातो गन्धर्वः स्तस्या पोऽप्सरसो मुदा भुवनस्य पते
 यस्य त उपरि गृहा इह च ।

सनोरास्वाज्यानिः रायस्पोषाः सुवीर्यः संवत्सरीणाः स्वस्तिः स्वाहा ।
 परमेष्ठ्यधिपतिर्मृत्युर्गन्धर्वः स इदं ब्रह्मक्षत्रं पातु तस्मै स्वाहा ।
 तस्य विश्वमप्सरसो भुवो नाम ता इदं ब्रह्मक्षत्रं पान्तु ताभ्यः स्वाहा ।
 सुक्षितिस्सुभूतिर्भद्रकृत्सुवर्वान्पर्जन्यो गन्धर्वः स इदं ब्रह्मक्षत्रं पातु तस्मै स्वाहा ।



तस्य विद्युतोऽप्सरसो रुचो नाम ता इदं ब्रह्मक्षत्रं पान्तु ताभ्यः स्वाहा ।
 दूरे हेतिरमृडयो मृत्युर्गन्धर्वः स इदं ब्रह्मक्षत्रं पातु तस्मै स्वाहा ।
 तस्य प्रजा अप्सरसो भीरुवो नाम ता इदं ब्रह्मक्षत्रं पान्तु ताभ्यः स्वाहा ।
 चारुः कृपणकाशी कामो गन्धर्वः स इदं ब्रह्मक्षत्रं पातु तस्मै स्वाहा ।
 तस्याधयोऽप्सरस इशोचयतीर्नाम ता इदं ब्रह्मक्षत्रं पान्तु ताभ्यः स्वाहा ।
 सनो भुवनस्य पते यस्य त उपरि गृहा इह च ।
 उरुब्रह्मणेस्मै क्षत्राय महि शर्म यच्छ स्वाहा ॥

सनो रास्वा-ज्यानिः रायस्पोषः सुवीर्यः संवत्सरीणाः स्वस्तिम् ।
 परमेष्ठय-धिपति मृत्युर्गन्धर्वः स्तस्य विश्व मप्सरसो भुव सुक्षिति
 स्सुभूति-भद्रकृ-त्सुवर्वान् पर्जन्यो गन्धर्व स्तस्य विद्युतोऽप्सरसो रुचो दूरे हेतिर
 मृडयो मृत्युर्गन्धर्व स्तस्य प्रजा अप्सरसो भीरुव इचारुः कृपण काशी कामो
 गन्धर्वः स्तस्या धयोऽप्सरस इशोचयंती नाम स इदं ब्रह्म क्षत्रं पातु ता इदं ब्रह्म
 क्षत्रं पान्तु तस्मै स्वाहा ताभ्यः स्वाहा सनो भुवनस्य पते यस्य त उपरि गृहा इह
 च । उरुब्रह्मणे स्मै क्षत्राय महि शर्म यच्छ ॥

नमो अस्तु सर्पेभ्यो ये के च पृथिवीमनु ।
 ये अन्तरिक्षे ये दिवि तेभ्यः सर्पेभ्यो नमः ॥
 येऽदो रोचने दिवो ये वा सूर्यस्य रश्मिषु ।
 येषामप्सु सदः कृतं तेभ्यः सर्पेभ्यो नमः ॥
 या इषवो यातु धानानां ये वा वनस्पतीः रनु ।
 ये वाऽ वटेषु शेरते तेभ्यः सर्पेभ्यो नमः ॥



॥ पंचचोडाः ॥

अयं॑पुरो॒ हरि॑केशः॒ सूर्य॑रश्मिस्तस्य॒ रथ॑गृत्सश्च॒ रथौ॑जाश्च॒ सेना॑निग्रामण्यौ॒ पुञ्जि॑कस्थला च
कृत॑स्थला चाप्सरसरसौ॒ यातु॑धाना हेति॒ रक्ष॑सि प्रहेति॒ स्तेभ्यो॒ नमस्ते॒ नो मृ॑डयन्तु ते यं
द्विष्मो॒ यश्च॒ नो द्वेष्टि॒ तं वो जं॑भे दधामि ।

अयं॑ दक्षिणा विश्वकर्मा॒ तस्य॑ रथस्वनश्च॒ रथे॑ चित्रश्च॒ सेना॑निग्रामण्यौ॒ मेनका॑ च सहज॒न्या
चाप्सरसरसौ॒ दङ्क्ष॑णवः पशवो हेति॒ पौरु॑षेयोवधः प्रहेति॒ स्तेभ्यो॒ नमस्ते॒ नो मृ॑डयन्तु ते यं
द्विष्मो॒ यश्च॒ नो द्वेष्टि॒ तं वो जं॑भे दधामि ।

अयं॑ पश्चाद्विश्वव्यचास्तस्य॒ रथ॑प्रोतश्चासमरथश्च॒ सेना॑निग्रामण्यौ॒ प्रम्लो॑चन्ती चानुम्लोचन्ती
चाप्सरसरसौ॒ सर्पा॑ हेतिर्व्याघ्राः प्रहेति॒ स्तेभ्यो॒ नमस्ते॒ नो मृ॑डयन्तु ते यं द्विष्मो॒ यश्च॒ नो द्वेष्टि॒
तं वो जं॑भे दधामि ।

अयमुत्तरात्संयद्वसुस्तस्य॒ सेन॑जिच्च सुषेणश्च॒ सेना॑निग्रामण्यौ॒ विश्वाची॑ च घृताची॑
चाप्सरसावापो॒ हेति॑र्वातः प्रहेति॒ स्तेभ्यो॒ नमस्ते॒ नो मृ॑डयन्तु ते यं द्विष्मो॒ यश्च॒ नो द्वेष्टि॒ तं
वो जं॑भे दधामि ।

अयमुपर्यर्वाग्वसुस्तस्य॒ ताक्ष्य॑श्चारिष्टनेमिश्च॒ सेना॑निग्रामण्यावुर्वशी॒ पूर्व॑चित्तिश्चाप्सरसरसौ॒
विद्यु॑द्धेतिरवस्फूर्जन्प्रहेति॒ स्तेभ्यो॒ नमस्ते॒ नो मृ॑डयन्तु ते यं द्विष्मो॒ रश्च॒ नो द्वेष्टि॒ तं वो जं॑भे
दधामि ।

अयं॑ पुरो हरिकेशः॒ सूर्य॑ रश्मि स्तस्य॒ रथ॑ गृत्सश्च॒ रथौ॑ जाश्च॒ सेना॑ निग्रामण्यौ॒
पुञ्जि॑कस्थला च कृतस्थला चाप्सरसौ॒ यातु॑धाना हेति॒ रक्षा॑सि प्रहेति॒ रयं॑ दक्षिणा
विश्वकर्मा॒ तस्य॑ रथ स्वनश्च॒ रथे॑ चित्रश्च॒ सेना॑ निग्रामण्यौ॒ मेनका॑ च
सहज॒न्या चाप्सरसौ॒ दङ्क्ष॑णवः पशवो हेतिः पौरुषेयो वधः प्रहेति॒ रयं॑ पश्चा द्विश्व-
व्यचा स्तस्य॒ रथ॑ प्रोतश्चा सम रथश्च॒ सेना॑निग्रामण्यौ॒ प्रम्लो॑चन्ती चा नुम्लोचन्ती
चाप्सरसौ॒ सर्पा॑ हेति॒ व्याघ्राः॒ प्रहेति॒ रयं॑ मुत्तरा त्सं-यद्व॒ सुस्तस्य॒ सेन॑जिच्च



सु॒षे॒णश्च॑ से॒ना॒नि॒ग्रा॒म॒ण्यौ॑ वि॒श्वा॒ची च॑ घृ॒ता॒ची चा॒प्स॒र॒सा वा॒पो हे॒ति॒र्वा॒तः प्र॒हे॒ति र॒य
मु॒पर्य॑ वा॒ग्व सु॒स्त॒स्य ता॒क्ष्यं श्वा॒रि॒ष्ट ने॒मिश्च॑ से॒ना॒नि॒ग्रा॒म॒ण्या वु॒र्वशी॑च॒ पूर्॒व॒चि॒त्तिश्चा॑
प्स॒र॒सौ वि॒द्यु॒द्धे ति॒रव॑ स्फूर्जन् प्र॒हे॒ति स्ते॒भ्यो नम॑स्ते नो मृ॒डय॑न्तु ते यं द्वि॒ष्मो यश्च॑
नो द्वेष्टि॑ तं वो ज॒म्भे द॒धामि॑ ।

॥ अ॒प्र॒ति॒र॒थं ॥

आ॒शुः शि॒शानो॑ वृष॒भो न यु॒ध्मो घ॒ना॒घ॒नः , क्षो॒भ॒ण श्र॒र्ष॒णीना॑म् ।
सं॒क्र॒न्द॒नोऽनि॑मिष॒ एक॑वीरः श॒त॒ः से॒ना अ॒जय॑ त्सा॒का॒मि॒न्द्रः ॥
सं॒क्र॒न्द॒ने॒ना नि॑मिषेण जिष्णु॒ना यु॒त्का॒रेण॑ दु॒श्च्य॑ वने॒न धृ॒ष्णु॒ना ।
तदि॒न्द्रेण॑ जय॒त तत् स॒ह॒ध्वं यु॒धो नर॑ इ॒षु॒ह॒स्तेन॑ वृ॒ष्णा ॥
स इ॒षु॒ह॒स्तैः स नि॑षङ्गि॒भिर्व॒शी सँ॒स्त्र॒ष्टा स यु॒ध इन्द्रो॑ ग॒णेन॑ ।
सँ॒सृ॒ष्ट जि॒त् सोम॑पा बा॒हु॒श॒र्घ्यू॒र्ध्व॒ध॒न्वा प्र॒ति॒हि॒ता भि॒र॒स्ता ॥
बृ॒ह॒स्प॒ते परि॑ दी॒या र॒थेन॑ र॒क्षो॒हाऽमि॒त्राँ॑ अप॒बा॒ध॒मा॒नः ।
प्र॒भ॒ञ्ज॒न्त्से॒नाः प्र॒मृ॒णो यु॒धा जय॑न्न॒स्माक॑ मे॒ध्य॒वि॒ता र॒थाना॑म् ॥
गो॒त्र॒भि॒दं गो॒वि॒दं व॒ज्र॒बा॒हुं जय॑न्त॒म॒ज्म प्र॒मृ॒णन्त॑ मो॒ज॒सा ।
इ॒मँ स॒जा॒ता अनु॑ वी॒र॒य॒ध्व॒मि॒न्द्रँ स॒खा॒योऽनु॑ सँ॒ र॒भ॒ध्वम् ॥
ब॒ल॒वि॒ज्ञा॒यः स्थ॑वि॒रः प्र॒वीरः॑ स॒ह॒स्वा॒न् वा॒जी स॒ह॒मा॒न उ॒ग्रः ।
अ॒भि॒वी॒रो अ॒भि॒स॒त्वा स॒हो॒जा जै॒त्र मि॒न्द्र र॒थ॒मा तिष्ठ॑ गो॒वि॒त् ॥
अ॒भि॒गो॒त्राणि॑ स॒ह॒सा गा॒ह॒मा॒नोऽदा॒यो वी॒र॒श्श॒त॒म॒न्यु॒रिन्द्रः॑ ।
दु॒श्च्य॑वनः पृ॒त॒ना॒षाड॒यु॒द्ध॒योऽस्मा॑कँ॒ से॒ना अ॒व॒तु प्र॑ यु॒त्सु ॥
इन्द्र॑ आ॒सां ने॒ता बृ॒ह॒स्प॒ति॒र्दक्षि॑णा य॒ज्ञः पु॒र ए॒तु सोमः॑ ।
दे॒व॒से॒ना ना॒म॒भि॒भ॒ञ्ज॒तीनां॑ जय॒न्तीनां॑ मरु॒तो य॒न्त्व॒ग्रे ॥



इन्द्रस्य वृष्णो वरुणस्य राज्ञ आदित्यानां मरुताः शर्ध उग्रम् ।

महा-मनसां भुवनच्य-वानां घोषो देवानां जयता-मुदस्थात् ॥

अस्माक-मिन्द्रः समृतेषु ध्वजे-ष्वस्माकं या इषवस्ता जयन्तु ।

अस्माकं वीरा उत्तरे भवन्त्वस्मानु देवा अवता हवेषु ॥

उद्धर्षय मघव-न्नायुधा-न्युत्-सत्त्वनां मामकानां महाःसि ।

उद् वृत्रहन् वाजिनां वाजिना-न्युद्रथानां जयता-मेतु घोषः ॥

उप प्रेत जयता नरः स्थिरा व-स्सन्तु बाहवः ।

इन्द्रो व शर्म यच्छ-त्वना धृष्या यथाऽसथ ॥

अवसृष्टा परा पत शरव्ये ब्रह्म -सःशिता ।

गळामित्रान् प्रविश मैषां कंचनो-च्छिषः ॥

मर्माणि ते वर्मभिश्छादयामि सोमस्त्वा राजाऽमृते-नाभिऽवस्ताम् ।

उरोर्वरीयो वरिवस्ते अस्तु जयन्तं त्वा मनु मदन्तु देवाः ॥

यत्र बाणाः सम्पतन्ति कुमारा विशिखा इव ।

इन्द्रो नस्तत्र वृत्रहा विश्वाहा शर्म यच्छतु ॥

शं च मे मयश्च मे प्रियं च मेऽनुकामश्च मे कामश्च मे सौमनसश्च मे भद्रं च मे
श्रेयश्च मे वस्यश्च मे यशश्च मे भगश्च मे द्रविणं च मे यन्ता च मे धर्ता च मे
क्षेमश्च मे धृतिश्च मे विश्वं च मे महश्च मे संविच्च मे ज्ञात्रं च मे सूश्च मे प्रसूश्च मे
सीरं च मे लयश्च मे ऋतं च मेऽमृतं च मेऽयक्ष्मं च मेऽनामयच्च मे जीवातुश्च मे
दीर्घायुत्वं च मेऽनमित्रं च मेऽभयं च मे सुगं च मे शयनं च मे सूषा च मे
सुदिनं च मे ॥



॥ विहव्यं ॥

ममा॑ग्ने॒ वर्चो॑ वि॒हवे-ध्व॑स्तु वयं॒ त्वेन्धा॑ना स्तनु॒वं पु॑षेम ।
मह्यं॑ नमन्तां॒ प्रदि॑शश्च तस्र॒ स्त्वया॑ऽध्यक्षेण॒ पृ॒तना॑ जयेम ॥
मम॑ दे॒वा वि॒हवे स॑न्तु सर्व॒ इन्द्रा॑-वन्तो मरुतो॒ विष्णु॑ रग्निः ।
ममान्तरि॑क्ष मुरु गोप-मस्तु मह्यं॑ वातः पवतां॒ कामे॑ अस्मिन् ॥
मयि॑ दे॒वा द्र॒विण मा॒य-जन्तां॑ मय्या शीरस्तु मयि॑ दे॒व हू॑तिः ।
दै॒व्या हो॒तारा व॑निषन्त पूर्वेऽ रि॒ष्टा-स्स्या॑म तनु॒वा सु॒वीराः॑ ॥
मह्यं॑ यजन्तु मम-या॒नि ह॒व्याऽऽकू॑तिः सत्या॒ मन॑सो-मे अस्तु ।
ए॒नो मा॒निगां॑ कतमच्च नाहं॒ विश्वे॑ दे॒वासो॒ अधि॑ वोचता मे ॥
दे॒वी ष॑षडुर्वी॒ रुरु॑णः कृणोत विश्वे॑ दे॒वास इ॒ह वी॑रयध्वम् ।
माहा॑-स्महि प्रजयामा तनू॒भि मा॑रिधाम द्विषते सोम राजन् ॥
अग्नि॑ र्मन्युं प्रति-नुदन् पुरस्ता ददब्धो गोपाः परिपाहि नस्त्वम् ।
प्रत्यञ्चो॑ यन्तु निगुतः पुनस्तेऽमैषां॑ चित्तं प्रबुधा विनेशत् ॥
धा॒ता धा॒तृणां॑ भुवनस्य यस्पति दे॒वः स॒विता॑र मभिमा तिषाहम् ॥
इमं॑ यज्ञ मश्विनोभा बृहस्पति दे॒वाः पा॑न्तु यजमानन् न्यर्थात् ॥
उरु॒व्यचा॑-नो म॒हिष इ॒शर्म॑यः सदस्मिन् हवे पुरुहूतः पुरुक्षु ।
स नः॑ प्रजायै हर्यश्च मृडयेन्द्र मानो रीरिषो मा परा दाः ॥
येन॑ स्स-पत्ना अप ते भव-न्त्विन्द्रा-ग्निभ्या मव बाधा महे तान् ।
वस॒वो रु॒द्रा आ॒दि॒त्या उ॒परि॑-स्पृशं मोग्रं-चेत्तार मधिराज मक्रन् ॥
अर्वा॑ञ्च मिन्द्र ममुतो हवामहे यो गो जिद्धन जिदश्च जिद्यः ।
इमं॑ नो यज्ञं विहवे जुष-स्वास्य कुर्मो हरिवो मेदिनं त्वा ॥



॥ मृगारं ॥

अग्ने॑र्मन्वे॒ प्रथ॑मस्य प्रचे॒तसो॑ यं पाञ्च॑जन्यं ब॒हव॑ स्स-मिन्ध॑ते ।
विश्व॑स्यां वि॒शि प्र॑वि॒वि शि॒वाꣳ स॒मी-म॑हे स॒नो मुञ्च॑त्वꣳ ह॒सः ॥
यस्ये॑दं प्रा॒ण नि॒मिष॑-द्यदे॒ जति॑ यस्य जा॒तं ज॒नमा॑नं च के॒वल॑म् ।
स्तौ॒-म्यग्निं॑ ना॒थि तो॑ जो ह॒वीमि॑ स॒नो मुञ्च॑त्वꣳ ह॒सः ॥
इन्द्र॑स्य म॒न्ये प्रथ॑मस्य प्रचे॒तसो॑ वृ॒त्रघ्नः॑ स्तो॒मा उप॑-मा॒मु पा॑गुः ।
यो दा॑शुषः सु॒कृतो॑ ह॒व-मु॑प ग॒न्ता स॑ नो मुञ्च॑त्वꣳ ह॒सः ॥
यः सं॒ग्राम॑ न्नयति सं॒वशी॑ यु॒धे यः पु॑ष्टानि सꣳसृ॒जति॑ त्रया॒णि ।
स्तौ॒-मीन्द्र॑ न्ना॒थि तो॑ जो ह॒वीमि॑ स॒नो मुञ्च॑त्वꣳ ह॒सः ॥
मन्वे॑ वां मि॒त्रा व॑रुणा तस्य वि॒त्तꣳ स॒त्यौ ज॑सा दृꣳ-ह॒णा य॒न्नु दे॒थे ॥
या रा॑जानꣳ स॒रथं॑ या॒थ उ॒ग्रा ता॑ नो मुञ्च॑तमा॒गसः॑ ॥
यो वाꣳ रथ॑ ऋ॒जु र॑श्मिः स॒त्य ध॑र्मा मि॒थु श्र॑रन्त मु॒पया॑ति दू॒षय॑न् ।
स्तौ॒मि मि॒त्रा व॑रुणा ना॒थि तो॑ जो ह॒वीमि॑ तौ नो मुं॒चत॑मा॒गसः॑ ।
वा॒यो स्स॑वि॒तु वि॑द॒थानि॑ म॒न्महे॑ या॒वात्म॑न् व॒द्धि भृ॑तो यौ च र॒क्षतः॑ ।
यौ वि॒श्वस्य॑ परि॒भू-ब॑भूवतु स्तौ॒ नो मुञ्च॑तमा॒गसः॑ ॥
उ॒पश्रे॑ष्टा न आ॒शिषो॑ दे॒वयो॑ ध॒र्मे अ॑स्थि॒रन् ।
स्तौ॒मि वा॒युꣳ स॑वि॒तार॑ न्ना॒थि तो॑ जो ह॒वीमि॑ तौ नो मुं॒चत॑मा॒गसः॑ ॥
रथी॑तमौ रथी॒ना म॑ह ऊ॒तये॑ शु॒भं ग॑मि॒ष्ठौ सु॑यमे भि॒रश्वैः॑ ।
ययो॑ वां दे॒वौ दे॒वेष्व॑ नि॒शित॑ मोज स्तौ॒ नो मुञ्च॑तमा॒गसः॑ ॥
यद॑या॒तं व॑हतुꣳ सू॒र्याया॑ स्त्रि॒-च॑क्रेण सꣳ स॒दमि॑च्छ॒मानौ॑ ।



स्तौमि॑ दे॒वा व॒श्विनौ॑ ना॒थि तो॑ जो॒ हवी॑मि तौ नो॒ मुञ्च॑तमा॒गसः॑ ॥
मरु॑तां म॒न्वे अ॒धि नो॒ ब्रुव॑न्तु प्रेमां॒ वाचं॑ वि॒श्वा म॒वन्तु॑ वि॒श्वे ।
आ॒शून् हु॒वे सु॒यमा॑ नू॒तये॑ ते नो॒ मुञ्च॑त्वे॒नसः॑ ॥
ति॒ग्म मा॒युधं॑ वी॒डितं॑ स॒हस्व॑ दि॒व्यं श॑र्दः पृ॒तना॑सु जिष्णु ।
स्तौमि॑ दे॒वान्मरु॑तो ना॒थि तो॑ जो॒ हवी॑मि ते नो॒ मुञ्च॑त्वे॒नसः॑ ॥
दे॒वानां॑ म॒न्वे अ॒धि नो॒ ब्रुव॑न्तु प्रेमां॒ वाचं॑ वि॒श्वा म॒वन्तु॑ वि॒श्वे ।
आ॒शून् हु॒वे सु॒यमा॑ नू॒तये॑ ते नो॒ मुञ्च॑त्वे॒नसः॑ ॥
यदि॑दं माऽभि॒शोच॑ति पौ॒रुषे॑येण दै॒व्येन॑ ।
स्तौमि॑ वि॒श्वान्दे॒वा-न्ना॒थि तो॑ जो॒ हवी॑मि ते नो॒ मुञ्च॑त्वे॒नसः॑ ॥

अनु॑नोऽद्यानु॑मतिर्य॒ज्ञं दे॒वेषु॑ म् अ॒न्यता॑म् ।
अ॒ग्निश्च॑ ह॒व्यवा॑हनो भ॒वतां॑दाशु॒षे मयः॑ ॥
अ॒न्विद॑नुमते त्वं म॒न्यासै॑ शं च नः कृ॒धि ।
क्र॒त्वे द॑क्षाय नो हि नु प्र॒ण आ॒यूषि॑ तारि॒षः ॥
वैश्वान॑रो न ऊ॒त्याऽऽप्र॑ यातु प॒राव॑तः । अ॒ग्निरु॑क्थेन वा॒हसा॑ ॥
पृ॒ष्ठो दि॒वि पृ॒ष्ठो अ॒ग्निः पृ॒थिव्यां॑ पृ॒ष्ठो वि॒श्वा ओष॑दीरा॒विवेश॑ ।
वैश्वान॑रस॒हसा॑ पृ॒ष्ठो अ॒ग्निस्स॑नो दि॒वा सा॒रिषः॑ पातु न॒मः ॥
ये अ॒प्रथे॑ताम॒मिते॑भि॒रोजो॑भि॒र्ये प्रति॑ष्ठे अ॒भव॑तां व॒सूना॑म् ।

अनु॑नोऽद्यानु॑ म॒ति-र॒न्वि द॑नुमते त्वं वैश्वान॑रो न ऊ॒त्याऽऽपृ॑ष्ठो दि॒वि ।
ये अ॒प्रथे॑ता म॒मिते॑ भि॒रोजो॑ भि॒र्ये प्रति॑ष्ठे अ॒भव॑तां व॒सूना॑म् ।
स्तौमि॑ द्या॒वापृ॑थि॒वी ना॒थि तो॑ जो॒ हवी॑मि ते नो॒ मुञ्च॑तम॒हसः॑ ॥
उ॒र्वी रो॑दसी व॒रिवः॑ कृ॒णोतं॑ क्षे॒त्रस्य॑ प॒त्नी अ॒धि नो॒ ब्रूया॑तम् ।



स्तौमि द्यावापृथिवी नाथि तो जो हवीमि ते नो मुञ्चतमः५हसः ॥

यत्ते वयं पुरु-षत्राय विष्ठा विद्वाः५ सश्चकृमा कच्चनाऽऽगः ।

कृधी स्वस्माः५ अदि-तेरना गाव्येनाः५ सि शिश्रथो विष्व-गन्ने ॥

यथा हत द्वसवो गौर्यं चित् पदिषिताम मुञ्चता य जत्राः ।

एवात्व मस्मत् प्रमुञ्चा व्यः५हः प्राता-र्यन्ने प्रतरान्न आयुः ॥

॥ सर्पाहुतीः ॥

समीची नामासि प्राचीदिस्यास्तेऽग्निरधिपतिरसितो रक्षिता यश्चादिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधामि ।

ओजस्विनी नामासि दक्षिणा दिस्यास्त इन्द्रोऽधिपतिः पृदाकू रक्षिता यश्चादिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधामि ।

प्राची नामासि प्रतीची दिस्यास्ते सोमोऽधिपतिः स्वजो रक्षिता यश्चादिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधामि ।

अवस्थावा नामास्युदीची दिस्यास्ते वरुणोऽधिपतिस्तरश्च राजी रक्षिता यश्चादिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधामि ।

अधिपत्नी नामासि बृहती दिस्यास्ते बृहस्पतिरधिपतिः श्वित्रो रक्षिता यश्चादिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधामि ।

वशिनी नामासीयं दिस्यास्ते यमोऽधिपतिः कल्माषग्रीवो रक्षिता यश्चादिपतिर्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधामि ॥

समीची नामासि प्राची दिक्तस्यास्तेऽग्नि रधिपति रसितो रक्षिता यश्चाधि पति र्यश्च गोप्ता ताभ्यां नमस्तौ नो मृडयतां ते यं द्विष्मो यश्च नो द्वेष्टि तं वां जंभे दधाम्यो

जस्विनी नामासि दक्षिणा दिक्तस्यास्त इन्द्रोऽधिपतिः पृदाकुः प्राची नामासि



प्र॒ती॒ची॒ दि॒क्त॒स्या॒स्ते॒ सो॒मोऽधि॒पतिः॑ स्व॒जो॑ व॒स्था॒वा॒ ना॒मा॒ स्यु॒दी॒ची॒ दि॒क्त॒स्या॒स्ते॒
वरु॒णोऽधि॒पति॑ स्ति॒रश्च॑ रा॒जि॒ रधि॑-प॒त्नी॒ ना॒मा॒सि॒ बृ॒हती॑ दि॒क्त॒स्या॒स्ते॒ बृ॒हस्प॑ति॒
रधि॑पतिः श्वि॒त्रो व॒शिनी॑ ना॒मा॒सी॒यं दि॒क्त॒स्या॒स्ते॒ य॒मोऽधि॒पतिः॑ क॒ल्मा॑ष ग्री॒वो र॒क्षि॒ता॒
यश्चा॑ धि॒पति॑-र्यश्च गो॒प्ता ता॒भ्यां नम॑स्तौ नो मृ॒डय॑तां ते यं द्वि॒ष्मो यश्च॑ नो द्वेष्टि॒ तं वां॑
जंभे॑ दधामि ॥

॥ गन्धर्वाहुतीः ॥

हे॒तयो॑ ना॒मस्थ॑ तेषां वः पु॒रो गृ॒हा अ॒ग्निर्व॑ इ॒षवः॑ स॒लिलो॑ वा॒तना॑मं ते॒भ्यो वो॑ नम॒स्तेनो॑
मृ॒डय॑त ते यं द्वि॒ष्मो यश्च॑ नो द्वेष्टि॒ तं वो॑ जंभे॑ दधामि ।

नि॒लिम्पा॑ ना॒मस्थ॑ तेषां वो दक्षि॒णा गृ॒हा पि॒तरो॑ व॒इष॑वः स॒गरो॑ वा॒तना॑मं ते॒भ्यो वो॑
नम॒स्तेनो॑ मृ॒डय॑त ते यं द्वि॒ष्मो यश्च॑ नो द्वेष्टि॒ तं वो॑ जंभे॑ दधामि ।

व॒ज्रि॒णो ना॒मस्थ॑ तेषां वः प॒श्चाद्गृ॒हा स्व॒प्नोव॑ इ॒षवो॑ ग॒ह्वरो॑ वा॒तना॑मं ते॒भ्यो वो॑ नम॒स्तेनो॑
मृ॒डय॑त ते यं द्वि॒ष्मो यश्च॑ नो द्वेष्टि॒ तं वो॑ जंभे॑ दधामि ।

अ॒वस्था॑वा॒नो ना॒मस्थ॑ तेषां व उत्त॒रद्गृ॒हा आ॒पोव॑ इ॒षवः॑ स॒मुद्रो॑ वा॒तना॑मं ते॒भ्यो वो॑ नम॒स्तेनो॑
मृ॒डय॑त ते यं द्वि॒ष्मो यश्च॑ नो द्वेष्टि॒ तं वो॑ जंभे॑ दधामि ।

अधि॑प॒तयो॑ ना॒मस्थ॑ तेषां व उ॒परि॑ गृ॒हा वर्ष॑ व इ॒षवोऽव॑स्वान् वा॒तना॑मं ते॒भ्यो वो॑ नम॒स्तेनो॑
मृ॒डय॑त ते यं द्वि॒ष्मो यश्च॑ नो द्वेष्टि॒ तं वो॑ जंभे॑ दधामि ।

क्र॒व्या ना॒मस्थ॑ तेषां व इ॒ह गृ॒हा अ॒न्नं व॑ इ॒षवोऽनि॑मिषो वा॒तना॑मं ते॒भ्यो वो॑ नम॒स्तेनो॑
मृ॒डय॑त ते यं द्वि॒ष्मो यश्च॑ नो द्वेष्टि॒ तं वो॑ जंभे॑ दधामि ।

हे॒तयो॑ ना॒मस्थ॑ तेषां वः पु॒रो गृ॒हा अ॒ग्निर्व॑ इ॒षवः॑ स॒लिलो॑ नि॒लिम्पा॑ ना॒मस्थ॑ तेषां वो॑
दक्षि॒णा गृ॒हाः पि॒तरो॑ व इ॒षवः॑ स॒गरो॑ व॒ज्रि॒णो ना॒मस्थ॑ तेषां वः प॒श्चाद्गृ॒हा स्व॒प्नो व॑



इ॒षवो॑ ग॒ह्वरो॑ऽ व॒स्था-वा॑नो नाम॒ स्थ ते॑षां व उत्तरा द्र॒हा आ॒पोव॑ इ॒षवः॑ स॒मुद्रो॑
ऽधि॒पत॑यो नाम॒स्थ ते॑षां व उपरि गृ॒हा वर्ष॑ व इ॒षवो॑ऽ व॒स्वान् क्र॒व्या नाम॒स्थ
पा॒र्त्थिवा॑ स्ते॒षां व इ॒ह गृ॒हा अन्नं॑ व इ॒षवो॑ऽनि॒मिषो॑ वा॒त नाम॑ तेभ्यो॒ वो न॑मस्तेनो
मृ॒डय॑त ते यं द्वि॒ष्मो यश्च॑ नो द्वेष्टि तं वो जं॒भे द॑धमि ।

॥ अ॒ज्यानि॑ ॥

श॒ता-यु॑धाय श॒त-वी॑र्याय श॒तोत॑येऽभि॒मा ति॑षाहे ।
श॒तं यो नः॑ श॒रदो॑ अ॒जीता॑ नि॒न्द्रो ने॒ष द॑ति दु॒रि॒तानि॑ वि॒श्वा ॥
ये च॒त्वारः॑ प॒थयो॑ दे॒व्याना॑ अ॒न्तरा॑ द्या॒वा पृ॑थि॒वी वि॑यन्ति ।
ते॒षां यो अ॒ज्यानि॑ म॒जीति॑ मा॒हवा॑ त॒स्मै नो॑ दे॒वाः परि॑दत्तेह॒ सर्वे ॥
ग्री॒ष्मो हे॑मन्त उ॒तनो॑ व॒सन्तः॑ श॒रद् वर्षाः॑ सु॒वि तन्नो॑ अस्तु ।
ते॒षामृ॑तूनां॒ श॒तशार॑दानां नि॒वात॑ ए॒षा म॑भये स्याम ॥
इ॒दु-व॑त्स॒राय॑ परि-व॒त्स॒राय॑ सं-व॒त्स॒राय॑ कृ॒णुता॑ बृ॒हन्न॑मः ।
ते॒षां वय॑ः सु॒मतौ॑ य॒ज्ञिया॑नां ज्यो॒ग जी॑ता अ॒हताः॑ स्याम ॥
भ॒द्रान्नः॑ श्रेयः स॒मनै॑ष्ट दे॒वा स्त्व॑याऽव॒सेन॑ स॒मशी॑ महि॒त्वा ।
स नो॑ म॒यो-भूः॑ पि॒तो आ॒वि॒शस्व॑ श॒न्तोका॑य त॒नुवे॑ स्यो॒नः ॥
भू॒तं भ॑व्यं भ॒विष्य॑ द्वि॒षट्स्वा॑हा नम ऋ॒क्साम॑ य॒जु-व॑र्षट्स्वा॒हा
नमो॑ गाय॒त्री त्रि॒ष्टुब्ज॑गती व॒षट्स्वा॑हा नमः पृ॒थि॒व्यन्त॑रि॒क्षं द्यौ॑ व॒र्षट्स्वा॑हा
नमो॑ऽग्नि॒र्वायुः॑ सू॒र्यो व॑षट्स्वा॒हा नमः॑ प्रा॒णो व्या॑नोऽपा॒नो व॑षट्स्वा॒हा
नमो॑ऽन्नं कृ॒षि वृ॑ष्टि व॒र्षट्स्वा॑हा नमः पि॒ता पु॒त्रः पौ॒त्रो व॑षट्स्वा॒हा
नमो॑ भू भु॒वः सु॒व व॑र्षट्स्वा॒हा नमः॑ ।



॥ अथर्वशिरसं ॥ (CHANT IN A LOW VOICE)

इन्द्रो-दधीचो अस्थभि । वृत्राण्य प्रति-ष्कृतः । जघान नवती-र्नव ।
इच्छन्न श्वस्य यच्छिरः । पर्वतेष्व पश्रितम् । तद्विद च्छर्यणा वति ।
अद्राह गोर मन्वत । नाम त्वष्टुर पीच्यम् । इत्था चन्द्र मसो गृहे ।
इन्द्रमिदू गाथिनो बृहत् । इन्द्र मर्के भिरकिणः । इन्द्रं वाणी रनूषत ।
इन्द्र इद्वर्योः सचा । संमिश्र आवचो युजा । इन्द्रो वज्री हिरण्ययः ।
इन्द्रो दीर्घाय चक्षसे । आसूर्यं रोहय द्विवि । विगोभिरद्रि मैरयत् ।
इन्द्र वाजेषु नो अव । सहस्र प्रधनेषु च । उग्र उग्राभि रूतिभिः ।
तमिन्द्रं वाजया मसि । महे वृत्राय हन्तवे । स वृषा वृषभोऽभुवत् ।
इन्द्रः स दामने कृतः । ओजिष्ठः सबले हितः ।
द्युम्नी श्लोकी स सौम्यः । गिरा वज्रो न संभृतः ।
सबलो अन पच्युतः । व वक्षु रुग्नो अस्तुतः ।

॥ प्रत्यंगिरसं ॥

चक्षुषो हेते मनसो हेते । वाचो हेते ब्रह्मणो हेते ।
योमाऽघायु रभिदा सति । तमग्ने मेन्याऽमेनिं कृणु ।
यो मा चक्षुषा यो मनसा । यो वाचा ब्रह्मणा घायु रभिदा सति ।
तयाऽग्ने त्वं मेन्या । अमुम मेनिङ् कृणु ।
यत्किञ्चा सौ मनसा यच्च वाचा । यज्ञैर्जुहोति यजुषा हविर्भिः ।
तन्मृत्यु निर्ऋत्या संविदानः । पुरा-दिष्टा दाहुती-रस्य हन्तु ।
यातु धाना निर्ऋति रादु रक्षः । ते अस्य घन्त्व नृतेन सत्यम् ।



इन्द्रेषिता आज्य मस्य मथनन्तु । मा तत्स मृद्धि यदसौ करोति ।
 हन्मि तेऽहङ् कृतः हविः । यो मे घोरमची कृतः ।
 अपाञ्चौ त उभौ बाहु । अपन ह्याम्या स्यम् ।
 अपन ह्यामिते बाहू । अपन ह्याम्या स्यम् ।
 अग्ने देवस्य ब्रह्मणा । सर्वं तेऽवधिषङ् कृतम् ।
 पुराऽमुष्य वषट्कारात् । यज्ञं देवेषु नस्कृधि ।
 स्विष्ट मस्माकं भूयात् । माऽस्मान् प्रापन्नरा तयः ।
 अन्ति दूरे सतो अग्ने । भ्रातृव्यस्या भिदासतः ।
 वषट्कारेण वज्रेण । कृत्याऽहन्मि कृता महम् ।
 यो मा नक्तं दिवा सायम् । प्रातश्चाहो निपीयति ।
 अद्यात मिन्द्र वज्रेण । भ्रातृव्यं पादयामसि ।
 प्राणो रक्षति विश्वमेजत् । इर्यो भूत्वा बहुधा बहूनि ।
 स इत्सर्वं व्यानशे । यो देवो देवेषु विभूरन्तः ।
 आवृद्धूदात् क्षेत्रिय ध्वगद् वृषा । तमित्प्राणं मनसोप शिक्षत ।
 अग्रं देवाना मिद मत्तु नो हविः । मनसश्चित्तेदम् ।
 भूतं भव्यं च गुप्यते । तद्धि देवेष्वग्रियम् ।
 आ न एतु पुरश्चरम् । सह देवैरिमः हवम् ।
 मनः श्रेयसि श्रेयसि । कर्मन् यज्ञ पतिं दधत् ।
 जुषतां देवा गिदः हविः । विराड् देवी पुरोहिता ।
 हव्य वाडन पायिनी । यया रूपाणि बहुदा वदन्ति ।
 पेशाऽसि देवाः परमे जनित्रे । सा नो विराड-नप स्पुरन्ती ।



वाग्दे॒वी जु॒षता॑ मि॒दः॑ ह॒विः । चक्षु॑ र्दे॒वानां॑ ज्योति॒र-मृ॒ते न्य॑क्तम् ।
अस्य॑ वि॒ज्ञानाय॑ बहु॒धानि॑ धीय॒ते । तस्य॑ सु॒म्न म॒शीम॑हि ।
मा नो॑ हा॒सी द्वि॒चक्ष॑णम् । आ॒युरि॒न्नः प्र॑तीर्य॒ताम् ।
अन॑न्धा श्रक्षु॒षा व॑यम् । जी॒वा ज्योति॑ रशीमहि ।
सुव॑ज्योति॒रुता॑ मृ॒तम् । श्रो॒त्रेण॑ भद्र॒मुत॑ शृण्वन्ति सत्यम् ।
श्रो॒त्रेण॑ वाचं बहु॒धो द्य॑मानाम् । श्रो॒त्रेण॑ मोद॒श्च मह॑श्च श्रूय॒ते ।
श्रो॒त्रेण॑ सर्वा दि॒श आ॑शृणोमि । येन॑ प्रा॒च्या उ॒त दक्षि॑णा ।
प्रती॑च्यै दि॒शः शृ॑ण्वन्त्यु॒त्तरा॑त् । तदि॒च्छ्रो॒त्रं बहु॑धो-द्यमानम् ।
अ॒रान्न-ने॒मिः परि॑सर्वं बभूव ।
सि॒ःहे व्या॒घ्र उ॒त या॑ पृ॒दाकौ॑ । त्वि॒षि-र॒ग्नौ ब्रा॑ह्मणे सूर्येया ।
इन्द्रं॑ या दे॒वी सु॒भगा॑ ज॒जान॑ । सा न आ॒गन्व॑र्चसा संवि॒दाना॑ ।
या रा॒ज॒न्ये दु॒न्दुभा॑ वा॒यता॑याम् । अ॒श्वस्य॑ क्र॒न्द्ये पु॒रुष॑स्य मा॒यौ ।
इन्द्रं॑ या दे॒वी सु॒भगा॑ ज॒जान॑ । सा न आ॒गन्व॑र्चसा संवि॒दाना॑ ।
या ह॒स्तिनि॑ द्वी॒पिनि॑ या हि॒रण्ये॑ । त्वि॒षि र॒श्वेषु॑ पु॒रुषेषु॑ गो॒षु ।
इन्द्रं॑ या दे॒वी सु॒भगा॑ ज॒जान॑ । सा न आ॒गन्व॑र्चसा संवि॒दाना॑ ।
रथे॑ अ॒क्षेषु॑ वृष॒भस्य॑ वा॒जे । वा॒ते पर्ज॑न्ये वरुणस्य शु॒ष्मे ।
इन्द्रं॑ या दे॒वी सु॒भगा॑ ज॒जान॑ । सा न आ॒गन्व॑र्चसा संवि॒दाना॑ ।
रा॒डसि॑ वि॒राडसि॑ । स॒म्राडसि॑ स्व॒राडसि॑ ।
इन्द्रा॑य त्वा तेज॒स्वते॑ तेज॒स्वन्तः॑ श्रीणामि ।
इन्द्रा॑य त्वौ-ज॒स्वत॑ ओज॒स्वन्तः॑ श्रीणामि ।



इन्द्राय॑ त्वा॒ पय॑स्वते॒ पय॑स्वन्तँ॑ श्रीणामि ।

इन्द्राय॑ त्वाऽऽयु॑ष्मत॒ आयु॑ष्मन्तँ॑ श्रीणामि ।

तेजो॑ऽसि । तत्ते॒ प्रय॑च्छामि । तेज॑स्व-दस्तु॒ मे मुख॑म् । तेज॑स्व-च्छिरो॒ अस्तु॑ मे ।

तेज॑स्वान् विश्वतः॒ प्रत्य॑ङ् । तेज॑सा संपि॒ -पृ॑ग्धि मा ।

ओजो॑ऽसि । तत्ते॒ प्रय॑च्छामि । ओज॑स्व-दस्तु॒ मे मुख॑म् । ओज॑स्व-च्छिरो॒ अस्तु॑ मे ।

ओज॑स्वान् विश्वतः॒ प्रत्य॑ङ् । ओज॑सा संपि॒ -पृ॑ग्धि मा ।

पयो॑ऽसि । तत्ते॒ प्रय॑च्छामि । पय॑स्व-दस्तु॒ मे मुख॑म् । पय॑स्व-च्छिरो॒ अस्तु॑ मे ।

पय॑स्वान् विश्वतः॒ प्रत्य॑ङ् । पय॑सा संपि॒ -पृ॑ग्धि मा ।

आयु॑रसि । तत्ते॒ प्रय॑च्छामि । आयु॑ष्म-दस्तु॒ मे मुख॑म् । आयु॑ष्म-च्छिरो॒ अस्तु॑ मे ।

आयु॑ष्मान् विश्वतः॒ प्रत्य॑ङ् । आयु॑षा संपि॒ -पृ॑ग्धि मा ।

इमम॑ग्न आयु॑षे वर्च॑से कृ॒धि । प्रि॒यः॑ रे॒तो वरु॑ण सोम॒ राज॑न्न ।

मा॒तेवा॑स्मा अ॒दिते॑ शर्म॒ यच्छ॑ । वि॒श्वेदे॒वा जर॑ द॒ष्टि-र्यथा॑ऽसत् ।

आयु॑रसि वि॒श्वायु॑रसि । सर्वा॑यु॒रसि॑ सर्व॒मायु॑रसि ।

यतो॑ वातो॒ मनो॑जवाः । यतः॑, क्षर॑न्ति सि॒न्धवः॑ ।

तासा॑न्त्वा सर्वा॑साः॒ रुचा॑ । अ॒भिषि॑चामि वर्च॑सा ।

समु॒द्र इवा॑सि ग॒ह्वना॑ । सोम॑ इवा॒स्यदा॑भ्यः ।

अ॒ग्नि-रि॒व विश्व॑तः॒ प्रत्य॑ङ् । सूर्य॑ इव॒ ज्योति॑षा वि॒भूः ।

अपां॑ यो द्रव॑णे रसः । तम॑ह-मस्मा॒ आमु॑ष्या-य॒णाय॑ । तेज॑से ब्रह्म॒वर्च॑साय॒ गृह्णामि॑ ।

(तम॑हम् शर्म॑णे गो॒त्राय॑ सहकुटु॒ंबाय॑ [बाल॒काय॑] तेज॑से ब्रह्म॒वर्च॑साय॒ गृह्णामि॑ ।)

अपां॑ य उ॒र्मो रसः॑ । तम॑ह-मस्मा॒ आमु॑ष्या-य॒णाय॑ । ओज॑से वी॒र्या॑य॒ गृह्णामि॑ ।

(तम॑हम् शर्म॑णे गो॒त्राय॑ सहकुटु॒ंबाय॑ [बाल॒काय॑] ओज॑से वी॒र्या॑य॒ गृह्णामि॑ ।)

अपां॑ यो म॒ध्यतो॑ रसः॑ । तम॒ह-म॒स्मा आ॒मुष्या॑-य॒णाय॑ । पु॒ष्टै॑ प्र॒जन॑नाय गृह्णामि ।

(तम॒हम् श॒र्मणे गो॒त्राय॑ सहकुटुंबाय [बाल॒काय] पु॒ष्टै॑ प्र॒जन॑नाय गृह्णामि ।)

अपां॑ यो य॒ज्ञियो॑ रसः॑ । तम॒ह-म॒स्मा आ॒मुष्या॑-य॒णाय॑ । आ॒युषे॑ दी॒र्घायु॑त्वाय गृह्णामि ।

(तम॒हम् श॒र्मणे गो॒त्राय॑ सहकुटुंबाय [बाल॒काय] आ॒युषे॑ दी॒र्घायु॑त्वाय गृह्णामि ।)

अ॒हम॑स्मि प्रथ॒मजा॑ ऋ॒तस्य॑ । पूर्वं॑ दे॒वेभ्यो॑ अ॒मृत॑स्य नाभिः ।

यो मा द॒दाति॑ स इ दे॒व मा वाः॑ । अ॒हम॑न्न म॒न्न म॒दन्त॑ म॒द्भि ।

पूर्व॑-म॒ग्ने-र॒पि द॒ह-त्य॑न्नं । य॒त्तौ हा॑साते अ॒ह-मु॒त्तरे॑षु ।

व्या॒त्त-म॒स्य प॑शव स्सु॒जम्भ॑म् । प॒श्यन्ति॑ धी॒राः प्र॑चरन्ति पा॒काः ।

ज॒हा म्य॑न्यं न॒जहा॑ म्य॒न्यम् । अ॒हम॑न्नं व॒श मि॑च्चरामि ।

स॒मान-म॑र्थं प॒र्ये॑मि भुं॒जत् । को मा म॑न्नं म॒नुष्यो॑ दयेत ।

प॒राके॑ अ॒न्नं नि॑हितं ल्लो॒क ए॒तत् । वि॒श्वे॑र्दे॒वैः पि॒तृभि॑ गु॒प्त म॑न्नम् ।

यद॑द्यते लु॒प्यते॑ य॒त्परो॑प्यते । श॒त त॑मी सा त॒नूर्मे॑ बभूव ।

म॒हान्तौ॑ च॒रू सकृ॑ दु॒ग्धेन॑ प॒प्रौ । दि॒वंच॑ पृ॒श्निं पृ॒थि॒वीं च॑ सा॒कम् ।

तत्सं॑ पि॒बन्तो॑ न मि॒नन्ति॑ वे॒धसः॑ । नै॒त-द्रू॑यो भ॒वति॑ नो क॒नीयः॑ ।

अ॒न्नं प्रा॑ण म॒न्न म॑पान माहुः । अ॒न्नं मृ॒त्युं त॑मु जी॒वातु॑ माहुः ।

अ॒न्नं ब्र॑ह्मा॒णो ज॑रसं वदन्ति । अ॒न्नमा॑हुः प्र॒जन॑नं प्र॒जाना॑म् ।

मो॒घ-म॑न्नं वि॒न्दते॑ अ॒प्रचे॑ताः । स॒त्यं ब्र॑वीमि व॒ध इ॒त्स त॑स्य ।

ना॒र्य॒मणं॑ पु॒ष्यति॑ नो स॒खाय॑म् । के॒वला॑घो भ॒वति॑ के॒वला॑दि ।

अ॒हं मे॒घ स्त॑न-य॒न्वर्ष॑ न्नस्मि । मा॒म-द॑न्त्य ह॒मद् म्या॑न्यान् ।

अ॒हं स॒दमृ॑तो भ॒वामि॑ । म॒दादि॑त्या अ॒धि स॑र्वे त॒पन्ति॑ ।



देवी वाचमजनयन्त देवाः । तां विश्वरूपाः पशवो वदन्ति । सा नो मन्द्रेषमूर्जं दुहाना ।
धेनुर्वागस्मानुपसुष्टुतैतु । यद्वाग्वदन्त्यविचेतनानि । राष्ट्री देवानान्निषसादमन्द्रा ।
चतस्र ऊर्जदुहे पयांसि । क्वस्विदस्याः परमं जगाम ।

देवीं वाचम-जनयन्त यद्वा-ग्वदन्ति ।
अनन्ता-मन्ता-दधि निर्मितां महीम् । यस्यां देवा अद धुर्भोजनानि ।
एकाक्षरां द्विपदां षट् पदाञ्च । वाचं देवा उपजीवन्ति विश्वे ।
वाचं देवा उपजीवन्ति विश्वे । वाचङ् गन्धर्वाः पशवो मनुष्याः ।
वाचीमा विश्वा भुवना न्यर्पिता । सा नो हवं जुषता मिन्द्र-पत्नी ।
वागक्षरं प्रथमजा ऋतस्य । वेदानां माताऽऽमृतस्य नाभिः ।
सानो जुषाणोप यज्ञमागात् । अवन्ती देवी सुहवामे अस्तु ।
यामृषयो मन्त्र-कृतो मनीषिणः । अन्वैच्छं देवा स्तपसा श्रमेण ।
तां देवीं वाचं हविषा यजामहे । सा नो दधातु सुकृतस्य लोके ।
चत्वारि वाक्परि-मिता पदानि । तानि विदु ब्राह्मणा ये मनीषिणः ।
गुहा त्रीणि निहिता नेङ् गयन्ति । तुरीयं वाचो मनुष्या वदन्ति ।
श्रद्धयाग्निः समिध्यते । श्रद्धया विन्दते हविः ।
श्रद्धां भगस्य मूर्धनि । वचसा वेदयामसि ।
प्रियं श्रद्धे ददतः । प्रियं श्रद्धे दिदासतः ।
प्रियं भोजेषु यज्वसु । इदं म उदितं कृधि ।
यथा देवा असु रेषु । श्रद्धा मुग्रेषु चक्रिरे ।
एवं भोजेषु यज्वसु । अस्माक-मुदितं कृधि ।
श्रद्धां देवा यजमानाः । वायु-गोपा उपासते ।



श्रद्धा९ हृदय्ययाऽऽकूत्या । श्रद्धया हूयते हविः ।
 श्रद्धां प्रात-हवामहे । श्रद्धां मध्यं दिनं परि ।
 श्रद्धा९ सूर्यस्य निम्नुचि । श्रद्धे श्रद्धा पये ह मा ।
 श्रद्धा देवा नधिवस्ते । श्रद्धा विश्वमिदं जगत् ।
 श्रद्धां कामस्य मातरम् । हविषा वर्धयामसि ।
 ब्रह्मजज्ञानं प्रथमं पुरस्तात् । विसीमत स्सुरुचो वेन आवः ।
 स बुद्धिया उपमा अस्य विष्ठाः । सतश्च योनि-मसतश्च विवः ।
 पिता विराजा-मृषभो रयीणाम् । अन्तरिक्षं विश्वरूप आविवेश ।
 तमर्कैरभ्यर्चन्ति वत्सम् । ब्रह्म सन्तं ब्रह्मणा वर्धयन्तः ।
 ब्रह्म देवा-नजन यत् । ब्रह्म विश्वमिदं जगत् ।
 ब्रह्मणः , क्षत्रनिर्मितम् । ब्रह्म ब्राह्मण आत्मना ।
 अन्तरस्मिन्निमे लोकाः । अन्तर्विश्वमिदं जगत् ।
 ब्रह्मैव भूतानां ज्येष्ठम् । तेन कोऽर्हति स्पर्धितुम् ।
 ब्रह्मन्देवा-स्त्रयस्त्रि९ शत् । ब्रह्म त्रिन्द्र प्रजापती ।
 ब्रह्मन् ह विश्वा भूतानि । नावीवान्तः समाहिता ।
 चतस्र आशाः प्रचरन्त्वग्नयः । इम न्नो यज्ञं न्नयतु प्रजानन् ।
 घृतं पिन्वन्नजर९ सुवीरम् । ब्रह्म समिद्धव त्याहुतीनाम् ।
 आगावो -अग्मन्नुत भद्रमक्रन् । सीदन्तु गोष्ठे रणयन्त्वस्मे ।
 प्रजावतीः पुरुरूपा इह स्युः । इन्द्राय पूर्वी रुषसो दुहानाः ।
 इन्द्रो यज्वने पृणते च शिक्षति । उपे ददाति न स्वं मुषायति ।
 भूयो भूयो रयि-मिदस्य वर्धयन् । अभिन्ने खिल्ले निदधाति देवयुम् ।



न ता न॑शन्ति न द॑भाति तस्करः । नैना॑ अमि॒त्रो व्यथि॑रद॒धर्षति॑ ।
 दे॒वाश्च॑ याभि॒र्यज॑ते द॒दाति च॑ । ज्यो॒गित्ताभि॑स्सच॒ते गो॑पतिः सह ।
 न ता अ॒र्वा रेणु॑क कातो अश्नुते । न स॑स्सकृ॒तत्रपु॑पयन्ति ता अ॒भि ।
 उरु॑गायमभयन्तस्य ता अनु । गावो म॒र्त्यस्य॑ विचि॒रन्ति यज्व॑नः ।

न ता न॑शन्ति न ता अ॒र्वा ।

गावो भ॒गो गाव॑ इन्द्रो मे अ॒च्छात् । गावः सोम॑स्य प्रथमस्य भक्षः ।
 इ॒मा या-गाव॑ स्सजना स इन्द्रः । इ॒च्छामी॑ दृ॒दा मन॑सा चिदिन्द्रम् ।
 यूयं गावो मे॒दय॑था कृ॒शञ्चित् । अ॒श्लीलं॑ चि॒त्कृणु॑था सुप्रतीकम् ।
 भ॒द्रं गृहं॑ कृणुथ भ॒द्र-वाचः॑ । बृ॒हद्वो वय॑ उच्यते सभासु ।
 प्र॒जाव॑तीः सू॒यव॑सश्च रि॒शन्तीः॑ । शु॒द्धा अप॑-स्सुप्र-पाणे पिबन्तीः ।
 मा॒व-स्तेन॑ ई॒शत॑ माघशश्च सः । परि॒वो हे॒ती रु॒द्रस्य॑ वृ॒ज्यात् ।
 उ॒पेद॑ मु॒प प॑र्चनम् । आ॒सु गो॑षूप पृच्यताम् । उ॒पर॑-ष भ॒स्य रे॑तसि ।
 उ॒पेन्द्र॑ तव वी॒र्ये॑ । ता सूर्या॑ चन्द्रमसा विश्व भृ॒त्तमा॑ महत् ।
 ते॒जो व॑सु म॒द्रा-ज॑तो दि॒वि । सा॒मात्मा॑ना चरत स्साम चा॒रिणा॑ ।
 य॒यो व्र॑तन्न-ममे जा॒तु दे॒वयोः॑ । उ॒भावन॑तौ परि॒यात॑ अ॒म्या ।
 दि॒वो न र॑श्मीश्च स्तनुतो व्य॒ण्वि । उ॒भा भु॑वन्ती भुवना क॒वि-क्र॑तु ।
 सूर्या॑ न चन्द्रा चरतो ह॒ता-म॑ती । प॒ती द्यु॑म द्वि॒श्व वि॒दा उ॒भा दि॒वः ।
 सूर्या॑ उ॒भा चन्द्र॑मसा वि॒चक्ष॑णा । वि॒श्व-वा॒रा व॑रिवो भा-व॒रेण्या॑ ।
 ता नोऽव॑तं म॒ति-म॑न्ता म॒हि-व्र॑ता । वि॒श्व व॑परि प्र॒तर॑णा तरन्ता ।
 सु॒वर्वि॑दा दृ॒शये॑ भूरि र॒श्मी । सूर्या॑ हि चन्द्रा व॒सु-त्वेष॑ दर्शता ।
 म॒नस्वि॑नो भाऽनु चरतोनु संदि॒वम् । अ॒स्य श्र॑वो नद्यः सप्त बिभ्र॑ति ।



द्या॒वा-क्षा॒मा पृ॒थि॒वी द॒र्-श॒तं व॒पुः । अ॒स्मे सू॒र्या च॒न्द्र॒मसा॑ऽभि॒चक्षे॑ ॥
श्र॒द्धेक॑-मिन्द्र च॒रतो॑ वि॒चर्तु॑रम् । पु॒र्वा परं॑ च॒रतो॑ मा॒य-यै॑तौ ।
शि॒शू क्री॑डन्तौ परि॒यातो॑ अध्व॒रम् । वि॒श्वा-न्य॑न्यो भु॒वना॑ऽभि॒चष्टे॑ ॥
ऋ॒तू-न॑न्यो वि॒दध॑ जा॒यते॑ पु॒नः ।

हि॒र॒ण्य॒वर्णाः शु॒चयः॑ पा॒वका॑ या॒सु जा॒तः क॒श्यपो॑ या॒स्विन्द्रः॑ ।
अ॒ग्निं या॑ गर्भ॒म् दधि॑रे वि॒रूपा॑स्तान् आ॒पश्श॑स्यो॒ना भ॑वन्तु ॥
या॒साः राजा॑ वरु॒णो या॒ति म॒ध्ये स॒त्यानृ॑ते अ॒वप॑श्य॒म् जना॑नाम् ।
म॒धुश्चु॒तश्शु॒चयो॑ याः पा॒वका॑स्ता न आ॒पश्श॑स्यो॒ना भ॑वन्तु ॥
या॒साम् दे॒वा दि॒वि कृ॑ण्वन्ति भ॒क्षं या॑ अ॒न्तरि॑क्षे बहु॒धा भ॑वन्ति ।
याः पृ॒थि॒वीम् प॒यसो॑न्दन्ति शु॒क्रास्ता॑ न आ॒पश्श॑स्यो॒ना भ॑वन्तु ॥
शि॒वेन॑ मा चक्षु॒षा प॑श्यताप॒श्शिव॑या त॒नुवो॑प स्पृ॒शत॑ त्वच॒म् मे ।
स॒र्वाः अ॒ग्नीः र॒प्सुष॑दो हु॒वो वो म॒यि वर्चो॑ ब॒लमो॑जो नि॒धत्त॑ ॥
आ॒पोभ॑द्रा गृ॒तमि॑दाप आ॒सुर॒ग्री॒षोमौ॑ बिभ्रा॒त्याप॑ इ॒त्ताः ।
ती॒व्रो र॒सो म॒धुपृ॑चाम॒रंग॑म आ मा प्रा॒णेन॑ सह॒ वर्च॑ सा॒गन् ॥
आदि॑त्प॒श्याम्यु॑त वा शृ॒णोम्या॑मा घो॒षो ग॑च्छति वाङ् न आ॒साम् ।
म॒न्येभे॑जानो अ॒मृत॑स्य तर्हि॒ हि॒र॒ण्य॒वर्णा अ॒तृपं॑ यदा॒वः ॥

हि॒र॒ण्य॒वर्णाः शु॒चयः॑ पा॒वका॑ या॒साः राजा॑ ।
या॒सां दे॒वा शि॒वेन॑ मा चक्षु॒षा प॑श्यत । आ॒पो -भ॑द्रा आदि॒-त्प॑श्यामि ।
ना॒स दा॒सी-न्नो॑-स दा॒सी त॑दानी॒म् । ना सी॒द्रजो॑ नो व्यो॒मा परो॑ यत् ।
कि॒मा-व॑रीवः कुह॒ कस्य॑ शर्मन् । अ॒म्भः कि॒मासी॑द् ग॒हनं॑ ग॒भीर॑म् ।
न मृ॒त्यु र-मृ॑त न्तर॒-हि न । रा॒त्रिया॑ अ॒ह्ना आ॑सीत् प्र॒केतः॑ ।



आनीद-वातँ स्वधया तदेकम् । तस्मा-द्धान्यं न परः किञ्चनास ।
 तम आसी-त्तमसा गूढ मग्रे प्रकेतम् । सलिलं सर्व मा इदम् ।
 तुच्छेना-भ्वपि हितं यदासीत् । तम-सस्त-न्महिना जाय-तैकम् ।
 कामस्त-दग्रे समवर्त-ताधि । मनसो रेतः प्रथमं यदासीत् ।
 स तो बन्धुम-सति निरविन्दन् । हृदि-प्रतीष्या कवयो मनीषा ।
 तिर-श्रीनो विततो रश्मि-रेषाम् । अध-स्विदासी ३ दुपरि -स्विदासी ३ त् ।
 रेतोधा आस-न्महिमा न आसन्न । स्वधा अवस्तात् प्रयतिः परस्तात् ।
 को अद्धा वेदक इह प्रवोचत् । कुत आ जाता कुत इयं विसृष्टिः ।
 अर्वा-ग्देवा अस्य विसर्जनाय । अथा को वेद-यत आ बभूव ।
 इयं विसृष्टि-र्यत आबभूव । यदि वा दधे यदि वा न ।
 यो अस्याध्यक्षः परमे व्योमन् । सो अंग वेद यदि वा न वेद ।
 किँ स्विद्वनं क उ स वृक्ष आसीत् । यतो द्यावापृथिवी निष्ट-तक्षुः ।
 मनीषिणो मनसा पृच्छते दुतत् । यदध्य-तिष्ठ द्रुवनानि धारयन् ।
 ब्रह्म वनं ब्रह्म स-वृक्ष आसीत् । यतो द्यावापृथिवी निष्ट-तक्षुः ।
 मनीषिणो मनसा विब्रवीमि वः । ब्रह्मा ध्यतिष्ठ द्रुवनानि धारयन् ।
 प्रातरग्निं प्रातरिन्द्रं हवामहे । प्रातर्मित्रा वरुणा प्रातरश्विना ।
 प्रातर्भगं पूषणं ब्रह्मणस्पतिम् । प्रातः सोममुत रुद्रं हुवेम ।
 प्रातर्जितं भगमुग्रं हुवेम । वयं पुत्र-मदितेयो विधर्ता ।
 आघ्रश्चिद्यं मन्यमानस्तुर श्वित् । राजा चिद्यं भगं भक्षीत्याह ।
 भग प्रणेत-र्भग सत्यराधः । भगेमां धियमुद वददन् ।
 भग प्रणो जनय गोभिरश्वैः । भग प्रनृभि नृवन्तः स्याम ।



उ॒तेदा॑नीं॒ भ॒ग॒वन्तः॑ स्या॒म । उ॒त प्र॑पि॒त्व उ॒त म॑ध्ये अ॒ह्ना॒म् ॥
 उ॒तोदि॑ता म॒घ॒वन्त्सूर्य॑स्य । व॒यं दे॒वाना॑ः सु॒मतौ॑ स्या॒म ।
 भ॒ग ए॒व भ॒गवा॑ः अस्तु दे॒वाः । तेन॑ व॒यं भ॒ग॒वन्तः॑ स्या॒म ।
 तन्त्वा॑ भ॒ग सर्व॑ इ॒ज्जो॑-ह॒वीमि॑ । स॒नो भ॒ग पु॒र ए॒ता भ॑वे॒ह ।
 स॒म॒ध्वरा॑यो ष॒सो न॑मन्त । द॒धि॒क्रा॒वे॒व शु॒चये॑ प॒दाय॑ ।
 अ॒र्वा॒ची॒नं व॑सु॒विदं॑ भ॒गन्नः॑ । र॒थ॒मि॒वा॒श्वा वा॑जिन॒ आव॑हन्तु ।
 अ॒श्वा॒वती॑ गो॒मती॑र्न उ॒षा॑सः । वी॒र॒वतीः॑ स॒दमु॑च्छन्तु भ॒द्राः ।
 घृ॒तं दु॒हा॒ना वि॒श्वतः॑ प्र॒पी॒नाः । यू॒यं पा॒त स्व॑स्ति॒भिः स॒दा नः॑ ।

कृत्तिका (Karthi)

अ॒ग्नि॒र्नः पा॒तु कृ॑त्तिकाः । नक्ष॑त्रं दे॒वमि॑न्द्रि॒यम् ।
 इ॒द॒मा॒सां वि॒चक्ष॑णम् । ह॒वि॒रा॒सं जु॑होत॒न ।
 य॒स्य भा॑न्ति र॒श्मयो॑ य॒स्य के॑तवः । य॒स्ये॒मा वि॒श्वा भु॑वनानि सर्वा ।
 स कृ॑त्तिकाभि र॒भि सं॑वसानः । अ॒ग्नि॒र्नो दे॒व स्सु॑वि॒ते द॑धातु ॥

रोहिणी (Rohini)

प्र॒जा॒प॒ते रो॒हिणी॑ वे॒तु प॒त्नी । वि॒श्वरू॑पा बृ॒हती॑ चि॒त्र भा॑नुः ।
 सा नो॑ य॒ज्ञस्य॑ सु॒वि॒ते द॑धातु । य॒था जी॑वेम श॒रद॑ स्स॒वीराः॑ ।
 रो॒हिणी॑ दे॒व्यु॒दगा॑ त्पु॒रस्ता॑त् । वि॒श्वा रू॑पणि॒ प्रति॑ मोद॒माना॑ ।
 प्र॒जा॒प॒तिः ह॒विषा॑ वर्धयन्ती । प्रि॒या दे॒वाना॑ मु॒पया॑तु य॒ज्ञम् ॥



मृगशीर्षम् चम्पुगहासहेरसहामफ

सोमो राजा मृगशीर्षेण आगन्तु । शिवं नक्षत्रं प्रियमस्य धाम ।
आप्यायमानो बहुधा जनेषु । रेतः प्रजां यजमाने दधातु ।
यत्ते नक्षत्रं मृगशीर्ष मस्ति । प्रियं राजन् प्रियतमं प्रियाणाम् ।
तस्मै ते सोम हविषा विधेम । शन्न एधि द्विपदे शं चतुष्पदे ॥

आर्द्रा (Tiruvadarai)

आर्द्रया रुद्रः प्रथमा न एति । श्रेष्ठो देवानां पति रघ्नि यानाम् ।
नक्षत्र मस्य हविषा विधेम । मा नः प्रजां रीरिषन्मोत वीरान् ।
हेति रुद्रस्य परिणो वृणक्तु । आर्द्रा नक्षत्रं जुषतां हविर्नः ।
प्रमुञ्चमानौ दुरितानि विश्वा । अपाघशंसन्नुदता मरातिम् ॥

पुनर्वसु (Punarpoosham)

पुनर्नो देव्य दिति स्पृणोतु । पुनर्वसूनः पुनरेतां यज्ञम् ।
पुनर्नो देवा अभियन्तु सर्वे । पुनः पुनर्वो हविषा यजामः ।
एवा न देव्य दितिर् नर्वा । विश्वस्य भर्त्री जगतः प्रतिष्ठा ।
पुनर्वसू हविषा वर्धयन्ती । प्रियम् देवाना मप्येतु पाथः ॥

पुष्यम् (Poosham)

बृहस्पतिः प्रथमं जायमानः । तिष्यम् नक्षत्र मभि संबभूव ।
श्रेष्ठो देवानां पृतनासु जिष्णुः । दिशोऽनु सर्वा अभयन्नो अस्तु ।
तिष्यः पुरस्ता दुत मध्यतो नः । बृहस्पतिर्नः परिपातु पश्चात् ।
बाधेता न्द्वेषो अभयं कृणुताम् । सुवीर्यस्य पतय स्याम ॥



आश्रेषा (Aailyam)

इ॒दं॑ स॒र्पेभ्यो॑ ह॒विर॑स्तु जुष्टम् । आ श्रेषा॑ येषा॑ म॒नुय॑न्ति चे॒तः ।
ये अ॒न्तरि॑क्षं पृथि॒वीं क्षि॑यन्ति । ते न॒ स्सर्पा॑सो ह॒व मा॑गमिष्ठाः ।
ये रो॒चने॑ सूर्य॒ स्यापि॑ सर्पाः । ये दि॒वं दे॒वी म॒नु स॒ञ्चर॑न्ति ।
येषा॑मा श्रेषा॑ अ॒नुय॑न्ति का॒मम् । तेभ्य॑ स्स॒र्पेभ्यो॑ म॒धुम॑ जुहोमि ॥

मगम् (Maham)

उ॒प॒हृताः॑ पि॒तरो॑ ये म॒घासु॑ । म॒नोज॑वस-स्सु॒कृत॑-स्सु॒कृत्याः॑ ।
ते नो॑ नक्ष॒त्रे ह॒वमा॑गमिष्ठाः । स्व॒धाभि॑र्यज्ञं प्र॒यतं॑ जुषन्ताम् ।
ये अ॒ग्नि॒दग्धा॑ येऽन॒ग्नि॒दग्धाः॑ । येऽमु॒ल्लो॒कं पि॒तरः॑, क्षि॑यन्ति ।
याँश्च॑ वि॒द्मयाँ॑ उ॒चन॑ प्र॒विद्म॑ । म॒घासु॑ यज्ञँ॑ सु॒कृत॑म् जुषन्ताम् ॥

पूर्व फल्गुनी (Pooram)

ग॒वां प॒तिः फ॒ल्गुनी॑ ना॒मसि॑त्वम् । तद॒र्य॑मन् वरु॒ण मि॒त्र चा॒रु ।
तं त्वा॑ व॒यँ स॒नितारँ॑ स॒नीना॑म् । जी॒वा जी॒वन्त॑ मु॒प सं॒वि॒शे॒म ।
ये॒ने॒मा वि॒श्वा भु॒वनानि॑ स॒ञ्जिता॑ । य॒स्य दे॒वा अ॒नुसं॑यन्ति चे॒तः ।
अ॒र्य॒मा रा॒जाऽज॑रस्तु वि॒ष्मान् । फ॒ल्गुनी॑ना मृष॒भो रो॑र वी॒ति ॥

उत्तर फल्गुनी (Uttaram)

श्रेष्ठो॑ दे॒वाना॑म् भ॒गवो॑ भ॒गासि॑ । त॒त्त्वा वि॒दुः फ॒ल्गुनी॑स्तस्य॒ वि॒त्तात् ।
अ॒स्मभ्यं॑ क्ष॒त्र म॒जरँ॑ सु॒वीर्य॑म् । गो॒म द॒श्व व॒दु प॒सन्तु॑ दे॒ह ।
भ॒गो॒ह दा॒ता भ॒ग इ॒त्प्रदा॑ता । भ॒गो दे॒वीः फ॒ल्गुनी॑ रा॒वि वे॒श ।
भ॒ग स्ये॒त्तं प्र॑स॒वं ग॒मे॒म । य॒त्र दे॒वैस्स॒धमा॑दं म॒दे॒म ॥



हस्तम् (Hastam)

आया॑तु दे॒व स्स॑वि॒तो प॑यातु । हि॒रण्य॑ येन सु॒वृता॑ रथेन ।
व॒हन् ह॒स्तं सु॒भं वि॒द्वाना॑ प॒सम् । प्र॒यच्छ॑न्तं प॒पुरि॑ पु॒ण्य म॑च्छ ।
ह॒स्तः प्र॒यच्छ॑ त्वमृ॒तं व॑सीयः । दक्षि॑णेन प्र॒ति गृ॑भ्णीम ए॒नत् ।
दा॒तार॑ म॒द्य स॑वि॒ता वि॑देय । यो नो ह॒स्ताय॑ प्र॒सुवा॑ति य॒ज्ञम् ॥

चित्रा (Chittarai)

त्व॒ष्टा नक्ष॑त्र म॒भ्येति॑ चि॒त्राम् । सु॒भं स॑सं यु॒वति॑ रोच॒मानाम् ।
नि॒वेश॑ यन्न मृ॒ता न्म॒र्त्याश्च॑ । रू॒पाणि॑ पि॒शन् भु॑वनानि वि॒श्वा ॥
तन्न॑ स्त्व॒ष्टा तदु॑ चि॒त्रा वि॒चष्टा॑म् । तन्नक्ष॑त्रं भूरि॒दा अ॑स्तु म॒ह्यम् ॥
तन्नः॑ प्र॒जां वी॑रव॒तीं स॑नोतु । गोभि॑र्नो अ॒श्वै स्स॑मनक्तु य॒ज्ञम् ॥

स्वाति (Swathi)

वा॒युर्नक्ष॑त्र म॒भ्येति॑ नि॒ष्ट्याम् । ति॒ग्म शृ॑ङ्गो वृष॒भो रो॑रुवाणः ।
समी॑रयन् भु॒वना॑ मा॒तरि॑श्वा । अप॒ द्वेषा॑सि नु॒दता॑ म॒रातीः॑ ।
तन्नो॑ वा॒यु स्तदु॑ नि॒ष्ट्या शृ॑णोतु । तन्नक्ष॑त्रं भूरि॒दा अ॑स्तु म॒ह्यम् ॥
तन्नो॑ दे॒वासो॑ अ॒नुजा॑नन्तु का॒मम् । यथा॑ तरे॒म दु॑रि॒तानि॑ वि॒श्वा ॥

विशाखम् (Vishakham)

दूर॑ म॒स्म च्छ॑त्रवो यन्तु भी॒ताः । तदि॑न्द्रा॒ग्नी कृ॑णुताम् तद्वि॒शाखे॑ ।
तन्नो॑ दे॒वा अ॒नुम॑दन्तु य॒ज्ञम् । प॒श्चात् पु॑रस्ता द॒भय॑न्नो अ॒स्तु ।
नक्ष॑त्राणा मधि॒पत्नी॑ वि॒शाखे॑ । श्रे॒ष्ठा वि॑न्द्रा॒ग्नी भु॑वनस्य गो॒पौ ।
वि॒षूच॑ श॒शत्रू॑ नप बा॒धमानौ॑ । अप॒क्षुध॑ नु॒दता॑ म॒राति॑म् ॥



पौर्णमासी (Full Moon)

पूर्णा पश्चादुत पूर्णा पुरस्तात् । उन्मध्यतः पौर्णमासी जिगाय ।
तस्यां देवा अधि संवसन्तः । उत्तमे नाक इह मादयन्ताम् ।
पृथ्वी सुवर्चा युवतिः सजोषाः । पौर्णमा स्युदगा च्छोभमाना ।
आप्याययन्ती दुरितानि विश्वा । उरुं दुहां यजमानाय यज्ञम् ॥

अनुराधा (Anusham)

ऋद्ध्यास्म हव्यै नमसो पसद्य । मित्रं देवं मित्र धेयं नो अस्तु ।
अनुराधान् हविषा वर्धयन्तः । शतं जीवेम शरदः सवीराः ।
चित्रम् नक्षत्र मुदगा त्पुरस्तात् । अनुराधा स इति यद्वदन्ति ।
तन्मित्र एति पथिभिर्देवयानैः । हिरण्ययै विंशतै रन्तरिक्षे ॥

ज्येष्ठा (Ketai)

इन्द्रो ज्येष्ठा मनु नक्षत्र मेति । यस्मिन् वृत्रं वृत्र तूर्ये ततार ।
तस्मिन्वय ममृतं दुहानाः । क्षुधन्तरेम दुरितिं दुरिष्टिम् ।
पुरन्दराय वृषभाय धृष्णवे । अषाढाय सहमानाय मीढुषे ।
इन्द्राय ज्येष्ठा मधु मद्दुहाना । उरुं कृणोतु यजमानाय लोकम् ॥

मूलम् (Moolam)

मूलं प्रजां वीरवतीं विदेय । पराच्येतु निरर्घतिः पराचा ।
गोभिर्नक्षत्रं पशुभिस्समक्तम् । अहर्भूया यजमानाय मह्यम् ।
अहर्नो अद्य सुविते दधातु । मूलं नक्षत्र मिति यद्वदन्ति ।
पराची वाचा निरर्घतिं नुदामि । शिवं प्रजयै शिवमस्तु मह्यम् ॥



पूर्वाषाड (Pooradam)

या दि॒व्या आपः॑ पय॒सा सम्ब॑भूवुः । या अ॒न्तरि॑क्ष उ॒त पा॒रि वी॑र्याः ।
यासा॑ म॒षाढा॑ अ॒नुय॑न्ति का॒मम् । ता न॑ आ॒पःश॑स्यो॒ना भ॑वन्तु ।
याश्च॑ कू॒प्या याश्च॑ ना॒द्या स्स॑मु॒द्रियाः॑ । याश्च॑ वै॒शन्ती॑ रु॒त प्रा॑स॒चीर्याः॑ ।
यासा॑ म॒षाढा॑ म॒धु भ॑क्ष॒यन्ति॑ । ता न॑ आ॒पःश॑स्यो॒ना भ॑वन्तु ॥

उत्तराषाड (Uttaradam)

तन्नो॑ वि॒श्वे उप॑ शृ॒ण्वन्तु॑ दे॒वाः । तद॑ षा॒ढा अ॒भि सं॑यन्तु॒ यज्ञ॑म् ।
तन्न॑क्ष॒त्रं प्र॑थ॒तां प॑शु॒भ्यः । कृ॒षि वृ॑ष्टि॒र्यज॑मानाय॒ कल्प॑ताम् ।
शु॒भ्राः क॒न्या यु॒व त॑य॒ स्सुपे॑शसः । क॒र्म कृ॑त॒ स्सुकृ॑तो॒ वीर्या॑वतीः ।
वि॒श्वान् दे॒वान् ह॒विषा॑ वर्ध॒यन्तीः॑ । अ॒षाढाः॑ का॒म मु॑पा॒यान्तु॑ य॒ज्ञम् ॥

अभिजित् (Abijit)

यस्मि॑न् ब्र॒ह्मा भ्य॑ज॒य त्सर्व॑ मे॒तत् । अ॒मुञ्च॑ लो॒क मि॒द मू॒च सर्व॑म् ।
तन्नो॑ नक्ष॒त्र म॒भि जि॒द्वि जि॒त्य । श्रि॒यं द॒धात्व॑ ह॒णीय॑ मानम् ।
उ॒भौ लो॒कौ ब्र॒ह्मणा॑ स॒ञ्जि ते॒मौ । तन्नो॑ नक्ष॒त्र म॒भि जि॒द्वि च॑ष्टाम् ।
तस्मि॑न्व॒यं पृ॒तना॑ स्स॒ञ्जये॑म । तन्नो॑ दे॒वासो॑ अ॒नु जा॑नन्तु॒ काम॑म् ॥

श्रवण (Tiruvonam)

शृ॒ण्वन्ति॑ श्रो॒णा म॑मृ॒तस्य॑ गो॒पाम् । पु॒ण्याम॑स्या॒ उप॑ शृ॒णोमि॑ वा॒चम् ॥
म॒ही न्दे॒वी वि॑ष्णु॒ पत्नी॑ म॒जूर्या॑म् । प्र॒तीची॑ मे॒नास्य॑ ह॒विषा॑ य॒जामः॑ ।
त्रे॒धा वि॑ष्णु॒ रुरु॑गा॒यो वि॑च॒क्रमे॑ । म॒हीं दि॒वं पृ॑थि॒वी म॑न्त॒रि॒क्षम् ।
तच्छ्रो॑णै॒ति श्र॑व॒ इच्छ॑ मा॒ना । पु॒ण्यं श्लो॒कं य॑ज॒मानाय॑ कृ॒ण्वती॑ ॥



श्रविष्ठा (Avittam)

अष्टौ दे॒वा व॑स॒व स्सो॑म्यासः । च॒त॒स्रो दे॒वी र॑जराः श्रवि॑ष्ठाः ।
ते य॒ज्ञं पा॑न्तु र॒जसः॑ पर॒स्तात् । सं॒वत्स॑रीण॒ ममृ॑तँ स्व॒स्ति ।
य॒ज्ञं नः॑ पा॑न्तु व॒सवः॑ पु॒रस्ता॑त् । दक्षि॑णतोऽभियन्तु श्रवि॑ष्ठाः ।
पुण्य॑ न्नक्ष॒त्र म॑भि संविशाम । मा नो अ॒राति॑ रघ॒शः साऽग॑न्तू ॥

शतभिषग् (Chadayam)

क्ष॒त्रस्य॑ रा॒जा व॑रु॒णोऽधि॑राजः । नक्ष॑त्राणां श॒तभि॑षग्वसिष्ठः ।
तौ दे॒वेभ्यः॑ कृ॒णुतो॑ दी॒र्घमा॑युः । श॒तः सह॑स्रा भेष॒जानि॑ धत्तः ।
य॒ज्ञन्नो॑ रा॒जा व॑रु॒ण उ॑पयातु । तन्नो॑ वि॒श्वे अ॑भि संयन्तु दे॒वाः ।
तन्नो॑ नक्ष॒त्रः श॒तभि॑षग्जुषाणम् । दी॒र्घमा॑युः प्र॒तिर॑ द्वेष॒जानि॑ ॥

पूर्वप्रोष्टपद् (Poorattadi)

अज॑ ए॒कपा॑ दु॒दगा॑ त्पु॒रस्ता॑त् । वि॒श्वा भू॑तानि प्र॒ति मो॑दमानः ।
तस्य॑ दे॒वाः प्र॑स॒वं य॑न्ति सर्वे । प्रो॒ष्ठप॑दासो अमृ॒तस्य॑ गो॒पाः ।
वि॒भ्राज॑मान॒ स्समि॑धा न उ॒ग्रः । आऽन्त॑रि॒क्ष म॑रु॒हद॑ ग॒न्द्याम् ।
तः सूर्य॑ दे॒व म॑ज मे॒कपा॑दम् । प्रो॒ष्ठप॑दासो अ॒नुय॑न्ति सर्वे ॥

उत्तरप्रोष्टपद् (Uttarattadi)

अहि॑र्बु॒ध्नियः॑ प्रथ॒मा न॑ एति । श्रेष्ठो॑ दे॒वाना॑ मु॒त मा॑नुषाणाम् ।
तं ब्रा॒ह्मणा॑ स्सो॒मपा॑ स्सो॒म्यासः॑ । प्रो॒ष्ठप॑दासो अ॒भि र॑क्षन्ति सर्वे ।
च॒त्वार॑ ए॒क म॑भि क॒र्म दे॒वाः । प्रो॒ष्ठप॑दा स इति॑ या॒नू, व॑दन्ति ।
ते बु॒ध्नियं॑ परि॒षद्यँ॑ स्तु॒वन्तः॑ । अहि॑ र॒क्षन्ति॑ नम॒सोप॑ सद्य ॥



रेवती (Revathi)

पू॒षा रेव॑त्य न्वेति॑ पन्था॑म् । पु॒ष्टिप॑ती प॒शुपा वाज॑ ब॒स्त्यौ ।
इ॒मानि॑ ह॒व्या प्र॑यता जुषाणा । सु॒गैर्नो॑ यानै॑ रु॒पया॑तां य॒ज्ञम् ।
क्षु॒द्रान् प॒शून् र॑क्षतु रेवती नः । गा॒वो नो॑ अ॒श्वाः अ॒न्वेतु॑ पू॒षा ।
अ॒न्नः र॑क्षन्तौ बहु॒दा वि॒रूप॑म् । वाजः॑ स॒नुतां॑ यज॒मानाय॑ य॒ज्ञम् ॥

अश्विनी (Ashwati)

तद॑श्विना व॒श्व यु॒जोप॑ याताम् । शु॒भङ्ग॑ मि॒ष्टौ सु॒यमे॑ भि॒रश्वैः॑ ।
स्वं न॑क्षत्रः ह॒विषा॑ यजन्तौ । म॒ध्वा स॑म्पृ॒क्तौ य॒जुषा॑ स॒म॒क्तौ ।
यौ दे॒वानां॑ भिष॒जौ ह॒व्य वा॑हौ । वि॒श्वस्य॑ दू॒ता व॑मृतस्य गो॒पौ ।
तौ न॑क्षत्रं जुजुषा॒णो प॑याताम् । न॒मोऽश्वि॑भ्यां कृ॒णुमोऽश्व॑ यु॒ग्भ्याम् ॥

अपभरणी (Bharani)

अप॑ पा॒प्मानं॑ भ॒रणी॑ भ॒रन्तु॑ । तद्य॑मो रा॒जा भ॑गवान् वि॒चष्टा॑म् ।
लो॒कस्य॑ रा॒जा म॑हतो म॒हान्, हि॑ । सु॒गं नः॑ पन्था॑ म॒भयं॑ कृ॒णोतु॑ ।
यस्मि॑न्नक्ष॒त्रे यम॑ एति॒ राजा॑ । यस्मि॑न्नेन म॒भ्यर्षि॑चन्त दे॒वाः ।
तद॑स्य चि॒त्रः ह॒विषा॑ यजाम । अप॑ पा॒प्मानं॑ भ॒रणी॑ भ॒रन्तु॑ ॥

नि॒वेश॑नी स॒ङ्गम॑नी वसू॒नां वि॒श्वा रू॒पाणि॑ वसू॒न्यावे॑शयन्ती ।
स॒हस्र॑पोषः सु॒भगा॑ रराणा सा न आ॒गन्व॑र्चसा संवि॒दाना ॥
यत्ते॑ दे॒वा अ॒दधु॑र्भा॒गधे॒यम॑मावा॒स्ये सं॑वसन्तो म॒हित्वा॑ ।
सा नो॑ य॒ज्ञं पि॒पृहि॑ वि॒श्ववा॑रे रयि॒न्नो धे॒हि सु॒भगे॑ सु॒वीर॑म् ॥



नवो॑ नवो॑ भवति॑ जायमानोऽ॒ह्नां॑ के॒तुरु॑षसा॒मेत्य॑ग्रे ।

भा॒गं दे॒वेभ्यो॑ वि॒दधा॑त्यायन् प्रचन्द्र॑मास्तिरिति दी॒र्घमा॑युः ॥

यमा॑दित्या अ॒शुमा॑प्याययन्ति यम॑क्षितमक्षितयः पिब॑न्ति ।

तेन॑ नो राजा वरु॑णो बृह॑स्पतिराप्याययन्तु भुव॑नस्य गो॒पाः ॥

ये वि॒रूपे॑ सम॑नसा सं॒व्यय॑न्ती । समानं॑ तन्तुं॑ परि॒तात॑नाते ।

नि॒वेशनी॑ यत्ते दे॒वा अ॒दधुः॑ ।

नवो॑ नवो॑ भवति॑ जायमानोऽ॒यमा॑दित्या अ॒शु मा॑प्याय यन्ति ।

ये वि॒रूपे॑ सम॑नसा सं॒व्यय॑न्ती । समानं॑ तन्तुं॑ परि॒ता त॑नाते ।

वि॒भू प्र॒भू अनु॒भू वि॒श्वतो॑ हुवे । ते नो नक्ष॑त्रे हव॒मग॑ मेतम् ।

वयं॑ दे॒वी ब्र॒ह्मणा॑ संवि॒दानाः॑ । सुर॑त्नासो दे॒व-वी॑तिं दधा॒नाः ।

अ॒होरा॑त्रे ह॒विषा॑ वर्धयन्तः । अति॑ पाप्मान॒मति॑ मु॒क्त्या ग॑मेम ।

प्र॒त्युव॑ दृ॒श्या-य॑ती । व्यु॒च्छन्ती॑ दुहि॒ता दि॒वः ।

अपो॑ मही वृ॒णुते॑ चक्षु॒षा । तमो॑ ज्योति॒ष्कृ॒णोति॑ सू॒नरी॑ ।

उ॒दुस्त्रि॒या स्स॑चते सूर्यः । स चा॑ उ॒द्य न्नक्ष॑त्र मर्चि॒मत् ।

तवे॒दुषो॑ व्यु॒षि सूर्य॑स्य च । संभ॑क्तेन गमे म॒हि ।

तन्नो॑ नक्ष॑त्र मर्चि॒मत् । भा॒नुम॑-त्तेज उ॒च्चर॑त् । उप॑-य॒ज्ञ मि॒हा ग॑मत् ।

प्र॒न क्ष॑त्राय दे॒वाय॑ । इन्द्रा॑ये न्दु॒ह्वाम॑हे ।

स नः॑ स॒विता॑ सु॒व त्स॑निम् । पु॒ष्टिदां॑ वी॒र व॑त्तमम् ।

उ॒दुत्यं॑ जा॒तवे॑दसं दे॒वं वह॑न्ति के॒तवः॑ । दृ॒शे वि॒श्वाय॑ सूर्यम् ।

चि॒त्रं दे॒वाना॑मु॒दगा॑दनीकं चक्षु॒र्मित्र॑स्य वरु॒णस्या॑ग्नेः ।



आऽप्राद्यावा॑ पृथि॒वी अन्तरि॑क्षः सूर्य॑ आत्मा॒ जग॑तस्तस्थुषश्च ।
 आदि॑तिर्न उरुष्यत्वदि॒तिः शर्म॑ यच्छतु । अदि॑तिः पा॒त्वः हसः॑ ।
 मही॒मूषु॑ मा॒तरः सु॒व्रता॑नामृतस्य पत्नीमवसे हुवेम ।
 तुवि॑क्षत्रामज॒रन्ती॒ मुरु॒चीः सु॒शर्माण॑मदि॒तिः सु॒प्रणी॑तम् ।
 इदं॑ विष्णुर्विच॒क्रमे त्रेधा॑ निदधे पदम् । समूढ॑मस्य पा॒सुरे॑ ।
 प्रत॑द्विष्णुस्तवते वीर्याय । मृ॒गो न भीमः॑ कुचरो गिरि॑ष्ठाः ।
 यस्यो॑रुषु त्रिषु वि॒क्रम॑णेषु । अधि॑क्षयन्ति भुव॒नानि॑ विश्वा ।
 अग्नि॑र्मूर्धा दि॒वः ककु॑त्पतिः पृथि॒व्या अय॑म् । अपा॑सु रेता॒सि जि॒न्वति॑ ।
 भुवो॑ यज्ञस्य रजसश्च ने॒ता यत्रा॑नियुद्धिः सच॑से शिवाभिः ।
 दि॒वि मूर्धा॑नं दधिषे सुव॒षां जिह्वा॑मग्ने चकृषे हव्य॒वाह॑म् ।
 अनु॒नोऽद्या॑नुमतिर्यज्ञं दे॒वेषु॑ मन्यताम् । अग्नि॑श्च हव्य॒वाहनो॑ भवतां दाशुषे मयः ।
 अन्वि॑दनुमते त्वं म॒न्यासै॑ शंच कृधि । क्र॒त्वे दक्षाय॑ नोहि नु प्रण आयू॑षि तारिषः ।
 हव्य॒वाह॑मभिमातिषाहम् । रक्षो॑हणं पृतनासु जिष्णुम् । ज्योति॑ष्मन्तं दी॒द्यतं॑ पुरन्धिम् ।
 अग्नि॑स्विवृ॒कृत॑ माहुवेम । स्वि॒ष्टम॑ग्ने अभितत्पृणाहि । विश्वा॑ दे॒व पृत॑ना अभिष्य ।
 उरु॒न्नः पन्था॑ं प्रदि॒शन्वि॑भाहि । ज्योति॑ष्मद्वेह्यजरन्न आयुः ॥

उ॒दुत्यं॑ चि॒त्रं । अदि॑ति न उरुष्यतु मही-मूषु मा॒तरम्॑ ।
 इदं॑ विष्णु प्रत द्विष्णुः । अग्नि॑र्मूर्धा भुवः ।
 अनु॒नोऽद्या॑नु मतिरन्वि दनुमते त्वं । हव्य॒-वाह॑स्विवृ॒ष्टम्॑ ।

कृत्तिका (Karthi)

अ॒ग्नये॑ स्वाहा कृत्तिकाभ्यः स्वाहा । अ॒म्बायै॑ स्वाहा दु॒लायै॑ स्वाहा ।
 नि॒तन्त्यै॑ स्वाहाऽभ्र-यन्त्यै स्वाहा । मे॒घ-यन्त्यै॑ स्वाहा वर्ष-यन्त्यै स्वाहा ।
 चु॒पु॒णि॒कायै॑ स्वाहा ।



रोहिणी (Rohini)

प्र॒जा॒प॒त॒ये॒ स्वा॒हा॒ रो॒हि॒ण्यै॑ स्वा॒हा॒ । रो॒च॒मा॒ना॒यै॑ स्वा॒हा॒ प्र॒जा॒भ्यः॑ स्वा॒हा॒ ।

मृगशीर्षम् (Mrughasheersham)

सो॒मा॒य॒ स्वा॒हा॒ मृ॒ग॒शी॒र्षाय॑ स्वा॒हा॒ । इ॒न्व॒का॒भ्यः॑ स्वा॒-हौ॒ष॒धी॒भ्यः॑ स्वा॒हा॒ ।

रा॒ज्या॒य॒ स्वा॒हा॒ऽभि॒जि॒त्यै॑ स्वा॒हा॒ ।

आर्द्रा (Tiruvadarai)

रु॒द्राय॑ स्वा॒हा॒ऽऽ॒र्द्रायै॑ स्वा॒हा॒ । पि॒न्व॒मा॒ना॒यै॑ स्वा॒हा॒ प॒शु॒भ्यः॑ स्वा॒हा॒ ।

पुनर्वसु (Punarpoosham)

अ॒दि॒त्यै॑ स्वा॒हा॒ पु॒न॒र्व॒सु॒भ्याम् । स्वा॒हा॒ भू॒त्यै॑ स्वा॒हा॒ प्र॒जा॒त्यै॑ स्वा॒हा॒ ।

पुष्यम् (Poosham)

बृ॒ह॒स्प॒त॒ये॒ स्वा॒हा॒ ति॒ष्या॒य॒ स्वा॒हा॒ । ब्र॒ह्म॒व॒र्च॒सा॒य॒ स्वा॒हा॒ ।

आश्लेषा (Aailyam)

स॒र्पे॒भ्यः॑ स्वा॒हा॒ऽऽ॒श्ले॒षा॒भ्यः॑ स्वा॒हा॒ । द॒न्द॒-शू॒के॒भ्यः॑ स्वा॒हा॒ ।

मगम् (Maham)

पि॒तृ॒भ्यः॑ स्वा॒हा॒ म॒घा॒भ्यः॑ । स्वा॒हा॒ऽन॒घा॒भ्यः॑ स्वा॒हा॒ऽग॒दा॒भ्यः॑ ।

स्वा॒हा॒ऽरु॒न्ध॒ती॒भ्यः॑ स्वा॒हा॒ ।

पूर्व फल्गुनी (Pooram)

अ॒र्य॒म्णे॑ स्वा॒हा॒ फ॒ल्गु॒नी॒भ्यां॑ स्वा॒हा॒ । प॒शु॒भ्यः॑ स्वा॒हा॒ ।

उत्तर फल्गुनी (Uttaram)

भ॒गा॒य॒ स्वा॒हा॒ फ॒ल्गु॒नी॒भ्यां॑ स्वा॒हा॒ । श्रे॒ष्ठ॒या॒य॒ स्वा॒हा॒ ।

हस्तम् (Hastam)

स॒वि॒त्रे॑ स्वा॒हा॒ ह॒स्ता॒य॒ । स्वा॒हा॒ द॒द॒ते॑ स्वा॒हा॒ पृ॒ण॒ते॑ ।

स्वा॒हा॒ प्र॒य॒च्छ॒ते॑ स्वा॒हा॒ प्र॒ति॑ गृ॒भ्ण॒ते॑ स्वा॒हा॒ ।



चित्रा (Chittarai)

त्वष्ट्रे॑ स्वाहा॑ चित्रायै॑ स्वाहा॑ । चैत्राय॑ स्वाहा॑ प्रजायै॑ स्वाहा॑ ।

स्वाति (Swathi)

वायवे॑ स्वाहा॑ निष्ठायै॑ स्वाहा॑ । कामचाराय॑ स्वाहा॑ऽभिजित्यै॑ स्वाहा॑ ।

विशाखम् (Vishakham)

इन्द्राग्निभ्या॑ऽ स्वाहा॑ विशाखाभ्या॑ऽ स्वाहा॑ । श्रेष्ठाय॑ स्वाहा॑ऽभिजित्यै॑ स्वाहा॑ ।

पौर्णमासी (Full Moon)

पौर्णमास्यै॑ स्वाहा॑ कामाय॑ स्वाहा॑ गत्यै॑ स्वाहा॑ ।

अनुराधा (Anusham)

मित्राय॑ स्वाहा॑ऽनूराधेभ्यः॑ स्वाहा॑ । मित्र-धेयाय॑ स्वाहा॑ऽभिजित्यै॑ स्वाहा॑ ।

ज्येष्ठा (Ketai)

इन्द्राय॑ स्वाहा॑ ज्येष्ठायै॑ स्वाहा॑ । ज्यैष्ठ्याय॑ स्वाहा॑ऽभिजित्यै॑ स्वाहा॑ ।

मूलम् (Moolam)

प्रजापतये॑ स्वाहा॑ मूलाय॑ स्वाहा॑ । प्रजायै॑ स्वाहा॑ ।

पूर्वाषाढ (Pooradam)

अद्भ्यः॑ स्वाहा॑ऽषाढाभ्यः॑ स्वाहा॑ । समुद्राय॑ स्वाहा॑ कामाय॑ स्वाहा॑ ।

अभिजित्यै॑ स्वाहा॑ ।

उत्तराषाढ (Uttaradam)

विश्वेभ्यो॑ देवेभ्यः॑ स्वाहा॑ऽषाढाभ्यः॑ स्वाहा॑ । अनपज-य्याय॑ स्वाहा॑ जित्यै॑ स्वाहा॑ ।

अभिजित् (Abijit)

ब्रह्मणे॑ स्वाहा॑ऽभिजिते॑ स्वाहा॑ । ब्रह्म-लोकाय॑ स्वाहा॑ऽभिजित्यै॑ स्वाहा॑ ।

श्रवण (Tiruvonam)

विष्णवे॑ स्वाहा॑ श्रोणायै॑ स्वाहा॑ । श्लोकाय॑ स्वाहा॑ श्रुताय॑ स्स्वाहा॑ ।



श्रविष्ठा (Avittam)

वसु॑भ्यः॑ स्वाहा॑ श्रवि॑ष्ठाभ्यः॑ स्वाहा॑ । अग्रा॑य स्वाहा॑ परी॑त्यै स्वाहा॑ ॥

शतभिषग् (Chadayam)

वरु॑णाय स्वाहा॑ शत॑-भिषजे॑ स्वाहा॑ । भेष॑जेभ्यः॑ स्वाहा॑ ॥

पूर्वप्रोष्टपद् (Poorattadi)

अजा॑-यैक॑पदे॑ स्वाहा॑ प्रो॑ष्ठपदेभ्यः॑ स्वाहा॑ । तेज॑से स्वाहा॑ ब्रह्म॑वर्चसाय स्वाहा॑ ॥

उत्तरप्रोष्टपद् (Uttarattadi)

अह॑ये बु॒ध्नि॑याय स्वाहा॑ प्रो॑ष्ठपदेभ्यः॑ स्वाहा॑ । प्रति॑ष्ठायै स्वाहा॑ ॥

रेवती (Revathi)

पू॒ष्णे स्वाहा॑ रेव॑त्यै स्वाहा॑ । प॒शुभ्यः॑ स्वाहा॑ ॥

अश्विनी (Ashwati)

अ॒श्विभ्या॑ ५ स्वाहा॑ ऽश्व॑युग्भ्या॑ ५ स्वाहा॑ । श्रो॒त्राय॑ स्वाहा॑ श्रु॒त्यै स्वाहा॑ ॥

अपभरणी (Bharani)

य॒माय॑ स्वाहा॑ ऽप॒भर॑णीभ्यः॑ स्वाहा॑ । रा॒ज्याय॑ स्वाहा॑ ऽभि॒जित्यै॑ स्वाहा॑ ॥

अ॒मावा॑स्यायै स्वाहा॑ का॒माय॑ स्वाहा॑ ग॒त्यै स्वाहा॑ ॥

च॒न्द्रम॑से स्वाहा॑ प्र॒ती-दृ॑श्यायै स्वाहा॑ ॥

अ॒हो-रा॒त्रेभ्यः॑ स्वाहा॑ ऽर्ध॑मासेभ्यः॑ स्वाहा॑ ॥

मा॒सेभ्यः॑ स्वाहा॑ तु॒भ्यः॑ स्वाहा॑ । सं॒वत्स॑राय स्वाहा॑ ॥

अ॒ह्ने स्वाहा॑ रा॒त्रियै॑ स्वाहा॑ । अ॒ति-मु॒क्त्यै॑ स्वाहा॑ ॥

उ॒षसे॑ स्वाहा॑ व्यु॒ष्ट्यै॑ स्वाहा॑ । व्यू॒षु-ष्यै॑ स्वाहा॑ व्यु॒च्छन्त्यै॑ स्वाहा॑ ॥

व्यु॒ष्टायै॑ स्वाहा॑ । नक्ष॑त्राय स्वाहा॑-दे॒ष्यते॑ स्वाहा॑ ॥

उ॒द्यते॑ स्वाहा॑-दि॒ताय॑ स्वाहा॑ । ह॒रसे॑ स्वाहा॑ भ॒रसे॑ स्वाहा॑ ॥



भ्राज॑से स्वा॒हा तेज॑से स्वा॒हा । तप॑से स्वा॒हा ब्र॒ह्मव॑र्चसाय स्वा॒हा ॥

सूर्या॑य स्वा॒हा नक्ष॑त्रेभ्यः स्वा॒हा । प्रति॑ष्ठायै स्वा॒हा ।

अदि॑त्यै स्वा॒हा प्रति॑ष्ठायै स्वा॒हा । विष्ण॑वे स्वा॒हा यज्ञा॑य स्वा॒हा । प्रति॑ष्ठायै स्वा॒हा ॥

द॒धि॒क्रा॒वि॒ण्णो॑ अ॒का॒रि॒षं जि॒ष्णो॑रश्वस्य वा॒जिनः॑ ।

सु॒र॒भि नो॑ मु॒खा॒कर॑त् प्र॒ण आ॒यू॒षि ता॑रिषत् ॥

आ॒पोहि॑ष्ठा म॒यो भु॒वस्तान॑ ऊ॒र्जे द॑धातन । म॒हेर॑णाय चक्ष॑से ॥

यो॒वः शि॒वत॑मो र॒सस्त॑स्य भा॒जय॑तेह॒नः । उ॒शती॑रिव मा॒तरः ॥

तस्मा॑ अ॒रं॒गमा॑म वो य॒स्यक्ष॑याय जि॒न्वथ॑ । आ॒पो ज॑नयथा च नः ॥

उ॒दु॒त्त॒मं व॑रुणपा॒शम॑स्मद॒वाध॑मं वि॒मध्य॑मँ श्र॒थाय॑ ।

अथा॑ व॒यमा॑दि॒त्यव्र॑ते त॒वाना॑गसो अ॒दित॑ये स्याम ।

अस्त॑भ्राद् द्यामृ॒षभो॑ अ॒न्तरि॑क्षममिमीत व॒रिमा॑णं पृथि॒व्या

आसी॑दद्वि॒श्वा भु॒वनानि॑ स॒म्राड् वि॒श्वेत्तानि॑ व॒रुण॑स्य व्र॒तानि॑ ।

यत्किञ्चे॒दम् व॑रुणदै॒व्यै ज॑नेऽभि॒द्रोहं॑ म॒नुष्या॑श्च॒राम॑सि ।

अचि॑त्तीय॒त्तव॑ ध॒र्मा यु॒योपि॑म मा नस्तस्मा॑दे॒नसो॑ दे॒व री॑रिषः ॥

कि॒तवा॑सो यद्वि॒रिपु॑र्न दी॒वि यद्वा॑घा स॒त्यमु॑तयन्न वि॒द्म ।

सर्वा॑ ता वि॒ष्य शि॒थिरे॑व दे॒वा था॑ ते स्याम व॒रुण॑प्रियासः ॥

अव॑ ते हे॒डो व॑रुण नमो॒भिर॑वयज्ञे॒भिरी॑महे ह॒विर्भिः॑ ।

क्ष॒यन्न॑स्मभ्यमसुरप्रचे॒तो रा॒जन्ने॑ना॒सि॒शिश्न॑थः कृ॒तानि॑ ॥

तत्त्वा॑यामि ब्र॒ह्मणा॑ व॒न्द॒मान॑स्तदा॒शास्ते॑ यज॒मानो॑ ह॒विर्भिः॑ ।

अहे॑ड॒मानो॑ व॒रुणे॑ह बो॒ध्युरु॑श॒स मा॑ न आ॒युः प्र॑मोषीः ॥



॥ पवमानम् ॥

हिरण्यवर्णाः श्शुचयः पावका यासु जातः कश्यपो यास्विन्द्रः ।
अग्निं या गर्भम् दधिरे विरूपास्तान आपश्शः स्योना भवन्तु ॥
यासां राजा वरुणो याति मध्ये सत्यानृते अवपश्यम् जनानाम् ।
मधुश्शुतश्शुचयो याः पावकास्ता न आपश्शः स्योना भवन्तु ॥
यासाम् देवा दिवि कृण्वन्ति भक्षं या अन्तरिक्षे बहुधा भवन्ति ।
याः पृथिवीम् पयसोन्दन्ति शुक्रास्ता न आपश्शः स्योना भवन्तु ॥
शिवेन मा चक्षुषा पश्यताप शिशवया तनुवोप स्पृशत त्वचम् मे ।
सर्वां अग्नीं रप्सुषदो हुवो वो मयि वर्चो बलमोजो निधत्त ॥
पवमानस्सुवर्जनः । पवित्रेण विचर्षणिः । यः पोता स पुनातु मा ।
पुनन्तु मा देवजनाः । पुनन्तु मनवो धिया । पुनन्तु विश्व आयवः ।
जातवेदः पवित्रवत् । पवित्रेण पुनाहि मा । शुक्रेण देवदीद्यत् ।
अग्ने क्रत्वा क्रतूँ रनु । यत्ते पवित्रमर्चिषि । अग्ने विततमन्तरा ।
ब्रह्म तेन पुनीमहे । उभाभ्यां देवसवितः । पवित्रेण सवेन च ।
इदं ब्रह्म पुनीमहे । वैश्वदेवी पुनती देव्यागात् । यस्यै बह्वीस्तनुवो वीतपृष्ठाः ।
तया मदन्तः सधमाद्येषु । वयं स्याम पतयो रयीणाम् ।
वैश्वानरो रश्मिभिर्मा पुनातु । वातः प्राणेनेषिरो मयो भूः ।
ध्यावापृथिवी पयसा पयोभिः । ऋतावरी यज्ञिये मा पुनीताम् ।
बृहद्भिः सवितस्तृभिः । वरूषिष्ठैर्देवमन्मभिः । अग्ने दक्षैः पुनाहि मा ।
येन देवा अपुनत । येनापो दिव्यंकशः । तेन दिव्येन ब्रह्मणा ।
इदं ब्रम्ह पुनीमहे । यः पावमानीरध्येति । ऋषिभिस्सम्भृतं रसम् ॥



सर्व॑ स॒ पू॒तम॑श्नाति । स्व॒दि॒तम् मा॒तर॑श्चि॒ना । पा॒वमा॑नी॒र्यो अ॒ध्ये॒ति ।
 ऋ॒षि॒भि॒स्स॒म्भृ॒तः र॒सम् । तस्मै॑ स॒रस्व॑ती दु॒हे । क्षी॒रः सर्पि॑र्म॒धूद॑कम् ।
 पा॒वमा॑नी॒स्स्व॒स्त्य॒नीः । सु॒दु॒घा॒हि प॒य॒स्व॒तीः । ऋ॒षि॒भि॒स्स॒म्भृ॒तो र॒सः ।
 ब्रा॒ह्म॒णेष्व॑मृ॒तः हि॒तम् । पा॒वमा॑नीर्दि॒शन्तु॑ नः । इ॒मं लो॒कम॑थो अ॒मुम् ।
 का॒मा॒न्त्स॒मर्ध॑यन्तु नः । दे॒वी॒र्दे॒वैः स॒मा॒भृ॒ताः । पा॒वमा॑नी॒स्स्व॒स्त्य॒नीः ।
 सु॒दु॒घा॒हि घृ॒तश्चु॑तः । ऋ॒षि॒भि॒स्स॒म्भृ॒तो र॒सः । ब्रा॒ह्म॒णेष्व॑मृ॒तः हि॒तम् ।
 येन॑ दे॒वाः प॒वि॒त्रेण॑ । आ॒त्मा॒नं पु॒न॒ते स॒दा । तेन॑ स॒हस्र॑धा॒रेण॑ ।
 पा॒वमा॑न्यः पु॒नन्तु॑ मा । प्रा॒जाप॑त्यम् प॒वि॒त्रम् । श॒तो॒ध्या॒मः हिर॑ण्म॒यम् ॥
 तेन॑ ब्र॒ह्म वि॒दो व॒यम् । पू॒तं ब्र॒ह्म पु॒नी॒महे॑ । इन्द्र॑स्सु॒नी॒ती स॒हमा॑ पु॒नातु॑ ।
 सोम॑स्स्व॒स्त्या व॒रु॒ण स्स॒मी॒च्या । य॒मो र॒जा प्र॑मृ॒णाभिः॑ पु॒नातु॑ मा ।
 जा॒तवे॑दा मोर्ज॑यन्त्या पु॒नातु॑ । भूर्भु॑व॒स्सु॒वः ।
 तच्छं॑ यो॒रावृ॑णीमहे । गा॒तुं य॒ज्ञाय॑ । गा॒तुं य॒ज्ञप॑तये । दै॒वी॒स्स्व॒स्ति॒रस्तु॑नः ।
 स्व॒स्ति॒र्मा॒नु॒षेभ्यः॑ । ऊ॒र्ध्वं जि॑गातु भेष॒जम् । श॒न्नो अस्तु॑ द्वि॒पदे॑ । शं च॒तु॒ष्पदे॑ ।
 ॐ शान्ति॑श्शान्ति॑श्शान्तिः॑ ।

न॒मो ब्र॒ह्म॒णे न॒मो अ॒स्त्व॒ग्नये॑ नमः पृ॒थि॒व्यै नम॑ ओष॒धीभ्यः॑ ।
 न॒मो वा॒चे न॒मो वा॒च॒स्प॒तये॑ न॒मो वि॒ष्णवे॑ बृ॒ह॒ते क॑रोमि ॥
 ॐ शान्ति॑श्शान्ति॑श्शान्तिः॑ ।

॥ वा॒स्तो॒ष्प॒त मंत्रं॑ ॥

वा॒स्तो॒ष्प॒ते प्र॒ति॒जा॒नी ह्य॒स्मा॒न् स्वा॒वेशो॑ अ॒न॒मी॒वो भ॒वानः॑ ।
 य॒त्वे म॑हे प्र॒ति त॒न्नो जु॑ष॒स्व श॒न्न ए॒धि द्वि॒पदे॑ शं च॒तु॒ष्पदे॑ ।



वा॒स्तो॒ष्प॒ते॒ श॒ग्म॒या॒ स॒ऽस॒दा॒ते॒ स॒क्षी॒म॒-हि॒र॒ण्य॒या॒ ग॒तु॒म॒त्या॑ ॥
 आ॒वः॒ , क्षे॒म॒ उ॒त॒ यो॒गे॒ व॒र॒न्नो॒ यू॒यं॒ पा॒त॒ स्व॒स्ति॒भि॒ स्स॒दा॒नः॑ ।
 वा॒स्तो॒ष्प॒ते॒ प्र॒त॒र॒णो॒ न॒ ए॒धि॒ गो॒भि॒र॒श्चे॒ भि॒रि॒न्दो॑ ।
 अ॒ज॒रा॒-स॒स्ते॒ स॒ख्ये॒ स्या॒म॒ पि॒ते॒व॒ पु॒त्रा॒न् प्र॒ति॒नो॒ जु॒ष॒स्व ।
 अ॒मी॒व॒हा॒ वा॒स्तो॒ष्प॒ते॒ वि॒श्वा॒ रू॒पा॒ण्या॒ वि॒श॒न् ॥ स॒खा॒ सु॒शे॒व॒ ए॒धि॒नः॑ ।
 शि॒वः॒ शि॒वं॒ भूर्भु॒व॒स्सु॒वो॒ भूर्भु॒व॒स्सु॒वो॒ भूर्भु॒व॒स्सु॒वः॑ ॥

॥ प्रोक्षण मन्त्राः ॥

आ॒पो॒हि॒ष्ठा॒ म॒यो॒ भु॒व॒स्तान॑ ऊ॒र्जे॒ द॒धा॒त॒न॒ । म॒हे॒र॒णाय॑ च॒क्ष॒से ॥
 यो॒वः॒ शि॒व॒त॒मो॒ र॒स॒स्त॒स्य॑ भा॒ज॒य॒ते॒ह॒नः॑ । उ॒श॒ती॒रि॒व॒ मा॒त॒रः॑ ॥
 त॒स्मा॒ अ॒रं॒ग॒मा॒म॒ वो॒ य॒स्य॑क्ष॒याय॑ जि॒न्व॒थ॒ । आ॒पो॒ ज॒न॒य॒था॒ च॒ नः॑ ॥
 दे॒व॒स्य॑ त्वा॒ स॒वि॒तुः॒ प्र॒स॒वे॒ । अ॒श्वि॒नो॒-र्बा॒हु॒भ्या॒म् । पू॒ष्णो॒ ह॒स्ता॒भ्या॒म् ।
 अ॒श्वि॒नो॒-भै॒ष॒ज्ये॒न॒ । ते॒ज॒से॒ ब्र॒ह्म॒व॒र्च॒सा॒या॒-भि॒षि॒ञ्चामि॑ ॥
 दे॒व॒स्य॑ त्वा॒ स॒वि॒तुः॒ प्र॒स॒वे॒ । अ॒श्वि॒नो॒-र्बा॒हु॒भ्या॒म् । पू॒ष्णो॒ ह॒स्ता॒भ्या॒म् ।
 स॒र॒स्व॒त्यै॒ भै॒ष॒ज्ये॒न॒ । वी॒र्या॒या॒-न्ना॒द्या॒या॒-भि॒षि॒ञ्चामि॑ ॥
 दे॒व॒स्य॑ त्वा॒ स॒वि॒तुः॒ प्र॒स॒वे॒ । अ॒श्वि॒नो॒-र्बा॒हु॒भ्या॒म् । पू॒ष्णो॒ ह॒स्ता॒भ्या॒म् ।
 इ॒न्द्र॒स्ये॒-न्द्रि॒ये॒ण॒ । श्रि॒यै॒ य॒श॒से॒ ब॒ला॒या॒-भि॒षि॒ञ्चामि॑ ॥
 सो॒मः॒ रा॒जा॒नं॒ व॒रु॒ण॒ म॒ग्नि॒ म॒न्वा॒र॒ भा॒म॒हे॒ ।
 आ॒दि॒त्या॒न् वि॒ष्णुः॒ सूर्यं॑ ब्र॒ह्मा॒णं॑ च॒ बृ॒ह॒स्प॒ति॒म् ।
 दे॒व॒स्य॑ त्वा॒ स॒वि॒तुः॒ प्र॒स॒वे॒ऽश्वि॒नो॒-र्बा॒हु॒भ्यां॑ पू॒ष्णो॒ ह॒स्ता॒भ्यां॑
 स॒र॒स्व॒त्यै॒ वा॒चो॒ य॒न्तु॒ र्य॒न्त्रे॒णा॒ ग्रे॒स्त्वा॒ सा॒म्रा॒ज्ये॒ना॒ भि॒षि॒ञ्चामी॑
 न्द्र॒स्य॒त्वा॒ सा॒म्रा॒ज्ये॒ना॒ भि॒षि॒ञ्चामि॑ बृ॒ह॒स्प॒ते॒स्त्वा॒ सा॒म्रा॒ज्ये॒ना॒-भि॒षि॒ञ्चामि॑ ॥



आयुराशास्ते । सुप्रजास्त्व माशास्ते । सजात वनस्या माशास्ते ।
 उत्तरां देव यज्या माशास्ते । भूयो हविष्करण माशास्ते । दिव्यं धामाशास्ते ।
 विश्वं प्रिय माशास्ते । यदनेन हविषाऽऽशास्ते । तदश्या तद् ध्यात् ।
 तदस्मै देवारा सन्ताम् । तदग्नि देवो देवेभ्यो वनते । वय मग्ने मानुषाः ।
 इष्टं च वीतं च । उभे च नो द्यावा पृथिवी अ५ हसः स्पाताम् ।
 इह गति वाम-स्येदं च । नमो देवेभ्यः ॥
 द्रुपदा दिवे न्मु-मुचानः । स्विन्नः स्नात्वी मलादिव ।
 पूतं पवित्रेणे वाज्यम् । आप श्शुन्धन्तु मैनसः ।
 भूर्भुवस्सुवो भूर्भुवस्सुवो भूर्भुवस्सुवः ॥

आपो वा इद५ सर्व विश्वा भूतान्यापः प्राणा वा आपः पशव
 आपोऽन्नमापोऽमृतमापः सम्राडापो विराडापः स्वराडापश्छन्दा५स्यापो
 ज्योती५ष्यापो यजू५ष्याप स्सत्य मापस्सर्वा देवता आपो भूर्भुवस्सुवराप ओं ॥


॥ प्राशन मंत्रं ॥

आप इद्वा उपेषजीः । आपो अमी वचादनीः ।
 आप सर्वस्य भेषजीः । तास्ते कृण्वन्तु भेषजम् ।
 अकाल मृत्यु हरणम् सर्व व्याधि निवारणम्
 सर्व पाप क्षयकरम् वरुण पातोतकम् शुभम् ।
 आम-यावी चिन्वीत । आपो वै भेषजम् ।
 भेषज-मे वास्मै करोति । सर्व मायुरेति ।

॥ उदकशान्ति - मन्त्रपाठः समाप्तः ॥



॥ श्री गुरुभ्यो नमः ॥



॥ हरिः ओम् ॥



॥ शान्ति जप मंत्राः ॥

। वेदादय ।

अ॒ग्निमी॑ळे पु॒रोहि॑तं य॒ज्ञस्य॑ दे॒वमृ॑त्विजम् । हो॒तारं॑ रत्न॒धात॑मम् ॥
इ॒षेत्वो॑ जे॒त्वा वा॒यव॑स्थो-पा॒यव॑स्थ दे॒वो वः॑ स॒विता प्रा॑र्पयतु श्रेष्ठ॒तमा॑य क॒र्मणे ॥
अ॒ग्न आ॒याहि॑ वी॒तये॑ गृ॒णानो॑ ह॒व्यदा॑तये । नि॒होता॑ स॒त्सि ब॑र्हिषि ॥
श॒न्नो दे॒वीर॑भिष्ट॒य आपो॑ भवन्तु पी॒तये॑ । शं॒यो॒रभि॑स्रवन्तु नः ॥

। रक्षोघ्न ।

कृ॒णुष्व॑ पा॒जः प्र॑सि॒तिन्न॑ पृ॒थ्वी या॑हि रा॒जे वा॑मवाꣳ इ॒भेन॑ ।
तृ॒ष्वीम॑नु प्र॒सि॒तिं द्रू॑णानो ऽस्ताऽसि वि॒ध्य र॑क्ष सस्त॒पिष्ठैः ॥
तव॑ भ्र॒मास॑ आ॒शुया॑ प॒तं त्य॑नु स्पृ॒श धृ॑षता शो॒शुचा॑नः ।
तपूꣳष्य॑ग्ने जु॒ह्वा प॑त॒ ज्ञान॑ स॒न्दि॒तो वि॑सृ॒ज वि॑ष्व गु॒ल्काः ॥
प्र॒ति स्प॑शो वि॒सृ॒ज तू॑र्णित॒मो भ॑वा पा॒युर्वि॑शो अ॒स्या अ॑द॒ब्धः ।
यो नो॑ दू॒रे अ॑घ॒शꣳ सो॒यो अ॒न्त्य॑ग्ने मा॒किष्टे॑ व्य॒थिरा॑द ध॒र्षीत् ॥
उ॒द॒ग्ने तिष्ठ॑ प्र॒त्याऽऽत॑नुष्व न्य॒मित्राꣳ ओ॑ष॒तात् ति॑ग्महे॒ते ।
यो नो॑ अ॒रातिꣳ स॑मि॒धान॑ च॒क्रे नी॒चातं॑ ध॒क्ष्यत॑ सं॒न्न शु॑ष्कम् ॥
ऊ॒र्ध्वो भ॑व प्र॒ति वि॑ध्या ध्य॒स्मदा॑ विष्कृ॒णुष्व॑ दै॒व्या न्य॑ग्ने ।
अ॒व स्थि॑रा त॒नुहि॑ यातु जू॒नां जा॑मि म॒जामिं॑ प्रमृ॒णीहि॑ श॒त्रून् ॥
स ते॑ जा॒नाति॑ सु॒मतिं॑ य॒विष्ठ॑ य ई॒वते॑ ब्र॒ह्मणे॑ गा॒तुमै॑रत् ।
वि॒श्वा न्य॑स्मै सु॒दिना॑ नि॒रायो॑ द्यु॒म्ना न्य॑र्यो वि॒दुरो॑ अ॒भि द्यौत् ॥
से॒द॒ग्ने अ॑स्तु सु॒भग॑ स्सु॒दानु॑ र्य॒स्त्वा नित्ये॑न ह॒विषा॑ य उ॒क्थैः ।



पि॒प्री॑षति॒ स्व आ॒युषि॒ दुरो॑णे॒ विश्वे॑ द॒स्मै सु॒दिना॑ सा॒सदि॑ष्टिः ॥
 अर्चा॑मि ते सु॒मतिं॑ घोष्य॒र्वाक् सन्ते॑वा वा॒ता जर॑तामि॒यं गीः॑ ।
 स्व॒श्वास्त्वा॑ सु॒रथा॑ म॒र्जये॑ मास्मे क्ष॒त्राणि॑ धा॒रये॑ रनु॒ द्यून् ॥
 इह॑ त्वा भू॒र्या च॑रेदु प॒त्मन्तो॑षा वस्त॒र्दी दि॒वाऽस॑मनु॒ द्यून् ।
 क्री॒डन्त॑स्त्वा सु॒मन॑स स्स॒पेमा॑भि द्यु॒म्ना त॑स्थि॒वाऽसो॑ जना॒नाम् ॥
 यस्त्वा॑ स्व॒श्व स्सु॑ हिर॒ण्यो अ॒ग्न उप॑याति वसु॒मता॑ रथेन ।
 तस्य॑ त्रा॒ता भव॑सि तस्य॑ सखा॒ यस्त आ॑तिथ्य॒ मानु॑षगू जुजोषत् ॥
 महो॑ रु॒जामि॑ बन्धु॒ता वचो॑भि स्तन्मा॒ पितु॑ गो॒तमा॑ दन्वि॒याय॑ ।
 त्वन्नो॑ अस्य॒ वच॑सश्चि॒ किद्धि॑ हो॒तर्य॑ वि॒ष्ठ सु॒क्रतो॑ द॒मूनाः॑ ॥
 अस्व॑प्त ज॒स्तर॑णय॒ स्सुशे॑वा अ॒तन्द्रा॑सोऽवृ॒का अ॒श्रमि॑ष्ठाः ।
 ते पा॒यव॑ स्स॒ध्रिय॑ञ्चो निष॒द्याऽग्ने॑ तव॒ नः पा॑न्त्वमूर ॥
 ये पा॒यवो॑ मा॒मते॑ यन्ते॒ अग्ने॑ पश्यन्तो॒ अन्ध॑ न्दु॒रिता॑ द॒रक्ष॑न् ।
 रर॑क्ष तान् त्सु॒कृतो॑ वि॒श्ववे॑दा दि॒प्सन्त॑ इ॒द्रिप॑वो नाह॒ देभुः॑ ॥
 त्वया॑ वय॒ऽस॒धन्य॑ स्त्वो॒ता स्तव॑ प्र॒णीत्य॑ श्याम॒ वाजा॑न् ।
 उ॒भा शऽसा॑सूदय॒ सत्य॑तातेऽनु॒ष्ठुया॑ कृ॒णुह्य॑ ह॒याण ॥
 अ॒या ते॑ अ॒ग्ने स॒मिधा॑ वि॒धेम॑ प्र॒ति स्तो॑मऽश॒स्यमा॑नं गृ॒भाय॑ ।
 द॒हाश॑सो र॒क्षसः॑ पा॒ह्यस्मा॑न् द्रु॒हो नि॒दो मि॒त्रम॑हो अ॒वद्या॑त् ॥
 र॒क्षोह॑णं वा॒जिन॑माऽऽजि॒घर्मि॑ मि॒त्रं प्र॑थिष्ठ॒ मुप॑यामि श॒र्म ।
 शि॒शानो॑ अ॒ग्निः क्र॑तुभि॒ स्समि॑द्ध स्स॒नो दि॒वा स॒रिषः॑ पा॒तु न॑क्तम् ॥
 वि॒ज्योति॑षा बृ॒हता॑ भा॒त्यग्नि॑ रा॒वि वि॒श्वानि॑ कृ॒णुते॑ म॒हित्वा॑ ।



प्रादे॒वी मा॒या स्स॒हते॑ दु॒रेवाः॑ शि॒शी॒ते शृ॒ङ्गे रक्ष॑से वि॒निक्षे॑ ॥
उ॒त स्वा॒नासो॑ दि॒विष॑ न्त्व॒ग्ने स्ति॒ग्मा यु॒धा रक्ष॑से ह॒न्त वा उ॑ ।
मदे॑ चि॒दस्य॑ प्र रु॒जन्ति॑ भा॒मा न -वर॑न्ते परि॒बाधो॑ अदे॒वीः ॥

। आप्या ।

अ॒ग्ने यश॑स्वि न्यश॑से मम॑र्प येन्द्रा॒वती॑ मप॑चिती मिहा॒वह॑ ।
अयं॑ मूर्धा॒ पर॑मे॒ष्ठी सु॒वर्चा॑ स्स॒मा ना॒ना मु॒त्तम॑ श्लो॒को अस्तु॑ ॥
भ॒द्रं पश्य॑न्त उप॑से दु॒रग्रे॑ तपो॒ दीक्षा॑ मृष॑यः सु॒व वि॑दः ।
ततः॑ , क्ष॒त्रं बल॑मोजश्च जा॒तं तद॑स्मै दे॒वा अ॒भि सन्न॑ म॒न्तु ॥
धा॒ता वि॒धात॑ पर॒मोत॑ संधृक् प्र॒जाप॑तिः पर॒मे॒ष्ठी वि॒राजा॑ ।
स्तो॒मा श्छं॑दा॒सि नि॒वि-दो॑म आ॒हुरे॑ तस्मै॒ राष्ट्र॑ म॒भि सन्न॑-मा॒म ॥
अ॒भ्या-व॑र्तध्व मु॒पमे॑त सा॒क मय॑ः शा॒स्ताऽधि॑ प॒तिर्वो॑ अस्तु ।
अ॒स्य वि॒ज्ञान॑ म॒नुस॑ः र॒भध्व॑ मि॒मं पश्चा॑ द॒नु जी॒वाथ॑ सर्वे॑ ॥

। पवमानं ।

हि॒र॒ण्यव॑र्णाः श्शु॒चयः॑ पा॒वका॑ या॒सु जा॒तः कश्य॑पो या॒स्विन्द्रः॑ ।
अ॒ग्निं या॑ गर्भ॑म् दधि॒रे वि॒रूपा॑स्तान आप॒श्शः॑ स्यो॒ना भव॑न्तु ॥
या॒साः राजा॑ वरु॒णो या॑ति म॒ध्ये स॒त्यानृ॑ते अ॒वप॑श्यम् ज॒नाना॑म् ।
मधु॑श्रु॒तश्शु॒चयो॑ याः पा॒वका॑स्ता न आप॒श्शः॑ स्यो॒ना भव॑न्तु ॥
या॒साम् दे॒वा दि॒वि कृ॑ण्वन्ति भक्षं॑ या अ॒न्तरि॑क्षे बहु॒धा भव॑न्ति ।
याः पृ॒थि॒वीम् प॑यसो॒न्दन्ति॑ शु॒क्रास्ता॑ न आप॒श्शः॑ स्यो॒ना भव॑न्तु ॥
शि॒वेन॑ मा चक्षु॒षा प॑श्यताप॒श्शिव॑या त॒नुवो॑प स्पृ॒शत॑ त्वच॒म् मे ।
सर्वा॑ः अ॒ग्नीः रप्सु॑षदो हु॒वो वो मयि॑ वर्चो॒ बल॑मोजो नि॒धत्त॑ ॥



यद॑द॒ स्सं॑ प्र॒यती॑ रहा वन॒दता॑ ह॒ते ।

तस्मा॑ दान॒द्यो॑ नाम॒ स्थ-ता॑वो नामा॒नि सि॒न्धवः॑ ।

यत् प्रे॒षिता॑ वरु॒णेन॑ ता॒श्शी भ॑ꣳ सम-व॒ल्गात् ।

तदा॑प्नो दि॒न्द्रो वो॒यती॑ स्तस्मा-दा॒पो अनु॑स्थन ।

अप॒का-म॑ꣳ स्य॒न्दमा॑ना अवी॒वर-त॑वो हि॒कं ।

इन्द्रो॑ व श॒शक्ति॑भि॒र्देवी॑ स्तस्मा॒ द्वाणा॑ म॒वो हि॑तं ।

एको॑ दे॒वो अप्य॑-तिष्ठ॒ शस्य॑न्दमा॒ना यथा॑ व॒शं ।

उदा॑निषु-र्महीरि॒ति तस्मा॑ दु॒दक॑ मुच्यते ।

आपो॑ भद्रा॒ घृत॑-मिदा॒प आ॑स-र॒ग्नी षो॒मौभि॑ प्र॒त्याप॑ इ॒त्ताः ।

ती॒व्रो र॒सो म॒धु-पृ॒चा म॑रंग॒म आ॒मा प्रा॑णेन॒ सह॑वर्च॒ साग॑न् ।

आदि॑त्प॒श्या म्यु॑तवा॒ शृ॒णो म्या॑मा घो॒षो ग॑च्छति॒ वाङ् न॑ आ॒सां ।

म॒न्ये भे॑जानो॒ अमृ॑तस्य॒ तर॑हि॒ हिर॑ण्यव॒र्णा अ॑तृपं॒ यदा॑वः ।

आपो॑हि॒ष्ठा म॒यो भु॑वस्तान॒ ऊ॒र्जे द॑धातन । महे॒रणा॑य चक्ष॒से ॥

यो॒वः शि॒वत॑मो र॒सस्त॑स्य॒ भा॒जय॑तेह॒नः । उ॒शती॑रिव॒ मा॒तरः॑ ॥

तस्मा॑ अ॒रंग॑मा॒म वो॒ यस्य॑क्षया॒य जि॒न्वथ॑ । आपो॑ जन॒यथा॑ च नः ॥

दि॒वि-श्र॑यस्वा॒ न्तरि॑क्षे॒ यत॑स्व॒ पृथि॑व्या॒ संभ॑व॒ ब्रह्म॑वर्च॒स-म॑सि॒ ब्रह्म॑वर्च॒सा-य॑त्वा ।

। प॒वमा॑न सू॒क्तम् ।

प॒वमा॑नस्सुव॒र्जनः॑ । प॒वित्रे॑ण वि॒चर्ष॑णिः । यः पो॒ता स पु॑नातु॒ मा । पु॒नन्तु॑ मा दे॒वज॑नाः ।

पु॒नन्तु॑ म॒नवो॑ धि॒या । पु॒नन्तु॑ वि॒श्व आ॑यवः । जा॒तवे॑दः प॒वित्र॑वत् ।

प॒वित्रे॑ण पु॒नाहि॑ मा । शु॒क्रेण॑ दे॒वदी॑द्यत् । अ॒ग्ने कृ॑त्वा कृ॒तूꣳ र॑नु ।

य॒त्ते प॒वित्र॑मर्चि॒षि । अ॒ग्ने वि॑त॒तम॑न्तरा । ब्रह्म॑ ते॒न पु॑नीमहे ।



उ॒भाभ्यां॑ दे॒वस॑वि॒तः । प॒वि॒त्रेण॑ स॒वेन॑ च । इ॒दं ब्र॑ह्म पु॒नीम॑हे । वै॒श्वदे॒वी पु॒नती॑ दे॒व्यागा॑त् ।
 य॒स्यै ब॒ह्वी॑स्तनु॒वो वी॒तपृ॑ष्ठाः । तया॑ म॒दन्तः॑ स॒धमा॑द्येषु ।
 व॒यः स्या॑म प॒तयो॑ र॒यीणा॑म् । वै॒श्वान॑रो र॒श्मिभि॑र्मा पु॒नातु॑ ।
 वा॒तः प्रा॑णे॒नेषि॑रो म॒यो भूः । ध्या॒वापृ॑थि॒वी प॒यसा॑ प॒योभिः॑ ।
 ऋ॒ताव॑री य॒ज्ञिये॑ मा पु॒नीता॑म् । बृ॒हद्भिः॑ स॒वित॑स्तृ॒भिः । व॒र्षि॑ष्ठैर्दे॒वम॑न्म॒भिः ।
 अ॒ग्ने दक्षैः॑ पु॒नाहि॑ मा । येन॑ दे॒वा अ॒पुन॑त । येना॒पो दि॒व्यं क॑शः ।
 तेन॑ दि॒व्येन॑ ब्र॒ह्मणा॑ । इ॒दं ब्र॑ह्म पु॒नीम॑हे । यः पा॒वमा॑नीर॒ध्येति॑ ।
 ऋ॒षिभि॑स्स॒म्भृतः॑ र॒सम् । सर्वः॑ स पू॒तम॑श्नाति । स्व॒दि॒तम् मा॑तर॒श्विना॑ ।
 पा॒वमा॑नीर्यो अ॒ध्येति॑ । ऋ॒षिभि॑स्स॒म्भृतः॑ र॒सम् । तस्मै॑ स॒रस्व॑ती दु॒हे ।
 क्षी॒रः सर्पि॑र्मधू॒दक॑म् । पा॒वमा॑नीस्स्व॒स्तय॑नीः । सु॒दुघा॑हि प॒यस्व॑तीः ।
 ऋ॒षिभि॑स्स॒म्भृतो॑ र॒सः । ब्रा॒ह्मणे॑ष्वमृतः॑ हि॒तम् । पा॒वमा॑नीर्दि॒शन्तु॑ नः ।
 इ॒मं लो॒कम॑थो अ॒मुम् । का॒मान्त्स॑म॒र्धय॑न्तु नः । दे॒वीर्दे॒वैः स॒माभृ॑ताः ।
 पा॒वमा॑नीस्स्व॒स्तय॑नीः । सु॒दुघा॑हि घृ॒तश्चु॑तः । ऋ॒षिभि॑स्सं॒भृतो॑ र॒सः ।
 ब्रा॒ह्मणे॑ष्वमृतः॑ हि॒तम् । येन॑ दे॒वाः प॒वि॒त्रेण॑ । आ॒त्मानं॑ पु॒नते॑ सदा॑ ।
 तेन॑ स॒हस्र॑धा॒रेण॑ । पा॒वमा॑न्यः पु॒नन्तु॑ मा । प्रा॒जाप॑त्यम् प॒वि॒त्रम् ।
 श॒तो॒ध्या॒मः हि॒रण्म॑यम् । तेन॑ ब्र॒ह्म वि॒दो व॑यम् । पू॒तं ब्र॑ह्म पु॒नीम॑हे ।
 इ॒न्द्रस्सु॑नीती स॒हमा॑ पु॒नातु॑ । सो॒मस्स्व॑स्त्या व॒रुण॑स्समी॒च्या ।
 य॒मो र॒जा प्र॑मृ॒णाभिः॑ पु॒नातु॑ मा । जा॒तवे॑दा मो॒र्जय॑न्त्या पु॒नातु॑ । भूर्भु॑वस्सु॒वः ।
 तच्छं॑ यो॒रावृ॑णीमहे । गा॒तुं य॒ज्ञाय॑ । गा॒तुं य॒ज्ञप॑तये । दै॒वीस्स्व॑स्ति॒रस्तु॑ नः ।
 स्व॑स्ति॒र्मानु॑षेभ्यः । ऊ॒र्ध्वं जि॑गातु भेष॒जम् । श॒न्नो अ॑स्तु द्वि॒पदे॑ । शं च॒तुष्प॑दे ।
 ॐ शान्ति॑श्शान्ति॑श्शान्तिः॑ ।



। वास्तोष्पते मंत्रं ।

वास्तोष्पते॑ प्रति॑जानी॒ ह्यस्मान् स्वा॑वेशो॒ अन॑मीवो॒ भवानः॑ ।
यत्वे॑ महे॒ प्रति॑ तन्नो॒ जुष॑स्व शन्न॒ एधि॑ द्विपदे॒ शं चतु॑ष्पदे ।
वास्तोष्पते॑ श॒ग्मया॑ स॒ऽसदा॑ते सक्षीम॒हिर॑ण्वया॒ गतु॑मत्या ।
आवः॑ , क्षेम॒ उत॑ योगे॒ वर॑न्नो॒ यूयं॑ पात॒ स्वस्ति॑भि॒ स्सदा॑नः ।
वास्तोष्पते॑ प्र॒तर॑णो न एधि॒ गोभि॑रश्चे॒ भिरि॑न्दो ।
अज॑रासस्ते सख्ये॒ स्याम॑ पि॒तेव॑ पु॒त्रान् प्रति॑नो जुषस्व ।
अमी॑वहा वास्तोष्पते॑ विश्वा॒ रूपा॑ण्या॒ विश॑न् । सखा॑ सुशेव॒ एधि॑नः ।
शिव॑ऽ शिवं॒ भूर्भुव॑स्सुवो॒ भूर्भुव॑स्सुवो॒ भूर्भुव॑स्सुवः ॥

। वरुण सूक्तम् ।

उदु॑त्तमं वरुणपाशमस्मदवाधमं विमध्यम॑ऽ श्रथाय ।
अथा॑ वयमादित्यव्रते तवानागसो अदितये॒ स्याम॑ ।
अस्त॑भ्राद्-द्या मृषभो अन्तरिक्ष ममिमीत वरिमाणं पृथिव्या
आसीद॑द्विश्वा भुवनानि स॒म्राड् विश्वे॑त्तानि वरुणस्य व्रतानि ।
यत्किञ्चे॒दम् वरुण॑दैव्यै जनेऽभिद्रोहं मनुष्या श्वरामसि ।
अचि॑त्ती यत्तव धर्मा युयोपिम मा नस्तस्मा देनसो देव रीरिषः ॥
कि॒तवा॑सो यद्रि-रिपुर्न दीवि यद्वाघा सत्य मुतयन्न विद्म ।
सर्वा॑ ता विष्य शिथिरेव देवा था-ते स्याम वरुणप्रियासः ॥
अव॑ ते हेडो वरुण नमो भिरव यज्ञेभिरीमहे हविर्भिः ।
क्षय॑न्नस्मभ्य मसुर प्रचेतो राजन्नेना॑ऽसि शिश्रथः कृतानि ॥



तत्त्वा॑यामि॒ ब्रह्म॑णा वन्द॒मान॑ स्तदा॒शास्ते॑ यज॒मानो॑ हवि॒र्भिः ।
अहे॑डमानो वरुणे॒ह बो॒ध्युरु॑शः॒स मा न॑ आयुः प्रमो॒षीः ॥
ॐ शान्ति॑श्शान्ति॑श्शान्तिः ।

॥ ब्रह्मः सूक्तम् ॥

ब्रह्म॑जज्ञानं प्रथमं पुरस्ता॒ द्वि॒सी॒मत॑ स्सुरुचो॒ वेन॑ आवः ।
स बु॒ध्न्या उप॑मा अस्य वि॒ष्ठा स॒तश्च॑ योनि म॒सतश्च॑ वि॒वः ।
पिता॑ वि॒राजा॑ मृष॒भो र॒यीणा॑ मन्तरि॒क्षं वि॒श्वरूप॑ आविवेश ।
तम॒कैर॑भ्यर्चन्ति वत्सं ब्रह्म सन्तं ब्रह्म॑णा वर्धयन्तः ।
ब्रह्म॑ दे॒वा न॒जन॑ यद् ब्रह्म वि॒श्वमि॑दं जगत् ।
ब्रह्म॑णः , क्षत्र-न्निर्मितं ब्रह्म ब्राह्म॑ण आ॒त्मना॑ ।
अन्तर॑स्मि न्निमे लो॒का अन्त॑र्वि॒श्व मि॑दं जगत् ।
ब्रह्मै॒व भू॒तानां॑ ज्येष्ठं तेन कोऽर्ह॑ति स्पर्धितुम् ।
ब्रह्म॑न्दे॒वा स्त्र्य॑स्त्रिः॒ शद् ब्रह्म॑-न्निन्द्र प्रजापती ।
ब्रह्म॑न्, ह वि॒श्वा भू॒तानि॑ नावी॒वान्तः॑ समाहिता ।
चत॑स्र आ॒शाः प्र॒चर॑न्त्व॒ग्नय॑ इमं नो यज्ञं-न्नय॑तु प्र॒जान॑न् ।
घृ॒तं पि॒न्वन्न॑जरः सु॒वीरं॑ ब्रह्म स॒मिद्भ॑व॒ त्याहु॑तीनाम् ।
ॐ शान्ति॑श्शान्ति॑श्शान्तिः ।

। विष्णुः सूक्तम् ।

विष्णो॑र्नु॒कं वी॒र्या॑णि प्र॒वोचं॑ यः पा॒र्थि॒वानि॑ वि॒ममे॑ रजाः॒ सि यो॑
अ॒स्क भा॒य-दु॒त्तरः॑ स॒धस्थं॑ वि॒चक्र॑माण स्त्रे॒धोरु॑गायः ॥



तदस्य प्रियमभिपाथो अश्याम् । नरो यत्र देवयवो मदन्ति ।
उरुक्रमस्य स हि बन्धुरित्था । विष्णोः पदे परमे मध्व उत्थसः ।
प्रतद्विष्णु स्तवते वीर्याय । मृगो न भीमः कुचरो गिरिष्ठाः ।
यस्यो रुषु त्रिषु विक्रमणेषु । अधिक्षियन्ति भुवनानि विश्वा ।
परो मात्रया तनुवा वृधान । न ते महित्व मन्वश्चुवन्ति ॥
उमे ते विश्व रजसि पृथिव्या विष्णो देवत्वम् । परमस्य विथ्से ।
विचक्रमे पृथिवी मेष एताम् । क्षेत्राय विष्णु-र्मनुषे दशस्यन् ।
ध्रुवासो अस्य कीरयो जनासः । उरुक्षितिः सुजनिमाचकार ।
विचक्रमे शतर्चसं महित्वा । प्रविष्णु-रस्तु तव-सस्तवीयान् ।
त्वेषः ह्यस्य स्थविरस्य नाम ॥ ॐ शान्तिश्शान्तिश्शान्तिः ।

। रुद्रः सूक्तम् ।

परिणो रुद्रस्य हेतिर्वृणक्तु परि त्वेषस्य दुर्मतिरघायोः ।
अव स्थिरा मधवदभ्य स्तनुष्व मीद्वस्तोकाय तनयाय मृडय ॥
स्तुहि श्रुतं गर्तसदं युवानं मृगन्न भीममुपहत्नुमुग्रम् ।
मृडा जरित्रे रुद्र स्तवानो अन्यन्ते अस्म-न्निवपन्तु सेनाः ॥
मीदुष्टम शिवतम शिवो नः सुमना भव ।
परमे वृक्ष आयुधन्निधाय कृत्तिं वसान आचर पिनाकं बिभ्रदागहि ॥
अहन्निभर्षि सायकानि धन्व । अहन्निष्कं यजतं विश्वरूपम् ।
अहन्निदं दयसे विश्वमभुवं । न वा ओजीयो रुद्र त्वदस्ति ॥
त्वमग्ने रुद्रो असुरो महो दिवस्त्वः शर्धो मारुतं पृक्ष ईशिषे ।
त्वं वातै रुणैर् यासि शंगयस्त्वं पूषा विधतः पासि नुत्मना ॥



आ वो राजान मध्वरस्य रुद्रः होतारः सत्य यजः रोदस्योः ।

अग्निं पुरातन यित्नोरचित्ता द्विरण्य रूप मवसे कृणुध्वम् ॥

ॐ शान्तिश्शान्तिश्शान्तिः ।

॥ दुर्गा सूक्तम् ॥

जातवेदसे सुनवाम सोम मरातीयतो निदहाति वेदः ।

स नः पर्षदति दुर्गाणि विश्वा नावेव सिन्धुं दुरिताऽत्यग्निः ॥

तामग्निवर्णां तपसा ज्वलन्तीं वैरोचनीं कर्मफलेषु जुष्टाम् ।

दुर्गा देविः शरणमहं प्रपद्ये सुतर सितरसे नमः ॥

अग्ने त्वं पारया नव्यो अस्मान्धस्वस्ति भिरति दुर्गाणि विश्वा ।

पूश्च पृथ्वी बहुला न उर्वी भवा तोकाय तनयाय शंयोः ॥

विश्वानि नो दुर्गहा जातवेदः सिन्धुन्न नावा दुरिताऽतिपर्षि ।

अग्ने अत्रिवन्मनसा गृणानोऽस्माकं बोध्यविता तनूनाम् ॥

पृतना जितः सहमान-मुग्र-मग्निः हुवेम परमाथ्स-धस्थात् ॥

स नः पर्षदति दुर्गाणि विश्वा क्षामदेवो अति दुरिता-त्यग्निः ॥

प्रत्नोषि कमीड्यो अध्वरेषु सनाच्च होता नव्यश्च सथ्सि ।

स्वाञ्चाग्ने तनुवं पिप्रयस्वा स्मभ्यं च सौ-भगमायजस्व ॥

गोभिर्जुष्ट-मयुजो निषिक्तं तवेन्द्र विष्णो-रनुसंचरेम ।

नाकस्य पृष्ठमभि संवसानो वैष्णवीं लोक इह मादयन्ताम् ॥

ॐ कात्यायनाय विद्महे कन्यकुमारि धीमहि । तन्नो दुर्गिः प्रचोदयात् ॥ ॥

ॐ शान्तिश्शान्तिश्शान्तिः ।



॥श्री सूक्तम्॥

हिरण्यवर्णां हरिणीं सुवर्णरज-तस्त्रजाम् ।
चन्द्रां हिरण्मयीं लक्ष्मीं जातवेदो म आवह ॥
तां म आवह जातवेदो लक्ष्मी-मनपगामिनीम् ।
यस्या हिरण्यं विन्देयं गामश्वं पुरुषानहम् ॥
अश्वपूर्वा रथमध्यां हस्तिनाद् प्रमोदिनीम् ।
श्रियं देवी मुपह्वये श्रीर्मा देवी जुषताम् ॥
कां-सोस्मितां हिरण्य प्राकारा माद्रां ज्वलन्तीं तृप्तां तर्पयन्तीम् ।
पद्मे स्थितां पद्म वर्णां तामिहो-पह्वये श्रियम् ॥
चन्द्रां प्रभासां यशसा ज्वलन्तीं श्रियं लोके देवजुष्टा मुदाराम् ।
तां पद्मिनीमीं शरण-महं प्रपद्येऽ(अ)लक्ष्मीर्मे नश्यतां त्वां वृणे ॥
आदित्यवर्णे तपसोऽधिजातो वनस्पति-स्तव वृक्षोऽथ बिल्वः ।
तस्य फलानि तपसानुदन्तु-मायान्त-रायाश्च बाह्या अलक्ष्मीः ॥
उपैतु मां देवसखः कीर्तिश्च मणिना सह ।
प्रादुर्भूतोऽस्मि राष्ट्रेऽस्मि-न्कीर्ति-मृद्धिं ददातु मे ॥
क्षुत्पिपासा-मलां ज्येष्ठा-मलक्ष्मीं नाशयाम्यहम् ।
अभूति-मसमृद्धिं च सर्वां निर्णुदमे गृहात् ॥
गन्धद्वारां दुराधर्षां नित्यपुष्टां करीषिणीम् ।
ईश्वरीं सर्व भूता नां तामिहो-पह्वये श्रियम् ॥
मनसः काम-माकूतिं वाचः सत्य-मशीमहि ।
पशूनां रूप-मन्नस्य मयि श्रीः श्रयतां यशः ॥



क॒र्दमे॑न प्र॒जाभू॑ता मयि॒ सम्भ॑व क॒र्दम॑ ।
 श्रि॒यं वा॑सय मे॒ कुले॑ मा॒तरं प॑द्ममालिनीम् ॥
 आपः॑ सृजन्तु स्नि॒ग्धानि॑ चि॒ह्नीत॑-वसमे गृहे ।
 नि॒चदे॑वीं मा॒तरं॑ श्रि॒यं वा॑सय मे॒ कुले॑ ॥
 आ॒र्द्रा यः॑ क॒रिणीं॑ यष्टिं पि॒ङ्गलां॑ प॒द्ममालि॑नीम् ।
 च॒न्द्रां हि॑रण्मयीं लक्ष्मीं जा॒तवे॑दो म आव॒ह ॥
 आ॒र्द्रा पु॑ष्करिणीं पुष्टिं सुव॒र्णां हे॒ममालि॑नीम् ।
 सू॒र्या हि॑रण्मयीं लक्ष्मीं जा॒तवे॑दो म आव॒ह ॥
 तां म॑ आव॒ह जा॒तवे॑दो लक्ष्मी-म॒नप॑-गा॒मिनी॑म् ।
 यस्यां॑ हि॒रण्यं प्र॑भूतं गा॒वो-दा॒स्योऽश्वान् वि॑न्देयं पु॒रुषा॑नहम् ॥
 प॒द्मप्रि॑ये प॒द्मिनि॑ प॒द्मह॑स्ते प॒द्माल॑ये प॒द्मद॑लाय-ताक्षि ।
 वि॒श्वप्रि॑ये वि॒श्व-म॒नोनु॑कूले त्वत्पा॒द-प॑द्मं मयि सं॒न्निध॑त्स्व ॥
 म॒हादे॒व्यै च॑ वि॒द्महे॑ वि॒ष्णुप॑त्नी च धीम॒हि । तन्नो॑ लक्ष्मीः प्र॒चोद॑यात् ॥
 श्री॒ वर्च॑स्य मा॒युष्य॑ मा॒रोग्य॑ मा॒विधा॑त् शोभ॒मानं॑ म॒हीय॑ते ।
 धान्यं॑ धनं पशुं बहु॒पुत्र॑ लाभं श॒त-सं॑वत्सरं दी॒र्घमा॑युः ॥
 ॐ शान्ति॑श्शान्ति॑श्शान्तिः॑ ।

॥ भूः सूक्तम् ॥

भूमि॑र्भू॒म्ना द्यौर्व॑रिणाऽन्त॒रिक्षं॑ म॒हित्वा॑ ।
 उप॑स्थे ते दे॒व्यदि॑-तेऽग्नि॒ मन्ना॑द मन्ना-द्या॒याद॑धे ॥
 आऽय॑ज्ञौः पृ॒श्निर॑क्रमी द॒सन॑न्मा॒तरं पु॑नः । पि॒तरं॑ च प्र॒यन्त्सु॑वः ॥
 त्रि॑ श॒द्धाम॑ वि॒राज॑ति वा॒क्प॑त॒ङ्गाय॑ शि॒श्रिये॑ । प्र॒त्यस्य॑ वह॒ द्युभिः॑ ॥



अस्य प्राणादपान-त्यन्त-श्चरति रोचना । व्यख्यन् महिषः सुवः ॥
 यत्त्वा क्रुद्धः परोवप मन्युना यदवर्त्या । सुकल्पमग्ने तत्तव पुनस्त्वोद्दी पयामसि ॥
 यत्ते मन्युपरोक्षस्य पृथिवी मनुदध्वसे । आदित्या विश्वे त-द्देवा वसवश्च समाभरन् ॥
 मनो ज्योति-र्जुषता माज्यं विच्छिन्नं यज्ञं समिमं दधातु ।
 बृहस्पति स्तनुता मिमं-नो विश्वे देवा इह मादयन्ताम् ॥
 सप्त ते अग्ने समिधः सप्त जिह्वाः सप्त ऋषयः सप्त धाम प्रियाणि ।
 सप्त होत्राः सप्त धात्वा यजन्ति सप्त योनीरा पृणस्वा घृतेन ॥
 पुन-रूर्जा निवर्तस्व पुन-रग्न इहाऽऽयुषा । पुनर्नः पाहि विश्वतः ॥
 सहरंय्या निवर्त-स्वाऽग्ने पिन्वस्व धारया । विश्वप्स्नया विश्व-तस्परि ॥
 लेकः सलेकः सुलेकस्ते न आदित्या आज्यं जुषाणा वि यन्तु
 केतः सकेतः सुकेतस्ते न आदित्या आज्यं जुषाणा वि यन्तु
 विवस्वाऽ अदिति देव जूतिस्ते न आदित्या आज्यं जुषाणा वि यन्तु ॥
 ॐ शान्तिश्शान्तिश्शान्तिः ।

॥ भाग्य सूक्तम् ॥

प्रातरग्निं प्रातरिन्द्रं हवामहे प्रातर्मित्रा वरुणा प्रातरश्विना ॥
 प्रातर्भगं पूषणं ब्रह्मणस्पतिं प्रात-सोम-मुत रुद्रं हुवेम ।
 प्रातर्जितं भग-मुग्रं हुवेम वयं पुत्र-मदितेर्यो विधर्ता ।
 आघ्र-श्चिद्यं मन्यमान-स्तुर श्विद्राजा चिद्यं भगं भक्षीत्याह ।
 भग प्रणेत-र्भग सत्यराधो भगेमां धियमुद वददन्नः ।
 भग प्रणो जनय गोभिरश्वैर्भग प्रनृभिर्नृवन्त स्याम ।
 उतेदानीं भगवन्त स्या-मोत प्रपित्व उत मध्ये अह्नाम् ॥



उ॒तोदि॑ता म॒घव॑न्त्सूर्य॒स्य व॑यं दे॒वानां॑ सु॒मतौ स्या॑म ।
 भ॒ग ए॒व भ॒गवा॑ः अस्तु दे॒वास्ते॑न व॒यं भ॒गव॑न्त स्या॒म ।
 तन्त्वा॑ भ॒ग सर्व॑ इज्जो॒हवी॑मि स॒नो भ॒ग पु॒र ए॒ता भ॑वे॒ह ।
 स॒मध्व॑रायो ष॒सो न॑मन्त द॒धिक्रा॑वे॒व शु॒चये॑ प॒दाय॑ ।
 अ॒र्वाची॑नं व॒सुवि॑दं भ॒गन्नो॑ रथ॒मिवा॑-श्वा वा॒जिन॑ आव॒हन्तु॑ ।
 अ॒श्वाव॑ती गो॒मती॑र्न उ॒षासो॑ वी॒रव॑तीः स॒दमु॑च्छन्तु भ॒द्राः ।
 घृ॒तं दु॒हाना॑ वि॒श्वतः॑ प्र॒पीना॑ यू॒यं पा॑त स्व॒स्तिभिः॑ स॒दा नः॑ ।
 यो मा॑ऽग्ने भा॒गिन॑ः सन्त म॒था भा॑ः चि॒की॒ऋष॑ति ।
 अ॒भा॒गम॑ग्ने तं कुरु॒ माम॑ग्ने भा॒गिनं॑ कुरु ॥
 ॐ शान्ति॑श्शान्ति॑श्शान्तिः॑ ।

॥ मृत्यु सूक्तम् ॥

हरि॑ः हर॒न्त म॑नुयन्ति दे॒वाः । वि॒श्व-स्ये॑शानं वृष॒भं म॑तीनाम् ।
 ब्र॒ह्म स॑रूप म॒नु मे॒द-मा॑गात् । अ॒यनं॑ मा वि॒वधी॑ वि॒क्रम॑स्व ॥
 मा छि॑दो मृत्यो मा व॒धीः ॥ मा मे॑ ब॒लं वि॒वृहो॑ मा प्र॒मोषीः॑ ।
 प्र॒जां मा मे॑ री॒रिष॑ आ॒यु-रु॒ग्र । नृ॒चक्ष॑सं त्वा ह॒विषा॑ वि॒धेम॑ ॥
 स॒द्यश्च॑ क॒मा-ना॑य । प्र॒वे-पा॑नाय मृत्य॒वे ॥
 प्रा॒स्मा आ॑शा अ॒शृण्व॑न् । का॒मेना॑ ज॒नय॑न् पु॒नः ॥
 का॒मेन॑ मे का॒म आ॑गात् । हृ॒दया॑द् धृ॒दयं॑ मृत्योः ।
 य॒दमी॑षा म॒दः प्रि॒यम् । त॒दै-तू॑प मा-म॒भि ॥
 परं॑ मृत्यो अ॒नुप॑रेहि प॒न्था॑म् । य॒स्ते स्व॑ इ॒तरो॑ दे॒वया॑नात् ॥



चक्षुष्मते शृण्वते ते ब्रवीमि । मा नः प्रजाः रीरिषो मोत वीरान् ॥
 प्र पूर्य मनसा वन्दमानः । नाधमानो वृषभं चरूषणीनाम् ।
 यः प्रजानामेकराण-मानुषीणाम् ॥ मृत्युं यजे प्रथमजा-मृतस्य ॥
 सर्वेषु वा एषु लोकेषु मृत्यवोऽन्वा-यत्ताः ।
 तेभ्यो यदा-हुतीर्न जुहुयात् । लोके लोक एनं मृत्यु-र्विन्देत् ।
 मृत्यवे स्वाहा मृत्यवे स्वाहे त्यभि पूर्व माहुती जुहोति ।
 लोका ल्लोका देव मृत्यु मव यजते । नैनं लोके लोके मृत्यु विन्दति ॥
 यद् मुष्मै स्वाहाऽमुष्मै स्वाहेति जुह्वत्सं चक्षीत ।
 बह्वं मृत्यु-म मित्रं कुर्वीत । मृत्यवे स्वाहेत्ये कस्मा एवैकां जुहुयात् ।
 एको वा अमुष्मिन् ल्लोके मृत्युः । अश-नया मृत्यु रेव ।
 तमेवा मुष्मिन् ल्लोकेऽव यजते ॥
 भ्रूण हत्यायै स्वाहे त्यवभृथ आहुतिं जुहोति । भ्रूण हत्या मेवाव यजते ॥
 तदाहुः । यद् भ्रूण हत्या ऽपात्र्याऽथ । कस्मा द्यज्ञेऽपि क्रियत इति ॥
 अ मृत्युर्वा अन्यो भ्रूण हत्याया इत्याहुः । भ्रूण हत्या वाव मृत्यु-रिति ।
 यद् भ्रूण हत्यायै स्वाहे त्यवभृथ आहुतिं जुहोति ।
 मृत्युमे वाहुत्या तर्प-यित्वा परिपाणं कृत्वा । भ्रूण-ध्ने भेषजं करोति ॥
 एताः ह वै मुण्डिभ औदन्यवः । भ्रूण हत्यायै प्रायश्चित्तिं विदाञ्चकार ।
 यो हास्यापि प्रजायां ब्राह्मणः हन्ति । सर्वस्मै तस्मै भेषजं करोति ॥
 जुम्बकाय स्वाहे त्यवभृथ उत्तमा माहुतिं जुहोति ।
 वरुणो वै जुम्बकः । अन्तत एव वरुण मव यजते ॥
 खलते विक्लि-धस्य शुक्लस्य पिङ्गा-क्षस्य मूर्धं ज्जुहोति ।



ए॒तद्वै व॒रुण॑स्य रू॒पम् । रू॒पेणै॑व व॒रुण॑ म॒व य॑जते ॥
 अ॒पैतु॑ मृ॒त्यु र॑मृतं न आ॒गन्वै॒व स्व॑तो नो अ॒भयं॑ कृ॒णोतु॑ ।
 पर्णं॑ वनस्पते रि॒वाभि॑ न-श्शी॒यतां॑ र॒यि स्स॑च॒तां न-श्श॑ची पति ॥
 परं॑ मृ॒त्यो अनु॑ परेहि पन्थां यस्ते स्व इ॒तरो॑ दे॒वया॑नात् ।
 चक्षु॑ष्मते शृण्वते ते ब्रवीमि मा नः प्रजां री॒रिषो॑ मोत वी॒रान् ॥
 वातं॑ प्राणं मनसा ऽन्वार भामहे प्रजापतिं यो भुवनस्य गोपाः ।
 स नो॑ मृ॒त्यो स्त्रा॑यतां पा॒त्व ह॑सो ज्यो॒ग्जी॒वा ज॑रा मशीमहि ॥
 अमु॒त्र भू॒या द॑ध यद्य मस्य बृहस्पते अ॒भि श॑स्तेर मुञ्चः ।
 प्र॒त्यौ ह॑ता म॒श्विना॑ मृ॒त्यु म॑स्मा दे॒वाना॑ म॒ग्ने भि॑षजा श॒चीभिः॑ ॥
 श॒ल्कै र॑ग्नि मिन्धान उ॒भौ लो॒कौ स॑ने महम् ।
 उ॒भयौ॑ लो॒कयोर् ऋ॑ध्वाऽति मृ॒त्युं त॑राम्यहम् ॥
 हरि॑ हरन्त मनुयन्ति दे॒वा वि॒श्वस्ये॑शानं वृषभं म॒तीना॑म् ।
 ब्र॒ह्म स॑रूप मनु मे॒द मा॑गाद-यनं मा वि॒वधी॑ वि॒क्रम॑स्व ॥
 मा छि॒दो मृ॒त्यो मा॑ व॒धी मा॑-मे-बलं वि॒वृहो॑ मा प्र॒मोषीः॑ ।
 प्र॒जां मा॑ मे री॒रिष॑ आयु रु॒ग्र नृ॑चक्षसं त्वा ह॒विषा॑ वि॒धेम॑ ॥
 मा नो॑ म॒हान्त॑मुत मा नो अ॒र्भकं॑ मा न उ॒क्षन्त॑मुत मा न उ॒क्षित॑म् ।
 मा नो॑ऽव॒धीः पि॒तरं॑ मोत मा॒तरं॑ प्रि॒या मा॑ नस्तनुवो रु॒द्र री॒रिषः॑ ॥
 मा॒नस्तो॑के तनये मा न आयुषि मा नो गोषु मा नो अ॒श्वेषु॑ री॒रिषः॑ ।
 वी॒रान्मा॑ नो रु॒द्र भा॑मितोऽव॒धी ह॑विष्मन्तो नमसा वि॒धेम॑ ते ॥
 प्र॒जाप॑ते न त्वदेतन्यन्यो वि॒श्वा जा॑तानि परि॒ता ब॑भूव ।
 य॒त्कामा॑स्ते जुहुम-स्तन्नो अस्तु वयं॑स्याम प॒तयो॑ र॒यीणा॑म् ।



यत॑ इन्द्र॑ भयामहे॑ ततो॑नो अभयं॑ कृधि ।

मघ॑वन् च॒छग्धि॑ तव॑ तन्न॑ ऊ॒तये॑ वि॒द्विषो॑ वि॒मृधो॑ जहि ।

स्व॒स्तिदा॑ वि॒शस्पति॑ वृ॒त्रहा॑ वि॒मृधो॑ वशी ।

वृ॒षेन्द्रः॑ पु॒र ए॒तु न॒स्स्व-स्ति॑दा अभयं॑करः ॥

त्रयं॑बकं यजामहे सुगन्धिं पुष्टिवर्धनम् ।

उ॒र्वारु॑कमिव बन्धनान्मृत्योर्मुक्षीय माऽमृतात् ॥

अप॑ मृत्यु-मपक्षुध-म-पेतः शपथं जहि ।

अ॒धा नो॑ अ॒ग्न आ॒वह॑ रा॒यस्पोष॑ सहस्रिणम् ॥

ये ते॑ स॒हस्र॑मयुतं पाशा मृत्यो मर्त्याय हन्तवे ।

तान् यज्ञ॑स्य मा॒यया॑ सर्वा नव यजामहे ॥ मृत्यवे॑ स्वाहा मृत्यवे॑ स्वाहा ॥

जा॒तवे॑दसे सु॒नवाम॑ सोम म॒राती॑यतो नि॒दहा॑ति वेदः ।

स नः॑ पर्ष॒दति॑ दु॒र्गाणि॑ वि॒श्वा ना॒वेव॑ सि॒न्धुं दु॒रिता॑ऽत्यग्निः ॥

भू भु॒व स्स्वः॑ । ओ॒जो ब॒लं । ब्र॒ह्म क्ष॒त्रं । य॒शो म॒हत् । स॒त्यं त॒पो ना॒म ।

रू॒प म॒मृ॒तम् । चक्षु॑ श्रोत्रम् । मन आयुः । वि॒श्वं य॒शो म॒हः । स॒मं त॒पो ह॒रो भाः॑ ।

जा॒तवे॑दा यदि वा पावकोऽसि । वैश्वानरो यदि वा वैद्युतोसि ।

शं प्र॒जाभ्यो॑ यजमानाय लोकम् । ऊ॒र्जं पु॒ष्टिं द॒द-द॒भ्याव॑ वृथस्वा ॥

----- नक्षत्रे ----- राशौ जातस्य ----- शर्मणः मम (यजमानस्य)

मृत्यु॑ न्नश्य त्वा॒यु वर्ध॑तां भूः ।

मृत्यु॑ न्नश्य त्वा॒यु वर्ध॑तां भु॒वः ।

मृत्यु॑ न्नश्य त्वा॒यु वर्ध॑तां सु॒वः ।

मृत्यु॑ न्नश्य त्वा॒यु वर्ध॑तां भू भु॒व स्सु॒वः ।



॥ आयुष्य सूक्तम् ॥

यो ब्रह्मा ब्रह्मण उज्जहार प्राणैः शिरः कृत्तिवासाः पिनाकी ।
ईशानो देवः स न आयुर्दधातु तस्मै जुहोमि हविषा घृतेन ॥
विभ्राजमानः सरिरस्य मध्या द्रोचमानो घर्म-रुचिर्य आगात् ।
स मृत्युपाशा नपनुद्य घोरा निहायुषेणो घृत-मत्तु देवः ॥
ब्रह्म ज्योति ब्रह्म पत्नीषु गर्भं यमा दधात् पुरु रूपं जयंतम् ।
सुवर्णं रंभ ग्रह मर्क-मर्च्य तमायुषे वर्धयामो घृतेन ॥
श्रियं लक्ष्मी मौबला मंबिकां गां षष्ठीं च यामिंद्र सेनत्युदाहुः ।
तां विद्यां ब्रह्मयोनिं सरूपा मिहायुषे तर्पयामो घृतेन ॥
दाक्षायण्यः सर्व योन्यः स योन्यः सहस्रशो विश्वरूपा विरूपाः ।
ससूनवः स-पतयः स-यूथ्या आयुषेणो घृत-मिदं जुषंताम् ॥
दिव्या गणा बहुरूपाः पुराणा आयुश्छिदो नः प्रमथन्तु वीरान् ।
तेभ्यो जुहोमि बहुधा घृतेन मानः प्रजां रीरिषो मोत वीरान् ॥
एकः पुरस्तात् य इदं बभूव यतो बभूव भुवनस्य गोपाः ।
यमप्येति भुवनं सांपराये स नो हवि-घृत मिहायुषेत्तु देवः ॥
वसून् रुद्रा नादित्यान् मरुतोऽथ साध्यान् ऋभून् यक्षान् गंधर्वांश्च पित्रूश्च विश्वान् ।
भृगून् सर्पांश्चांगिरसोऽथ सर्वान् घृतं हुत्वा स्वायुष्या महयाम शश्वत् ॥
विष्णो त्वं नो अंतमः शर्म-यच्छ सहंत्य । प्रतेधारा मधु-श्रुत उथ्सं दुहते अक्षितम् ॥

ॐ शान्तिश्शान्तिश्शान्तिः ।



। नवग्रह सूक्तम् ।

ॐ आसत्येन रजसा वर्तमानो निवेशय -न्नमृतं मर्त्यं च ।

हिरण्ययेन सविता रथेनाऽऽदेवो याति भुवना विपश्यन् ।

अग्निं दूतं वृणीमहे होतारं विश्व-वेदसम् । अस्य यज्ञस्य सुक्रतुम् ॥

येषामीशे पशुपतिः पशूनां चतुष्पदा-मुत च द्विपदाम् ।

निष्क्रीतोऽयं यज्ञियं भागमेतु रायस्पोषा यजमानस्य सन्तु ॥

(ॐ अधिदेवता प्रत्यधिदेवता सहिताय भवते आदित्याय नमः ॥)

ॐ अग्निर्मूर्धा दिवः ककुत्पतिः पृथिव्या अयम् । अपा५ रेता५सि जिन्वति ।

स्योना पृथिवि भवाऽनृक्षरा निवेशनि । यच्छान-श्शर्म सप्रथाः ।

क्षेत्रस्य पतिना वय५हिते नेव जयामसि । गामश्वं पोष-यिन्त्वा स नो मृडाती-दृशे ॥

(ॐ अधिदेवता प्रत्यधिदेवता सहिताय भवते अङ्गारकाय नमः ॥)

ॐ प्रव-श्शुक्राय भानवे भरध्व५ हव्यं मतिं चाग्नये सुपूतम् ।

यो दैव्यानि मानुषा जनू५ ष्यन्तर्विश्वानि विद्म ना जिगाति ।

इन्द्राणीमासु नारिषु सुपत्नी महमश्रवम् । न ह्यस्या अपरंचन जरसा मरते पतिः ।

इन्द्रं वो विश्वतस्परि हवामहे जनेभ्यः । अस्माक-मस्तु केवलः ॥

(ॐ अधिदेवता प्रत्यधिदेवता सहिताय भवते शुक्राय नमः ॥)

ॐ आप्याय-स्व-समेतु ते विश्वत-स्सोम वृष्णियम् । भवा वाजस्य संगथे ।

अप्सुमे सोमो अब्रवी-दन्तर्विश्वानि भेषजा । अग्निच विश्वशंभुव-मापश्च विश्व भेषजीः ।

गौरी मिमाय सलिलानि तक्षत्येकपदी द्विपदी सा चतुष्पदी ।

अष्टापदी नवपदी बभूवुषी सहस्राक्षरा परमे व्योमन् ॥

(ॐ अधिदेवता प्रत्यधिदेवता सहिताय भवते सोमाय नमः ॥)



ॐ उद्धृ॒द्यस्वा॒ग्ने प्र॒तिजा॒गृह्ये॒न-मि॒ष्टापूर्ते॑ स॒सृजे॒था-म॒यञ्च॑ ।
 पुनः॑ कृ॒ण्व॒स्त्वा पि॒तरं॑ यु॒वान-म॒न्वाता॑सि॒त्वयि॑ तन्तु॒मेत॑म् ।
 इदं॑ वि॒ष्णुर्वि॒चक्रे॑ त्रेधा नि॒दधे॑ पद॒म् । समू॒ढम॒स्य-पा॑सु॒रे ।
 वि॒ष्णो ररा॑टम॒सि वि॒ष्णोः पृ॒ष्ठम॒सि वि॒ष्णो-श्ज॒प्त्रे॒स्थो
 वि॒ष्णो-स्स्यूर॑सि वि॒ष्णो-र्दु॒वम॒सि वै॒ष्णव॑म॒सि वि॒ष्णवे॑ त्वा ॥

(ॐ अधिदे॒वता प्र॒त्यधि॑दे॒वता स॒हिता॒य भ॒वते॑ बु॒धाय॑ नमः ॥)

ॐ बृ॒हस्प॑ते अ॒तिय॑द॒र्यो अर्हा॑द्-द्यु॒मद्वि॑भाति॒ क्रतु॑-मज्ज॒नेषु॑ ।
 यद्दि॒दय॑ च॒वस॑र्त॒ प्रजा॑त॒ तद॒स्मासु॑ द्रवि॒णन्धे॑हि चि॒त्रम् ।
 इन्द्र॑म॒रुत्व॑ इ॒ह पा॑हि सोमं॒ यथा॑ शा॒र्या॒ते अ॒पिब॑-स्सु॒तस्य॑ ।
 तव॑ प्र॒णीती॑ तव॒ शूर॑शर्म॒न्नावि॑वास॒न्ति क॒वय॑सु-य॒ज्ञाः ।
 ब्र॒ह्मज॑ज्ञानं॒ प्रथ॑मं॒ पुर॒स्ता-द्वि॒सीम॑त॒-स्सु॒रुचो॑ वे॒न आ॒वः ।
 स॒बुध्नि॒या उ॒पमा॑ अ॒स्य वि॒ष्ठाः स्स॒तश्च॑ यो॒नि-म॒सत॑श्च वि॒वः ॥

(ॐ अधिदे॒वता प्र॒त्यधि॑दे॒वता स॒हिता॒य भ॒वते॑ बृ॒हस्प॑तये॒ नमः॑ ॥)

ॐ श॒न्नो दे॒वी-र॒भिष्ट॑य॒ आपो॑ भ॒वन्तु॑ पी॒तये॑ । शं॒यो-र॒भिस्त्र॑वन्तु॒ नः ।
 प्र॒जाप॑ते॒ न त्व॑दे॒त-न्य॒न्यो वि॒श्वा जा॑तानि॒ परि॑ता॒ बभू॑व ।
 यत्का॑मास्ते जु॒हुम॑-स्त॒न्नो अ॒स्तु व॒यस्य॑म॒ पत॑यो र॒यीणा॑म् ।
 इमं॑ य॒म-प्र॒स्तर॑मा॒हि सी॒दाऽङ्गि॑-रो॒भिः पि॒तृभि॑ स्सं॒विदा॑नः ।
 आ॒त्वा म॒त्राः क॒विश॑स्ता॒ वह॑न्त्वे॒ना राज॑न् ह॒विषा॑ मा॒दय॑स्व ॥

(ॐ अधिदे॒वता प्र॒त्यधि॑दे॒वता स॒हिता॒य भ॒वते॑ श॒नैश्च॑राय॒ नमः॑ ॥)

ॐ क॒या न॒श्चि॒त्र आ॒भुव॑दू॒ती स॒दा-वृ॒धस्स॑खा । क॒या श॒चि॒च्छ॒या वृ॒ता ।
 आऽय॑ज्ञौः पृ॒श्नि॒र॒क्रमी॑-द॒सन॑न्मा॒तरं॑ पुनः । पि॒तर॑श्च प्र॒यन्त्सु॑वः ।



यत्ते॑ दे॒वी नि॒त्र॒ह॒तिरा॒-ब॒बन्ध॑ दाम॑ ग्री॒वा-स्व॑विच॒त्यम् ।

इ॒दन्ते॑ तद्वि॒ष्या-म्या॑युषो॒ न म॑ध्या-द॒थाजी॑वः पि॒तुम॑द्वि प्रमु॒क्तः ॥

(ॐ अधिदे॒वता प्रत्य॑धिदे॒वता स॒हिता॑य भवते रा॒हवे॑ नमः ॥)

ॐ के॒तुंकृ॑ण्वन्न॒-के॒तवे॑ पेशो॑ मर्या॑ अपेश॑से । समु॒षद्वि॑-रजा॒यथा॑ ।

ब्र॒ह्मा दे॒वानां॑ पद॒वीः क॒वीना॑-मृ॒षिर्वि॑-प्रा॒णां म॒हिषो॑ मृ॒गाणा॑म् ।

श्ये॒नो-गृ॑ध्राणां॑ स्व॒धिति॑र्व॒नाना॑ः सोमः॑ पवि॒त्र-म॒त्येति॑ रेभन् ।

सचि॒त्र चि॒त्रं चि॒तय॑नूत-मस्मे चि॒त्रक्ष॑त्र चि॒त्रत॑मं वयो॒धाम् ।

चन्द्रं॑ रयिं॑ पु॒रुवी॑रम् बृ॒हन्तं॑ चन्द्र॒चन्द्रा॑भि-गृ॒णते॑ युव॒स्व ॥

(ॐ अधिदे॒वता प्रत्य॑धिदे॒वता स॒हिते॑भ्यो भवत॒द्भ्यः के॒तुभ्यो॑ नमः ॥)

ॐ शान्ति॑श्शान्ति॑श्शान्तिः॑ ।

॥ दि॒क्पाल॑काः ॥

त्रा॒तार॑-मिन्द्र॑ मवि॒तार॑-मिन्द्र॑ः हवे॑ हवे॑ सु॒हव॑ः शू॒रमिन्द्र॑म् ।

हु॒वेनु॑-श॒क्रं पु॒रुहू॑त-मि॒द्रः स्व॑स्ति॒नो म॒घवा॑ऽधा॒त्विन्द्रः॑ ॥

त्व॒न्नो अ॒ग्ने व॒रुण॑स्य वि॒द्वान् दे॒वस्य॑ हे॒डोऽव॑ या॒सि सी॒ष्ठाः ।

यजि॑ष्ठो वह्नि॑ तम॑ श॒शोशु॑चानो॒ विश्वा॑ द्वे॒षाः सि॒ प्रमु॑ मु॒ग्ध्यस्मत् ॥

सु॒गन्नः॑ पन्था॑ म॒भयं॑ कृ॒णोतु॑ । यस्मिन्॑ नक्ष॒त्रे यम॑ एति॒ राजा॑ ।

यस्मि॑-न्नेन॑ म॒भ्य-षि॑ञ्चन्त दे॒वाः । तद॑स्य चि॒त्रः ह॒विषा॑ यजाम ॥

अप॑ पा॒प्मानं॑ भ॒रणी॑ भ॒रन्तु॑ ॥

असु॑न्वन्त मयज॑-मान॒ मिच्छ॑ स्तेन॒ स्येत्यां॑ तस्कर॒ स्या-न्वे॑षि ।

अन्य॑ मस्म-दि॒च्छ सा॒त इत्या॑ नमो॒ देवि॑ नि॒त्रह॑ते तु॒भ्यम॑स्तु ॥



तत्वा॒यामि॑ ब्र॒ह्मणा॑ वन्द॒मान-स्तदा॑शास्ते यज॒मानो॑ हवि॒र्भिः ।
 अहे॑डमानो वरुणेह बो॒ध्युरु॑श॒स मा न॑ आयुः प्रमोषीः ॥
 आनो॑ नियु॒द्धिः शति॑ नी भिरध्व॒रं । सह॑स्त्रिणी-भि रुप याहि यज्ञम् ।
 वायो॑ अस्मिन् हविषि मादयस्व । यूयं॑ पातः स्वस्तिभिः सदानः ॥
 वय॑सोम व्रते तव । मनस्त-नूषु बिभ्रतः । प्रजावन्तो अशीमहि ॥
 तमी॑शानं जगत स्त स्थुष स्पतिम् । धियं॑ जिन्व मवसे हूमहे वयम् ।
 पूषा॑नो यथा वेदसा मस-द्वृधे रक्षिता पायु रदब्धः स्वस्तये ॥
 अस्मे॑ रुद्रा मेहना पर्वतासो वृत्र हत्ये भरहूतो सजोषाः ।
 य इ॑शंसते स्तुवते धायि पञ्च इन्द्र ज्येष्ठा अस्मां अवन्तु देवाः ॥
 स्योना॑ पृथिवि भवाऽनृक्षरा निवेशनि ।
 यच्छान-इ॒शर्म॑ सप्रथाः ।

॥ नक्षत्र वाक्यं ॥

अग्नि॑र्नः पातु कृत्तिकाः । नक्षत्रं॑ देवमिन्द्रियम् ।
 इ॒दमा॑सां विचक्षणम् । हविरासं जुहोतन ।
 यस्य॑ भान्ति रश्मयो यस्य केतवः । यस्ये॑मा विश्वा भुवनानि सर्वा ।
 स कृत्तिकाभि रभि संवसानः । अग्नि॑र्नो देव स्सुविते दधातु ॥
 प्रजा॑पते रोहिणी वेतु पत्नी । विश्व॑रूपा बृहती चित्र भानुः ।
 सा नो॑ यज्ञस्य सुविते दधातु । यथा जीवेम शरद स्सवीराः ।
 रोहिणी॑ देव्युदगा त्पुरस्तात् । विश्वा॑ रूपणि प्रति मोदमाना ।
 प्रजा॑पतिः हविषा वर्धयन्ती । प्रिया॑ देवाना मुपयातु यज्ञम् ॥



सोमो राजा मृगशीर्षेण आगन्तु । शिवं नक्षत्रं प्रियमस्य धाम ।
आप्यायमानो बहुधा जनेषु । रेतः प्रजां यजमाने दधातु ।
यत्ते नक्षत्रं मृगशीर्ष मस्ति । प्रियं राजन् प्रियतमं प्रियाणाम् ।
तस्मै ते सोम हविषा विधेम । शन्न एधि द्विपदे शं चतुष्पदे ॥
आर्द्रया रुद्रः प्रथमा न एति । श्रेष्ठो देवानां पति रघ्नि यानाम् ।
नक्षत्र मस्य हविषा विधेम । मा नः प्रजां रीरिषन्मोत वीरान् ।
हेति रुद्रस्य परिणो वृणक्तु । आर्द्रा नक्षत्रं जुषतां हविर्नः ।
प्रमुञ्चमानौ दुरितानि विश्वा । अपाघशंसन्नुदता मरातिम् ॥
पुनर्नो देव्य दिति स्पृणोतु । पुनर्वसूनः पुनरेतां यज्ञम् ।
पुनर्नो देवा अभियन्तु सर्वे । पुनः पुनर्वो हविषा यजामः ।
एवा न देव्य दितिर् नर्वा । विश्वस्य भर्त्री जगतः प्रतिष्ठा ।
पुनर्वसू हविषा वर्धयन्ती । प्रियम् देवाना मप्येतु पाथः ॥
बृहस्पतिः प्रथमं जायमानः । तिष्यम् नक्षत्र मभि संबभूव ।
श्रेष्ठो देवानां पृतनासु जिष्णुः । दिशोऽनु सर्वा अभयन्नो अस्तु ।
तिष्यः पुरस्ता दुत मध्यतो नः । बृहस्पतिर्नः परिपातु पश्चात् ।
बाधेता न्द्वेषो अभयं कृणुताम् । सुवीर्यस्य पतय स्याम ॥
इदं सर्पेभ्यो हविरस्तु जुष्टम् । आ श्रेषा येषा मनुयन्ति चेतः ।
ये अन्तरिक्षं पृथिवीं क्षियन्ति । ते न स्सर्पासो हव मागमिष्ठाः ।
ये रोचने सूर्य स्यापि सर्पाः । ये दिवं देवी मनु सञ्चरन्ति ।
येषामा श्रेषा अनुयन्ति कामम् । तेभ्य स्सर्पेभ्यो मधुम जुहोमि ॥



उप॑हृ॒ताः पि॒तरो॑ ये म॒घासु॑ । म॒नोज॑व॒सस्सु॒कृत॑स्सु॒कृत्याः॑ ।
 ते नो॑ नक्ष॒त्रे ह॒वमा॑गमि॒ष्ठाः । स्व॒धाभि॑र्यज्ञं प्र॒यतं॑ जुषन्ताम् ।
 ये अ॒ग्निद॑ग्धा येऽन॒ग्निद॑ग्धाः । येऽमु॒ल्लोकं॑ पि॒तरः॑, क्षि॒यन्ति॑ ।
 याँश्च॑ वि॒द्वयाँ॑ उ॒चन॑ प्रवि॒द्व । म॒घासु॑ यज्ञँ॑ सु॒कृत॑म् जुषन्ताम् ॥
 ग॒वां प॑तिः फ॒ल्गुनी॑ ना॒मसि॑ त्वम् । तद॑र्य॒मन् व॑रुण मि॒त्र चा॑रु ।
 तं त्वा॑ व॒यँ स॑नि॒तारँ॑ स॒नीना॑म् । जी॒वा जी॑वन्त मु॒प सं॑वि॒शेम॑ ।
 ये॒नेमा॑ वि॒श्वा भु॑व॒नानि॑ स॒ञ्जिता॑ । य॒स्य दे॒वा अ॑नु॒संय॑न्ति चे॒तः ।
 अ॒र्य॒मा रा॒जाऽज॑रस्तु वि॒ष्मान् । फ॒ल्गुनी॑ना मृष॒भो रो॑र वी॒ति ॥
 श्रेष्ठो॑ दे॒वाना॑म् भ॒गवो॑ भ॒गासि॑ । त॒त्वा वि॒दुः फ॒ल्गुनी॑स्त॒स्य वि॑त्तात् ।
 अ॒स्मभ्यं॑ क्ष॒त्र म॑ज॒रँ सु॑वीर्यम् । गो॒म द॑श्च व॒दु प॑स॒न्नु दे॒ह ।
 भ॒गोह॑ दा॒ता भ॒ग इ॒त्प्रदा॑ता । भ॒गो दे॒वीः फ॒ल्गुनी॑ रा॒वि वेश॑ ।
 भ॒ग स्ये॒त्तं प्र॑स॒वं ग॑मेम । य॒त्र दे॒वैस्स॑ध॒मादं॑ म॒देम॑ ॥
 आ॒यातु॑ दे॒व स्स॑वि॒तो प॑यातु । हि॒रण्य॑ येन सु॒वृता॑ रथेन ।
 व॒हन् ह॑स्तँ॑ सु॒भँ वि॒द्वना॑ प॒सम् । प्र॑यच्छन्तं प॒पुरि॑ पु॒ण्य म॑च्छ ।
 ह॒स्तः प्र॑यच्छ त्वमृ॒तं व॑सीयः । दक्षि॑णेन प्र॒ति गृ॑भ्णीम ए॒नत् ।
 दा॒तार॑ म॒द्य स॑वि॒ता वि॑देय । यो नो॑ ह॒स्ताय॑ प्र॒सुवा॑ति य॒ज्ञम् ॥
 त्व॒ष्टा नक्ष॑त्र म॒भ्येति॑ चि॒त्राम् । सु॒भँ स॑सं यु॒वति॑ँ रोच॒माना॑म् ।
 नि॒वेश॑ य॒न्न मृ॒ता न्म॑र्त्याँश्च । रू॒पाणि॑ पि॒शन् भु॑व॒नानि॑ वि॒श्वा ।
 त॒न्न स्त्व॑ष्टा तदु॒ चि॒त्रा वि॑च॒ष्टाम् । त॒न्नक्ष॑त्रं भूरि॒दा अ॑स्तु म॒ह्यम् ।
 त॒न्नः प्र॑जां वी॒रव॑तीँ॑ स॒नोतु॑ । गो॒भिर्नो॑ अ॒श्वैस्स॑म॒नक्तु॑ य॒ज्ञम् ॥



वा॒यु॒र्नक्ष॑त्र॒ म॒भ्येति॑ नि॒ष्ट्याम्॑ । ति॒ग्म शृ॑ंगो वृष॒भो रो॑रु॒वाणः॑ ।
समी॑रयन् भुव॒ना मा॑तरि॒श्वा । अप॑ द्वेषा॒सि नु॑दता म॒रातीः॑ ।
तन्नो॑ वा॒यु स्त॑दु नि॒ष्ट्या शृ॑णोतु । तन्नक्ष॑त्रं भूरि॒दा अ॑स्तु म॒ह्यम् ।
तन्नो॑ दे॒वासो॑ अनु॒जानन्तु॑ का॒मम् । यथा॑ तरे॒म दु॑रि॒तानि॑ वि॒श्वा ॥
दूर॑ म॒स्म च्छ॑त्र॒वो य॑न्तु भी॒ताः । तदिन्द्रा॑ग्नी कृ॒णुता॑म् तद्वि शा॒खे ।
तन्नो॑ दे॒वा अनु॑मदन्तु य॒ज्ञम् । पश्चा॑त् पु॒रस्ता॑ द॒भय॑न्नो अ॒स्तु ।
नक्ष॑त्राणा म॒धिप॑त्नी वि॒शाखे॑ । श्रेष्ठा॑ वि॒न्द्राग्नी॑ भुव॒नस्य॑ गो॒पौ ।
विषू॑च॒ शत्रू॑ न॒प बा॑धमा॒नौ । अप॑ क्षु॒ध नु॑दता म॒राति॑म् ॥
पूर्णा॑ पश्चा॒दुत॑ पूर्णा॒ पुर॑स्तात् । उ॒न्म॑ध्यतः पौ॒र्णमा॑सी जि॒गाय॑ ।
तस्यां॑ दे॒वा अधि॑ सं॒वस॑न्तः । उ॒त्तमे॑ ना॒क इ॒ह मा॑दयन्ता॒म् ।
पृथ्वी॑ सु॒वर्चा॑ यु॒वतिः॑ स॒जोषाः॑ । पौ॒र्णमा॑ स्यु॒दगा॑ च्छो॒भमा॑ना ।
आ॒प्याय॑यन्ती दु॒रि॒तानि॑ वि॒श्वा । उ॒रुं दु॒हां य॑जमा॒नाय॑ य॒ज्ञम् ॥
ऋ॒द्ध्या॑स्म ह॒व्यै न॑मसो प॒सद्य॑ । मि॒त्रं दे॒वं मि॒त्र धे॑यं नो अ॒स्तु ।
अ॒नू॒रा॒धा न् ह॒विषा॑ व॒र्धय॑न्तः । श॒तं जी॒वेम॑ श॒रदः॑ स॒वीराः॑ ।
चि॒त्रम् नक्ष॑त्र मु॒दगा॑ त्पु॒रस्ता॑त् । अ॒नू॒रा॒धा स॑ इति यद्व द॒न्ति ।
तन्मि॒त्र ए॒ति प॑थि॒भिर्दे॒व्या॒नैः । हि॒र॒ण्य॒यै वि॑त॒तै र॑न्त॒रिक्षे॑ ॥
इन्द्रो॑ ज्येष्ठा म॒नु नक्ष॑त्र मेति । यस्मि॑न् वृ॒त्रं वृ॒त्र तू॒र्ये त॑तार ।
तस्मि॑ न्वय म॒मृतं॑ दु॒हानाः॑ । क्षु॒ध न् तरे॑म दु॒रितिं॑ दु॒रिष्टि॑म् ।
पु॒र॒न्द॒राय॑ वृष॒भाय॑ धृ॒ष्णवे॑ । अ॒षाढा॑य स॒हमा॑नाय मी॒ढुषे॑ ।
इन्द्रा॑य ज्येष्ठा म॒धु म॒दुहा॑ना । उ॒रुं कृ॑णोतु य॒जमा॑नाय लो॒कम् ॥



मूलं प्रजां वीरवतीं विदेय । पराच्येतु निरर्हतिः पराचा ।
गोभिर्नक्षत्रं पशुभिस्समक्तम् । अहर्भूया द्यजमानाय मह्यम् ।
अहर्नो अद्य सुविते दधातु । मूलं नक्षत्रमिति यद्वदन्ति ।
पराचीवाचा निरर्हतिं नुदामि । शिवं प्रजयै शिवमस्तु मह्यम् ॥
या दिव्या आपः पयसा सम्बभूवुः । या अन्तरिक्ष उत पार्थिवीर्याः ।
यासां मषाढा अनुयन्ति कामम् । ता न आपःशः स्योना भवन्तु ।
याश्च कूप्या याश्च नाद्यास्समुद्रियाः । याश्च वैशन्ती रुत प्रासचीर्याः ।
यासां मषाढा मधु भक्षयन्ति । ता न आपःशः स्योना भवन्तु ॥
तन्नो विश्वे उपशृण्वन्तु देवाः । तदषाढा अभि संयन्तु यज्ञम् ।
तन्नक्षत्रं प्रथतां पशुभ्यः । कृषिर्वृष्टिर्यजमानाय कल्पताम् ।
शुभ्राः कन्या युवतयस्सुपेशसः । कर्म कृतस्सुकृतो वीर्यावतीः ।
विश्वान् देवान् हविषा वर्धयन्तीः । अषाढाः काममुपायान्तु यज्ञम् ॥
यस्मिन् ब्रह्मा भ्यजयत्सर्वमेतत् । अमुञ्च लोकमिदमूच सर्वम् ।
तन्नो नक्षत्रमभि जिद्विजित्य । श्रियं दधात्वहणीयमानम् ।
उभौ लोकौ ब्रह्मणा सञ्जितेमौ । तन्नो नक्षत्रमभि जिद्विचष्टाम् ।
तस्मिन्वयं पृतनास्सञ्जयेम । तन्नो देवासोऽनुजानन्तु कामम् ॥
शृण्वन्ति श्रोणा ममृतस्य गोपाम् । पुण्यामस्या उपशृणोमि वाचम् ।
महीन्देवी विष्णुपत्नी मजूर्याम् । प्रतीचीमेनाः हविषा यजामः ।
त्रेधा विष्णुरुरुगायो विचक्रमे । महीं दिवं पृथिवीमन्तरिक्षम् ।
तच्छ्रोणैति श्रव इच्छमाना । पुण्यं श्लोकं यजमानाय कृण्वती ॥



अष्टौ दे॒वा व॒सव॑ स्सो॒म्यासः॑ । च॒तस्रो॑ दे॒वी रज॑राः श्र॒विष्ठाः॑ ।
 ते य॒ज्ञं पा॑न्तु रज॒सः पर॑स्तात् । सं॒वत्स॑री॒ण म॑मृत॒स्वस्ति॑ ।
 य॒ज्ञं नः॑ पा॑न्तु व॒सवः॑ पु॒रस्ता॑त् । दक्षि॑णतोऽभि॒यन्तु॑ श्र॒विष्ठाः॑ ।
 पु॒ण्य न्नक्ष॑त्र म॒भि सं॑विशाम । मा नो अ॒राति॑ रघ॒शः साऽग॑न्न ॥
 क्ष॒त्रस्य॑ रा॒जा वरु॑णोऽधि॒राजः॑ । नक्ष॑त्राणां श॒तभि॑ष॒ग्वसि॑ष्ठः ।
 तौ दे॒वेभ्यः॑ कृ॒णुतो॑ दी॒र्घमा॑युः । श॒तः सह॑स्रा भेष॒जानि॑ ध॒त्तः ।
 य॒ज्ञन्नो॑ रा॒जा वरु॑ण उ॒पया॑तु । तन्नो॑ वि॒श्वे अ॒भि सं॑यन्तु दे॒वाः ।
 तन्नो॑ नक्ष॒त्रः श॒तभि॑ष॒गजु॑षाणम् । दी॒र्घमा॑युः प्र॒तिर॑ द्वेष॒जानि॑ ॥
 अ॒ज ए॒कपा॑ दु॒दगा॑ त्पु॒रस्ता॑त् । वि॒श्वा भू॒तानि॑ प्र॒ति मो॑द॒मानः॑ ।
 तस्य॑ दे॒वाः प्र॑स॒वं य॑न्ति स॒र्वे । प्रो॑ष्ठ॒पदा॑सो अ॒मृत॑स्य गो॒पाः ।
 वि॒भ्राज॑मान स्स॒मिधा॑ न उ॒ग्रः । आऽन्त॑रि॒क्ष म॑रु॒हद॑ ग॒न्धाम् ।
 तः सूर्य॑ दे॒व म॑ज मे॒कपा॑दम् । प्रो॑ष्ठ॒पदा॑सो अ॒नुय॑न्ति स॒र्वे ॥
 अ॒हिर्बु॑ध्नियः प्रथ॒मा न ए॑ति । श्रे॒ष्ठो दे॒वाना॑ मु॒त मा॑नुषा॒णाम् ।
 तं ब्रा॒ह्मणा॑ स्सो॒मपा॑ स्सो॒म्यासः॑ । प्रो॑ष्ठ॒पदा॑सो अ॒भि र॑क्षन्ति स॒र्वे ।
 च॒त्वार॑ ए॒क म॒भि क॑र्म दे॒वाः । प्रो॑ष्ठ॒पदा॑ स इति या॒न् व॑दन्ति ।
 ते बु॒ध्नियं॑ परि॒षद्य॑ स्तु॒वन्तः॑ । अ॒हिः र॑क्षन्ति न॒मसो॑प सद्य ॥
 पू॒षा रे॒वत्य॑ न्वेति प॒न्थाम् । पु॒ष्टिप॑ती प॒शुपा॑ वा॒ज ब॑स्त्यौ ।
 इ॒मानि॑ ह॒व्या प्र॑य॒ता जु॑षाणा । सु॒गैर्नो॑ या॒नै रु॑प॒यातां॑ य॒ज्ञम् ।
 क्षु॒द्रान् प॑शून् रक्ष॒तु रे॒वती॑ नः । गा॒वो नो॑ अ॒श्वाः अ॒न्वेतु॑ पू॒षा ।
 अ॒न्नः र॑क्षन्तौ ब॒हुदा॑ वि॒रूप॑म् । वा॒जः स॑नु॒तां य॑ज॒मानाय॑ य॒ज्ञम् ॥



तद॒श्विना॑ व॒श्व यु॒जोप॑ या॒ताम् । शु॒भङ्ग॑ मि॒ष्टौ सु॒यमे॑ भि॒रश्वैः॑ ॥
 स्वं नक्ष॑त्रं ह॒विषा॑ यजन्तौ । म॒ध्वा स॒म्पृक्तौ॑ यजु॒षा स॒मक्तौ॑ ।
 यौ दे॒वानां॑ भिष॒जौ ह॒व्य वा॒हौ । वि॒श्वस्य॑ दू॒ता व मृ॒तस्य॑ गो॒पौ ।
 तौ नक्ष॑त्रं जुजुषा॒णो प॒याता॑म् । नमोऽश्वि॒भ्यां कृ॒णुमोऽश्व॑ यु॒ग्भ्याम्॑ ॥
 अप॑ पा॒प्मानं॑ भ॒रणी॑ भ॒रन्तु॑ । तद्य॒मो रा॒जा भ॒गवान् वि॒चष्टा॑म् ।
 लो॒कस्य॑ रा॒जा म॒हतो॑ म॒हान्, हि॑ । सु॒गं नः॑ प॒न्था म॒भयं॑ कृ॒णोतु॑ ।
 यस्मि॑न्नक्ष॒त्रे यम॑ ए॒ति रा॒जा । यस्मि॑न्नेन॒ मभ्य॑षि॒चन्त॑ दे॒वाः ।
 तद॒स्य चि॒त्रं ह॒विषा॑ य॒जाम॑ । अप॑ पा॒प्मानं॑ भ॒रणी॑ भ॒रन्तु॑ ॥

॥ स्वाहा गारम् ॥

अ॒ग्नये॑ स्वाहा कृ॒त्तिका॑भ्यः स्वाहा ॥ अ॒म्बायै॑ स्वाहा दु॒लायै॑ स्वाहा ॥
 नि॒तन्त्यै॑ स्वाहाऽभ्र॒यन्त्यै॑ स्वाहा ॥ मे॒घय॑न्त्यै स्वाहा वर्ष॒यन्त्यै॑ स्वाहा ॥
 चु॒पुणि॑कायै स्वाहा ॥
 प्र॒जाप॑तये स्वाहा रोहि॒ण्यै स्वाहा ॥ रो॒चमा॑नायै स्वाहा प्र॒जाभ्यः॑ स्वाहा ॥
 सो॒माय॑ स्वाहा मृ॒गशी॑र्षाय स्वाहा ॥ इ॒न्वका॑भ्यः स्वाहौष॒धीभ्यः॑ स्वाहा ॥
 रा॒ज्याय॑ स्वाहाऽभि॒जित्यै॑ स्वाहा ॥
 रु॒द्राय॑ स्वाहाऽऽ॒द्रायै॑ स्वाहा ॥ पि॒न्वमा॑नायै स्वाहा प॒शुभ्यः॑ स्वाहा ॥
 अ॒दित्यै॑ स्वाहा पु॒नर्व॑सुभ्याम् । स्वाहा भू॒त्यै स्वाहा॑ प्र॒जात्यै॑ स्वाहा ॥
 बृ॒हस्प॑तये स्वाहा ति॒ष्याय॑ स्वाहा ॥ ब्र॒ह्मव॑र्चसाय स्वाहा ॥
 सर्पे॑भ्यः स्वाहाऽऽश्रे॒षाभ्यः॑ स्वाहा ॥ द॒न्दशू॑केभ्यः स्वाहा ॥



पितृ॒भ्यः॑ स्वा॒हा म॒घा॒भ्यः॑ । स्वा॒हाऽन॒घा॒भ्यः॑ स्वा॒हाऽग॒दा॒भ्यः॑ ।
स्वा॒हाऽरु॒न्ध॒ती॒भ्यः॑ स्वा॒हा ।

अ॒र्य॒म्णे स्वा॒हा फ॒ल्गु॒नी॒भ्याः॑ स्वा॒हा । प॒शु॒भ्यः॑ स्वा॒हा ।

भ॒गाय॑ स्वा॒हा फ॒ल्गु॒नी॒भ्याः॑ स्वा॒हा । श्रे॒ष्ठ॒याय॑ स्वा॒हा ।

स॒वि॒त्रे स्वा॒हा ह॒स्ताय॑ । स्वा॒हा द॒द॒ते स्वा॒हा पृ॒ण॒ते ।

स्वा॒हा प्र॒यच्छ॑ते स्वा॒हा प्र॒ति गृ॒भ्ण॒ते स्वा॒हा ।

त॒व॒ष्ट्रे स्वा॒हा चि॒त्रायै॑ स्वा॒हा । चै॒त्राय॑ स्वा॒हा प्र॒जायै॑ स्वा॒हा ।

वा॒य॒वे स्वा॒हा नि॒ष्ठ॒यायै॑ स्वा॒हा । का॒म॒चा॒राय॑ स्वा॒हाऽभि॒जि॒त्यै॑ स्वा॒हा ।

इ॒न्द्रा॒ग्नि॒भ्याः॑ स्वा॒हा वि॒शा॒खा॒भ्याः॑ स्वा॒हा । श्रे॒ष्ठ॒याय॑ स्वा॒हाऽभि॒जि॒त्यै॑ स्वा॒हा ।

पौ॒र्ण॒मा॒स्यै॑ स्वा॒हा का॒माय॑ स्वा॒हा ग॒त्यै॑ स्वा॒हा ।

मि॒त्राय॑ स्वा॒हाऽनू॒रा॒धे॒भ्यः॑ स्वा॒हा । मि॒त्र॒धे॒याय॑ स्वा॒हाऽभि॒जि॒त्यै॑ स्वा॒हा ।

इ॒न्द्रा॒य॒स्वा॒हा ज्ये॒ष्ठायै॑ स्वा॒हा । ज्यै॒ष्ठ॒याय॑ स्वा॒हाऽभि॒जि॒त्यै॑ स्वा॒हा ।

प्र॒जा॒प॒तये॑ स्वा॒हा मू॒लाय॑ स्वा॒हा । प्र॒जायै॑ स्वा॒हा ।

अ॒द्भ्यः॑ स्वा॒हाऽषा॒ढा॒भ्यः॑ स्वा॒हा । स॒मु॒द्राय॑ स्वा॒हा का॒माय॑ स्वा॒हा ।

अ॒भि॒जि॒त्यै॑ स्वा॒हा ।

वि॒श्वे॒भ्यो दे॒वे॒भ्यः॑ स्वा॒हाऽषा॒ढा॒भ्यः॑ स्वा॒हा । अ॒न॒प॒ज॒य्याय॑ स्वा॒हा जि॒त्यै॑ स्वा॒हा ।

ब्र॒ह्म॒णे स्वा॒हाऽभि॒जि॒ते स्वा॒हा । ब्र॒ह्म॒लो॒काय॑ स्वा॒हाऽभि॒जि॒त्यै॑ स्वा॒हा ।

वि॒ष्ण॒वे स्वा॒हा श्रो॒णायै॑ स्वा॒हा । श्लो॒काय॑ स्वा॒हा श्रु॒ताय॑स्स्वा॒हा ।



वसु॒भ्यः॑ स्वा॒हा श्र॒वि॒ष्ठाभ्यः॑ स्वा॒हा । अ॒ग्राय॑ स्वा॒हा परी॑त्यै स्वा॒हा ।
 वरु॑णाय स्वा॒हा श॒तभि॑षजे स्वा॒हा । भे॒षजे॑भ्यः स्वा॒हा ।
 अजा॑यैकपदे स्वा॒हा प्रो॒ष्ठप॑देभ्यः स्वा॒हा । तेज॑से स्वा॒हा ब्र॒ह्मव॑र्चसाय स्वा॒हा ।
 अ॒हये॑ बु॒धिया॑य स्वा॒हा प्रो॒ष्ठप॑देभ्यः स्वा॒हा । प्र॒ति॒ष्ठा॒यै स्वा॒हा ।
 पू॒ष्णे स्वा॒हा रे॒वत्यै॑ स्वा॒हा । प॒शुभ्यः॑ स्वा॒हा ।
 अ॒श्विभ्या॑ꣳ स्वा॒हाऽश्व॑युग्भ्याꣳ स्वा॒हा । श्रो॒त्राय॑ स्वा॒हा श्रु॒त्यै स्वा॒हा ।
 य॒माय॑ स्वा॒हाऽप॑भरणीभ्यः स्वा॒हा । रा॒ज्याय॑ स्वा॒हाऽभि॑जित्यै स्वा॒हा ।

॥ पंचशान्ति ॥

शं नो॑ मि॒त्रः शं वरु॑णः । शं नो॑ भव॒त्व॒र्य॒मा । शं न॑ इन्द्रो बृहस्पतिः ।
 शं नो॑ वि॒ष्णुरुरु॑क्रमः । नमो॑ ब्रह्म॒णे । नम॑स्ते वा॒यो । त्वमे॒व प्र॒त्यक्षं॑ ब्रह्मा॒सि ।
 त्वमे॒व प्र॒त्यक्षं॑ ब्रह्म॒ वादि॑ष्यामि । ऋ॒तं वादि॑ष्यामि । स॒त्यं वादि॑ष्यामि । तन्मा॒मव॑तु ।
 तद्व॒क्तार॑मवतु । अव॑तु मा॒म् । अव॑तु व॒क्तार॑म् ॥ ॐ शान्तिः॑ शान्तिः॑ शान्तिः॑ ॥

शं नो॑ मि॒त्रः शं वरु॑णः । शं नो॑ भव॒त्व॒र्य॒मा । शं न॑ इन्द्रो बृहस्पतिः ।
 शं नो॑ वि॒ष्णुरुरु॑क्रमः । नमो॑ ब्रह्म॒णे । नम॑स्ते वा॒यो । त्वमे॒व प्र॒त्यक्षं॑ ब्रह्मा॒सि ।
 त्वामे॒व प्र॒त्यक्षं॑ ब्रह्मा॒ वादि॑षम् । ऋ॒तम् वादि॑षम् । स॒त्यम् वादि॑षम् । तन्मा॒मावी॑त् ।
 तद्व॒क्तार॑मावीत् । आ॒वीन्मा॑म् । आ॒वीद्व॒क्तार॑म् ॥ ॐ शान्तिः॑ शान्तिः॑ शान्तिः॑ ॥

सह॑ नाववतु । सह॑ नौ भुनक्तु । सह॑ वी॒र्यं॑ करवावहै ।
 तेज॑स्वि नाव॒धीत॑मस्तु मा विद्विषा॒वहै॑ ॥ ॐ शान्तिः॑ शान्तिः॑ शान्तिः॑ ॥



नमो॑ वा॒चे या चो॑दिता या चानु॑दिता तस्यै॑ वा॒चे नमो॑ नमो॑ वा॒चे नमो॑ वाचस्प॑तये
नम॑ ऋषि॑भ्यो मन्त्र॑कृद्भ्यो मन्त्र॑पति॑भ्यो मा मामृष॑यो मन्त्र॑कृतो मन्त्र॑पतयः
परा॑ दुर्माऽह॑मृषीन् मन्त्र॑कृतो मन्त्र॑पतीन् परा॑दां वैश्व॑देवीं वाचमु॑द्यासः
शि॒वामद॑स्तां जुष्टां॑ दे॒वेभ्यः॑ शर्म॑ मे द्यौः शर्म॑ पृथि॒वी शर्म॑ विश्व॑मिदं जगत् ।
शर्म॑ चन्द्रश्च॑ सूर्यश्च॑ शर्म॑ ब्रह्म॑प्रजापती ।

भूतं॑ वदिष्ये भु॒वनं वदिष्ये॑ तेजो॑ वदिष्ये यशो॑ वदिष्ये तपो॑ वदिष्ये ब्रह्म॑ वदिष्ये
सत्यं॑ वदिष्ये तस्मा॑ अहमि॑द मुप॑स्तरण मुप॑स्तृण उप॑स्तरणं मे प्रजा॑यै पशूनां॑
भूया॑ दुप॑स्तरण महं॑ प्रजा॑यै पशूनां॑ भूयासं॑ प्राणा॑पानौ मृत्यो॑र्मा पातं॑ प्राणा॑पानौ
मा मा हा॑सिष्टं मधु॑ मनिष्ये मधु॑ जनिष्ये मधु॑ वक्ष्यामि मधु॑ वदिष्यामि
मधु॑मतीं दे॒वेभ्यो॑ वाचमु॑द्यासः शुश्रू॑षेण्यां मनु॑ष्येभ्यस्तं मा दे॒वा अव॑न्तु
शोभा॑यै पि॒तरोऽनु॑मदन्तु ॥ ॐ शान्तिः॑ शान्तिः॑ शान्तिः॑ ॥

तच्छं॑ योरावृणीमहे । गातुं॑ यज्ञाय । गातुं॑ यज्ञप॑तये । दैवी॑स्स्वस्तिरस्तु नः ।
स्वस्ति॑र्मानुषेभ्यः । ऊर्ध्वं॑ जिगातु॑ भेषजम् । शन्नो॑ अस्तु द्विपदे॑ ।
शं चतु॑ष्पदे ॥ ॐ शान्तिः॑ शान्तिः॑ शान्तिः॑ ॥

॥ नमकम् ॥

॥ ॐ नमो॑ भगवते॑ रुद्राय ॥

ॐ नमस्ते॑ रुद्र॑ मन्यव॑ उतो॑त इष॑वे नमः । नमस्ते॑ अस्तु॑ धन्व॑ने बाहु॑भ्यामु॒त ते नमः॑ ॥
या त इषुः॑ शिव॑तमा शिव॑म् बभूव॑ ते धनुः॑ । शि॒वा शर॑व्या या तव॑ तया॑ नो रुद्र॑ मृडय ॥
याते॑ रुद्र॑ शि॒वा तनू॑रघोराऽपा॑पकाशिनी । तया॑ नस्तनु॑वा शन्त॑मया गि॒रिश॑न्ताभिचा॑कशीहि ॥
यामिषुं॑ गि॒रिश॑न्त ह॒स्ते वि॑भर्ष्यस्तवे । शि॒वां गि॒रि॒त्र तां कुरु॑ मा हिंसीः॑ पु॒रुषं॑ जगत् ॥
शि॒वेन॑ वचसा॑ त्वा गि॒रि॒शाच्छा॑वदामसि । यथा॑ नः॑ सर्वा॑मिज्जग॑दयक्ष्मः॑ सु॒मना॑ असत्



अध्यवोचदधिवक्ता प्रथमो दैव्यो भिषक् । अहीँश्च सर्वाँज्जम्भयन्त्सर्वाँश्च यातुधान्यः ॥
असौ यस्ताम्रो अरुण उत बभ्रुः सुमङ्गलः । ये चेमाँ रुद्रा अभितो दिक्षु श्रिताः
सहस्रशोऽवैषाँ हेड ईमहे ॥

असौ योऽवसर्पति नीलग्रीवो विलोहितः । उत्तैनं गोपा अदृशन्नदृशन्नुदहार्यः ॥
उत्तैनं विश्वा भूतानि स दृष्टो मृडयाति नः । नमो अस्तु नीलग्रीवाय सहस्राक्षाय मीढुषे ॥
अथो ये अस्य सत्त्वानोऽहं तेभ्योऽकरन् नमः । प्रमुञ्च धन्वनस्त्व-मुभयोरात्रियोज्याम् ॥
याश्च ते हस्त इषवः परा ता भगवो वप । अवतत्य धनुस्तवँ सहस्राक्ष शतेषुधे ॥
निशीर्य शल्यानां मुखा शिवोनः सुमना भव । विज्यं धनुः कपर्दिनो विशल्यो बाणवाँउत ॥
अनेशन्नस्येषव आभुरस्य निषङ्गथिः । या ते हेतिर्मीढुष्टम हस्ते बभूव ते धनुः ॥
तयाऽस्मान् विश्वतस्त्वमयक्ष्मया परिब्भुज । नमस्ते अस्त्वायुधायानातताय धृष्णवे ॥
उभाभ्यामुत ते नमो बाहुभ्याम् तव धन्वने । परि ते धन्वनो हेतिरस्मान्वृणक्तु विश्वतः ॥
अथो य इषुधिस्तवारे अस्मन्निधेहि तम् । नमस्ते अस्तु भगवन्विश्वेश्वराय महादेवाय
त्रयम्बकाय त्रिपुरान्तकाय त्रिकाग्निकालाय कालाग्निरुद्राय नीलकण्ठाय मृत्युञ्जयाय
सर्वेश्वराय सदाशिवाय श्रीमन्महादेवाय नमः ॥१॥

नमो हिरण्यबाहवे सेनान्ये दिशां च पतये नमो नमो वृक्षेभ्यो हरिकेशेभ्यः पशूनां पतये नमो
नमः सस्पिज्जराय त्विषीमते पथीनां पतये नमो नमो बभ्रुशाय विव्याधिनेऽन्नानां पतये नमो
नमो हरिकेश्योपवीतिने पुष्टाणं पतये नमो नमो भवस्य हेत्यै जगतां पतये नमो
नमो रुद्रायातताविने क्षेत्राणां पतये नमो नमस्सूतायाहन्त्याय वनानां पतये नमो
नमो रोहिताय स्थपतये वृक्षाणं पतये नमो नमो मन्त्रिणे वाणिजाय कक्षाणं पतये नमो
नमो भुवंतये वारिवस्कृधायौषधीनां पतये नमो नम उच्चैर्घोषायाक्रन्दयते पत्तीनाम् पतये नमो
नमः कृत्स्नवीताय धावते सत्त्वनां पतये नमः ॥२॥

नमः सहमानाय निव्यादिन आव्याधिनीनां पतये नमो



नमः ककुभाय निषङ्गिणे स्तेनानां पतये नमो नमो निषङ्गिण इषुधिमते तस्कराणां पतये नमो
नमो वञ्चते परिवञ्चते स्तायूनां पतये नमो नमो निचेरवे परिचरायारण्यानां पतये नमो
नमः सृकाविभ्यो जिघांसदूभ्यो मुष्णतां पतये नमो
नमोऽसिमदूभ्यो नक्तंचरदूभ्यः प्रकृन्तानां पतये नमो
नम उष्णीषिने गिरिचराय कुलुञ्चानां पतये नमो नम इषुमदूभ्यो धन्वाविभ्यश्च वो नमो
नम आतन्वानेभ्य प्रतिदधानेभ्यश्च वो नमो नम आयच्छदूभ्यो विसृजदूभ्यश्च वो नमो
नमोऽस्यदूभ्यो विध्यदूभ्यश्च वो नमो नम आसीनेभ्यः शयानेभ्यश्च वो नमो
नमः स्वपदूभ्यो जाग्रदूभ्यश्च वो नमो नमस्तिष्ठदूभ्यो धावदूभ्यश्च वो नमो
नमः सभाभ्यः सभापतिभ्यश्च वो नमो नमो अश्वेभ्योऽश्वपतिभ्यश्च वो नमः ॥३॥

नम आव्यधिनीभ्यो विविध्यन्तीभ्यश्च वो नमो
नम उगणाभ्यस्तुहतीभ्यश्च वो नमो नमो गृत्सेभ्यो गृत्सपतिभ्यश्च वो नमो
नमो व्रातेभ्यो व्रातपतिभ्यश्च वो नमो नमो गणेभ्यो गणपतिभ्यश्च वो नमो
नमो विरूपेभ्यो विश्वरूपेभ्यश्च वो नमो नमो महदूभ्यः , क्षुल्लकेभ्यश्च वो नमो
नमो रथिभ्योऽरथेभ्यश्च वो नमो नमो रथेभ्यो रथपतिभ्यश्च वो नमो
नमः सेनाभ्यः सेनानिभ्यश्च वो नमो नमः , क्षत्तूभ्यः संग्रहीतूभ्यश्च वो नमो
नमस्तक्षभ्यो रथकारेभ्यश्च वो नमो नमः कुलालेभ्यः कर्मा रेभ्यश्च वो नमो
नमः पुज्जिष्टेभ्यो निषादेभ्यश्च वो नमो नम इषुकृदूभ्यो धन्वकृदूभ्यश्च वो नमो
नमो मृगयुभ्यः श्वनिभ्यश्च वो नमो नमः श्वभ्यः श्वपतिभ्यश्च वो नमः ॥४॥

नमो भवाय च रुद्राय च नमः शर्वाय च पशुपतये च
नमो नीलग्रीवाय च शितिकण्ठाय च नमः कपर्दिने च व्युप्तकेशाय च
नमः सहस्राक्षाय च शतधन्वने च नमो गिरिशाय च शिपिविष्टाय च



नमो॑ मी॒ढु॒ष्ट॒माय॑ चे॒षु॒मते॑ च॒ नमो॑ ह॒स्वाय॑ च॒ वाम॑नाय॒ च नमो॑ बृ॒हते॑ च॒ वर्षी॑यसे च॒
नमो॑ वृ॒द्धाय॑ च॒ संवृ॑द्धने च॒ नमो॑ अ॒ग्रियाय॑ च॒ प्रथ॑माय॒ च
नम॑ आ॒शवे॑ चा॒जिराय॑ च॒ नमः॑ शी॒ग्रियाय॑ च॒ शी॒भ्याय॑ च॒
नम॑ ऊ॒र्म्याय॑ चा॒वस्व॑न्याय॒ च नमः॑ स्त्रो॒तस्याय॑ च॒ द्वी॒प्याय॑ च॒

॥ ५ ॥

नमो॑ ज्ये॒ष्ठाय॑ च॒ कनि॑ष्ठाय॒ च नमः॑ पूर्॒वजाय॑ चा॒पर॑जाय॒ च
नमो॑ म॒ध्यमाय॑ चा॒पग॑ल्भाय॒ च नमो॑ जघ॑न्याय॒ च बु॒ध्नियाय॑ च॒
नमः॑ सो॒भ्याय॑ च॒ प्र॒तिस॑र्याय॒ च नमो॑ या॒म्याय॑ च॒ क्षे॒म्याय॑ च॒
नम॑ उ॒र्वर्याय॑ च॒ ख॒ल्याय॑ च॒ नमः॑ श्लो॒क्याय॑ चाऽव॑सान्याय॒ च
नमो॑ व॒न्याय॑ च॒ कक्ष्याय॑ च॒ नमः॑ श्र॒वाय॑ च॒ प्र॒तिश्र॑वाय॒ च
नम॑ आ॒शुषे॑णाय॒ चाशु॑रथाय॒ च नमः॑ शू॒राय॑ चा॒वभि॑न्दते च॒
नमो॑ वर्मि॑णे च॒ वरू॑थिने च॒ नमो॑ बि॒ल्मिने॑ च॒ कव॑चिने च॒
नमः॑ श्रु॒ताय॑ च॒ श्रु॒तसे॑नाय॒ च

॥ ६ ॥

नमो॑ दु॒न्दु॒भ्याय॑ चा॒हन॑न्याय॒ च नमो॑ धृ॒ष्णवे॑ च॒ प्रमृ॑शाय॒ च नमो॑ दू॒ताय॑ च॒
प्र॒हि॒ताय॑ च॒ नमो॑ निष॒ङ्गि॒णे चे॒षु॒धि॒मते॑ च॒ नम॑स्तीक्ष्णेष॒वे चा॒यु॒धिने॑ च॒
नमः॑ स्वा॒यु॒धाय॑ च॒ सु॒धन्व॑ने च॒ नमः॑ स्त्रु॒त्याय॑ च॒ प॒थ्याय॑ च॒ नमः॑ का॒ट्याय॑ च॒
नी॒प्याय॑ च॒ नमः॑ सू॒द्याय॑ च॒ सर॑स्याय॒ च नमो॑ ना॒द्याय॑ च॒ वै॒शन्ताय॑ च॒
नमः॑ कू॒प्याय॑ चा॒वट्याय॑ च॒ नमो॑ व॒र्ष्याय॑ चा॒वर्ष्याय॑ च॒
नमो॑ मे॒घ्याय॑ च॒ वि॒द्युत्याय॑ च॒ नम॑ ई॒ध्रियाय॑ चा॒त॒प्याय॑ च॒
नमो॑ वा॒त्याय॑ च॒ रे॒ष्मियाय॑ च॒ नमो॑ वा॒स्तव्याय॑ च॒ वा॒स्तु॒पाय॑ च॒

॥ ७ ॥

नमः॑ सो॒माय॑ च॒ रु॒द्राय॑ च॒ नम॑स्ता॒म्राय॑ चा॒रु॒णाय॑ च॒ नमः॑ श॒ङ्गाय॑ च॒ प॒शुप॑तये च॒
नम॑ उ॒ग्राय॑ च॒ भी॒माय॑ च॒ नमो॑ अ॒ग्रेव॑धाय॒ च दू॒रेव॑धाय॒ च नमो॑ ह॒न्त्रे॑ च॒ ह॒नीय॑से च॒



नमो वृक्षेभ्यो हरिकेशेभ्यो नमस्ताराय नमश्शंभवे च मयोभवे च नमः शंकराय च
मयस्कराय च नमः शिवाय च शिवतराय च नमस्तीर्थ्याय च कूल्याय च
नमः पार्याय चावार्याय च नमः प्रतरणाय चोत्तरणाय च नम आतार्याय
चालाद्याय च नमः शष्प्याय च फेन्याय च नमः सिकत्याय च प्रवाह्याय च ॥ ८ ॥

नम इरिण्याय च प्रपथ्याय च नमः किंशिलाय च क्षयणाय च नमः कपर्दिने च
पुलस्तये च नमो गोष्ठ्याय च गृह्याय च नमस्तल्प्याय च गेह्याय च
नमः काट्याय च गह्वरेष्ठाय च नमो हृदय्याय च निवेष्याय च
नमः पांसव्याय च रजस्याय च नमः शुष्क्याय च हरित्याय च
नमो लोप्याय चोलप्याय च नम ऊर्व्याय च सूर्म्याय च नमः पण्याय च
पर्णशद्याय च नमोऽपगुरमाणाय चाभिघ्नते च नम आखिवदते च
प्रखिवदते च नमो वः किरिकेभ्यो देवानां हृदयेभ्यो नमो विक्षीणकेभ्यो
नमो विचिन्वत्केभ्यो नम आनिर्हतेभ्यो नम आमीवत्केभ्यः ॥ ९ ॥

द्रापे अन्धसस्पते दरिद्रन्नीललोहित ।

एषां पुरुषाणामेषां पशूनां मा भेर्माऽरो मो एषां किंचनाममत् ॥ १० । १ ॥
या ते रुद्र शिवा तनूः शिवा विश्वाह भेषजी ।

शिवा रुद्रस्य भेषजी तया नो मृड जीवसे ॥ १० । २ ॥

इमां रुद्राय तवसे कपर्दिने क्षयद्वीराय प्रभरामहे मतिम् । ।

यथा नः शमसद्विपदे चतुष्पदे विश्वं पुष्टं ग्रामे अस्मिन्ननातुरम् ॥ १० । ३ ॥

मृडा नो रुद्रोत नो मयस्कृधि क्षयद्वीराय नमसा विधेम ते ।

यच्छं च योश्च मनुरायजे पिता तदश्याम तव रुद्र प्रणीतौ ॥ १० । ४ ॥

मा नो महान्तमुत मा नो अर्भकं मा न उक्षन्तमुत मा न उक्षितम् ।



मा नोऽवधीः पितरं मोत मातरं प्रिया मा नस्तनुवो रुद्र रीरिषः	॥ १० । ५ ॥
मानस्तोके तनये मा न आयुषि मा नो गोषु मा नो अश्वेषु रीरिषः ।	
वीरान्मा नो रुद्र भामितोऽवधी हविष्मन्तो नमसा विधेम ते	॥ १० । ६ ॥
आरात्ते गोघ्न उत पूरुषघ्ने क्षयद्वीराय सुम्रमस्मे ते अस्तु ।	
रक्षा च नो अधि च देव ब्रूह्यधा च नः शर्म यच्छ द्विर्हाः	॥ १० । ७ ॥
स्तुहि श्रुतं गर्तसदं युवानं मृगन्न भीम-मुपहत्तुमुग्रम् ।	
मृडा जरित्रे रुद्र स्तवानो अन्यन्ते अस्मन्निवपन्तु सेना	॥ १० । ८ ॥
परिणो रुद्रस्य हेतिर्वृणक्तु परि त्वेषस्य दुर्मतिरघायोः ।	
अव स्थिरा मघवद्भ्यस्तनुष्व मीद्वस्तोकाय तनयाय मृडय	॥ १० । ९ ॥
मीदुष्टम शिवतम शिवो नः सुमना भव ।	
परमे वृक्ष आयुधन्निधाय कृत्तिं वसान आचर पिनाकं बिभ्रदागहि	॥ १० । १० ॥
विकिरिद् विलोहित नमस्ते अस्तु भगवः ।	
यास्ते सहस्रं हेतयोन्यमस्मन्निवपन्तु ताः	॥ १० । ११ ॥
सहस्राणि सहस्रधा बाहुवोस्तव हेतयः ।	
तासामीशानो भगवः पराचीना मुखा कृधि	॥ १० । १२ ॥
सहस्राणि सहस्रशो ये रुद्रा अधि भूम्याम् ।	
तेषां सहस्रयोजनेऽवधन्वानि तन्मसि	॥ ११ । १ ॥
अस्मिन् महत्यण्विऽन्तरिक्षे भवा अधि	॥ ११ । २ ॥
नीलग्रीवाः शितिकण्ठाः शर्वा अधः , क्षमाचराः	॥ ११ । ३ ॥
नीलग्रीवाः शितिकण्ठा दिवः रुद्रा उपश्रिताः	॥ ११ । ४ ॥
ये वृक्षेषु सस्पिंजरा नीलग्रीवा विलोहिताः	॥ ११ । ५ ॥
ये भूतानामधिपतयो विशिखासः कपर्दिनः	॥ ११ । ६ ॥



ये अ॒न्नेषु॑ वि॒वि॒ध्यन्ति॑ पा॒त्रेषु॑ पि॒बतो॑ जना॒न् ॥ ११।७ ॥
 ये प॒थां प॒थिर॑क्षय॒ ऐल॑वृ॒दा य॒व्युधः॑ ॥ ११।८ ॥
 ये ती॒र्थानि॑ प्र॒चर॑न्ति सृ॒काव॑न्तो निष॒ङ्गिणः॑ ॥ ११।९ ॥
 य ए॒ताव॑न्तश्च भू॒याꣳस॑श्च दि॒शो रु॒द्रा वि॑त॒स्थिरे॑
 तेषाꣳ स॒हस्र॑भ॒योज॑नेऽव॒धन्वा॑नि तन्म॒सि ॥ ११।१० ॥
 नमो॑ रु॒द्रेभ्यो॑ ये पृ॒थिव्यां॑ ये॒न्तरि॑क्षे ये दि॒वि येषा॑म॒न्नं वा॑तो व॒र्षमिष॑
 व॒स्तेभ्यो॑ द॒श प्रा॑चीर्द॒श दक्षि॑णा द॒श प्र॑तीचीर्द॒शोदी॑चीर्द॒शोर्ध्वास्ते॑भ्यो
 नम॑स्ते नो मृ॒डय॑न्तु ते यं द्वि॒ष्मो यश्च॑ नो द्वेष्टि तं वो ज॒म्भे द॑धामि ॥ ११।११ ॥
 त्रयं॑ब॒कं य॒जाम॑हे सु॒गन्धिं॑ पु॒ष्टि॒वर्ध॑नम् ।
 उ॒र्वारु॑कमि॒व ब॑न्ध॒नान्मृ॑त्यो-मु॒क्षीय॑ माऽमृ॒तात् ॥ १ ॥
 यो रु॒द्रो अ॒ग्नौ यो॑ अ॒प्सु य॑ ओष॒धीषु॑
 यो रु॒द्रो वि॒श्वा भु॑व॒नाऽऽवि॑वेश तस्मै॑ रु॒द्राय॑ नमो॑ अस्तु ॥ २ ॥
 तमु॒ष्टुहि॑ यः स्वि॒षुः सु॒धन्वा॑ यो वि॒श्वस्य॑ क्षय॒ति भेष॑जस्य ।
 यक्ष॑वामहे सौम॒नसा॑य रु॒द्रं न॒भोभि॑र्दे॒वम॑सुरं दु॒वस्य॑ ॥ ३ ॥
 अयं॑ मे ह॒स्तो भ॑ग॒वानयं॑ मे भ॒गव॑त्तरः ।
 अयं॑ मे वि॒श्वभेष॑जोऽयꣳ शि॒वाभि॑म॒र्शनः॑ ॥ ४ ॥
 ये ते स॒हस्र॑म॒युतं॑ पा॒शा मृ॑त्यो म॒र्त्याय॑ ह॒न्त॒वे । तान् य॒ज्ञस्य॑
 मा॒यया॑ स॒र्वान॑व य॒जाम॑हे । मृ॒त्यवे॑ स्वाहा मृ॒त्यवे॑ स्वाहा ॥ ५ ॥
 ओं नमो॑ भ॒गव॑ते रु॒द्राय॑ वि॒ष्णवे॑ मृ॒त्युर्मे॑ पाहि । प्रा॒णानां॑ ग्रन्थि॒रसि॑
 रु॒द्रो मा॑ वि॒शान्त॑कः । ते॒नान्ने॑ना॒प्याय॑स्व ॥ ६ ॥
 नमो॑ रु॒द्राय॑ वि॒ष्णवे॑ मृ॒त्युर्मे॑ पाहि ।
 ॥ ओं शान्तिः॑ शान्तिः॑ शान्तिः॑ ॥



॥ चमकम् ॥

अ॒ग्ना॒विष्णू॑ स॒जोष॑से॒मा वर्ध॑न्तु वां गिरः । द्यु॒मैर्वा॒जेभि॑रा॒गतम् ॥

वा॒जश्च॑ मे प्र॒सव॑श्च मे प्र॒यति॑श्च मे प्र॒सिति॑श्च मे धी॒तिश्च॑ मे क्र॒तुश्च॑ मे स्वर॑श्च मे श्लो॒कश्च॑ मे
श्रा॒वश्च॑ मे श्रु॒तिश्च॑ मे ज्यो॒तिश्च॑ मे सु॒वश्च॑ मे प्रा॒णश्च॑ मेऽपा॒नश्च॑ मे
व्या॒नश्च॑ मेऽसु॒श्च॑ मे चि॒त्तं च॑ म आ॒धी॒तं च॑ मे वा॒क्च॑ मे म॒नश्च॑ मे चक्षु॑श्च मे श्रो॒त्रं च॑ मे
दक्ष॑श्च मे ब॒लं च॑ म ओज॑श्च मे स॒हश्च॑ म आ॒युश्च॑ मे ज॒रा च॑ म आ॒त्मा च॑ मे त॒नूश्च॑ मे
श॒र्म च॑ मे व॒र्म च॑ मेऽङ्गा॒नि च॑ मेऽस्थानि॑ च मे प॒रू॒षि च॑ मे शरी॑राणि च मे ॥ १ ॥

ज्यै॒ष्ठ्यं च॑ म आ॒धि॒प॒त्यं च॑ मे म॒न्युश्च॑ मे भा॒मश्च॑ मेऽम॑श्च मेऽम्भ॑श्च मे जे॒मा च॑ मे
महि॑मा च मे व॒रि॒मा च॑ मे प्र॒थि॒मा च॑ मे व॒र्ष्मा च॑ मे द्राघु॑या च मे वृ॒द्धं च॑ मे
वृ॒द्धिश्च॑ मे स॒त्यं च॑ मे श्र॒द्धा च॑ मे जग॑च्च मे ध॒नं च॑ मे व॒शश्च॑ मे त्वि॒षिश्च॑ मे
क्री॒डा च॑ मे मो॒दश्च॑ मे जा॒तं च॑ मे ज॒निष्य॑माणं च मे सू॒क्तं च॑ मे सु॒कृतं॑ च मे वि॒त्तं च॑ मे
वे॒द्यं च॑ मे भू॒तं च॑ मे भ॒विष्य॑च्च मे सु॒गं च॑ मे सु॒पथं॑ च म ऋ॒द्धं च॑ म ऋ॒द्धिश्च॑ मे
कृ॒तं च॑ मे कृ॒तिश्च॑ मे म॒तिश्च॑ मे सु॒म॒तिश्च॑ मे ॥ २ ॥

शं च॑ मे म॒यश्च॑ मे प्रि॒यं च॑ मेऽनु॒काम॑श्च मे का॒मश्च॑ मे सौ॒म॒न॒सश्च॑ मे भ॒द्रं च॑ मे
श्रे॒यश्च॑ मे व॒स्यश्च॑ मे य॒शश्च॑ मे भ॒गश्च॑ मे द्र॒विणं॑ च मे य॒न्ता च॑ मे ध॒र्ता च॑ मे क्षे॒मश्च॑ मे
धृ॒तिश्च॑ मे वि॒श्वं च॑ मे म॒हश्च॑ मे सं॒वि॒च्च॑ मे ज्ञा॒त्रं च॑ मे सू॒श्च॑ मे प्र॒सूश्च॑ मे सी॒रं च॑ मे
ल॒यश्च॑ म ऋ॒तं च॑ मेऽमृ॒तं च॑ मेऽय॒क्ष्मं च॑ मेऽना॒म॒य॒च्च॑ मे जी॒वा॒तुश्च॑ मे दी॒र्घा॒यु॒त्वं च॑ मे
ऽन॒मि॒त्रं च॑ मेऽभ॒यं च॑ मे सु॒गं च॑ मे श॒य॒नं च॑ मे सू॒षा च॑ मे सु॒दि॒नं च॑ मे ॥ ३ ॥

ऊ॒र्क्च॑ मे सू॒नृ॒ता च॑ मे प॒यश्च॑ मे र॒सश्च॑ मे घृ॒तं च॑ मे म॒धु च॑ मे स॒ग्धिश्च॑ मे स॒पी॒तिश्च॑ मे
कृ॒षिश्च॑ मे वृ॒ष्टिश्च॑ मे जै॒त्रं च॑ म औ॒द्भि॒द्यं च॑ मे र॒यिश्च॑ मे रा॒यश्च॑ मे पु॒ष्टं च॑ मे पु॒ष्टिश्च॑ मे



वि॒भु च॑ मे प्र॒भु च॑ मे ब॒हु च॑ मे भू॒यश्च॑ मे पू॒र्ण च॑ मे पू॒र्णत॑रं च मेऽक्षि॑तिश्च मे
 कू॒यवा॑श्च मेऽन्नं च॑ मेऽक्षु॑च्च मे व्री॒हिय॑श्च मे य॒वाश्च॑ मे मा॒षाश्च॑ मे ति॒लाश्च॑ मे
 मु॒द्राश्च॑ मे ख॒ल्वाश्च॑ मे गो॒धूमा॑श्च मे म॒सुरा॑श्च मे प्रि॒यंग॑वश्च मेऽण॒वश्च॑ मे
 श्या॒मका॑श्च मे नी॒वारा॑श्च मे

॥ ४ ॥

अ॒श्मा च॑ मे मृ॒त्तिका॑ च मे गि॒रय॑श्च मे प॒र्वता॑श्च मे सि॒कता॑श्च मे वन॑स्पतयश्च मे
 हि॒रण्यं च॑ मेऽय॑श्च मे सी॒सं च॑ मे त्र॒पुश्च॑ मे श्या॒मं च॑ मे लो॒हं च॑ मेऽग्नि॑श्च म आ॒पश्च॑ मे
 वी॒रुध॑श्च म ओ॒षध॑यश्च मे कृ॒ष्टप॑च्यं च मेऽकृ॒ष्टप॑च्यं च मे ग्रा॒म्याश्च॑ मे
 प॒शव॑ आ॒रण्या॑श्च य॒ज्ञेन॑ क॒ल्पन्तां॑ वि॒त्तं च॑ मे वि॒त्तिश्च॑ मे भू॒तं च॑ मे भू॒तिश्च॑ मे व॒सु च॑ मे
 व॒सति॑श्च मे क॒र्म च॑ मे श॒स्त्रि मेऽर्थ॑श्च म ए॒मश्च॑ म इति॑श्च मे ग॒तिश्च॑ मे

॥ ५ ॥

अ॒ग्निश्च॑ म इन्द्र॑श्च मे सो॒मश्च॑ म इन्द्र॑श्च मे स॒विता॑ च म इन्द्र॑श्च मे
 सर॑स्वती च म इन्द्र॑श्च मे पू॒षा च॑ म इन्द्र॑श्च मे बृ॒हस्प॑तिश्च म इन्द्र॑श्च मे
 मि॒त्रश्च॑ म इन्द्र॑श्च मे वरु॑णश्च म इन्द्र॑श्च मे त्व॒ष्टा च॑ म इन्द्र॑श्च मे धा॒ता च॑ म इन्द्र॑श्च मे
 वि॒ष्णुश्च॑ म इन्द्र॑श्च मेऽश्वि॑नौ च म इन्द्र॑श्च मे मरु॑तश्च म इन्द्र॑श्च मे वि॒श्वे च॑ मे दे॒वा
 इन्द्र॑श्च मे पृथि॒वी च॑ म इन्द्र॑श्च मेऽन्तरि॑क्षं च म इन्द्र॑श्च मे द्यौश्च॑ म इन्द्र॑श्च मे
 दि॒शश्च॑ म इन्द्र॑श्च मे मूर्धा॑ च म इन्द्र॑श्च मे प्र॒जाप॑तिश्च म इन्द्र॑श्च मे

॥ ६ ॥

अ॒शुश्च॑ मे रश्मि॑श्च मेऽदा॑भ्यश्च मेऽधि॑पतिश्च म उपा॑शुश्च मेऽन्तर्या॑मश्च म
 ऐ॒न्द्रवा॑यश्च मे मै॒त्रावरु॑णश्च म आ॒श्विन॑श्च मे प्र॒तिप्र॑स्थानश्च मे शु॒क्रश्च॑ मे म॒न्थी च॑ म
 आ॒ग्रय॑णश्च मे वै॒श्वदे॑वश्च मे ध्रु॒वश्च॑ मे वै॒श्वान॑रश्च म ऋ॒तुग्र॑हाश्च मेऽति॑ग्राह्याश्च म
 ऐ॒न्द्राग्न॑श्च मे वै॒श्वदे॑वाश्च मे मरु॑त्वतीयाश्च मे मा॒हेन्द्र॑श्च म आ॒दित्य॑श्च मे
 सा॒वित्र॑श्च मे सा॒रस्व॑तश्च मे पौ॒ष्णश्च॑ मे पा॒त्नीव॑तश्च मे हा॒रियो॑जनश्च मे

॥ ७ ॥



इ॒ध्मश्च॑ मे॒ ब॒र्हिश्च॑ मे॒ वे॒दिश्च॑ मे॒ धि॒ष्णि॒याश्च॑ मे॒ सु॒चश्च॑ मे॒ च॒म॒साश्च॑ मे॒ ग्रा॒वा॒णश्च॑ मे॒
स्व॒र॒वश्च॑ म॒ उ॒पर॒वाश्च॑ मे॒ऽधि॒ष॒वणे॑ च॒ मे॒ द्रो॒ण॒क॒ल॒शश्च॑ मे॒ वा॒य॒व्या॒नि च॑ मे॒ पू॒त॒भृ॒च्च॑ म॒
आ॒ध॒व॒नी॒यश्च॑ म॒ आ॒ग्नी॒ध्रं च॑ मे॒ ह॒वि॒र्धा॒नं च॑ मे॒ गृ॒हाश्च॑ मे॒ स॒दश्च॑ मे॒ पु॒रो॒डा॒शाश्च॑ मे॒
प॒च॒ताश्च॑ मे॒ऽव॒भृ॒थश्च॑ मे॒ स्व॒गा॒का॒रश्च॑ मे॒ ॥ ८ ॥

अ॒ग्निश्च॑ मे॒ घ॒र्मश्च॑ मे॒ऽर्क॑श्च॒ मे॒ सूर्य॑श्च॒ मे॒ प्रा॒णश्च॑ मे॒ऽश्व॑मे॒धश्च॑ मे॒ पृ॒थि॒वी च॑ मे॒ऽदि॒तिश्च॑ मे॒
दि॒तिश्च॑ मे॒ द्यौश्च॑ मे॒ श॒क्व॒री॒र॒ङ्गु॒ल॒यो दि॒शश्च॑ मे॒ य॒ज्ञेन॑ क॒ल्प॒न्ता॒मृ॒क्क मे॒ सा॒म च॑ मे॒
स्तो॒मश्च॑ मे॒ य॒जुश्च॑ मे॒ दी॒क्षा च॑ मे॒ त॒पश्च॑ म॒ ऋ॒तुश्च॑ मे॒ व्र॒तं च॑ मे॒ऽहो॒रा॒त्रयो॑
वृ॒ष्ट्या बृ॒ह॒द्र॒थ॒न्त॒रे च॑ मे॒ य॒ज्ञेन॑ क॒ल्पे॒ताम् ॥ ९ ॥

ग॒र्भाश्च॑ मे॒ व॒त्साश्च॑ मे॒ त्र्य॒विश्च॑ मे॒ त्र्य॒वी च॑ मे॒ दि॒त्य॒वाट् च॑ मे॒ दि॒त्यौ॒ही च॑ मे॒
प॒ञ्चा॒विश्च॑ मे॒ प॒ञ्चा॒वी च॑ मे॒ त्रि॒व॒त्सश्च॑ मे॒ त्रि॒व॒त्सा च॑ मे॒ तु॒र्य॒वाट् च॑ मे॒ तु॒र्यौ॒ही च॑ मे॒
प॒ष्ठ॒वाट् च॑ मे॒ प॒ष्ठौ॒ही च॑ म॒ उ॒क्षा च॑ मे॒ व॒शा च॑ म॒ ऋ॒ष॒भश्च॑ मे॒ वे॒ह॒च्च॑ मे॒ऽन॒ड्वा॒च्च॑ मे॒
धे॒नुश्च॑ म॒ आ॒यु॒र्य॒ज्ञेन॑ क॒ल्प॒तां प्रा॒णो य॒ज्ञेन॑ क॒ल्प॒ता॒म॒पा॒नो य॒ज्ञेन॑ क॒ल्प॒तां
व्या॒नो य॒ज्ञेन॑ क॒ल्प॒तां च॒क्षु॒र्य॒ज्ञेन॑ क॒ल्प॒तां श्रो॒त्रं य॒ज्ञेन॑ क॒ल्प॒तां म॒नो य॒ज्ञेन॑ क॒ल्प॒तां
वा॒ग्य॒ज्ञेन॑ क॒ल्प॒ता॒मा॒त्मा य॒ज्ञेन॑ क॒ल्प॒तां य॒ज्ञो य॒ज्ञेन॑ क॒ल्प॒ताम् ॥ १० ॥

एका॑ च॒ मे॒ ति॒स्रश्च॑ मे॒ प॒ञ्च च॑ मे॒ स॒प्त च॑ मे॒ न॒व च॑ म॒ ए॒का॒द॒श च॑ मे॒ त्र्यो॒द॒श च॑ मे॒
प॒ञ्च॒द॒श च॑ मे॒ स॒प्त॒द॒श च॑ मे॒ न॒व॒द॒श च॑ म॒ ए॒क॒विं॒श॒तिश्च॑ मे॒ त्र्यो॒विं॒श॒तिश्च॑ मे॒
प॒ञ्च॒विं॒श॒तिश्च॑ मे॒ स॒प्त॒विं॒श॒तिश्च॑ मे॒ न॒व॒विं॒श॒तिश्च॑ म॒ ए॒क॒त्रिं॒श॒च्च॑ मे॒
त्र्य॒स्त्रिं॒श॒च्च॑ मे॒ च॒त॒स्रश्च॑ मे॒ऽष्टौ॑ च॒ मे॒ द्वा॒द॒श च॑ मे॒ षो॒ड॒श च॑ मे॒ विं॒श॒तिश्च॑ मे॒
च॒तुर्विं॒श॒तिश्च॑ मे॒ऽष्टा॒विं॒श॒तिश्च॑ मे॒ द्वा॒त्रिं॒श॒च्च॑ मे॒ षट्त्रिं॒श॒च्च॑ मे॒ च॒त्वारिं॒श॒च्च॑ मे॒
च॒तुश्च॒त्वारिं॒श॒च्च॑ मे॒ऽष्टा॒च॒त्वारिं॒श॒च्च॑ मे॒ वा॒जश्च॑ प्र॒स॒वश्चा॒पि॒जश्च॑ क्र॒तुश्च॑ सु॒वश्च॑
मूर्धा॑ च॒ व्य॒श्नि॒यश्चा॒न्त्या॒य॒नश्चा॒न्त्यश्च॑ भौ॒व॒नश्च॑ भु॒व॒नश्चा॒धि॒प॒तिश्च॑ ॥ ११ ॥



ॐ इडा देवहर्मनुर्यज्ञानी बृहस्पति रुक्था मदानि शंसिषद्विश्वे देवाः सूक्तवाचः
पृथिवी मातर्मा मा हिंसीर्मधु मनिष्ये मधु जनिष्ये मधु वक्ष्यामि मधु वदिष्यामि
मधुमती देवेभ्यो वाचमुद्यासं शुश्रूषेण्यां मनुष्येभ्यस्तं मा देवा अवन्तु शोभायै
पितरोऽनुमदन्तु ॥ ॥ ॐ शान्तिः शान्तिः शान्तिः ॥

॥ पुरुष सूक्तं ॥

ॐ सहस्रशीर्षा पुरुषः । सहस्राक्षः सहस्रपात् । स भूमिं विश्वतो वृत्वा ।
अत्यतिष्ठदशाङ्गुलम् । पुरुष एवेदं सर्वम् । यद्भूतं यच्च भव्यम् ।
उतामृतत्वस्येशानः । यदन्नेनातिरोहति । एतावानस्य महिमा ।
अतो ज्यायांश्च पूरुषः । पादोऽस्य विश्वा भूतानि । त्रिपादस्यामृतं दिवि ।
त्रिपादूर्ध्व उदैत्पुरुषः । पादोऽस्येहाऽऽभवात्पुनः । ततो विश्वङ् व्यक्रामत् ।
साशनानशने अभि । तस्माद्विराडजायत । विराजो अधि पूरुषः ।
स जातो अत्यरिच्यत । पश्चाद्भूमिमथो पुरः । यत्पुरुषेण हविषा ।
देवा यज्ञमतन्वत । वसन्तो अस्यासीदाज्यम् । ग्रीष्म इध्मः शरद्धविः ।
सप्तास्यासन्परिधयः । त्रिः सप्त समिधः कृताः । देवा यद्यज्ञं तन्वानाः ।
अबध्नन्पुरुषं पशुम् । तं यज्ञं बर्हिषि प्रौक्षन् । पुरुषं जातमग्रतः ।
तेन देवा अयजन्त । साध्या ऋषयश्च ये । तस्माद्यज्ञात्सर्वहुतः ।
संभृतं पृषदाज्यम् । पशूँस्ताँश्चक्रे वायव्यान् । आरण्यान्ग्राम्याश्च ये ।
तस्माद्यज्ञात्सर्वहुतः । ऋचः सामानि जज्ञिरे । छन्दाँसि जज्ञिरे तस्मात् ।
यजुस्तस्मादजायत । तस्मादश्वा अजायन्त । ये के चो भयादतः ।
गावो ह जज्ञिरे तस्मात् । तस्माज्जाता अजावयः । यत्पुरुषं व्यदधुः ।



क॒ति॒धा व्य॑कल्पयन् । मुखं॑ कि॒मस्य॑ कौ बा॒हू । का॒वूरू॑ पा॒दावु॑च्येते ।
 ब्रा॒ह्म॒णोऽस्य॑ मुख॒मासी॑त् । बा॒हू रा॒ज॒न्यः कृ॑तः । ऊ॒रू तद॑स्य यद्वै॒श्यः ।
 प॒द्भ्या॑ऽशू॒द्रो अजा॑यत । च॒न्द्र॒मा मन॑सो जा॒तः । च॒क्षोः सूर्यो॑ अजायत ।
 मु॒खादि॑न्द्रश्चा॒ग्निश्च॑ । प्रा॒णाद्वा॒युरजा॑यत । ना॒भ्या आ॑सीदन्त॒रिक्ष॑म् ।
 शी॒ष्णो द्यौः॑ स॒मव॑र्तत । प॒द्भ्यां भू॒मिर्दि॑शः श्रो॒त्रात् । तथा॑ लो॒काऽअ॑कल्पयन् ।
 वे॒दाह॑मेतं पु॒रुषं॑ म॒हान्त॑म् । आ॒दि॒त्यव॑र्णं त॒मस॑स्तु पा॒रे ।
 सर्वा॑णि रू॒पाणि॑ वि॒चित्य॑ धी॒रः । ना॒मानि॑ कृ॒त्वाऽभि॑वदन् यदास्ते॑ ।
 धा॒ता पु॒रस्ता॑द्यमु॒दाज॑हार । श॒क्रः प्र॑वि॒द्वान्प्र॑दि॒शश्च॑त॒स्रः ।
 तमे॒वं वि॒द्वान॑मृत इ॒ह भ॑वति । ना॒न्यः प॑न्था अ॒यना॑य वि॒द्यते॑ ।
 यज्ञे॑न यज्ञ॒मय॑जन्त दे॒वाः । ता॒नि ध॑र्मा॒णि प्र॑थ॒मान्या॑सन् ।
 ते ह॒ नाकं॑ म॒हि॒मानः॑ स॒चन्ते॑ । यत्र॑ पूर्वे॒ सा॒ध्याः सन्ति॑ दे॒वाः ।

॥ उत्तर नारायणं ॥

अ॒द्भ्यः सं॑भूतः पृथि॒व्यै रसा॑च्च । वि॒श्वक॑र्मणः स॒मव॑र्तताधि ।
 तस्य॑ त्वष्टा वि॒दध॑द्रूपमेति । तत्पु॒रुष॑स्य वि॒श्वमा॑जानमग्रे ।
 वे॒दाह॑मेतं पु॒रुषं॑ म॒हान्त॑म् । आ॒दि॒त्यव॑र्णं त॒मसः॑ परस्तात् ।
 तमे॒वं वि॒द्वान॑मृत इ॒ह भ॑वति । ना॒न्यः प॑न्था वि॒द्यते॑यऽनाय ।
 प्र॒जाप॑तिश्चरति गर्भे॒ अन्तः॑ । अजा॑यमनो बहु॒धा विजा॑यते ।
 तस्य॑ धी॒राः परि॑जानन्ति योनि॒म् । मरी॑चीनां प॒दमि॑च्छन्ति वे॒दसः॑ ।
 यो दे॒वेभ्य॑ आ॒तप॑ति । यो दे॒वानां॑ पु॒रोहि॑तः । पूर्॒वो यो दे॒वेभ्यो॑ जा॒तः ।
 नमो॑ रु॒चाय॑ ब्रा॒ह्मये॑ । रुचं॑ ब्रा॒ह्मम् ज॑नयन्तः । दे॒वा अग्रे॑ तदब्रुवन् ।
 यस्त्वै॒वं ब्रा॒ह्म॒णो वि॒द्यात् । तस्य॑ दे॒वा असन्॑ वशे । ह्रीश्च॑ ते लक्ष्मीश्च॒ पत्न्यौ॑ ।



अ॒हो॒रा॒त्रे पा॒र्श्वे । नक्ष॑त्राणि रू॒पम् । अ॒श्विनौ॑ व्या॒त्तम् ॥ इष्ट॑म् म॒निषा॑ण ।
अ॒मुं म॒निषा॑ण । स॒र्वम् म॒निषा॑ण ।

॥ महा॑ नारायणं ॥

ॐ ॥ स॒हस्र॑शी॒र्षं दे॒वं वि॒श्वाक्षं॑ वि॒श्वश॑म्भु॒वं ।
वि॒श्वं ना॒राय॑णं दे॒वम॑क्ष॒रं प॒रमं॑ प॒दम् ।
वि॒श्वतः॑ प॒रमा॑न्नित्यं वि॒श्वं ना॒राय॑णः ह॒रिम् ।
वि॒श्वमे॒वेदं॑ पु॒रुष॑स्तद्वि॒श्वमु॑पजीवति ।
प॒तिं वि॒श्वस्या॑त्मेश्वरः॑ शाश्व॒तः शि॒वम॑च्युतम् ।
ना॒राय॑णं म॒हाज्ञे॑यं वि॒श्वात्मा॑नं प॒राय॑णम् ।
ना॒राय॑णप॒रो ज्यो॑ति॒रात्मा॑ ना॒राय॑णः प॒रः ।
ना॒राय॑ण प॒रं ब्र॒ह्म तत्त्वं॑ ना॒राय॑णः प॒रः ।
ना॒राय॑णप॒रो ध्या॑ता ध्या॒नम् ना॒राय॑णः प॒रः ।
यच्च॑ किञ्चिज्जग॒त्सर्वं॑ दृश्यते श्रूयतेऽपि वा ॥
अ॒न्तर्ब॑हिश्च तत्सर्वं व्याप्य ना॒राय॑णः स्थि॒तः ।
अ॒नन्त॑मव्ययं कविः॑ स॒मुद्रे॑ऽन्तं वि॒श्वश॑म्भुवम् ।
प॒द्मको॑श प्र॒तीका॑शः हृदयं चाप्यधो॒मुखम्॑ ।
अ॒धो नि॑ष्टया वि॒तस्या॑न्ते नाभ्यामुपरि तिष्ठति ।
ज्वा॒लमा॑लाकुलं भाति वि॒श्वस्या॑यतनं महत् ।
स॒न्ततः॑ शि॒लाभि॑स्तुलम्ब॒त्याको॑शसन्निभम् ।
तस्या॑न्ते सु॒षिरः॑ सूक्ष्मं तस्मिन् त्सर्वं॑ प्र॒तिष्ठि॑तम् ।
तस्य॑ म॒ध्ये म॒हान॑ग्निर्वि॒श्वार्चिर्वि॒श्वतो॑मुखः ।



सोऽग्रभु॒ग्वि॒ भज॑न्ति॒ ष॒न्ना॒हार॑म॒जरः॑ क॒विः ।
 ति॒र्य॒गूर्ध्व॑म॒धश्शायी॑ र॒श्मय॑स्तस्य स॒न्तता॑ ।
 स॒न्ताप॑यति स्वं दे॒हमा॑पाद॒तल॑मस्त॒कः ।
 तस्य॑ म॒द्ये व॒ह्निशि॒खा अ॒णीयो॑र्ध्वा॒ व्यव॑स्थितः ।
 नी॒लतो॑यद॒मध्य॑स्थाद्विद्यु॒ल्लेखे॑व भास्वरा ।
 नी॒वार॑शू॒कव॑त्तन्वी पी॒ता भा॑स्वत्य॒णूप॑मा ।
 तस्याः॑ शि॒खाया॑ म॒ध्ये पर॑मा॒त्मा व्य॑वस्थितः ।
 स ब्र॒ह्म स शि॒वः स हरिः॑ सेन्द्रः सोऽक्षरः॑ परमः स्वराट् ।
 ऋ॒त॒स॒त्यं परं॑ ब्र॒ह्म पु॒रुषं॑ कृ॒ष्णपि॑ङ्गलम् ।
 ऊ॒र्ध्वरे॑तं वि॒रूपा॑क्षं वि॒श्वरू॑पाय वै नमो नमः ।
 ॐ ना॒राय॑णाय वि॒द्मह॑ वा॒सुदे॑वाय धीमहि । तन्नो॑ वि॒ष्णुः प्र॑चोदयात् ॥
 ॐ शान्तिः॑ शान्तिः॑ शान्तिः॑ ॥

॥ नचिकेतम् ॥

अयं॑ वा वयः पव॑ते । सौऽग्नि॑ नाचिकेतः । स यत्प्रा॒ङ् पव॑ते । तद॑स्य शि॒रः ।
 अथ॑ य दक्षि॑णा । स दक्षि॑णः पक्षः ।
 अथ॑ यत्प्र॒त्यक् । तत्पु॑च्छम् । यदु॒ दक्ष् । स उत्त॑रः पक्षः ।
 अथ॑ यत्संवा॑ति । तद॑स्य स॒मज्ज॑नं च प्र॒सार॑णं च ।
 अथो॑ स॒म्प-दे॒वास्य॑ सा ॥ स॒ ह वा॑ अ॒स्मै सका॑मः पद्यते ।
 यत्का॑मो यज॑ते । योऽग्निं॑ नाचिकेतं चि॒नुते॑ । य उ॒ चैन॑ मेवं वेद ।
 यो ह॒ वा अ॒ग्ने ना॑चिकेतस्याय-तनं॑ प्र॒तिष्ठां॑ वेद । आ॒यत॑नवान् भवति ।



गच्छति॑ प्रति॒ष्ठाम् । हिर॑ण्यं वा अ॒ग्ने ना॒चिके॒तस्याय॑-तनं॒ प्रति॒ष्ठा ।
 य एवं वेद॑ । आय॒तन॑वान् भवति ।
 गच्छति॑ प्रति॒ष्ठाम् । यो ह॒ वा अ॒ग्ने ना॒चिके॒तस्य॑ शरी॒रं वेद॑ ।
 स शरी॑र ए॒व स्वर्गं॑ लोकमेति ।
 हिर॑ण्यं वा अ॒ग्ने ना॒चिके॒तस्य॑ शरी॒रम् । य एवं वेद॑ ।
 स शरी॑र ए॒व स्वर्गं॑ लोकमेति ।
 अथो॑ यथा रु॒क्म उ॒त्तप्तो॑ भा॒य्यात् । ए॒वमे॒व स तेज॑सा यश॒सा ।
 अस्मिँश्च॑ लोके ऽमु॒ष्मिँश्च॑ भाति ॥
 उ॒रवो॑ ह॒ वै ना-मै॒ते लोकाः॑ । ये ऽव॑रेणादित्यम् ।
 अथ॑ है॒ते वरी॑-याँ सो लोकाः॑ । ये प॑रेणादित्यम् ।
 अ॒न्त व॒न्तँ ह॒ वा ए॒ष क्ष॑य्यं लोकं जयति । यो ऽव॑रेणादित्यम् ।
 अथ॑ है॒षोऽ न॒न्त-म॒पार॑-म-क्ष॑य्यं लोकं जयति । यः प॑रेणादित्यम् ।
 अ॒नन्तँ॑ ह॒ वा अ॒पार॑ म-क्ष॑य्यं लोकं जयति ।
 यो ऽग्निं॑ ना॒चिके॒तं चि॑नुते । य उ॒ चैन॑ मे॒वं वेद॑ ।
 अथो॑ यथा रथे तिष्ठन् पक्ष॑सी पर्या॒ वर्त॑माने प्रत्य-पेक्ष॑ते ।
 ए॒व म॒हो रा॒त्रे प्र॒त्य-पेक्ष॑ते । नास्या॑ हो॒रात्रे॑ लोक माप्नु॑तः ।
 यो ऽग्निं॑ ना॒चिके॒तं चि॑नुते । य उ॒ चैन॑ मे॒वं वेद॑ ।
 उ॒शन् ह॒ वै वा॒ज श्र॑वसः सर्व वेद॑सं ददौ ।
 तस्य॑ ह॒ नचि॑केता नाम पु॒त्र आ॑स ।
 तँ ह॒ कु॒मारँ॑ स॒न्तम् । दक्षि॑णासु नीय॑मानासु श्रद्धाऽऽवि॑वेश ।
 स हो॑वाच । तत॑ कस्मै॒ मां दा॑स्य-सीति । द्वि॒तीयं॑ तृ॒तीयम्॑ ।



त॑ ह॒ परी॑त उ॒वाच॑ । मृ॒त्यवे॑ त्वा द॒दामी॑ति ॥
त॑ ह॒-स्मो-त्थि॑तं वा॒ग भि॒व-द॑ति । गौ॒तम॑ कु॒मार मि॑ति ।
स हो॒वाच॑ । परे॒हि मृ॒त्यो गृ॑हान् । मृ॒त्यवे॑ वै त्वाऽ॒दा मि॑ति ।
तं वै प्र॒वस॑न्तं गन्ता-सीति हो॒वाच॑ ।
तस्य॑ स्म ति॒स्रो रा॒त्रीर-ना॑श्वान् गृ॒हे व॑सतात् ।
स यदि॑ त्वा पृ॒च्छेत् । कु॒मार क॑ति रा॒त्री र-वा॑त्सी-रिति ।
ति॒स्र इति॑ प्रति ब्रू॒तात॑ । किं प्रथ॑मा॒ रात्रि॑ मा॒श्ना इति॑ ।
प्र॒जां त इति॑ । किं द्वि॒तीया॑ मि॒ति । प॒शूस्त॑ इति ।
किं तृ॒तीया॑ मि॒ति । सा॒धुकृ॑त्यान्त इति । तं वै प्र॒वस॑न्तं जगाम ।
तस्य॑ ह ति॒स्रो रा॒त्री रना॑श्वान् गृ॒ह उ॒वास॑ । तमा॒गत्य॑ पप्रच्छ ।
कु॒मार क॑ति रा॒त्री र-वा॑त्सी-रिति । ति॒स्र इति॑ प्रत्यु॒वाच॑ ।
किं प्रथ॑मा॒ रात्रि॑ मा॒श्ना इति॑ । प्र॒जान्त॑ इति । किं द्वि॒तीया॑ मि॒ति ।
प॒शूस्त॑ इति । किं तृ॒तीया॑ मि॒ति । सा॒धुकृ॑त्यां त इति ।
नम॑स्ते अस्तु भगव इति हो॒वाच॑ । वरं॑ वृ॒णीष्वेति॑ ।
पि॒तर॑मेव जी॒वन्न॑या-नीति । द्वि॒तीयं॑ वृ॒णीष्वेति॑ ।
इ॒ष्टापूर्त॑यो-र्मेऽक्षि॑तिं ब्रू॒हीति॑ हो॒वाच॑ । तस्मै॑ है॒त-म॑ग्निं ना॒चिके॑त-मु॒वाच॑ ।
ततो॑ वै तस्यै॒-ष्टापूर्ते॑ ना क्षी॒येते॑ । नास्यै॒-ष्टापूर्ते॑ क्षी॒येते॑ ।
योऽग्निं॑ ना॒चिके॑तं चि॒नुते॑ । य उ चैन॑ मे॒वं वेद॑ ।
तृ॒तीयं॑ वृ॒णीष्वेति॑ । पु॒नर्मृ॑त्योर्मेऽप॒जितिं॑ ब्रू॒हीति॑ हो॒वाच॑ ।
तस्मै॑ है॒तम॑ग्निं ना॒चिके॑तमु॒वाच॑ ।
ततो॑ वै सोऽप॑ पु॒नर्मृ॑त्युम॒ जय॑त् । अप॑ पु॒नर्मृ॑त्यं जयति ।



यो ऽग्निं नाचिकेतं चिनुते । य उ चैन मेवं वेद ॥
 प्रजापतिर्वै प्रजाकाम स्तपो ऽतप्यत । स हिरण्य मुदास्यत् ।
 तदग्नौ प्रास्यत् । तदस्मै नाच्छदयत् ।
 तद्वितीयं प्रास्यत् । तदस्मै नैवाच्छदयत् ।
 तत्तृतीयं प्रास्यत् । तदस्मै नैवाच्छदयत् ।
 तदात्मन्नेव हृदयेऽग्नौ वैश्वानरे प्रास्यत् ।
 तदस्मा अच्छदयत् । तस्माद्धिरण्यं कनिष्ठं धनानाम् ।
 भुञ्ज-त्प्रियतमम् । हृदय-ज५ हि । स वै तमेव नाविन्दत् ।
 यस्मै तां दक्षिणा-मनेष्यत् । ता५ स्वायैव हस्ताय दक्षिणा-यानयत् ।
 तां प्रत्य गृह्णात् । दक्षाय त्वा दक्षिणां प्रति गृह्णामीति ।
 सोऽदक्षत दक्षिणां प्रतिगृह्य ।
 दक्षते ह वै दक्षिणां प्रतिगृह्य । य एवं वेद ॥
 एत-द्धस्म वै तद्वि-द्वा५ सो वाज-श्रवसा गोतमाः ।
 अप्यनू देश्यां दक्षिणां प्रति गृह्णन्ति ।
 उभयेन वयं दक्षिष्या-मह एव दक्षिणां प्रति गृह्येति ।
 तेऽदक्षन्त दक्षिणां प्रतिगृह्य । दक्षते ह वै दक्षिणां प्रतिगृह्य ।
 य एवं वेद । प्रहान्यं खलीनाति ॥
 त५ हैतमेके पशुबन्ध एवोत्तर वेद्यां चिन्वते ।
 उत्तर-वेदि सम्मित एषोऽग्नि-रिति वदन्तः ।
 तन्न तथा कुर्यात् । एत मग्निं कामेन व्यर्धयेत् ।
 स एनं कामेन व्यर्द्धः । कामेन व्यर्धयेत् ।



सौ॒म्ये वा॒वैन॑ म॒ध्वरे चि॒न्वीत॑ ।
 यत्र॑ वा भू॒यिष्ठा॑ आ॒हुत॑यो हू॒येर॑न्न ।
 ए॒त म॒ग्निं का॒मेन॑ स॒मर्ध॑यति ।
 स ए॒नं का॒मेन॑ स॒मृद्धः॑ । का॒मेन॑ स॒मर्द्ध॑यति ।
 अथ॑ है॒नं पु॒र-ऋ॒षयः॑ । उ॒त्तर॑ वे॒द्या मे॒व स॒त्रिय॑म चि॒न्वत॑ ।
 ततो॑ वै तेऽवि॒न्दन्त॑ प्र॒जाम् । अ॒भि स्व॒र्गं लो॒क-म॑जयन् ।
 वि॒न्दत॑ ए॒व प्र॒जाम् । अ॒भि स्व॒र्गं लो॒कं ज॑यति ।
 योऽग्निं॑ ना॒चिके॑तं चि॒नुते॑ । य उ॑ चै॒न मे॒वं वेद॑ ॥
 अथ॑ है॒नं वा॒युर् ऋ॒द्धि॒कामः॑ ।
 यथा॑ न्यु॒प्त मे॒वोप॑ द॒धे । ततो॑ वै स ए॒ता मृ॒द्धि मा॒ध्नोत् ।
 या॒मिदं॑ वा॒युर् ऋ॒द्धः । ए॒ता मृ॒द्धि मृ॒ध्नोति॑ । या॒मिदं॑ वा॒युर् ऋ॒द्धः ।
 योऽग्निं॑ ना॒चिके॑तं चि॒नुते॑ । य उ॑ चै॒न मे॒वं वेद॑ ॥
 अथ॑ है॒नं गो॒बलो॑ वा॒र्ष्णः प॒शुका॑मः ।
 पा॒ङ्क-मे॒व चि॒क्ये । प॒ञ्च पु॒रस्ता॑त् ।
 प॒ञ्च द॒क्षिण॑तः । प॒ञ्च प॒श्चात् ।
 प॒ञ्चो॑त्तर॑तः । ए॒कां म॒ध्ये ।
 ततो॑ वै स स॒हस्रं॑ प॒शून् प्राप्नो॑त् । प्र स॒हस्रं॑ प॒शूना॑प्नोति ।
 योऽग्निं॑ ना॒चिके॑तं चि॒नुते॑ । य उ॑ चै॒न मे॒वं वेद॑ ॥
 अथ॑ है॒नं प्र॒जाप॑ति ज्यै॒ष्ठ्य॒कामो॑ य॒शस्का॑मः प्र॒जन॑न॒कामः॑ ।
 त्रि॒वृ॒त मे॒व चि॒क्ये । स॒प्त पु॒रस्ता॑त् । ति॒स्रो द॒क्षिण॑तः ।
 स॒प्त प॒श्चात् । ति॒स्र उत्तर॑तः । ए॒कां म॒ध्ये ।



ततो वै स प्र यशो ज्यैष्ठ्य माप्नोत् ।
 एतां प्रजातिं प्राजायत । यामिदं प्रजाः प्रजायन्ते ।
 त्रि-वृद्धे ज्यैष्ठ्यम् । माता पिता पुत्रः । त्रिवृ-त्प्रजननम् ।
 उपस्थो योनि मध्यमा । प्र यशो ज्यैष्ठ्य माप्नोति ।
 एतां प्रजातिं प्राजायन्ते । यामिदं प्रजाः प्रजायन्ते ।
 यो ऽग्निं नाचिकेतं चिनुते । य उ चैन मेवं वेद ॥
 अथ हैनं मिन्द्रो ज्यैष्ठ्यकामः । ऊर्ध्वा एवो पदधे ।
 ततो वै स ज्यैष्ठ्यम गच्छत् । ज्यैष्ठ्यं गच्छति ।
 यो ऽग्निं नाचिकेतं चिनुते । य उ चैन मेवं वेद ॥
 अथ हैन मसा वादित्यः स्वर्ग कामः । प्राची-रेवो पदधे ।
 ततो वै सोऽभि स्वर्गं लोकम जयत् ।
 अभि स्वर्गं लोकं जयति ।
 यो ऽग्निं नाचिकेतं चिनुते । य उ चैन मेवं वेद ॥
 स यदीच्छेत् । तेजस्वी यशस्वी ब्रह्मवर्चसी स्यामिति ।
 प्राडा-होतु धिष्ण्या दु-श्सर्पेत् । येयं प्रागा द्यशस्वती ।
 सा मा प्रोर्णोतु । तेजसा यशसा ब्रह्मवर्चसे नेति ।
 तेजस्व्येव यशस्वी ब्रह्मवर्चसी भवति ॥
 अथ यदीच्छेत् । भूयिष्ठं मे श्रद् धीरन्न ।
 भूयिष्ठा दक्षिणा नये-युरिति ।
 दक्षिणासु नीय मानासु प्राच्येहि प्राच्येहीति प्राची जुषाणा
 वेत्वा ज्यस्य स्वा-हेति सुवेणोप हत्या हवनीये जुहुयात् ।



भूयिष्ठ मेवास्मै श्रद्ध धत्ते । भूयिष्ठा दक्षिणा नयन्ति ॥
 पुरीष मुपधाय । चिति क्लृप्ति भिरभि मृश्य ।
 अग्निं प्रणीयोप समाधाय । चतस्र एता आहुती जुहोति ।
 त्वमग्ने रुद्र इति शत रुद्री-यस्य रूपम् ।
 अग्ना विष्णू इति वसो धारायाः । अन्न पत इत्यन्न होमः ।
 सप्त ते अग्ने समिधः सप्त जिह्वा इति विश्व-प्रीः ॥
 यां प्रथमा मिष्टका मुप दधाति । इमं तया लोकमभि जयति ।
 अथो या अस्मिन् लोके देवताः । तासां सायुज्यं सलोकता माप्नोति ।
 यां द्वितीया मुप दधाति । अन्तरिक्ष लोकं तयाऽभि जयति ।
 अथो या अन्तरिक्ष लोके देवताः । तासां सायुज्यं सलोकता माप्नोति ।
 यां तृतीया मुप दधाति । अमुं तया लोकमभि जयति ।
 अथो या अमुष्मिन् लोके देवताः । तासां सायुज्यं सलोकता माप्नोति ।
 अथो या अमूरि-तरा अष्टा-दश ।
 य एवामी उर-वश्च वरीयां सश्च लोकाः । तानेव ताभि रभि जयति ।
 कामचारो ह वा अस्यो रुषु च वरीयस्सु च लोकेषु भवति ।
 योऽग्निं नाचिकेतं चिनुते । य उ चैन मेवं वेद ॥
 संवत्सरो वा अग्नि नाचिकेतः । तस्य वसन्तः शिरः ।
 ग्रीष्मो दक्षिणः पक्षः । वरूषा उत्तरः । शर-त्पुच्छम् ।
 मासाः कर्मकाराः । अहोरात्रे शत रुद्रीयम् ।
 पर्जन्यो वसोर्धारा । यथा वै पर्जन्यः सुवृष्टं वृष्ट्वा ।
 प्रजाभ्यः सर्वान् कामा न्त्संपूरयति ।



ए॒वमे॒व स॒ तस्य॑ स॒र्वान् का॒मा न्त्सं॑पूर॒यति॑ ।
 यो ऽग्निं॑ ना॒चिके॑तं चि॒नुते॑ । य उ॒ चैन॑ मे॒वं वेद॑ ॥
 सं॒वत्स॑रो वा अ॒ग्नि ना॒चिके॑तः । तस्य॑ वस॒न्तः शि॒रः ।
 ग्री॒ष्मो दक्षि॑णः पक्षः । व॒रूषाः पु॒च्छम् । शर॑ दु॒त्तरः पक्षः॑ ।
 हे॒मन्तो म॑ध्यम् । पू॒र्व पक्षा॑ श्रि॒तयः॑ ।
 अ॒पर पक्षाः॑ पु॒रीषम् । अ॒होरा॑त्राणी-ष्ट॒काः ॥
 एष॑ वा॒व सोऽग्नि॑ र॒ग्नि म॑यः पु॒नर्ण॑वः ।
 अ॒ग्नि-म॑यो ह॒ वै पु॒नर्ण॑वो भू॒त्वा ।
 स्व॒र्गं लो॒कमे॑ति । आ॒दि॒त्यस्य॑ सा॒युज्य॑म् ।
 यो ऽग्निं॑ ना॒चिके॑तं चि॒नुते॑ । य उ॒ चैन॑ मे॒वं वेद॑ ॥

॥ मृत संजीवनी सूक्तम् ॥

मु॒ञ्चामि॑त्वा ह॒विषा जी॒वना॑य क॒मज्ञा॑त यक्ष्मा॒दुत॑ राज॒ यक्ष्मा॑त् ।
 ग्रा॒हिर्ज ग्रा॒ह यदि॑ वै तदे॒ नं तस्या॑ इन्द्रा॒ग्नी प्र॑मुमु॒क्त मे॒नम् ॥
 यदि॑ क्षि॒ता यु॒र्य दि॒ वा पे॒रेतो॑ यदि॑ मृ॒त्योरे॑न्ति कं नी॒त ए॒व ।
 त॒मा ह॑रामि नि॒रऋ॑ते रु॒पस्था॑ द॒स्पार्ष॑मे॒नं श॑त॒शार॑दाय ॥
 स॒हस्रा॑क्षेण श॒तशार॑दे॒न श॑तायुषा ह॒विषा॑हार्षमे॒नम् ।
 श॒तं य थे॑मं श॒रदो॑ न॒यातीन्द्रो॑ वि॒श्वस्य॑ दु॒रित॑स्य पा॒रम् ॥
 श॒तं जी॒व श॒रदो॑ वर्ध॒मानः॑ श॒तं हे॑मन्ताज्छ॒तमु॑ वस॒न्तान् ।
 श॒तमिन्द्रा॑ग्नी स॒विता बृ॑हस्प॒तिः श॑तायुषा ह॒विषे॑मं पु॒नर्दुः ॥
 आ॒हार्षं॑ त्वा॒विषं॑ त्वा पु॒नरा॑गाः पु॒नर्न॑व ।



सर्वा॑ ङ्ग॒ सर्व॑ ते चक्षुः॑ सर्व॑ मायुश्च॑ तेऽविदम् ॥

तदित्पदं॑ नविचिकेत॑ विद्वान् । यन्मृतः॑ पुनरप्येति॑ जीवान् ।

त्रिवृद्यद् भुवनस्य॑ रथवृत् । जीवोगर्भो॑ न मृतस्स जीवात् ॥

॥ ऋचां प्राची ॥

ऋचां॑ प्राची॑ महती दिगुच्यते । दक्षिणा॑ माहुर्य जुषाम-पाराम् ।

अथर्वणा॑ मङ्गिरसां॑ प्रतीची॑ । साम्ना॑ मुदीची॑ महती दिगुच्यते ॥

ऋग्भिः॑ पूर्वाह्णे॑ दिवि देव॑ ईयते । यजुर्वेदे॑ तिष्ठति मध्ये अहः॑ ।

सामवेदे-नास्त॑ मये महीयते । वेदैर॑ शून्य स्त्रि-भिरेति॑ सूर्यः ॥

ऋग्भ्यो॑ जाताः सर्वशो॑ मूर्ति माहुः । सर्वा॑ गति-र्याजुषी॑ हैव शश्वत् ।

सर्व॑ तेजः साम-रूप्यं॑ ह शश्वत् । सर्वं॑ हेदं ब्रह्मणा॑ हैव सृष्टम् ॥

ऋग्भ्यो॑ जातं वैश्यं॑ वर्ण-माहुः । यजुर्वेदं॑ क्षत्रियस्या॑ हुर्यो-निम् ॥

सामवेदो ब्राह्मणानां॑ प्रसूतिः । पूर्वे॑ पूर्वेभ्यो॑ वच एत-दूचुः ॥

आदर॑श्च मग्निं चिन्वानाः । पूर्वे॑ विश्व॑ सृजोऽमृताः ।

शतं॑ वर्ष सहस्राणि॑ । दीक्षिताः॑ सत्त्रमा॑ सत ॥

तप॑ आसी द्रुह॑ पतिः । ब्रह्म॑ ब्रह्माऽभव॑ त्स्वयम् ।

सत्यं॑ ह होतैषा॑ मासीत् । यद्विश्च॑ सृज॑ आसत ॥

अमृतमेभ्य॑ उदगायत् । सहस्रं॑ परिवत्स॑रान् ।

भूतं॑ ह प्रस्तो॑ तैषा मासीत् । भविष्य॑ त्प्रति॑ चाहरत् ॥

प्राणो॑ अध्वर्युर॑ भवत् । इदं॑ सर्वं॑ सिषा-सताम् ।

अपानो॑ विद्वाना-वृतः॑ । प्रति॑ प्रातिष्ठ॑ दध्वरे ॥



आ॒र्त॒वा॒ उप॒गा॒ता॒रः॑ । स॒द॒स्या॒ ऋ॒त॒वो॑ऽभ॒वन् ।
 अ॒र्ध॒-मा॒सा॒श्च॒ मा॒सा॒श्च॒ । च॒म॒सा॒ ध्व॒र्य॒वो॑ऽभ॒वन् ॥
 अ॒श॒ः स॒द् ब्र॒ह्म॒ण॒ स्ते॒जः॑ । अ॒च्छा॒-वा॒को॑ऽभ॒व द्य॒शः॑ ।
 ऋ॒त॒मे॒षां॑ प्र॒शा॒स्ता॑ऽऽसीत् । य॒द्वि॒श्व॒ सृ॒ज आ॒स॒त ॥
 ऊ॒र्गा॒-जा॒न॒ मु॒द॒ व॒ह॒त् । ध्रु॒व॒-गो॒पः॑ स॒हो॑ऽभ॒वत् ।
 ओ॒जो॑ऽभ्य॒ -ष्टौ॒द् ग्रा॒वू॒णः॑ । य॒द्वि॒श्व॒ सृ॒ज आ॒स॒त ॥
 अ॒प॒चि॒तिः॑ पो॒त्री॒या॒म॒ य॒ज॒त् । ने॒ष्ट्री॒या॒म॒ य॒ज॒-त्वि॒षिः॑ ।
 आ॒ग्नी॒दू॒ध्रा॒ द्वि॒दु॒षी॑ स॒त्य॒म् । श्र॒द्धा॒ है॒वा॒ य॒ज॒-थ्स्व॒य॒म् ॥
 इ॒रा॒ प॒त्नी॑ वि॒श्व॒ सृ॒जा॒म् । आ॒कू॒ति॒र॒ पि॒न॒द् ढ॒विः॑ ।
 इ॒ध्म॒ः ह॒ क्षु॒च्चै॒भ्य॒ उ॒ग्रे॑ । तृ॒ष्णा॒ चा॒व॒-ह॒ता॒ मु॒भे ॥
 वा॒गे॒षा॒ः सु॒ब्र॒ह्म॒ण्या॑ऽऽसीत् । छ॒न्दो॑ यो॒गा॒न् वि॒जा॒न॒ती॑ ।
 क॒ल्प॒ त॒न्त्रा॒णि॒ त॒न्वा॒ना॑ऽहः । स॒ँ स्था॒श्च॒ स॒र्व॒शः॑ ॥
 अ॒हो॒रा॒त्रे॒ प॒शु॒पा॒ल्यौ॑ । मु॒हूर्ताः॑ प्रे॒ष्या॒ अभ॒वन् ।
 मृ॒त्यु॒ स्त॒द॒ भ॒व द्वा॒ता॑ । श॒मि॒-तो॒ग्रो॑ वि॒शां॑ प॒तिः॑ ॥
 वि॒श्व॒ सृ॒जः॑ प्र॒थ॒माः॒ स॒त्र॒ मा॒स॒त॒ । स॒ह॒स्र॒ स॒मं॒ प्र॒सु॒-ते॒न॒ य॒न्तः॑ ।
 त॒तो॒ ह॒ जज्ञे॑ भु॒व॒न॒स्य॒ गो॒पाः॑ । हि॒र॒ण॒म॒यः॒ श॒कु॒नि॒ ब्र॒ह्म॒ ना॒म ॥
 ये॒न॒ सूर्य॑ स्त॒प॒ति॒ ते॒ज॒ से॒द्धः॑ । पि॒ता॒ पु॒त्रे॒ण॒ पि॒तृ॒मा॒न् यो॒नि॒ यो॒नौ॑ ।
 ना॒वे॒द॒वि॒-न्म॒नु॒ते॒ तं॒ बृ॒ह॒न्त॒म् । स॒र्वा॒नु॒-भु॒ मा॒त्मा॒-न॒ः संप॑रा॒ये ॥
 ए॒ष॒ नि॒त्यो॒ म॒हि॒मा॒ ब्रा॒ह्म॒ण॒स्य॑ । न॒ क॒र्म॒णा॒ वर्ध॑ते नो क॒नी॒या॒न् ।
 त॒स्यै॒-वा॒त्मा॒ प॒द॒वि॒त्तं॑ वि॒दि॒त्वा॒ । न॒ क॒र्म॒णा॒ लि॒प्य॑ते पा॒प॒के॒न ॥
 प॒ञ्च॒ प॒ञ्चा॒ श॒त॒ स्त्रि॒-वृ॒तः॑ सं॒व॒थ्स॒राः॑ । प॒ञ्च॒ प॒ञ्चा॒ श॒तः॑ प॒ञ्च॒द॒शाः॑ ।



पञ्च पञ्चा शतः सप्त दशाः । पञ्च पञ्चा शत एकविंशाः ।
 विश्व सृजाँ सहस्र संवत्सरम् । एतेन वै विश्व सृज इदं विश्वम् सृजन्त ।
 यद्विश्वम् सृजन्त । तस्मा द्विश्व सृजः ॥
 विश्वमेना ननु प्रजायते । ब्रह्मणः सायुज्यँ सलोकतां यन्ति ।
 एता सा मेव देवतानाँ सायुज्यम् । सारूषिताँ समान लोकतां यन्ति ।
 य एत दुपयन्ति । ये चैन त्प्राहुः । येभ्य श्वैन त्प्राहुः । ओम् ॥

कृष्ण यजुर्वेदीय तैत्तिरीय संहिता

वेदादयः सप्तकाण्ठाः प्रथम पञ्चाति ।

॥ अथ प्रथम काण्डे प्रथमः प्रश्नः ॥ प्रथमपञ्चाति ।

इषे त्वो जे त्वा वायवः स्थो पायवः स्थ देवो वः सविता प्राऽर्पयतु श्रेष्ठतमाय
 कर्मण आप्यायध्व मघ्निया देवभाग मूर्जस्वतीः पयस्वतीः प्रजावती रनमीवा
 अयक्ष्मा मा वः स्तेन ईशत माऽघशँ सो रुद्रस्य हेतिः परि वो वृणक्तु ध्रुवा
 अस्मिन् गोपतौ स्यात बह्वी र्यजमानस्य पशून् पाहि ॥

॥ अथ द्वितीय काण्डे प्रथमः प्रश्नः ॥ प्रथमपञ्चाति ।

वायव्यँ श्वेतमा लभेत भूतिकामो वायुर्वै क्षेपिष्ठा देवता वायुमेव स्वेन
 भाग धेयेनोप धावति स एवैनं भूतिं गमयति भवत्येवाऽति क्षिप्रा देवते त्याहुः
 सैन मीश्वरा प्रदह इत्ये तमेव सन्तं वायवे नियुत्वत आ लभेत नियुद्धा
 अस्य धृति धृत एव भूति मुपैत्य प्रदाहाय भवत्येव ॥



॥ अथ तृतीय काण्डे प्रथमः प्रश्नः ॥ प्रथमपञ्चाति ।

प्रजापतिर कामयत प्रजाः सृजेयेति स तपोऽतप्यत स सर्पान् सृजत
सोऽकामयत प्रजाः सृजेयेति स द्वितीयम तप्यत स वयांसस्य सृजत
सोऽकामयत प्रजाः सृजेयेति स तृतीयम तप्यत स एतं दीक्षित वादम
पश्य तमव दत्ततो वै स प्रजा असृजत यत्तप स्तप्त्वा दीक्षित वादं वदति
प्रजा एवत द्यजमानः ॥

॥ अथ चतुर्थ काण्डे प्रथमः प्रश्नः ॥ प्रथमपञ्चाति ।

युञ्जानः प्रथमं मन स्तत्त्वाय सविता धियः ।
अग्निं ज्योतिर् निचाय्य पृथिव्या अध्याऽभरत् ॥
युक्त्वाय मनसा देवान् श्सुवर्यतो धिया दिवम् ।
बृहज्ज्योतिः करिष्यतः सविता प्र सुवाति तान् ॥
युक्तेन मनसा वयं देवस्य सवितुः सवे । सुवर्गेयाय शक्त्यै ॥
युञ्जते मन उत युञ्जते धियो विप्रा विप्रस्य बृहतो विपश्चितः ।
वि होत्रा दधे वयुना विदेक इत् ॥

॥ अथ पञ्चम काण्डे प्रथमः प्रश्नः ॥ प्रथमपञ्चाति ।

सावित्राणि जुहोति प्रसूत्यै चतुर्गृहीतेन जुहोति चतुष्पादः पशवः पशून्नेवाऽव
रुन्धे चतस्रो दिशो दिक्ष्वेव प्रति तिष्ठति छन्दांसि देवेभ्योऽपाऽक्रामन्न
वोऽभागानि हव्यं वक्ष्याम इति तेभ्य एत च्चतुर्गृहीतम धारयन्पुरोऽनु वाक्यायै
याज्यायै देवतायै वषट्काराय य-च्चतुर्गृहीतं जुहोति छन्दांस्येव तत्प्रीणाति
तान्यस्य प्रीतानि देवेभ्यो हव्यं वहन्ति यं कामयेत ॥



॥ अथ षष्ठ काण्डे प्रथमः प्रश्नः ॥ प्रथमपञ्चाति ।

प्राचीनव॑ शङ्क॑रोति दे॒व मनु॑ष्या दि॒शो व्य॑भ-जन्त प्राची॑न्दे॒वा दक्षि॑णा
पित॑रः प्रती॑चीं मनु॑ष्या उदी॑चीं रु॒द्रा यत्प्रा॑चीनव॑ शङ्क॑रोति दे॒वलोक॑मे॒व
तद्य॑जमान उपा॑वर्तते परि॑श्रय त्यन्त॑र् हि॒तो हि दे॒वलोक॑ो मनु॑ष्य लो॒का
ऽन्ना॑स्मा ल्लो॒कात् स्वे॒तव्य॑ मि॒वेत्याहुः॑ को हि तद्वे॒द यद्य॑ मुष्मिन् ल्लो॒केऽस्ति॑
वा न वे॑ति दि॒क्ष्वती॑ का॒शान् करो॑ति ॥

॥ अथ सप्तम काण्डे प्रथमः प्रश्नः ॥ प्रथमपञ्चाति ।

प्र॒जन॑नं ज्योति॑ रग्नि॑ दे॒वता॑नां ज्योति॑ वि॒राट् छन्द॑सां ज्योति॑ वि॒राट् वाचौ॑ऽग्नौ
सं ति॑ष्ठते वि॒राज॑मभि सं प॒द्यते॑ तस्मा॑त्त ज्ज्योति॑ रुच्य॑ते द्वौ स्तोमौ॑ प्रा॒तः स॒वनं
व॒हतो॑ यथा प्रा॒णश्चा॑ऽपा॒नश्च॑ द्वौ मा॒ध्यन्दि॑नं स॒वनं यथा॑ चक्षु॑श्च श्रो॒त्रं च॑ द्वौ
तृती॑य स॒वनं यथा॑ वाक्च॑ प्रति॒ष्ठा च॑ पु॒रुष॑ स॒मि॒तो वा ए॒ष य॒ज्ञोऽस्थू॑रिः ॥

॥ अथ सप्तम काण्डे प्रथमः प्रश्नः ॥ अन्त्यपञ्चाति ।

समु॒द्र उ॒दर॑ मन्त॑रि॒क्षं पा॒यु र्द्या॑वा पृथि॑वी आण्डौ॑ ग्रा॒वा शे॒पः सोमो॑ रे॒तो
यज्ज॑ ज्ज॒भ्यते॑ तद्वि द्यो॒तते॑ यद्वि धू॒नुते॑ तथ॑स्त न॒यति॑ यन्मे॒हति॑ तद्वि॒र॒षति॑
वा॒गेवा॑ऽस्य वा॒गर्वा॑ अ॒श्वस्य॑ जा॒यमा॑नस्य म॒हिमा॑ पु॒रस्ता॑ ज्जा॒यते॑
रा॒त्रिरे॑नं म॒हिमा॑ पश्चा॒दनु॑ जा॒यत॑ ए॒तौ वै म॒हिमा॑ना व॒श्व म॒भितः॑ स॒म्बभू॑व
तु॒रू॒ह्यो दे॒वान॑ व॒हर्वा॑ऽसु॒रान् वा॒जी ग॒न्धर्वा॑नश्चो मनु॑ष्यान् थ्समु॒द्रो वा
अ॒श्वस्य॑ यो॒निः स॒मु॒द्रो ब॒न्धुः ॥



तैत्तिरीय यजुर्ब्राह्मणा

शख अष्टकत्रयः प्रथम पञ्चाति ।

॥ प्रथमाष्टके प्रथम प्रश्नः ॥ प्रथम पञ्चाति ।

ब्रह्म॑ संधत्तं॑ तन्मे॑ जिन्वतम् । क्षत्र॑ संधत्तं॑ तन्मे॑ जिन्वतम् ।
इष॑ संधत्तं॑ तां मे॑ जिन्वतम् । ऊर्ज॑ संधत्तं॑ तां मे॑ जिन्वतम् ।
रयि॑ संधत्तं॑ तां मे॑ जिन्वतम् । पुष्टि॑ संधत्तं॑ तां मे॑ जिन्वतम् ।
प्रजा॑ संधत्तं॑ तां मे॑ जिन्वतम् । पशून्संधत्तं॑ तान्मे॑ जिन्वतम् ।
स्तुतो॑सि जन॑धाः । देवा॑स्त्वा शुक्र॑पाः प्रण॑यन्तु ॥ सुवी॑राः प्रजाः प्र॑जनय न्परी॑हि ।

॥ द्वितीयाष्टके प्रथम प्रश्नः ॥ प्रथम पञ्चाति ।

अङ्गिर॑सो वै सत्र॑ मासत । तेषां॑ पृश्नि॑ घर्म॑ धुगा॑-सीत् । सर्जी॑षेणा जीव॑त् ।
तेऽब्रु॑वन् । कस्मै॑ नु सत्र॑ मास्महे । येऽस्या॑ ओष॑धीर्न जन॑-याम इति॑ ।
ते दि॒वो वृष्टि॑म सृजन्त । यावन्तः॑ स्तोका॑ अवा॑-पद्यन्त । तावती॑-रोष॑धयोऽजायन्त ।
ता जा॑ताः पि॒तरो वि॑षेणा लिम्पन् । तासां॑ जग्ध्वा॑ रुप्यन्त्यै॑त् ।

॥ तृतीयाष्टके प्रथम प्रश्नः ॥ प्रथम पञ्चाति ।

अग्नि॑र्नः पातु॑ कृत्तिकाः । नक्ष॑त्रं देव॑मिन्द्रि॒यम् । इद॑मासां विच॑क्षणम् ।
हवि॑रासं जुहो॑तन । यस्य॑ भान्ति॑ रश्मयो॑ यस्य॑ केतवः ।
यस्ये॑मा विश्वा॑ भुवनानि॑ सर्वा । स कृ॑त्तिकाभि॑ रभि॑ संवसानः ।
अग्नि॑र्नो देव॑ स्सुविते॑ दधातु ॥ प्रजा॑पते रोहि॑णी वेतु॑ पत्नी ।
विश्व॑रूपा बृ॒हती चि॒त्र भा॑नुः । सा नो॑ यज्ञ॑स्य सुविते॑ दधातु ।



॥ तृतीयाष्टके नवम प्रश्नः ॥ प्रथम पञ्चाति ।

प्रजापति रश्मिमेधम सृजत । सोऽस्मा त्सृष्टोऽपाक्रामत् ।

तमष्टा दशिभि रनु प्रायुङ्क्त । तमाप्नोत् ।

तमाप्त्वाऽष्टा दशिभि-रवा रुन्ध । यदष्टा-दशिन आलभ्यन्ते ।

यज्ञ मेव तैराप्त्वा यजमानोऽवरुन्धे । संवत्सरस्य वा एषा प्रतिमा ।

यदष्टा दशिनः । द्वादश मासाः पञ्चर्तवः ॥ संवत्सरोऽष्टादशः ।

॥ तृतीयाष्टके नवम प्रश्नः ॥ अन्त्य पञ्चाति ।

य द्रूश् पूर्ण मासौ यजते । अश्वस्यैव मेध्यस्य पदे पदे जुहोति ।

एत दनुकृति ह स्म वै पुरा । अश्वस्य मेध्यस्य पदे पदे जुह्वति ।

यो वा अश्वस्य मेध्यस्य विवर्तनं वेद ।

अश्वस्यैव मेध्यस्य विवर्तने विवर्तने जुहोति ।

असौ वा आदित्योऽश्वः । स आहवनीय मा गच्छति । तद्वि वर्तते ।

यदग्नि होत्रं जुहोति । अश्वस्यैव मेध्यस्य विवर्तने विवर्तने जुहोति ।

एत दनुकृति ह स्म वै पुरा । अश्वस्य मेध्यस्य विवर्तने विवर्तने जुह्वति ।

॥ काटके प्रथम प्रश्नः ॥ प्रथम पञ्चाति ।

संज्ञानं विज्ञानं प्रज्ञानं जानदभि जानत् ।

संकल्पमानं प्रकल्पमान मुपकल्पमान मुप क्लुप्तं क्लुप्तम् ।

श्रेयो वसीय आय थ्संभूतं भूतम् ॥ चित्रः केतुः प्रभा नाभा न्थ्संभान् ।

ज्योतिष्मा स्तेजस्वाना तपः स्तपन्नभि तपन्न ।

रोचनो रोचमानः शोभनः शोभमानः कल्याणः ॥



द॒र॒शा दृ॒ष्टा द॒र॒श॒तां वि॒श्व-रू॒पा सुद॒र॒श॒ना ।
आ॒प्याय॑मा॒ना प्या॑य॒मा॒ना प्या॑या॒ सूनृ॑ते॒रा ।
आ॒पूर्य॑मा॒णा पू॒र्य॑मा॒णा पू॒रय॑न्ती पूर्णा॒ पौर्ण॑मा॒सी ॥
दा॒ता प्र॒दा॒ताऽऽन॑न्दो॒ मोदः॑ प्र॒मोदः॑ ।
आ॒वे॒श॒य-न्नि॒वे॒श॒यन् त्सं॑वे॒श॒नः स॒ंशान्तः॑ शान्तः ।

॥ काटके तृतीय प्रश्नः ॥ अन्त्य पञ्चाति ।

तस्यै॑ वा॒त्मा प॒द॒वि॒त्तं वि॒दि॒त्वा । न क॒र्म॒णा लि॒प्य॑ते पा॒प॒केन॑ ॥
पञ्च॑पञ्चा श॒त स्त्रि॒-वृ॒तः सं॒व॒त्स॒राः ॥ पञ्च॑पञ्चा श॒तः पञ्च॑द॒शाः ।
पञ्च॑पञ्चा श॒तः स॒प्त॒द॒शाः । पञ्च॑पञ्चा श॒त एक॑विं॒शाः ।
वि॒श्व सृ॒जां॒ सह॑स्र सं॒व॒त्स॒रम् । ए॒तेन॑ वै वि॒श्व सृ॒ज इ॒दं वि॒श्व॒म सृ॒जन्त॑ ।
यद्वि॒श्व॒म सृ॒जन्त॑ । तस्मा॑ द्वि॒श्व सृ॒जः ॥ वि॒श्व मे॒ना न॒नु प्र॒जा॒य॒ते ।
ब्र॒ह्म॒णः सा॒यु॒ज्यं॒ स लो॒क॒तां य॑न्ति । ए॒तासा॑ मे॒व दे॒व॒ता॒नां॒ सा॒यु॒ज्यम् ।
सा॒रू॒ष्टि॒तां॒ स॒मा॒न लो॒क॒तां य॑न्ति । य ए॒त दु॒प॒य॑न्ति । ये चै॒नत्प्रा॑हुः ।
येभ्य॑ श्रै॒नत्प्रा॑हुः ।

॥ आरण्यके प्रथम प्रश्नः ॥ प्रथम पञ्चाति ।

ॐ भ॒द्रं क॒र्णे॒भिः शृ॑णु॒याम॑ दे॒वाः । भ॒द्रं प॒श्ये॒मा क्ष॑भि॒र्यज॑त्राः ।
स्थि॒रैर॑ङ्गै॒ स्तु॒ष्टुवा॑ं॒ स॒स्त॒नूभिः॑ । व्य॒शेम॑ दे॒व॒हि॒तं य॒दायुः॑ ।
स्व॒स्ति न॑ इन्द्रो॒ वृ॒द्धश्र॑वाः । स्व॒स्ति नः॑ पू॒षा वि॒श्व॒वे॒दाः ।
स्व॒स्ति न॑स्ता॒क्षर्यो॑ अरि॒ष्टने॑मिः । स्व॒स्ति नो॑ बृ॒हस्प॑तिर्दधातु ॥
आप॑-मा॒पा-म॒पः सर्वाः॑ । अ॒स्मा-द॒स्मा-दि॒तोऽमु॑तः ॥ अ॒ग्नि-वा॒युश्च॑ सूर्यश्च ।



॥ आरण्यके दशम प्रश्नः ॥ अन्त्य पञ्चाति ।

तस्यै॒वं वि॒दुषो॑ यज्ञ॒-स्या॒त्मा यज॑मानः श्रद्धा पत्नी शरीर मि॒ध्म-मु॒रो वेदि॑ लो॒मानि॑
बर्हि॑ वे॒दः शि॒खा हृ॒दयं॑ यू॒पः का॒म आ॒ज्यं म॒न्युः प॒शु-स्त॒पोऽग्नि॑-र्द॒मः श॒मयि॑ता
दक्षि॑णा वा॒ग्घो॒ता प्रा॒ण उ॒द्गा॒ता चक्षु॑र-ध्व॒र्यु र्म॒नो ब्र॒ह्मा श्रो॒त्र म॒ग्नी-द्या॒व-द्वि॒यते॑ सा
दी॒क्षा यद॑-श्नाति तद्वि॒र्य-त्पि॒बति॑ तद॒स्य सो॒मपा॑नं यद्र॒मते॑ तदु॒पस॑दो यत्सञ्चर-
त्यु॒पवि॑श-त्यु॒त्तिष्ठ॑ते च स प्र॒वर्ग्यो॑ यन्मु॒खं तदा॑-ह॒वनी॒यो या व्या॑हति राहुति र्यद॒स्य
वि॒ज्ञानं॑ तज्जुहोति यत्सा॒यं प्रा॒तर॑त्ति तत्स॒मिधं॑ यत्प्रा॒त-र्म॑ध्य॒न्दिन॑ः सा॒यं च ता॑नि
स॒वनानि॑ ये अ॒हो॒रात्रे॑ ते दर्शपूर्ण॒मासौ॑ येऽर्ध॒मासा॑श्च मा॒साश्च॑ ते चातु॒र्मास्या॑नि य
ऋ॒तव॑स्ते प॒शुब॑न्धा ये सं॒वत्स॑राश्च परि॒वत्स॑राश्च तेऽह॒र्गणाः॑ स॒र्ववे॑दसं वा ए॒तत्स॑त्रं
यन्म॑रणं तद॒वभृ॑थ ए॒तद्वै ज॑राम॒र्य-म॒ग्निहो॑त्रः स॒त्रं य ए॒वं वि॒द्वा-नु॑द॒गय॑ने प्र॒मीय॑ते
दे॒वाना॑मे॒व म॒हिमा॑नं ग॒त्वाऽऽदि॑त्यस्य सा॒युज्यं॑ गच्छत्यथ यो दक्षि॑णे प्र॒मीय॑ते पि॒तृणा॑
मे॒व म॒हिमा॑नं ग॒त्वा च॑न्द्रम॒सः सा॒युज्यं॑ स॒लोक॑ता मा॒प्नोत्ये॒तौ वै सू॒र्या च॑न्द्रम॒सो
म॒हिमा॑नौ ब्रा॒ह्मणो॑ वि॒द्वा न॒भि-ज॑यति तस्माद् ब्र॒ह्मणो॑ म॒हिमा॑न मा॒प्नोति॑ तस्माद्
ब्र॒ह्मणो॑ म॒हिमा॑न मित्यु॒पनि॑षत् ॥

॥ घोषशांति ॥

शं नो वा॒तः प॒वतां॑ मा॒तरि॑श्वा शं न स्त॒पतु॑ सू॒र्यः ।

अ॒हानि॑ शं भ॒वन्तु॑ न॒शः रा॒त्रिः प्र॒ति धी॑यताम् ॥

श॒मुषा॑ नो व्यु॒च्छतु॑ श॒मादि॑त्य उदे॒तु नः॑ ।

शि॒वा न॒शन्त॑मा भ॒व सु॒मृडी॑का सर॒स्वति॑ । मा ते व्यो॒म संदृ॑शि ॥

इ॒डा॒यै वा॒स्त्वसि॑ वा॒स्तु म॒द्वा स्तु॑म॒न्तो भू॒यास्म मा वा॒स्तो श्रि॑त्-स्म॒ह्य



वा॒स्तु॒स्स भू॒या द्योऽ॒स्मान् द्वे॒टि यं च व॒यं द्वि॒ष्मः ॥

प्र॒तिष्ठाऽ॒सि प्र॒तिष्ठा॒वन्तो भू॒यास्म मा प्र॒तिष्ठा॒या श्रि॒त्-स्म॒ह्य

प्र॒तिष्ठा॒स्स भू॒या द्योऽ॒स्मान् द्वे॒टि यं च व॒यं द्वि॒ष्मः ॥

आ वा॒त वा॒हि भे॒षजं वि वा॒त वा॒हि य॒द्रपः ।

त्व॑ हि वि॒श्व भे॒षजो दे॒वानां दू॒त ई॒यसे ॥

द्वा॒विमौ वा॒तौ वा॒त आ॒सिन्धो रा॒प रा॒वतः ।

दक्षं मे अ॒न्य आ॒वातु॒ पराऽ॒न्यो वा॒तु य॒द्रपः ॥

यद॒दो वा॒त ते गृ॒हेऽ॒मृत॒स्य नि॒धिर् हितः ।

ततो नो दे॒हि जी॒वसे ततो नो धे॒हि भे॒षज॒म् ।

ततो नो म॒ह आ॒वह वा॒त आ॒वातु भे॒षज॒म् ।

शंभू॒ र्मयो भू॒र्नो हृ॒दे प्र॒ण आ॒यू॑षि ता॒रिष॒त् ॥

इन्द्र॒स्य गृ॒होऽ॒सि तं त्वा प्र॒पद्ये स॒गु स्सा॒श्वः ।

सह यन्मे अ॒स्ति तेन ॥

भूः प्र॒पद्ये भुवः प्र॒पद्ये सु॒वः प्र॒पद्ये भूर्भुव॒स्सुवः प्र॒पद्ये

वा॒युं प्र॒पद्येऽ॒ना॒र्ता दे॒वतां प्र॒पद्येऽ॒श्मा॒नमा ख॒णं प्र॒पद्ये

प्र॒जाप॒ते ब्र॒ह्म॒कोशं ब्र॒ह्म प्र॒पद्य ओं प्र॒पद्ये ॥

अ॒न्त॒रि॒क्षं म उ॒र्वन्त॒रं बृ॒हद॒ग्नयः प॒र्वता॒श्च य॒या वा॒त स्स्व॒स्त्या

स्व॒स्ति मां त॒या स्व॒स्त्या स्व॒स्ति मा॒नसा॒नि ॥

प्रा॒णापा॒नौ मृ॒त्योर्मा पा॒तं प्रा॒णापा॒नौ मा मा हा॒सिष्टं

म॒यि मे॒धां म॒यि प्र॒जां म॒य्यग्नि॒स्तेजो द॒धातु

म॒यि मे॒धां म॒यि प्र॒जां म॒यीन्द्र इन्द्रि॒यं द॒धातु



मयि॑ मे॒धां मयि॑ प्र॒जां मयि॑ सूर्यो॑ भ्राजो॑ दधातु ॥
द्यु॒भि र॒क्तुभिः॑ परि॒पात॑ मस्मा॒ नरि॑ष्टेभि रश्वि॒ना सौ॒भगे॑भिः ।
तन्नो॑ मि॒त्रो वरु॑णो मा॒मह॑न्ता मदि॒ति स्सि॑न्धुः पृथि॒वी उत॑ द्यौः ॥
कया॑ नश्चि॒त्र आ॒भुव॑दूती सदा॒वृध॑स्सखा ।
कया॑ शचि॒ष्ठया॑ वृ॒ता ॥
कस्त्वा॑ स॒त्यो म॒दानां॑ म॒हि॒ष्ठो म॒थ्स द॒न्धसः॑ ।
दृ॒ढा चि॒दा रु॒जे वसु॑ ॥
अभी॑-षुण॒ स्सखी॑ना मवि॒ता ज॒रितृ॑णाम् ।
शतं॑ भ॒वा स्यू॑तिभिः ॥
वय॑ स्सुप॒र्णा उप॑से दु॒रिन्द्रं॑ प्रि॒य मे॒धा ऋ॑षयो नाध॒मानाः॑ ।
अप॑ ध्वान्त॒ मूर्णु॑हि पू॒र्धि चक्षु॑-र्मु मु॒ग्ध्यस्मा॑ न्नि॒धये॑व ब॒द्धान् ॥
श न्नो॑ दे॒वीर॑भिष्टय॒ आपो॑ भवन्तु पी॒तये॑ ।
शं यो॒रभि॑स्त्रवन्तु नः ॥
ई॒शाना॑ वा॒र्याणां॑ क्षयन्ती श्र॒ष्णीना॑म् ।
अपो॑ या॒चामि॑ भेषजम् ॥
सुमि॒त्रा न आप॑ ओष॒धय॑ स्सन्तु दु॒र्मि॒त्रा स्तस्मै॑
भूया॑ सूर्यो॑ऽस्मान् द्वे॒टि यं च॑ वयं द्वि॒ष्मः ॥
आपो॑ हि॒ष्ठा म॒यो भुव॑ स्तान ऊ॒र्जे द॑धातन । महे॒रणा॑य चक्ष॒से ॥
योवः॑ शि॒वत॑मो र॒स स्तस्य॑ भाजय ते॒हनः॑ । उ॒शती॑रिव मा॒तरः॑ ॥
तस्मा॑ अ॒रंग॑माम वो यस्य क्षया॒य जि॒न्वथ॑ । आपो॑ ज॒नय॑था च नः ॥
पृथि॒वी शान्ता॑ साऽग्नि॒ना शान्ता॑ सा मे शान्ता॑ शुच॒ः शम॑यतु ॥



अन्तरिक्षं॑ शान्तं॑ तद्वायुना॑ शान्तं॑ तन्मे॑ शान्तं॑ शुचं॑ शमयतु ॥

द्यौश्शान्ता॑ साऽऽदित्येन॑ शान्ता॑ सा मे॑ शान्ता॑ शुचं॑ शमयतु ॥

पृथिवी॑ शान्ति॑ रन्तरिक्षं॑ शान्ति॑ द्यौः॑ शान्ति॑ दिशः॑ शान्ति॑ र-वान्तर॑ दिशाः॑
शान्ति॑ रग्निः॑ शान्ति॑ वायुः॑ शान्ति॑ रादित्यः॑ शान्ति॑ श्वन्द्रमाः॑ शान्ति॑ नक्षत्राणि॑
शान्ति॑ रापः॑ शान्ति॑ रोषधयः॑ शान्ति॑ र्वनस्पतयः॑ शान्ति॑ गौः॑ शान्ति॑ रजा॑
शान्ति॑ रश्वः॑ शान्तिः॑ पुरुषः॑ शान्ति॑ ब्रह्म॑ शान्ति॑ ब्राह्मणः॑ शान्तिः॑ शान्ति॑ रेव॑
शान्तिः॑ शान्ति॑ मे॑ अस्तु॑ शान्तिः॑ ॥

तया॑ ह॒ शान्तया॑ सर्व॑ शान्त्या॑ मह्यं॑ द्विपदे॑ चतुष्पदे॑ च
शान्तिं॑ करोमि॑ शान्ति॑ मे॑ अस्तु॑ शान्तिः॑ ॥

एह॑ श्रीश्च॑ ह्रीश्च॑ धृतिश्च॑ तपो॑ मेधा॑ प्रतिष्ठा॑ श्रद्धा॑ सत्यं॑
धर्म॑ श्रैतानि॑ मोत्तिष्ठन्त॑ मनूत्तिष्ठन्तु॑ मा मा॑ श्रीश्च॑ ह्रीश्च॑ धृतिश्च॑
तपो॑ मेधा॑ प्रतिष्ठा॑ श्रद्धा॑ सत्यं॑ धर्म॑ श्रैतानि॑ मा मा॑ हासिषुः॑ ॥

उदायुषा॑ स्वायुषो॑ दोषधीनां॑ रसेनो॑ त्पर्जन्यस्य॑
शुष्मेणो॑ दस्था॑ ममृतां॑ अनु॑ ॥

त॑ च॒क्षुर्दे॒वहितं॑ पुरस्ता॑ च्छुक्र॑ मुच्चरत् । पश्येम॑ शरद॑ शशतं॑ जीवेम॑ शरद॑ शशतं॑
नन्दाम॑ शरद॑ शशतं॑ मोदाम॑ शरद॑ शशतं॑ भवाम॑ शरद॑ शशतं॑ शृण्वाम॑ शरद॑ शशतं॑
प्रब्रवाम॑ शरद॑ शशतं॑ मजीतास्स्याम॑ शरद॑ शशतं॑ ज्योक्च॑ सूर्य॑ दृशे ॥

य॑ उद॒गान् मह॒तोऽर्ण॒वा द्विभ्राज॑मान॒ स्सरिर॑स्य म॒ध्या थ्स॑ मा वृषभो॑
लोहि॑ताक्ष॒ स्सूर्यो॑ विपश्चिन् मनसा पुनातु ॥

ब्रह्म॑ण॒ श्चोत॑न्यसि॒ ब्रह्म॑ण॒ आ॒णि स्थो॑ ब्रह्म॑ण॒ आव॑पनमसि॒



धारिते॒यं पृ॒थि॒वी ब्र॒ह्म॒णा म॒ही धा॒रित॒-मे॒नेन॒ मह॒ दन्त॑रि॒क्षं
दि॒वं दा॒ धार॒ पृथि॒वीꣳ सदे॒वां यद॑हं वेद
तद॑हं धा॒रया॒णि मा म॒द्वेदोऽधि॑ वि॒स्त्रस॑त् ॥
मे॒धाम॒नीषे॒ माऽऽवि॑शताꣳ स॒मीची॑ भू॒तस्य॑ भ॒व्यस्या॑ व॒रुदू॑ध्यै
सर्व॑मायुरया॒णि सर्व॑मायुरया॒णि ॥
आभि॑र्गी॒र्भि र्यद॑तो न ऊ॒नमा॑प्याय॒य हरि॑वो वर्ध॒मानः॑ ।
यदा॑ स्तोतृ॒भ्यो म॒हि गो॒त्रा रु॒जासि॑ भूयि॒ष्ठ भा॒जो अध॑ ते स्याम ॥
ब्र॒ह्म प्रा॒वादि॑ष्म तन्नो माहा॒सीत् ॥
ओं शान्तिः॑ शान्तिः॑ शान्तिः॑ ॥



॥ ओषधि सूक्तम् ॥

या जाता ओषधयो देवेभ्य स्त्रियुगं पुरा ।
मन्दामि बभ्रूणा मह॑ शतं धामानि सप्त च ॥
शतं वो अम्ब धामानि सहस्र मुत वो रुहः ।
अथा शतक्रत्वो यूयं मिमं मे अगदं कृत ॥
पुष्पावतीः प्रसूवतीः फलिनीर फलाउत ।
अश्वा इव सजित्वरी वीरुधः पार यिष्णवः ॥
ओषधीरिति मातर स्तद्वो देवी रुप ब्रुवे ।
रपा॑सि विध्वतीरितर पश्चातयमानाः ॥
अश्वत्थे वो निषदनं पर्णे वो वसतिष्कृता ।
गोभाज इत्किला सथ यत्स नवथ पूरुषम् ॥
यदहंवा जयन्निमा ओषधीरू हस्त आदधे ।
आत्मा यक्ष्मस्य नश्यति पुरा जीव गृभो यथा ॥
यदोषधय स्संगच्छन्ते राजानः समिता विव ।
विप्रः स उच्यते भिषग्रक्षो हामी वचातनः ॥
निष्कृतिर्नाम वो माताथा यूय॑ स्थ संकृतीः ।
सराः पतत्रिणीः स्थन यदा मयति निष्कृत ॥
अन्या वो अन्यामव त्वन्यान्यस्या उपावत ।
ताः स्सर्वा ओषधय संविदाना इदं मे प्रावता वचः ॥
उच्छुष्मा ओषधीनां गावो गोष्ठादिवेरते ।
धन॑ सनिष्यन्ति नामात्मानं तव पूरुष ॥



अति॑ वि॒श्वाः॑ परि॒ष्ठाः॑ स्तेन॑ इव॒ व्रज॑मक्रमुः ।
 ओष॑धय प्राचु॒च्य वु॒र्यत्किं॑ च तनु॑ वाꣳ रपः ॥
 यास्त॑ आतस्तु॒ रात्मानं॑ याँ आवि॑ वि॒शुः प॒रुः प॒रुः ।
 तास्ते॑ यक्ष्मं वि॒बाध॑न्ता मु॒ग्रो म॒ध्यम॑ शीरिव ॥
 साकं॑ यक्ष्म प्रप॑त श्येनेन॒ किकि॑दीविना ।
 साकं॑ वात॒स्य ध्राज्या॑ साकं॑ न्नश्य॑ निहाकया ॥
 अश्वा॑वतीꣳ सोम॑वती मूर्ज॑यन्ती मुदो॒जसम् ।
 आवि॑त्सि सर्वा ओष॑धी रस्मा अरि॒ष्टता॑तये ॥
 याः फ॒लिनी॑र्या अफ॒ला अपु॑ष्पा याश्च पु॒ष्पिणीः॑ ।
 बृह॑स्पति प्रसू॒ता स्तानो॑ मुञ्च॒न्त्वꣳ ह॑सः ॥
 या ओष॑धय सोम॒राज्ञीः॑ प्रवि॒ष्टाः पृ॑थिवी मनु ।
 तासा॑ त्वम स्यु॒त्तमा॑ प्र॒णो जी॑वातवेसुव ॥
 अव॑पतन्तीरवदन् दिव ओष॑धयः परि ।
 यं जी॑वमशू॒ज्ञवा॑ महै न स रि॒ष्याति॑ पू॒रुषः॑ ॥
 याश्चे॒दमुप॑ शृण्वन्ति याश्च दूरं॑ परा॒गताः॑ ।
 इह॑संगत्यता स्सर्वा॑ अस्मै सन्द॑त्त भेषजम् ॥
 मा वो रि॑षत्खनिता यस्मै चाहं॑ खनामिवः ।
 द्वि॒पश्च॑तुष्प दस्माकꣳ सर्व॑मस्त्वनातुरम् ॥
 ओष॑धय स्संवदन्ते सोमेन॒ सह॑राज्ञा ।
 यस्मै॑ करोति ब्राह्म॒णस्तꣳ राज॑न् पारयामसि ॥
 ॥ ॐ शान्तिः॑ शान्तिः॑ शान्तिः॑ ॥



॥ मेधासूक्तम् ॥

मे॒धादे॒वी जु॒षमा॒णा न आ॒गा॒द्वि॒श्वा॒ची भ॒द्रा सु॒मन॑स्यमा॒ना ।

त्वया जु॒ष्टा जु॒षमा॒णा दुरु॑क्तान् बृ॒हद्व॑दे॒म वि॒दथे॑ सु॒वीराः॑ ।

त्वया जु॒ष्ट ऋ॒षिर्भ॑वति दे॒वि त्वया॑ ब्र॒ह्माऽऽ॒गत॑श्रीरु॒त त्वया॑ ।

त्वया जु॒ष्ट श्चि॒त्रं वि॒न्दते॑ वसु॒ सानो॑ जु॒षस्व॑ द्र॒वि॒णो न मे॒धे ॥

मे॒धां म इ॒न्दो द॑दातु मे॒धां दे॒वी सर॑स्वती ।

मे॒धां मे अ॒श्विना॑वु॒भावा॑धत्तां पु॒ष्कर॑स्त्रजा ।

अ॒प्सरा॑सु च या मे॒धा ग॒न्धर्वे॑षु च य॒न्मनः॑ ।

दै॒वीं मे॒धा म॒नुष्य॑जा सा मां मे॒धा सु॒रभि॑र्जु॒षता॑म् ॥

आ॒मां मे॒धा सु॒रभिर्वि॑श्वरू॒पा हि॒रण्य॑वर्णा जगती जग॒म्या ।

ऊ॒र्ज॒स्वती॑ पयसा पि॒न्वमा॑ना सा मां मे॒धा सु॒प्रती॑का जु॒षन्ता॑म् ।

मयि॑ मे॒धां मयि॑ प्र॒जां मय्य॑ग्निस्तेजो द॒धातु॑

मयि॑ मे॒धां मयि॑ प्र॒जां मयी॑न्द्र इन्द्रि॒यं द॒धातु॑

मयि॑ मे॒धां मयि॑ प्र॒जां मयि॑ सूर्यो भ्राजो द॒धातु॑ ।

ॐ म॒हादे॒व्यै च वि॒द्महे॑ ब्र॒ह्मप॑त्नी च धीमहि । तन्नो॑ वा॒णी प्र॑चोदयात् ॥

ॐ ह॒ंस ह॒ंसाय॑ वि॒द्महे॑ पर॒मह॑ंसाय धीमहि । तन्नो॑ ह॒ंसः प्र॑चोदयात् ॥

ॐ शा॒न्तिः शा॒न्तिः शा॒न्तिः ॥



॥ नीळा सूक्तम् ॥

ओम् ॥

नीळा देवी शरण महं प्रपद्ये ॥

गृणाहि । घृतवती सवित राधिपत्यैः पयस्वती रन्ति-राशानो अस्तु ॥

ध्रुवा दिशां विष्णु पत्न्य घोराऽस्येशाना सहसोया मनोता ॥

बृहस्पति मातरिश्वोत वायु स्संधुवाना-वाता अभि नो गृणन्तु ॥

विष्टंभो दिवो ध्रुणः पृथिव्या अस्येशाना जगतो विष्णु पत्नी ॥

विष्णु पत्न्यैच विद्महे श्री भूसख्यै च धीमहि ।

तन्नो नीळा प्रचोदयात् ॥

ॐ शान्तिः शान्तिः शान्तिः ॥



॥ ऐकमत्य सूक्तम् ॥

सं॑ समि॒द्यु॒वसे॑ वृष॒न्न॒ग्रे वि॒श्वा न्य॒र्य आ ।

इ॒डस्प॑दे॒ समि॒ध्यसे॑ स नो वसू॒न्या भार॑ ॥

सं गच्छ॑ध्वं सं वाद॑ध्वं सं वो मनांसि॑ जानताम् ।

दे॒वा भा॒गं यथा॑ पूर्वे॑ सं॒जाना॑ना उपासाते ॥

समा॒नो मन्त्रः॑ समी॒तिः समा॒नी सा॒मानं॑ मनः॑ सह चित्त॑मेषाम् ।

समा॒नं मन्त्रा॑मभि मन्त्र॒ये वः समा॑नेना वो ह॒विषा॑ जुहोमि ॥

समा॒नी व आकू॑तिः समा॒ना हृदा॑यानि वः ।

समा॒न मस्तु॑ वो मनो॑ यथा॑ वः सु॒-सहा॑साति ॥

ॐ शान्तिः॑ शान्तिः॑ शान्तिः॑ ॥

oooooooo



॥ सरस्वती सूक्तम् ॥

प्र णो॑ दे॒वी सर॑स्वती वा॒जेभि॑र्वा॒जिनी॑वती । धी॒नाम॑वि॒त्र्यव॑तु ॥
आ नो॑ दि॒वो बृ॒हतः॑ पर्व॒तादा॑ सर॒स्वती॑ यज॒ताग॑न्तु यज्ञ॒म् ।
हव॑ं दे॒वी जु॒जुषा॑णा घृ॒ताची॑ श॒ग्मां नो॑ वाच॒मुश॑ती शृ॒णोतु॑ ॥
पा॒वीर॑वी क॒न्या चि॒त्रायुः॑ सर॒स्वती॑ वी॒र प॑त्नी धि॒यं धा॑त् ।
ग॒नाभि॑र च्छि॒द्रं श॑रणं सजोषा दुराध॒रषं॑ गृ॒णते॑ शर्म॒ यंस॑त् ॥
इ॒मा जु॒ह्वा॒ना यु॒ष्मदा॑ नमो॒भिः । प्र॒ति स्तो॑मं सर॒स्वती॑ जुष॒स्व ।
तव॑ शर्मन् प्रि॒यत॑मे द॒धानाः॑ । उप॒स्थेया॑म शरणं न वृक्ष॒म् ॥
यस्ते॑ स्तेनः शश॒यो यो म॑योभूः । येन॑ वि॒श्वा पु॒ष्यसि॑ वा॒र्याणि॑ ।
यो र॒त्नधा॑ वसु॒विद्यः॑ सु॒दत्रः॑ । सर॒स्वती॑ तमिह॒ धात॑वेऽकः ॥
सर॒स्वत्य॑भि नो॒ नेषि॑ वस्यः । मा प॒स्फरीः॑ पय॒सा मा न॑ आ॒धक् ।
जुष॒स्व नः॑ स॒ख्या वे॒श्या च॑ । मा त्वत् क्षे॒त्राण्य॑रणानि गन्म ॥
इ॒यं शु॒ष्मेभि॑ बि॒सखा॑ इ॒वारु॑जत् । सा॒नु गि॒रीणां॑ तवि॒षे भि॑रूर्मिभिः ॥
पा॒राव॑द॒ध्नी म॑वसे सुवृ॒क्तिभिः॑ । सर॒स्वती॑ मा॒विवा॑सेम धी॒तिभिः॑ ॥

ॐ शान्तिः॑ शान्तिः॑ शान्तिः॑ ॥



॥ सर्प सूक्तम् ॥

नमो॑ अस्तु॑ सर्पे॒भ्यो॑ ये के च॑ पृथि॒वीमनु॑ ।
ये अन्तरि॑क्षे ये दिवि॑ तेभ्यः॑ सर्पे॒भ्यो नमः॑ ॥
येऽदो॑ रोचने॑ दिवो॑ ये वा सूर्य॑स्य रश्मिषु॑ ।
येषामप्सु॑ सदः॑ कृतं॑ तेभ्यः॑ सर्पे॒भ्यो नमः॑ ॥
या इष॑वो यातु॑ धानानां॑ ये वा वनस्पती॑ रनु ।
ये वाऽव॑टेषु॑ शेरते॑ तेभ्यः॑ सर्पे॒भ्यो नमः॑ ॥
इदं॑ सर्पे॒भ्यो ह॒विरस्तु॑ जुष्टम् । आ श्रेषा॑ येषा॑ मनुयन्ति॑ चेतः ।
ये अन्तरि॑क्षं पृथि॒वीं क्षियन्ति॑ । ते न स्पर्सा॑सो हव॑ मागमिष्ठाः ।
ये रोचने॑ सूर्य॑ स्यापि॑ सर्पाः । ये दिवं॑ देवी॑ मनु॑ सञ्चरन्ति ।
येषामा॑ श्रेषा॑ अनुयन्ति॑ कामम् । तेभ्य॑ स्सर्पे॒भ्यो मधु॑म जुहोमि ॥
निघृष्वै॑ रसमायुतैः । कालैर्॑ हरित्वमापन्नैः । इन्द्रा॑याहि॑ सहस्रयुक् ॥
अग्नि॑र्विभ्राष्टि॑ वसनः । वायु॑श्चेत॑ सिकद्रुकः ।
संवत्स॑रो विषू॒वर्णैः॑ । नित्या॑स्तेऽनुच॑रास्तव ॥
सुब्र॑ह्मण्योऽ सुब्र॑ह्मण्योऽ सुब्र॑ह्मण्योम् ॥



॥ स्वस्ति सूक्तं ॥

स्वस्ति नौ॑ मिमी॒ताम॑श्विना॒ भगः॑ स्वस्ति॒ देव्यदि॑तिरन॒र्वणः॑ ।
स्वस्ति॒ पूषा॑ असुरो॒ दधातु॑ नः स्वस्ति॒ द्यावा॑ पृथि॒वी सु॑चेतुना ॥
स्वस्तये॑ वायुमुप॒ ब्रवाम॑है सोमं॑ स्वस्ति॒ भुवन॑स्य यस्पतिः ।
बृहस्पतिं॑ सर्व॒गणं॑ स्वस्तये॑ स्वस्तये॑ आदि॒त्यासो॑ भवन्तु नः ॥
विश्वे॑ देवा नो॑ अद्या स्वस्तये॑ वैश्वानरो॒ वसुर॑ग्निः स्वस्तये॑ ।
देवा॑ अवन्तृ॒भवः॑ स्वस्तये॑ स्वस्ति नो॑ रु॒द्रः पा॒त्वंह॑सः ॥
स्वस्ति॒ मि॒त्राव॑रुणो स्वस्ति॒ पथ्ये॑ रेवति ।
स्वस्ति न॑ इन्द्रश्चाग्निश्च स्वस्ति नो॑ अदि॒ते कृ॑धि ॥
स्वस्ति॒ प॒न्वाम॑नुचरेम॒ सूर्या॑चन्द्र॒ मसा॑विव ।
पुनर्द॑दताघ्नता॒ जान॑ता संगमेमहि ॥
स्वस्त्य॑यनं ताक्ष॒र्यम॑रिष्टनेमिं॒ महद्भू॑तं वायसं॒ देवता॑नां ।
असुर॑घ्नमिन्द्रसखं॒ समत्स्य॑ बृहद्यशो॒ नावमि॑वारुहेम ॥
अ॒होमु॑चमाड॒गिर॑सं गयं च स्वस्त्या॒त्रेयं॑ मनसा च ताक्ष॒र्यं ।
प्रय॑तपाणिः शरणं॒ प्रप॑द्ये स्वस्ति॒ संबा॑धेष्वभयं नो असतु ॥
ॐ शान्तिः॑ शान्तिः॑ शान्तिः॑ ॥



॥ देवीसूक्तम् ॥

अहं रुद्रेभिरित्यादि मन्त्रस्य ब्रह्माद्या ऋषयो गायत्र्यादीनि छन्दांसि

आद्या देवी देवता देवीसूक्तजपे विनियोगः ।

अहं रुद्रेभि र्वसुभिश्चराम्यह मादितैरुत विश्व देवैः ।

अहं मित्रा वरुणोभा बिभर्म्यह मिन्द्राग्नी अहमश्विनोभा ॥ १ ॥

अहं सोममाहनसं बिभर्म्यहं त्वष्टारमुत पूषणं भगम् ।

अहं दधामि द्रविणं हविष्मते सुप्राव्ये यजमानाय सुन्वते ॥ २ ॥

अहं राष्ट्री संगमनी वसूनां चिकितुषी प्रथमा यज्ञियानाम् ।

तां मा देवा व्यदधुः पुरुत्रा भूरिष्ठात्रां भूर्या वेशयन्तीम् ॥ ३ ॥

मया सो अन्नमत्ति यो विपश्यति यः प्राणिति य ईं शृणोत्युक्तम् ।

अमन्तवो मां त उप क्षियन्ति श्रुधि श्रुत श्रद्धिवं ते वदामि ॥ ४ ॥

अहमेव स्वयमिदं वदामि जुष्टं देवेभिरुत मानुषेभिः ।

यं कामये तं तमुग्रं कृणोमि तं ब्रह्माणं तमृषिं तं सुमेधाम् ॥ ५ ॥

अहं रुद्राय धनुरा तनोमि ब्रह्मद्विषे शरवे हन्तवा उ ।

अहं जनाय समदं कृणोम्यहं द्यावापृथिवी आ विवेश ॥ ६ ॥

अहं सुवे पितरमस्य मूर्धन् मम योनिरप्स्वन्तः समुद्रे ।

ततो वितिष्ठे भुवनानु विश्वोतामूं द्यां वर्ष्मणोप स्पृशामि ॥ ७ ॥

अहमेव वात इव प्रवाम्यारभमाणा भुवनानि विश्वा ।

परो दिवा पर एना पृथिव्यै तावती महिमा सं वभूव ॥ ८ ॥ ॥

००००००००



॥ मन्त्रपुष्पम् ॥

योऽपां पुष्पं वेद । पुष्पवान् प्रजावान् पशुमान् भवति ।
चन्द्रमा वा अपां पुष्पम् । पुष्पवान् प्रजावान् पशुमान् भवति ।
य एवं वेद । योऽपा मायतनं वेद । आयतनवान् भवति ॥ १ ॥

अग्निर्वा अपा मायतनम् । आयतनवान् भवति ।
योऽग्ने रायतनं वेद । आयतनवान् भवति ।
आपो वा अग्ने रायतनम् । आयतनवान् भवति ।
य एवं वेद । योऽपामायतनं वेद । आयतनवान् भवति ॥ २ ॥

वायुर्वा अपा मायतनम् । आयतनवान् भवति ।
यो वायो रायतनं वेद । आयतनवान् भवति ।
आपो वै वायो रायतनम् । आयतनवान् भवति ।
य एवं वेद । योऽपा मायतनं वेद । आयतनवान् भवति ॥ ३ ॥

असौ वै तपन्नपा मायतनम् । आयतनवान् भवति ।
योऽमुष्य तपत आयतनं वेद । आयतनवान् भवति ।
आपो वा अमुष्य तपत आयतनम् । आयतनवान् भवति ।
य एवं वेद । योऽपा मायतनं वेद । आयतनवान् भवति ॥ ४ ॥

चन्द्रमा वा अपा मायतनम् । आयतनवान् भवति ।
यश्चन्द्र मस आयतनं वेद । आयतनवान् भवति ।



आपो॑ वै च॒न्द्रम॑स आय॒तन॑म् । आय॒तन॑वान् भवति ।
य ए॒वं वेद॑ । योऽपा॒माय॑तनं वेद॑ । आय॒तन॑वान् भवति ॥ ५ ॥

नक्ष॑त्राणि वा अ॒पा मा॑यतनम् । आय॒तन॑वान् भवति ।
यो नक्ष॑त्राणा मा॒यत॑नं वेद॑ । आय॒तन॑वान् भवति ।
आपो॑ वै नक्ष॑त्राणा मा॒यत॑नम् । आय॒तन॑वान् भवति ।
य ए॒वं वेद॑ । योऽपा॒माय॑तनं वेद॑ । आय॒तन॑वान् भवति ॥ ६ ॥

पर्ज॑न्यो वा अ॒पा मा॑यतनम् । आय॒तन॑वान् भवति ।
यः पर्ज॑न्य स्या॒यत॑नं वेद॑ । आय॒तन॑वान् भवति ।
आपो॑ वै पर्ज॑न्यस्याऽऽय॒तन॑म् । आय॒तन॑वान् भवति ।
य ए॒वं वेद॑ । योऽपा॒माय॑तनं वेद॑ । आय॒तन॑वान् भवति ॥ ७ ॥

सं॒वत्स॑रो वा अ॒पा मा॑यतनम् । आय॒तन॑वान् भवति ।
यस्सं॒वत्स॑र स्या॒यत॑नं वेद॑ । आय॒तन॑वान् भवति ।
आपो॑ वै सं॒वत्स॑र स्या॒यत॑नम् । आय॒तन॑वान् भवति ।
य ए॒वं वेद॑ । योऽप्सु॑ ना॒वं प्र॑ति॒ष्ठितां॑ वेद॑ । प्र॒त्येव॑ तिष्ठति ॥ ८ ॥

राजा॑धि राजा॒य प्र॑सह्य साहि॑ने॒ नमो॑ वयं॑ वै श्रव॑णाय कुर्महे ।
स मे॑ का॒मा न्का॑म का॒माय॑ म॒ह्यम॑ का॒मेश्व॑रो वै श्रव॑णो दधातु ।
कु॒बेरा॑य वै श्रव॑णाय म॒हारा॑जाय नमः ॥



॥ जयादि होमं ॥

जयादि होमः कर्म समृद्ध्यर्थम् जयादि होमं करिष्ये ।

चित्तश्च स्वाहा - चित्तायेदंनमम । चित्तिश्च स्वाहा - चित्त्या इदंनमम ।

आकूतश्च स्वाहा - आकूतायेदंनमम । आकूतिश्च स्वाहा - आकूत्या इदंनमम ।

विज्ञातश्च स्वाहा - विज्ञातायेदंनमम । विज्ञानश्च स्वाहा - विज्ञानायेदंनमम ।

मनश्च स्वाहा - मनस इदंनमम । शक्वरीश्च स्वाहा - शक्वरीभ्य इदंनमम ।

दरूशश्च स्वाहा - दरूशायेदंनमम । पूर्णमासश्च स्वाहा - पूर्णमासायेदंनमम ।

बृहश्च स्वाहा - बृहतइदंनमम । रथन्तरश्च स्वाहा - रथन्तरायेदंनमम ।

प्रजापति र्जया निन्द्राय वृष्णे प्रायच्छ दुग्रः पृतनाज्येष्ठ तस्मै विश्व
स्समनमन्त सर्वास्स उग्र स्सहि हव्यो बभूव स्वाहा - प्रजापतय इदंनमम ।

अग्नि र्भूताना मधिपति स्समावत्वस्मिन् ब्रह्मन्नस्मिन् क्षत्रऽस्यामा शिष्यस्यां
पुरोधायामस्मिन् कर्मन्नस्यां देवहूत्याः स्वाहा - अग्नय इदंनमम ।

इन्द्रो ज्येष्ठाना मधिपति स्समावत्वस्मिन् ब्रह्मन्नस्मिन् क्षत्रऽस्यामा शिष्यस्यां
पुरोधायामस्मिन् कर्मन्नस्यां देवहूत्याः स्वाहा - इन्द्रायेदंनमम ।

यमः पृथिव्योऽधिपति स्समावत्वस्मिन् ब्रह्मन्नस्मिन् क्षत्रऽस्यामा शिष्यस्यां
पुरोधायामस्मिन् कर्मन्नस्यां देवहूत्याः स्वाहा - यमायेदंनमम ।

वायु रन्तरिक्षस्याऽधिपति स्समावत्वस्मिन् ब्रह्मन्नस्मिन् क्षत्रऽस्यामा शिष्यस्यां
पुरोधायामस्मिन् कर्मन्नस्यां देवहूत्याः स्वाहा - वायव इदंनमम ।

सूर्यो दिवोऽधिपति स्समावत्वस्मिन् ब्रह्मन्नस्मिन् क्षत्रऽस्यामा शिष्यस्यां
पुरोधायामस्मिन् कर्मन्नस्यां देवहूत्याः स्वाहा - सूर्यायेदंनमम ।



च॒न्द्र॒मा नक्ष॑त्राणामधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – च॒न्द्रम॑स इदं॒नम॑म ।

बृ॒हस्प॑ति ब्र॒ह्मणो॑ऽधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – बृ॒हस्प॑तय इदं॒नम॑म ।

मि॒त्रस्स॑त्याना मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – मि॒त्राये॑दं॒नम॑म ।

व॒रुणो॑ऽपा मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – व॒रुणा॑येदं॒नम॑म ।

स॒मु॒द्रः स्रो॑त्यानामधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – स॒मु॒द्राये॑दं॒नम॑म ।

अ॒न्नꣳ सा॒म्राज्या॑ना मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा
शि॒ष्यस्यां॑ पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – अ॒न्नाये॑दं॒नम॑म ।

सो॒म ओष॑धीना मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – सो॒माये॑दं॒नम॑म ।

स॒वि॒ता प्र॑स॒वाना॑ मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा
शि॒ष्यस्यां॑ पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – स॒वि॒त्र इदं॒नम॑म ।

रु॒द्रः प॑शूना मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑
पुरो॒धायाम॑स्मिन् क॒र्मन्ना॑स्यां दे॒वहू॑त्याꣳ स्वाहा – रु॒द्राये॑दं॒नम॑म ।

(अप॒उप॑स्पृश्य)

त्व॒ष्टा रू॑पाणा मधि॒पति॑ स्स॒माव॑त्वस्मिन् ब्र॒ह्मन्ना॑स्मिन् क्ष॒त्रऽस्या॑मा शि॒ष्यस्यां॑



पुरो॑धायाम॒स्मिन् कर्म॑न्नस्यां दे॒वहू॑त्याꣳ स्वाहा॑ – त्वष्ट्र॑ इदं॒नमम॑ ।

विष्णुः॑ पर्व॒ताना॑ मधि॒पति॑ स्समा॒वत्व॑स्मिन् ब्रह्म॑न्नस्मिन् क्षत्र॑ऽस्यामा शिष्य॑स्यां

पुरो॑धायाम॒स्मिन् कर्म॑न्नस्यां दे॒वहू॑त्याꣳ स्वाहा॑ – विष्णव॑ इदं॒नमम॑ ।

मरु॑तो गणा॒ना मधि॒पति॑ स्समा॒वत्व॑स्मिन् ब्रह्म॑न्नस्मिन् क्षत्र॑ऽस्यामा शिष्य॑स्यां

पुरो॑धायाम॒स्मिन् कर्म॑न्नस्यां दे॒वहू॑त्याꣳ स्वाहा॑ – मरु॑द्भ्य इदं॒नमम॑ ।

पितरः॑ पितामहाः परेऽवरे॑ ततास्त॑ तामहा॑ इहमाऽव॑ तस्मिन् ब्रह्म॑न्नस्मिन्

क्षत्र॑ऽस्यामा शिष्य॑स्यां पुरो॑धायाम॒स्मिन् कर्म॑न्नस्यां दे॒वहू॑त्याꣳ स्वाहा॑ – पितृ॑भ्य
इदं॒नमम॑ ।

(अपउपस्पृश्य) (मन्त्रोक्त देवताभ्य इदंनमम)

ऋ॒ताषा॑ ङृत॒ धामा॑ ग्नि॒ गर्न्ध॑व तस्यौ ष॒धयोऽप्सर॑स ऊ॒र्जो

नाम॑ स इदं॒ ब्रह्म॑क्षत्रं पातु॒ ता इदं॒ ब्रह्म॑ क्षत्रं पान्तु॒ तस्मै॑ स्वाहा॑

अ॒ग्नये॑ गन्ध॒र्वायेदं॑नमम । ताभ्यः॑ स्वाहा॑ ओष॒धीभ्योऽफू॑सरोभ्य इदं॒नमम॑ ।

सꣳहि॒तो वि॒श्व सा॒मा सूर्यो॑ गन्ध॒र्वः स्तस्य॑ मरी॒चयोऽप्सर॑स आ॒युव॑

नाम॑ स इदं॒ ब्रह्म॑क्षत्रं पातु॒ ता इदं॒ ब्रह्म॑ क्षत्रं पान्तु॒ तस्मै॑ स्वाहा॑

सूर्या॑य गन्ध॒र्वायेदं॑नमम । ताभ्यः॑ स्वाहा॑ मरी॒चिभ्योऽफू॑सरोभ्य इदं॒नमम॑ ।

सुषु॑म्नः सूर्य॑ रश्मि॒ श्रन्द्र॑मा गन्ध॒र्वः स्तस्य॑ नक्ष॒त्राण्यऽप्सर॑सो बे॒कुरयो॑

नाम॑ स इदं॒ ब्रह्म॑क्षत्रं पातु॒ ता इदं॒ ब्रह्म॑ क्षत्रं पान्तु॒ तस्मै॑ स्वाहा॑

चन्द्र॑मसे गन्ध॒र्वायेदं॑नमम । ताभ्यः॑ स्वाहा॑ नक्ष॒त्रेभ्योऽफू॑सरोभ्य इदं॒नमम॑ ।

भुज्यु॑ स्सुप॒र्णो यज्ञो॑ गन्ध॒र्वः स्तस्य॑ दक्षि॒णा अ॒प्सरस॑ स्तवा॒

नाम॑ स इदं॒ ब्रह्म॑क्षत्रं पातु॒ ता इदं॒ ब्रह्म॑ क्षत्रं पान्तु॒ तस्मै॑ स्वाहा॑

यज्ञा॑य गन्ध॒र्वायेदं॑नमम । ताभ्यः॑ स्वाहा॑ दक्षि॒णाभ्योऽफू॑सरोभ्य इदं॒नमम॑ ।



प्रजापति॑ विश्व॑कर्मा॒ मनो॑ गन्धर्वः॒ स्तस्य॑ कर्मा॒मानय॑ ष्सरसो॒ वह्न्य॑
नाम॒ स इदं॑ ब्रह्मक्षत्रं॒ पातु॑ ता इदं॑ ब्रह्म॒ क्षत्रं॑ पान्तु॒ तस्मै॑ स्वाहा॑
मनसे॒ गन्धर्व॑येदंनमम । ताभ्यः॒ स्वाहा॑ ऋक्सामभ्योऽफूसरोभ्य इदंनमम ।
इषिरो॒ विश्वव्य॑चा वातो॒ गन्धर्वः॒ स्तस्या॑ पोऽप्सरसो॒ मुदा॑
नाम॒ स इदं॑ ब्रह्मक्षत्रं॒ पातु॑ ता इदं॑ ब्रह्म॒ क्षत्रं॑ पान्तु॒ तस्मै॑ स्वाहा॑

वाताय॒ गन्धर्व॑येदंनमम । ताभ्यः॒ स्वाहा॑ अद्भ्योऽफूसरोभ्य इदंनमम ।
भुवनस्य॒ पते॑ यस्य॒ त उपरि॑ गृहा इह च ।
सनो॒रास्वा॒ज्यानि॑ꣳ रायस्पोषꣳ सुवीर्यꣳ संवत्सरीणाꣳ स्वस्तिꣳ स्वाहा॑
भुवनस्य॒पत्ये॑ इदंनमम ।

परमेष्ठ्यधिपति॑र्मृत्युर्गन्धर्वः॒ स्तस्य॑ विश्व॒ मप्सरसो॒ भुव॑
नाम॒ स इदं॑ ब्रह्मक्षत्रं॒ पातु॑ ता इदं॑ ब्रह्म॒ क्षत्रं॑ पान्तु॒ तस्मै॑ स्वाहा॑
मृत्यवे॒ गन्धर्व॑येदंनमम । ताभ्यः॒ स्वाहा॑ विश्वस्माऽफूसरोभ्य इदंनमम ।
सुक्षितिस्सभूति॑ भद्रकृ॒ त्सुवर्वा॑ न्पर्जन्यो॒ गन्धर्व॑ स्तस्य॒ विद्युतो॑ऽप्सरसो॒ रुचो॑
नाम॒ स इदं॑ ब्रह्मक्षत्रं॒ पातु॑ ता इदं॑ ब्रह्म॒ क्षत्रं॑ पान्तु॒ तस्मै॑ स्वाहा॑
पर्जन्याय॒ गन्धर्व॑येदंनमम । ताभ्यः॒ स्वाहा॑ विद्युद्भ्योऽफूसरोभ्य इदंनमम ।

दूरे॑ हेतिरमृडयो॒ मृत्युर्गन्धर्व॑ स्तस्य॒ प्रजा॑ अप्सरसो॒ भीरुवो॑
नाम॒ स इदं॑ ब्रह्मक्षत्रं॒ पातु॑ ता इदं॑ ब्रह्म॒ क्षत्रं॑ पान्तु॒ तस्मै॑ स्वाहा॑
मृत्यवे॒ गन्धर्व॑येदंनमम । ताभ्यः॒ स्वाहा॑ प्रजाभ्योऽफूसरोभ्य इदंनमम ।

चारुः॑ कृपणकाशी॒ कामो॑ गन्धर्वः॒ स्तस्या॑ धयोऽप्सरस॒ शशोच॑यंती
नाम॒ स इदं॑ ब्रह्मक्षत्रं॒ पातु॑ ता इदं॑ ब्रह्म॒ क्षत्रं॑ पान्तु॒ तस्मै॑ स्वाहा॑



कामाय॑ गन्धर्वा॑येदं॑नमम । ता॒भ्यः स्वाहा॑ ॥ अधि॑भ्योऽफूसरो॑भ्य इदं॑नमम ।
स॒नो॑ भुवन॑स्य प॒ते यस्य॑ त॒ उपरि॑ गृहा॒ इह च॑ ।

उ॒रुब्र॑ह्मणे॒स्मै क्ष॒त्राय॑ म॒हि श॒र्म यच्छ॑ स्वाहा॑ भुवन॑स्यप॒त्ये ब्र॒ह्मण॑ इदं॑नमम ।

In a low voice

प्र॒जाप॑ते न त्वदे॒त-न्य॑न्यो वि॒श्वा जा॑तानि प॒रिता ब॑भूव ।
य॒त्कामा॑स्ते जुहु॒म-स्त॑न्नो अस्तु वय॑ऽस्याम॒ पत॑यो र॒यीणाम् ।
प्र॒जाप॑तय इदं॑नमम ।

Low voice ends

भू॒ स्वाहा॑ ॥ – अ॒ग्नय॑ इदं॑नमम ।

भुव॒ स्वाहा॑ ॥ – वा॒यव॑ इदं॑नमम ।

सुव॒ स्वाहा॑ ॥ – सू॒र्याये॑दं॑नमम ।

य॒दस्य॑ क॒र्मणो॑ऽत्य॒रीरि॑चं य॒द्वा॒न्यून॑मिहाकरम् ।

अ॒ग्नि॒ष्टत् स्वि॒ष्ट कृ॑तद्वि॒द्वान् स्सर्व॑ँ स्वि॒ष्ट सु॒हुतं॑ करोतु स्वाहा॑ ॥

अ॒ग्नये॑ स्वि॒ष्टकृ॑त इदं॑नमम ।

(परि॑ध्य॒ ज्ञन॑म् ले॒पका॑र्यम् परि॑धिप्र॒हरः इ॒तरौ प्र॑हरन् –

आ॒घार॑ स॒मिधौ॑ प्र॒हृत्य॑ सँ स्रा॒वं जु॑होति) स्वाहा॑ ॥

वसु॑भ्यो रु॒द्रेभ्यः॑ आ॒दित्ये॑भ्यः सँ स्रा॒वभा॑गेभ्यः इदं॑नमम ।

अ॒स्मिन् ----- हो॒मक॑र्मणि म॒ध्ये स्सं॑भावित मन्त्र॒लोभा॑दि

स॒कल॑ दोष॒स्य प्रा॑यश्चित्ता॒र्थं सर्व॑ प्रायश्चित्तं होष्यामि ।

ॐ भूर्भुव॑स्सुव॒ स्स्वाहा॑ ॥ – प्र॒जाप॑तय इदं॑नमम ।



ज्ञा॒ता॒ज्ञा॒त दो॒ष निर्ह॑रणार्थं॑ अना॒ज्ञा॒तत्रय॑ होमं करिष्ये ।

अना॒ज्ञा॒तं यदा॒ज्ञा॒तं । यज्ञ॑स्य क्रियते मि॒थु । अग्ने॑ तदस्य कल्पय ।

त्व॑ हिवेत्थ॒ यथा॑ तथ॑ स्वाहा॒ । अग्नय॑ इदंनमम । पु॒रुष॑सम्मि॒तो यज्ञः॑ ।

यज्ञ॑ पु॒रुष॑सम्मि॒तः । अग्ने॑ तदस्य कल्पय । त्व॑ हिवेत्थ॒ यथा॑ तथ॑ स्वाहा॒ ।

अग्नय॑ इदंनमम । यत्पा॒कत्रा॑ मनसा दी॒न द॑क्षान । यज्ञ॑स्य म॒न्वते॑ म॒र्तासः॑ ।

अ॒ग्नि॒ष्टध्दो॒ता क्र॑तु वि॒द्वि॒जान॑न् । यजि॒ष्टो दे॒वा ऋ॑तुशो यजा॒ति स्वाहा॑ ।

अग्नय॑ इदंनमम ।

भू॒ स्वाहा॑ – अग्नय॑ इदंनमम ।

भुव॒ स्वाहा॑ – वायव॑ इदंनमम ।

सुव॒ स्वाहा॑ – सू॒र्याये॑दंनमम ।

अस्मिन् ----- होमकर्मणि मध्ये स्संभावित समस्त दोष प्रायश्चित्तार्थं

सर्व प्रायश्चित्तं होष्यामि ।

ॐ भूर्भुव॑स्सुव॒ स्स्वाहा॑ – प्रजाप॑तय इदंनमम ।

श्री॑ वि॒ष्णवे॑ स्वाहा॒ – श्री॑ वि॒ष्णवे॑ परमा॒त्मन॑ इदंनमम ।

नमो॑ रु॒द्राय॑ प॒शुप॑तये स्वाहा॒ – रु॒द्राय॑ प॒शुप॑तय इदंनमम ।

(अपउपस्पृश्य)



॥ पूर्णाहुति ॥

पूर्णाहुति॑ मु॒त्त॒मां जु॒होति॑ । सर्व॑ वै पूर्णाहुतिः॑ । सर्व॑मे॒वाप्नोति॑ ।

अथो॑ इ॒यं वै पूर्णाहुतिः॑ । अस्यामे॒व प्रति॑ तिष्ठति ।

सप्त॑ते॒ अग्ने॑ स॒मिधः॑ सप्त॑ जिह्वाः

सप्त॑ ऋषयः सप्त॑ धाम॑ प्रियाणि ।

सप्त॑ होत्राः सप्त॑ धात्वा॑ यजन्ति

सप्त॑ योनीरा॑ पृ॒णस्वा॑ घृ॒तेन॑ स्वाहा॑ ।

अ॒ग्नये॑ सप्त॑वत इ॒दं नम॑म ।

अज॑यस्थालीं॒ दर्वीं॑ च उत्तरतो॑ निधाय –

अप॑उपस्पृश्य –

प्रा॒णान् आय॑म्य –

अ॒ग्निं परि॑षिच्य ।

॥ ॐ तत्सत् ॥





COLLECTION OF VARIOUS
-> HINDUISM SCRIPTURES
-> HINDU COMICS
-> AYURVEDA
-> MAGZINES

FIND ALL AT [HTTPS://DSC.GG/DHARMA](https://dsc.gg/dharma)

Made with



By

Avinash/Shashi

**Icreator of
hinduism
server!**

 **KAPWING**



COLLECTION OF VARIOUS
-> HINDUISM SCRIPTURES
-> HINDU COMICS
-> AYURVEDA
-> MAGZINES

FIND ALL AT [HTTPS://DSC.GG/DHARMA](https://dsc.gg/dharma)

Made with




By

Avinash/Shashi

**Icreator of
hinduism
server!**

KAPWING

॥ श्री गुरुभ्यो नमः ॥



॥ हरिः ओम् ॥

तत्सद् ब्रह्मार्पणमस्तु । यद्भद्रम् तन्म आसुव ॥

